





15
4
279

BIBLIOTECA NAZIONALE
CENTRALE • FIRENZE •







I N T E R T I V M
IVSTINI FEBRONII TOMVM
ANIMADVERSIONES

ROMANO-CATHOLICAE
TRIBVS EPISTOLIS COMPREHENSAE

ADCEdit APPENDICIS INSTAR

S. CYPRIANI Episcopi Carthaginienſis & Martyris

L I B E R

DE UNITATE ECCLESIAE

*Cam adnotationibus Illuſtriſſ. Maſſilienſis Episcopi nunc
primum ex Gallico idiomate latine redditis, aliisque
Editoris ad verſus Febronium, Böhmerum, &
Schubertum recentiſſimum inter Proteſtantes
Pontificii Primatus oppugnatorem.*



ROMÆ MDCCLXXIV.

EX TYPOGRAPHIO JOHANNIS ZEMPEL.

SUMPTIBUS VENANTII MONALDINI.

*****X*****
PRAESIDVM FACVLTAŦE.

*Quid non audeat humana temeritas , quum in
sententiam nefandi praecipitatur erroris , quam
relinquere propter vanitatem pudet , & defen-
dere contra veritatem non pudet ?*

S. AVGVSTINVS

contra Cresconium Grammaticum Lib.IV.cap.38.

T Y P O G R A P H V S

L E C T O R I.

I.



Uum *Carthaginem* delatus ne-
 scio quis adversus *Cornelium*
Romanum Pontificem liber fuis-
 set, legi illum vetuit S. Cy-
prianus. Causas ipse *Cyprianus* in Episto-
 la ad eundem *Cornelium*, quae XLII.
 est *Pamelianae* editionis, ita aperit: „ ho-
 „ noris etiam communionis memores, &
 „ gravitatis sacerdotalis, ac sanctitatis re-
 „ spectum tenentes, ea, quae ex diverso
 „ in librum ad nos transmissum congesta,
 „ fuerant acerbationibus criminosis, respui-
 „ mus; considerantes pariter, & ponde-
 „ rantes, quod in tanto fratrum religioso-
 „ que conventu confidentibus Dei Sacerdo-
 „ tibus, & altari posito nec legi debeant,
 „ nec audiri. Neque enim facile promen-
 „ da sunt, & incaute ac temere publican-
 „ da, quae discordioso stylo audientibus scan-
 „ dalum moveant, & fratres longe positos
 „ ac trans mare constitutos incerta opinio-
 „ ne confundant. Viderint qui vel furori
 „ suo, vel libidini servientes, & divinae
 „ legis ac sanctitatis immemores, vel jacti-
 „ tare interim gestiunt, quae probare non
 „ pos-

„ possunt , & quum innocentiam destruere
 „ atque expugnare non valeant , satis ha-
 „ bent fama mendaci & falso rumore ma-
 „ culas inspergere . Certe quod praeposi-
 „ tis & sacerdotibus congruit , danda ope-
 „ ra est , ut talia , quum a quibusdam scri-
 „ buntur , per nos respuantur . Ubi enim
 „ erit , quod discimus , ac docemus scri-
 „ ptum esse : *contine linguam tuam a ma-*
 „ *lo , & labia tua ne loquantur insidiosè ;*
 „ item alibi : *os tuum abundavit malitia ,*
 „ *& lingua tua completebatur insidias ; se-*
 „ *dens adversus fratrem tuum detrahebas ,*
 „ *& adversus filium matris tuae ponebas*
 „ *scandalum ;* item quod Apostolus dicit ,
 „ *omnis sermo malus de ore vestro non pro-*
 „ *cedat , sed bonus ad aedificationem fidei ,*
 „ *ut det gratiam audientibus ?* Porro haec
 „ fieri debere ostendimus , si quando talia
 „ quorundam calumniosa temeritate con-
 „ scripta sunt , legi apud nos non patimur , .

II. Hoc Cypriani exemplum praestantissi-
 mos Germaniae Episcopos , qui primum Fe-
 bronii volumen damnarunt , sequutos fuisse ,
 iisdemque ferme de causis si dixerò , nihil
 sane , quod cum a veritate non omnino con-
 sentiat , protulero . An non enim in eum
 librum congesta fuerant plurimâ *acerbatio-*
nibus criminosis ? an non omnia discordioso
stylo

ſtylo in magnum legentium *ſcandalum* in illo propoſita ? An non eo ſpectaſſe *Febronius* videtur , ut *Romanae* Curiae *fama mendaci* , & *ſaſo rumore maculas inſpergeret* ? Quid ergo *Epifcopi* facerent , praefertim *Romani* Pontificis exemplo , & auctoritate ad id ſe ſe compulſos eſſe quum intelligerent , niſi ut legi *Febronianum* opus *apud ſe non paterentur* ? At fortasſe *Febronius* reponeret , librum a *Cypriano* confixum ad unitatem ſcindendam a *Novatiani* adſeclis fuiſſe compoſitum ; ſe contra librum ſuum , ut ad Eccleſiam ab ea diſſidentes revocarentur , edidiſſe . Inane perfugium ! Audiamus eundem *Cyprianum* Ep.LV. , Neque enim aliunde ,
 „ haereſes obortae ſunt , aut nata ſunt ſchiſ-
 „ mata , quam dum Sacerdoti Dei non ob-
 „ temperatur , nec unus in Eccleſia ad tem-
 „ pus iudex *vice Chriſti* cogitatur . Cui ſi
 „ ſecundum magiſteria divina obtempera-
 „ ret fraternitas univerſa , . . . nemo diſci-
 „ dio unitatis Chriſti Eccleſiam ſcinderet ;
 „ nemo ſibi placens ac tumens ſeorſum ,
 „ foris haereſim novam conderet „ . Quan-
 tum iſthaec a *Febrontanis* commentis ſunt diſſentanea ! *Cyprianus non aliunde haereſes obortas* , *non aliunde nata ſchiſmata* putabat , *quam dum Sacerdoti Dei non obtemperatur* ; *Febronius non obtemperari Roma-*

no Pontifici jubet. Cyprianus unum in Ecclesia ad tempus Sacerdotem & ad tempus Judicem VICE CHRISTI cogitandum monet; Febronius unum hunc in Ecclesia Sacerdotem, & ad tempus Judicem VICE CHRISTI iis coloribus pingit, ut veluti publicus bonorum direptor ac praedator, superbus Ecclesiasticae libertatis oppressor, crudelis vexator Ecclesiae & orbis in commune odium vocetur. Atque hunc ego Febronium, qui quod omnium haeresum schismatumque fons, causa, origo ex Cypriani sententia fuit, illud maxime commendat, urgeat, inculcet, hunc, inquam, de extinguendis haeresibus, ac de amovendis schismatibus serio cogitasse existimem?

III. Utinam vero quae de primo *Febroniano* volumine haecenus dicta sunt, ea de ceteris quoque, quae illud sequuta vidimus, adfirmare non cogeremur! Sed heu! eadem ubique *Romanae* curiae infectatio, idem in *Romanos* Pontifices furor, idem universae cujusdam in eos conflandae seditionis studium dominatur. Ac de secundo quidem *Febroniani* operis tomo id a Cl. *Kauffman*-*so* in luculenta ad novam sui *Apologetici Theologi* editionem praefatione, ab egregio inter *Italos Capucinos* Theologo P. *Viatore* a *Cocaleo* tomo tertio suarum *Epistola-*
la-

larum *Tridentis* excuso a. 1772. & ab Auctore *Antifebronii vindicati* dilucide, copioseque fuit demonstratum. De tertio autem ubi tres, quas edimus, epistolas legeris, idipsum necessario fateberis. Exhibent hae, quam plures efflagitabant, nefarii operis confutationem, brevem illam quidem, sed solidam, perspicuam, audeo etiam dicere absolutam, atque ad seditiosum, ac turbulentum larvati *Febronii* declarandum ingenium aptissimam. Ne tamen exigua libelli moles minus peritos in suspicionem adduceret, *Febronianam* audaciam, quae frangi debuisset, leviter ad tactam fuisse, placuit auctori epistolarum, insigne illud Christianae antiquitatis monumentum, librum, inquam, S. *Cypriani Carthaginensis* Episcopi & Martyris *de unitate Ecclesiae* appendicis instar adtexere. Nam & in eo libro, quo Sanctissimus ille Antistes amplissimi Primatus auctoritatem, Episcopatus exordium, Ecclesiasticae unitatis originem *Petro* Apostolorum Principi vindicat, *Febronianum* systema a fundamentis subverti, & *Febronianarum* in quibusdam explicandis ejusdem libri sententiis fallaciarum detegendarum commodam sibi offerri occasionem intelligebat. Ut autem nova haec praestantissimi operis editio Christianae Reipublicae utilior

esset, quoniam Clariss. *Massiliensis* Ecclesiae Antistes *Henricus Franciscus Xaverius de, Belsunce de Castelmoron* an. MDCCXLIV. eundem hunc librum *Massiliae* cum egregiis *Gallicis* animadversionibus divulgaverat, has rursus heic dari voluit Epistolarum Auctor, sed latine a se redditas. Quid nempe ad coercendam hominis *Gallicanae* Ecclesiae auctoritate tam saepe abutentis arrogantiam opportunius, quam praeclarissimi nostro hoc saeculo Episcopi dogmata in medium adferre, illumque etiam post celebrem a. MDCLXXXII. *declarationem* nunc *Petrum* Ecclesiae fundamentum, & caput, atque unitatis Sacerdotalis exordium, nunc amplissimam *Petro*, eamque *iurisdictionis* etiam in Apostolos collatam potestatem, nunc Episcopalem potestatem in *Petro* ejus veluti fonte primum constitutam, nunc *Petri* successores *Romanos* Pontifices Ecclesiae, sponsores, ac potestatis plenitudine a Christo donatos, nunc denique Episcopos si cum *Romanae* Ecclesiae Pontifice comparentur, oves esse ab illo pascendas, regendasque agnoscentem, ac praedicantem audire? *Febronius Launojos, Dupinios, Fleuryos, Realios*, idque genus virulentos Scriptores frustra appellat. Non enim a privatis Doctoribus nulla praeditis auctoritate (quid vero

vero si inimico in *Romanam* Sedem animo fuerint? Quid si gravissimorum errorum, convicti, quemadmodum hi?) sed ab Episcopis, quos *Spiritus Sanctus* posuit regere *Ecclesiam Dei*, nisi forte ceteri dissentiant, quatenus *Ecclesiae Gallicanae* sententia sit, discere tandem debemus. Ceterum Editor suas quoque adnotationes idemtidem addidit, quibus non *Febroniani* modo libri, sed etiam *Iusti Henningi*, *Pöbmeri Dissertationes Juris Ecclesiastici antiqui ad Plinium secundum*, & *Tertullianum Halae MDCXXXIX.* iterum excusae, & *Johannis Ernesti Schuberti commentatio historico-Theologica de jurisdictione Pontificis Romani in terris Principum Romano-Catholicorum Helmstadii*, & *Halae a. MDCCLXIV.* typis expressa refellerentur.

IV. Erunt tamen fortassis, qui hac, licet utilissima, praetermissa appendice *Febronii* quartum & quintum volumen ab Epistolarum auctore confutatum mallent. At quid si vix quartum amplissimi Cardinalis benignitate videre illi licuisset? Numquid tertium interea abire impune debuit, nemine illud reprehendente, dum quarto, & quinto, qui expectabatur, tomo satisfaceret? Brevi tamen utrumque refelletur, nec necessaria defensionis dilatio causae oberit aequi-

aequitati . Illud vero praemoneo , non longa confutatione ad id opus futurum , quum *Febronius* nulla ad suorum adversariorum argumenta adhibita responsione , de more eadem iteret , si in *Romanos* Pontifices petulantiam , in eorumque vindices convicia & maledicta dempseris , quibus sane superiorum voluminum longe impudentiam atque acerbitatem , multumque superavit . Optamus interea omnes boni , ut liber , qui e meo typographo nunc prodit , fructum ab auctore sibi praestitutum obtineat , illorum nempe , qui aut sectarum dissidio , aut partium studio Apostolicae Sedis dignitatem , si fieri posset , evertere conantur , emendationem .

A D P R O B A T I O.

Quid de Febronii Opere sentirem, Rñe Pater, jamdudum aperui in meis ad *Didymi* libros de *Trinitate* adnotationibus. His, quæ tunc scripsi, illud nunc addam, *Febronium* *Volterio* ipso pestilentiorum quodammodo mihi videri, non quod eo impietatis devenerit, ut divinos etiam libros irrideat, ut *Volterius* fecit, sed quod impia quidem hujus scripta nemo non detestetur, si paucos aliquot ei non dissimiles exceperis; *Febronium* vero et si abjecti styli scriptorem, & cujuslibet fere auctoritatis, quæ illius erroribus adversetur, contemptorem haud pauci nescio quomodo admirantur, aut certe admirari se simulant. Hinc facile intelliges, Rñe Pater, quam libenter legerim librum calamo exaratum, quem mihi misisti sic inscriptum: *In tertium Febronii Tomum Animadversiones &c.* Quemadmodum vero ipse illum libenter percurri, ita ab omnibus Catholicis, aut veri amantibus hominibus lectum iri puto. Nihil enim eis occurret, quod orthodoxam Fidem, nihil quod morum sanctitatem lædat: Romani vero Pontificis jura strenue Auctor a Febronii objectis vindicat, ac potius illam, seu potentiorum principatuum tuctur, quam in Romana Ecclesia agnovit, & græce ὑπερμονίαν vocavit S. Irenæus, ut in Notis ad librum *Didymi* secundum de *Trinitate* monui, id est, omnium qui sunt undique Fidelium gubernationem, relictionem, ac principatum spiritalem. Ita censeo ego Sacræ Theologiæ Lector Emeritus, Sacræ Indicis Congregationis Consultor, & Publicus in Bononiensi Archigymnasio Lector. Dabam Romæ in Aedibus S. Petri ad Vincula die XXVI. Decembris Anno Domini MDCCLXXIII.

D. *Johannes Aloysius Mingarelli Abbas, &
Procurator Generalis.*

A D-

A D P R O B A T I O .

CUm *Animadversiones in tertium Tomum Iustini Febronii Jurisconsulti*, & ad *S. Cypriani Episcopi Carthaginensis Librum de unitate Ecclesie Annotationes*, demandante Rmo P. M. Thoma Ricchinio Sacri Palatii Apostolici Magistro attente perlegerim, non modo omnia Catholicæ Fidei probisque moribus æpprime consona reperi, verum etiam miratus sum eruditionis copiam, vimque rationum, quibus Romani Pontificis Primatus & Auctoritas in universam Ecclesiam perpetuo asseritur, & ab Obtrectatoris conatibus strenue vindicatur. Quare eas publica luce dignas censeo. Dabam in Cœnobio Ss. XII. Apostolorum duodecimo Kalendas Januarii 1774.

I. Ioseph Andr. Martinelli S. T. M. Sancti
Officii Consulor.



I M P R I M A T U R,

Si videbitur Reverendissimo Patri Magistri Sacri Palatii Apostolici.

F. A. Episcopus Montis Alti, ac Vicegerens.

I M P R I M A T U R,

Fr. Thomas Augustinus Ricchinus Ord. Præd. Sacri Palatii Apostolici Magister.

I N-

I N D E X

E P I S T O L A R U M.

E Pistola prima ad *Justinum Febronium*, ut resipiscat.
 Secunda ad Clarissimos Theologicae Facultatis
Sorbonicae Doctores, ut *pro sua in Apostolicam Sedem*
reverentia Febronium Gallicanae Ecclesiae auctoritate
 abutentem compefcant.

Tertia ad *Italos*, *Germanosque Febronii* oppugna-
 tores, ut a refellendo tertio ejus tomo, in quo prae-
 ter effraenatorem in Romanos Pontifices licentiam nihil
 est non antea ab ipsis contritum, penitus ablineant.

I N D I C V L V S.

rerum in prima Epistola contentarum.

- I. Proponuntur, quae in Febronii libro reprehensione
 visa sunt digna, audacia, levitas, inconstantia, ma-
 la fides. p. 1. & seq.
- II. Levitatis specimen primum; plures in refellendis ad-
 versariis personas mentiri p. 2.
- III. Specimen alterum; vindicias ostentare, quae ne vin-
 dictiarum quidem umbram praefereant; adeo cassae
 & nullae sunt. p. 4.
- IV. V. Inconstantia, qua Febronius secum ipso non raro
 pugnat. Specimen primum; quaedam veterum senten-
 tiae operi praemissae, quarum recitatio Febronianis
 placitis non admodum consentanea videtur, ut haec con-
 ciliantur, frustra obnitente Febronio. p. 7. seqq.
- VI. Specimen alterum, Paulli Sarpitii defensio. p. 12.
- VII. Specimen tertium, Richeriani systematis explicatio,
 cum iis primum comparata, quae Tomo II. Febronius
 docuit. p. 13. seq.

VIII. Dein-

- VIII. Deinde cum illis collata, quae tomo primo tradidit. p. 15.
- IX. Specimen quartum, Pontificii Primatus adversus Walchium ex locis Matthaei p. 17., & Johannis collectio Febronii decretis plane contraria. p. 21.
- X. Specimina alia. p. 24.
- XI. Mala Febronii fides. Specimen primum, quaestioni, quae super R. P. in Episcopos potestate potissimum agitur, Romanae Curiae cum Principibus discordias immiscere. p. 27.
- XII. Specimen II., rerum ad declarationem Cleri Gallicani spectantium fraudulenta narratio. p. 29.
- XIII. Specimen III. Corruptus Innocentii I. locus. p. 32.
- XIV. Specimen IV. Decretorum Constantiensium adprobatio Eugenio IV. temere & falso adserta, ac tribus mendaciis explicata p. 33. seq. mendacium primum p. 37. mendacium secundum p. 38. mendacium tertium. p. 39.
- XV. Specimen V. Malitiosum veteris renovandae disciplinae studium. p. 40.
- XVI. Impudentia Febronii singularis. Specimen primum, gloriatio de Protestantium laudibus, p. 48.
- XVII. Specimen secundum, Scriptorum, qui Pontificis Romani causam tuentur, ut S. Francisci Salesii, contemptus. p. 50.
- XVIII. Alia impudentiae specimina conglobata. p. 56.
- XIX. Epistolae conclusio, & ad Febronium adhortatio, ut palinodiam canat. p. 57.

EPISTOLA II.

- I. Doctorum Sorbonicorum in Apostolicam Sedem observantia. p. 59.
- II. Hinc causa ad eos scribendi, ut Febronium Academico judicio refellant p. 61. Proponuntur illis aliquot Febronianae Theses ex III. Volum. graviore reprehensione dignae. p. 62.
- III. Pri-

- III. *Prima de Pontificii Primatus finibus* p.62. *quae nec satis cum Febronianis decretis cohaeret* p.63. & *juri-bus Patriarcharum* ibid. *Episcoporumque* p.64. immo & *Principum maxime adversatur* ibid. ac *praeterea casso nititur fundamento.* p.65.
- IV. *Secunda de Richerii systemate* p. 65. quod Febronius ut Richerismi notam declinet, *perperam explicat, cor-rumpitque* p.67. ipso refragante RICHERIO ibid. ac *doctissimis Galliarum Episcopis repugnantibus.* p.68.
- V. *Thesis tertia de loco S. IRENAEI* p. 75. quem Febro-nius *falsa interpretatione corrumpit* p. 76. *contra Gal-licanae Ecclesiae sententiam.* p.77.
- VI. *Thesis quarta de jure appellationum* p. 80. quod Ro-mano Pontifici *adversus Gallicanorum Antistitem scita* Febronius *denegat ex sui Richerismi principiis* p.81. seq. & *Nicaenis Canonibus perperam intellectis.* p.82.
- VII. *Thesis quinta de jure generalium Conciliorum convocan-dorum* p.86. cui *Thesi Podiensis Episcopus strenue adver-satur* p.87. *Inepta & falsa Febronii argumentatio.* p.89.
- VIII. *Thesis sexta de jure praesidendi Conciliis Oecumeni-cis* p.90. quod Febronius *christiana antiquitate ac recta ratione reluctante R. Pontifici eripit, ut tandem Concilium quodpiam cogi possit ad Primatum evertendum.* p.90. seq.
- IX. *Thesis septima ad elevandam Tridentini Concilii au-ctoritatem magno haereticorum plausu, ac fructu* p.91. seq. *sed summa falsitate, ut producit Gallicani Praesules.* p.93.
- X. *Thesis octava de Apostolicarum Constitutionum examine ab Episcopis instituendo, statuens id facere Episcopos de-bere cum deliberatione, maturitate, & judicio* p.95. seq. *in qua Thesi quod veri praesefert, Febronii causam non juvat* p. 96. quod falsitatis inest, a Gallicanis Episcopis jampridem confutatum novimus p. 98. & *appellantium causae patrocina-tur.* p.101.
- XI. *Thesis nona, Sarpil vindicationes* p.106. ex Sarpil ipsius *epistolis falsitatis convictae.* p.107.

XII. The-

XII. *Thesis decima, Febronii systema S. Bernardo per summam injuriam adscriptum, quum S. Abbas nonnisi vitia quaedam Curiae Romanae reprehenderit salvis omnibus Primatus juribus*, p. 111. *seq. uti sunt* 1. *Jus in Episcopos, quos numquam ait immediate a Deo suam obtinere dignitatem* p. 111. *quamvis sine dominatu* p. 112. *sed cum plenitudinē potestatis nullis limitibus circumscripta* p. 114. *vi cuius ipsos deponere possit Episcopos* 2. *jus appellationum* p. 116. 3. *jus dispensationum* p. 117. *In ipsa vitiorum reprehensione quantum inter S. Bernardum, & Febronium discriminis intercedat* p. 118. *Epistolae conclusio.* p. 119.

EPISTOLA III,

Inanes quorundam conquisitiones de non refutato tertio Febronii libro p. 120. *quum nihil in eo sit non antea a Romano-Catholicis Scriptoribus plane contritum, ut vel una cum eo Antifebronii collatione demonstrandum suscipitur.* p. 120. *seq.*

Tertii Febroniani Voluminis cum Antifebronio Italico, eodemque latine vindicato collatio. p. 122.

APPENDIX,


Seu S. Cypriani Episcopi Carthaginienſis, & Martyris Liber de unitate Ecclesiae cum adnotationibus Illustriss. Massiliensis Episcopi nunc primum ex Gallico idiomate latine redditus, aliisque Editoris adversus Febronium, Bohmerum, & Schubertum recentissimum inter Protestantes Pontificii Primatus oppugnatorem. p. 159.



EPISTOLA PRIMA

AD IVSTINVM FEBRONIVM

VT RESIPISCAT

- I.  Udius tertius adcepi tandem novam illam tuorum in *Romanam* Sedem maledictorum farraginem, quae *Francofurti* & *Lipsiae* superiore anno prodiit inscripta: IVSTINI FEBRONII JURE CONSULTI de statu Ecclesiae, & legitima potestate Romani Pontificis liber singularis, ad reunendos dissidentes in Religione Christianos compositus, tomus tertius ultiores operis vindicias continens. Speraveram equidem, mi *Justine*, fore, ut in tanta adversus te Catholicorum Doctorum conspiratione, tuos demum errores agnosceres, schismaticos tuos in *Romanam* Sedem conatus defferes, ab illaque tot, quas in eam contuleras, criminationum, & contumeliarum veniam demissis precibus peteres. Verum proh! dolor, tertium hunc tomum emisisti
- Proponuntur, quae in Febronii libro reprehensione visa sunt digna.
- A sti

Audacia.

*Levitas,
inconstan-
tia, mala
fides.*

*Levitatís
specimen
primum;
plures in
refellendis
adversa-
riis perso-
nas menti-
ri.*

sti non ad deponendam, sed ad confirmandam audaciam. Quae enim in eo tradis, tam explicatae sunt, projectaeque impudentiae, ut nisi fortassis *Lipsiae* in haeretica urbe, quae una proferre illum potuit impune, legi absque indignatione omnino non possint. Multum quoque in hoc libro levitatis, multum inconstantiae, multum malae fidei animadverti, etsi illum non tam adcuratae lectionis, quam curiositatis studio percurri. Cave credas, me isthaec tibi ex praeconceptionibus quibusdam opinionibus objicere. Vitiorum, quae indicavi, specimina dabo, si lubet. Utinam vero tandem sapias! serum id quidem; debitum tamen & laudabile, tibi longe utilissimum.

II. A levitate ordior, quae non uno modo se prodit. Enimvero quid magis ridiculum, ac puerile, quam quum unus idemque sis, qui *Viatori* a *Cocaleo* erudito inter PP. *Capuccinos* Theologo, *Andreae Schmidio*, & *Walchio Lutherano* respondere hoc tertio volumine adgrederis, hos quidem tuo nomine refellas, illum vero *Danielis Bertoni* persona in scenam immissa? Id equidem alias a te usurpatum novi. Nam quum in primi voluminis appendicibus nescio quem larvatum *Iustinianum FROBENIVM*, *Iosephum KLEINERVM Heidelbergensem* Theologum, & *Lipsiensem Fridericum BAHRDT* confutandos suscepisses, tres sustinuisti personas, *Iustiniani novi*, *Johannis Clerici*, & *Auli Jordani*; *Johannis* praeterea a *Calore*, & *Theodori* a *Palude* nomina. Ementitum te video in secundo operis tui volumi-

lumine, quo Godefridi Kauffmans, Gregorii Trautwein, Julii Antonii Sangalli, Ladislai Sappel, & Francisci Antonii Zaccaria conatus refutasti. Caussas, cur novo tibi Proteo tot libeat personas commutare, non inepte Auctor *Antifebronii vindicati* (diss. I. cap. I. pag. 10.) coniecit, seu ut incantis persuadeas nescio quas doctorum hominum phalanges sub tuis vexillis stipendia mereri, seu ut si forte te tibi non satis constare obtigerit (obtigisse autem non semel infra ostendam), alteri tribuere confidentius possis, quae in tuis doctrinis pugnantia occurrant. Verum nae tu lepidum caput es, qui rem tibi cum pueris, aut stipitibus fore credideris, ut quum exploratum sit (quod idem Auctor monuit p. 16.) non doctrinam modo puram putam Febronianam esse, sed stylum, totamque operis conformationem unum Febronium horum omnium opusculorum auctorem prodere, latere tamen sub hac larva impune te posse confidentissime exitlimaris. Apage mi Febron scenicas has personas, quae Jurisconsulti (hoc enim nomine delectaris; mallem ego Theologi) gravitatem non decent, sed quamdam animi levitatem praeseferunt. Nobis quidem seu *Bertonum*, seu etiam *Caninianum* te dixeris, Febronius semper eris, nec magis calorem tuum, quam frigus, aut paludes, quam stagna pertimescemus, si forte *Johannis* a Calore, aut *Theodori* a Palude detracta larva repente in scenam prodeas *Martinus* a Frigore, aut *Job. Nicolaus* a Stagno.

III. Quamquam levitatis tuae aliud est,

A 2

il-

Specimen alterum; illudque singulare argumentum; nempe vel in *libri fronte ultiores operis tui vindicias* magno nobis hiatu promittis. At quid quaeso *vindicias* ostentare, *vindiciae* tuae sunt? Vin? scire? Verba sunt; quae ne *vindiciae* conglobatae in *Romanam* Curiam criminationes; *prolixae* sententiarum vel ex *Guilielmo Durando*, *Gersone*, *Cusano*, Card. *Juliano*, *Basileensis* Theologis, qui perturbatis omnino temporibus, aut etiam vigente schismate suas edidere lucubrationes, vel ex apertis *Romanae* Sedis hostibus *Maimburgio*, *Vun-Espenio*, idque genus aliis depromptarum recitationes; inanes scilicet gerrae (quid enim ab his expectandum, quam ut sive temporum iniquitate, sive animorum malevolentia tui similes quum essent, tuis similia in *Romanam* Sedem probra & convicia iactarint? quidve ab horum obtrectationibus causae tuae accedere ponderis, praesidii-que possit?); adversariorum, quos repellere debueras, contemptio; mira cum primis in tergiversando, in elabendo, in obiectis tibi rebus extenuandis, aut (quod certe tutius) plane dissimulandis calliditas. Vere *Cocaleensis* Theologus abs te quaerere posset, quod a *Juliano S. Augustinus* (lib. I. contr. *Julian.*): cur libro suo saltem specietenus te respondisse glorieris, quum tuo sui partem nec quartam reprehendendo tetigeris, eosque saltus in praetereundis suis disputationibus feceris, quasi omnino desperares utriusque operis, sui scilicet & tui, quemquam esse posse lectorem, qui ista deprehenderet. Fortasse te, inquires, multa praeteriisse, quod in prioribus libris a Te, com-

men-

mentitiisque subadiuvīs tuis *Johanne a Calore*, & *Theodoro a Palude* fuerant antea occupata. Animadverti enimvero, te quam saepissime ad ea, quae in illis libris edita sunt, digitum intendere, ut vel eorum locorum indicationes non exigua tuarum vindictiarum pars esse videantur. Fucum scilicet incautis lectoribus facis, quos tua in designandis hujusmodi locis confidentia in eam suspicionem adducere facile posset, ad rem, qua de agitur, bonae aliquid frugis illic inesse. Verum si quis loca illa adierit, quid tandem inveniet? nisi tuorum dictorum iterationes, nullis argumentis, ac rationibus confirmatas. Crederes tamen? Ea est, ac tam crebra in hisce vindictiis rerum superioribus annis a te prolatarum, a tuis vero oppugnatoribus non semel contritarum redintegratio, ut inani illo librorum tuorum appellandorum compendio multo saepius te usum mallems, quam nobis recoctam crambem adpositam toties fuisse. Quid enim adtinebat, ut *Cyprianicae* cum *Stephano*, *Asianorumque* Antistitum cum *Victore* controversiae in utroque priore volumine ad nauseam fere inculcatae in hoc rursus, nec semel mentionem faceres? Quid necesse fuit (p. 19.) *Clari Masculani* Episcopi in *Carthaginensi* Concilio sententiam, & (p. 21.) *Petri Guerrerii Granatensis* Archiepiscopi orationem ob oculos ponere, quam utramque *Tomo II. p. 242.* exhibueras? Quid oportuit (ut alia omittam, exemplis enim ponendus est modus) aut p. 27. aculeati cujusdam in *Gregorium IV. maledicti*, aut

p. 291. editi a Concilio *Salernitani* decreti memoriam refricare, quorum illud *To. II. p. 574.* hoc *To. I. p. 533.* pridem recitaveras? Haec eo spectant, *Febroni*, ut intelligas, nihil te minus fecisse, quam quod recentis operis tui institutum, atque adeo titulus postulabat. *Quei Liber* aliquis sit refutandus, exemplo te suo docuerant *Sanguillus*, *Kauffman*, *Zaccaria*, & *Viator*. Singula illi, quae contra *Romani* Pontificis causam vim aliquam habere videbantur, fide bona expresserunt; nullum tui impetum declinarunt; sacri Codicis, Patrum, Conciliorumque sententias sententiis compararunt; excusserunt facta; fontes, seu potius faeces, de quibus tua hausta sunt dogmata, patefecerunt; curarunt autem cum primis, ut delirationes tuas, calumniasque indubitatis tabulis ac monumentis coercerent; verbo, nihil intactum, nihil non perspicue, solideque discussum reliquerunt. Quam tu uti opinionibus, ita earum defensione ab illis diversus! Audes tamen Librum, in quo nihil minus agis, quam quod agendum susceperas, *vindicias* appellare, ac de victoria gloriari. Id enimvero (ut ad illud orationem propius conferam, de quo admonere te institueram) levissimi animi, qualem scilicet miles ille *Plauti* gloriosus praeferebat, aut plane imbecilli est argumentum. Sed de levitate tua nimis fortasse multa. Haec enim sapienti viro risum magis, quam stomachum moveat. Quae objurgationem merentur (sunt autem alia, quae initio indicavi) ea utilius persequamur.

IV. Ac

IV. Ac de inconstantia , ut primum dicam , qua fit , ut saepe saepius tecum ipso incautus pugnes , adcipe exemplum , quod prima *Bertonianae* , idest tuae defensionis pagina exhibet . Meministine trium illarum sententiarum , quas ex *S. Basilio* , ex *Auxiliario* , ex *S. Bernardo Romanis* insultaturus veluti summam quamdam operi tuo praemisisti ? Recole illas eo , quo a te recitatae sunt , ordine . „ *S. Basilii* „ *M. Epist. 239. de Romanis loquens : Quale* „ *nobis auxilium ab Occidentalium supercilio* „ *aderit , qui veritatem neque norunt , neque* „ *dicere sustinent . Auxiliarius Praefectus Ur-* „ *bis Romae , ad S. Hilarium , in hujus vita* „ *Cap. 17. Impatenter ferunt (Romani) si* „ *sic loquamur , quomodo nobis conscii sumus .* „ *Aures praeterea Romanorum quadam tene-* „ *ritudine plus trahuntur . S. Bernardus Lib.* „ *IV. de Consideratione ad Eugenium Papam* „ *cap. 2. Vides , omnem Ecclesiasticum zelum ,* „ *(Romae) servere pro sola dignitate tuenda .* „ Vide autem , quam non morosus sim censor . Non heic ex te quaero , quid *Basilii* sententia ad institutum tuum faciat . Nihil certe omnino , si quid intelligo . Numquid enim soli *Romani Occidentales* sunt , de quorum *supercilio Basilii* queritur ? Cave amabo , id dicas . Nam *Basilii* , dum eadem illa in epistola *Romanum Pontificem Occidentalium Coriphaeum* appellat , illum non *Romanorum* , sed *Occidentalium omnium , Gallorum , Italarum* , seu *Occidentalis Patriarchatus* caput & principem te ipso auctore & interprete (*T. I. p. 168. edit. u 1765.*) de-

Inconstan-
tia, qua Fe-
bronius se-
cum ipso
non raro
pugnat .
Specimen
primum ;
quaedam
veterum
sententiae
operi prae-
missae .

quarum
recitatio
Febronianis
placitis
non admo-
dum con-
sentanea
videtur.

signavit. Quid ergo ad solos *Romanos* ea de-
torques, quae omnibus generatim *Occidentali-*
bus Basilii exprobrat? Nihilne heic malitiae?
nihil fraudis? Verum isthaec, ut dixi, missa fa-
cio. Illud peto, quo *Bernardus*, quo *Basilii*,
& *Auxiliarius* tempore scripserint. Quo ista
spectet interrogatio, non intelligis. Dicam pla-
ne. Quarto *Basilii*, quinto *Auxiliarius* sae-
culo scripsit; tribus igitur iste, quatuor ille
fere ante procusas *Isidori* Decretales epistolas
saeculis. Urgeo. Quei factum, ut quod unde-
cimo labente saeculo, aut ineunte duodecimo,
decretalibus illis longe lateque disseminatis *Gla-*
raevallensis Abbas in *Romanis* notavit, idem
his vitium tot ante illas decretales saeculis *Bas-*
ilii & *Auxiliarius* obiecerint? Ne mireris,
me heic ancipitem haerere. Novi scilicet, te
(T.I. p. 198.) in *Isidorianis* pseudo-decretalibus
agnovisse, formam illam *Monarchicam*, quam
toto hoc opere expugnamus; sicque facile intel-
ligemus, per hanc *Decretalium* confictionem &
introductionem, Patrum disciplinam fuisse con-
fractam, & quoad hanc, *Christiano Orbi* quasi
pro jure proposita principia tamquam ab Apo-
stolica traditione ad nos transmissa, quae ta-
men Apostolorum moribus, & primorum saeculo-
rum observantiae directe repugnant; immo
eodem Tomo (p. 641.) aperte edixeras: *Causa*
primaria lapsus disciplinae, & alteratae
formae *Ecclesiasticae*, sunt fictae *Decretales* *Isi-*
dori. Novi, *Ladislao* te scripsisse (T.II. p. 104.):
apparet abunde ingens in regimine sacro muta-
tio in vim & sequelam spuriarum decretalium
fa-

facta, cum ignota eousque exaltatione Episcopi Romani, & manifesta derogatione auctoritatis reliquorum Episcoporum, Metropolitanorum, & Synodorum. Novi te P. Zaccaria respondentem monuisse (T. II. p. 550.) si jam ALTIVS adscendamus ad genuinam causam tantorum malorum, id est omnium Statuum Ecclesiasticorum corruptelam, primo mox passu incurrimus in corrupta Isidorianae Jurisprudentiae principia. Quamquam quid haec memoro? Quam universalem, inquis in hoc ipso, quod expendimus, tertio volumine (p. 247.), simul ac funestam illam in Ecclesiastica disciplina & regimine sacro, postquam receptae fuerant, revolutionem, in hanc usque diem perdurantem, causaverint generatim, referunt, & testantur Scriptores sacri (Canonicos Sacrorum Bibliorum Scriptores fere intellexeram; hos enim Sacros Romano-Catholici appellare confuevimus) quibus non habemus graviores in jure sacro. Hi sunt Antonius Augustinus, Stephanus Baluzius, Natalis Alexander &c. Age jam. Non is mihi effutire pugnantia videatur, qui quum decretalibus multo vetustiores Romanae superbiae atque intolerantiae testes appellet, in illis tamen epistolis cum Ecclesiasticae disciplinae labem omnem & ruinam, tum etiam Romanae ambitionis initia ac fundamenta agnoscat? Num fallor?

V. Utique falli me, inquires, quum veluti hancee inconstantiae accusationem occupaturus in primo volumine diserte scripseris (pag. 647.): „ante falsas decretales Pontificia auctoritas aegre intra suos fines continebatur, Febronio. „ sic

ut haec concilietur frustra obnitente

„ sic ferente humanae conditione infirmitatis ,
 „ quae a magna sublimitate saepe augetur , &
 „ superiori potestati plerumque incitamenta
 „ addit ad se altius efferendum cum depressio-
 „ ne inferiorum . Eo jam aevo inventi sunt ,
 „ qui *Romanam* Sedem de studio augendae po-
 „ testatis suae incusarent . Saeculo IV. *Libe-*
 „ *rius* Papa in epistola ad Imperatorem *Con-*
 „ *stantium* , in *Petri Constantii* Collectione Epi-
 „ stolarum RR. Pontificum col. 425. religiose
 „ pronuntiat : *Numquam mea statuta , sed A-*
 „ *postolica ut essent semper firmata & custo-*
 „ *dita perfeci : sequutus morem ordinemque*
 „ *Majorum nihil addidi Episcopatui urbis Ro-*
 „ *mae , nihil minui passus sum* . Talium aug-
 „ mentorum haud pauca , sive attentata , sive
 „ in effectum redacta , hoc ipso Tractatu exhi-
 „ bemus , ex Saeculo II. in *Victore* cap. ix. §. 7.
 „ n. 2. Saeculo III. in *Stephano* cap. vi. §. 9.
 „ Saeculo V. in *Innocentio* I. cap. v. §. 2. n. 2. in
 „ *Bonifacio* I. seu potius *Zosimo* cap. v. §. 6. n. 5.
 „ in *Leone* M. cap. xv. §. 11. n. 2. item cap. v. §. 4.
 „ n. 3. lit. d. in *Gelasio* cap. v. §. 8. n. 1. Saeculo VI.
 „ in *Gregorio* M. cap. v. §. 4. n. 9. Neque heic
 „ quidem sistebatur , sed habebant praeterea
 „ *Romani* tum modo aures delicatas , ita ut
 „ aegre audirent eos , qui bona licet mente
 „ de abusu seu excessu potestatis loquebantur .
 „ Sic igitur in epistola *Auxilarii* &c. Quid
 „ itaque mirum si homines sive ambitiosi , si-
 „ ve avari , sive superstitiosi , falsorum docu-
 „ mentorum adinventionem & efformationem his
 „ Ecclesiasticae auctoritatis excessibus colorem
 „ quae

„ quæsierunt, & ad multo magis majora su-
 „ scienda viam præpararunt „ ? Belle equi-
 dem ; non tamen mihi de manibus elaberis ,
 quin te tecum ipso conflixisse fatearis . Verum
 id antequam exsequor , sine quaeso , ut recita-
 tis ex tuo illo priore volumine verbis parum-
 per insistam . Nec te , *Febroni* , puduit , *Libe-
 rio* testante , *sequutum* se MOREM ORDINEM-
 QUE MAJORVM nihil addidisse *Episcopatus ur-
 bis Romæ* , studium augendæ potestatis *Victo-
 ri* , & *Stephano* exprobrasse , quasi aut illi *Li-
 berii* majores non fuerint , quum tamen secun-
 do sæculo alter , alter tertio decesserit , aut
 tibi perspectiora gesta illorum essent , quam *Li-
 berio* ? Quid porro illud , quam audax , quam
 protervum , (parce verbo) quam scelestum ,
Victorem , *Stephanum* , *Innocentium I.* , *Zosi-
 mum* , *Caelestinum* , *Leoxem* Magnum , *Gela-
 sium* , *Gregorium M.* sanctissimos scilicet Pon-
 tifices sacris universae Ecclesiae fastis inscrip-
 ptos , ac totius antiquitatis testimonio collau-
 dados usurpatae non legitimæ auctoritatis infi-
 mulare ? Hoc *ωραγόδα* . Redeo ad id , quod
 dixeram , latere heic aliquid placitis tuis haud
 penitus consentaneum . Tu homo *Occidentali-
 bus* omnibus *superciliofior* nobis edissere , ve-
 teremne *Romanam* Curiam , an recentiorem illis
Basilii , *Auxiliarii* , *Bernardique* sententiis vel-
 licare cogitabas ? Si veterem , quid siquis
 ex vitiorum similitudine similem quoque re-
 centioris , nempe *Isidorianam* jam tum viguisse
 disciplinam argumentetur ? Sin recentiorem , quid
 ad eam *Basilii* , & *Auxiliarii* querimoniae ? Id
 unum

unum ex his intelligimus, quum *humanae conditioni infirmitatis* antiqua illa *supercilii*, & *teneritudinis* exempla tribueris, te, si tibi constare voluisses, recentiora *soliis dignitatis* tuendae studia non *Isidorianis* decretalibus, sed eidem *humanae imbecillitati* adscribere debuisses. Sed bonus ego, qui isthaec veluti secum repugnantia diutius infecter, quum conspicua, eaque insignia foedae hujusmodi conflictionis exempla non desint.

Specimen
alterum;
PaullisAR-
PII defessio.

VI. Nempe in *examine judicii* &c. p. 249. dum, inquis, *Jesuita* certum esse, ait Paullum Sarpium fuisse de *Secta Protestantium*, injuriam facit viro magno; tum mira de Sarpium virtutibus, ac pietate praedicas; quae etiam adversus *Bossuetium* (p. 359. seqq.) multis confirmas. De hujus *Sarpianae* defensionis veritate fortasse alias. Nunc tantum te quaeso, ut primum adeas tui operis volumen p. 777. Amicum ibi inducis, qui non dubitarit, tibi pro labore, laudando licet, ut agebat, sine suscepto, totam *Romanae Curiae indignationem* & *vindictam augurari*. An, inquit, ignoras *facta Paulli Sarpium*, & *Edmundi Richerii*? quorum hic *stylum ferreum Romanum prope vidit*, ille sensit etiam. Addis deinde, te illi reposuisse: *meum propositum a caussu* & *facto binorum illorum virorum toto caelo distare*; illos fuisse *esores Papatus*, & *inimicos Pontificum*, qui *Lutherum* & *Calvinum habuere ductores*. Ego S. Bernardum sequi cupio &c. Heic mecum parumper siste. Tua isthaec sunt, *Sarpium fuisse esorem Papatus*, & *inimicum Pontificum*, qui
Luthe-

Lutherum & Calvinum habuit ductores. Hic-
cine vir ille magnus, cui injuriam facit, qui
eum fuisse de secta Protestantium harioletur? in
cujus vita, ut ais (T. III. p. 250.) non tantum
nihil legitur, quo Protestanticae Religionis vel
in minimo argui queat, sed ex contrario certa
Catholicae fidei, ab eo constanter professae ar-
gumenta undique profiliunt? qui Deo mira pie-
tate, religione, continentia addictus jure ac
merito praedicari potuerit? Quam pulcre ista
sibi consentiant, Febroni! hinc odium Papatus,
inimicitia cum Pontificibus, Lutheri & Calvi-
ni ductorum confectatio; illinc constans Ca-
tholicae fidei professio, mira pietas, Religio!

VII. Sed Richerii, quae injecta est men-
tio, novum illudque splendidum, neque unum,
sed multiplex inconstantiae tuae exemplum pro-
dit. Dixerat Viator, summam Richeriani sy-
stematis hanc esse, Christum fundando Eccle-
siam, prius, immediatius, atque essentialius cla-
ves sive jurisdictionem toti dedisse Ecclesiae, quam
Petro: seu quod eodem redit, Claves toti con-
tulisse Ecclesiae, ut per unum ministerialiter
exercerentur; addideratque, impium hocce Ri-
cherii systema ab omnibus bonis diris devotum
a te fuisse cooptatum. Quid tu? Adversum
haec ego, inquis (p. 13.), Capucino nostro Ita-
lo audeo reponere, Richerii systema, quoad
hoc, neque novum esse, neque impium, sed hanc
ejus doctrinam veram, piam, & statui, ac in-
stituto Ecclesiae conformem. In eo autem ille
perperam & sinistre docuit, quod tam in me-
morato opusculo, quam in quatuor Tomis bi-
storias

Specimen
tertium;
Richeria-
ni systema-
tis expli-
catio.

*storiae Conciliorum Generalium, Ecclesiae Statum passim faciat Aristocraticum, quod aequum malum, ac falsum est, quam eum reddere Monarchicum. De tui hujus effati falsitate alius fortasse erit dicendi locus. Nunc aliud agimus, te scilicet dissona, atque invicem abhorrentia scripsisse. In hoc ergo omnis Richerii error demum situs est, te auctore, quod Ecclesiae Statum passim Aristocraticum constituerit. Verum mi bone, an non tu quoque Aristocraticum Ecclesiae Statum esse tradidisti? Quaeris quo loco? Tomo II. tum in tuo illo ad epistolam Ladislai responso, ubi p. 87. *claves universitati Ministrorum Christi datas esse* fidenter ais; tum etiam in apologia adversus quatuor Theologos (p. 180.) ubi ut *summam potestatem residere in universalitate Ecclesiae* ostenderes, hunc, inquis, *divinum Spiritum Salvator noster uni Petro neque promisit neque dedit: Communicavit illum omnibus simul Apostolis, id est universae Ecclesiae regenti. Quid enim est universitas Ministrorum, quid Ecclesia regens?* utique Ecclesiae Principes, & optimates. Audi nunc. Penes illos Ecclesiae regimen est, quibus claves potestatis traditae a Christo sunt, & spiritus veritatis concessus; porro te Magistro claves potestatis Christus *universitati Ministrorum*, spiritum veritatis *Ecclesiae regenti* est impertitus; igitur penes *universitatem Ministrorum*, atque *Ecclesiam regentem* est Ecclesiae regimen. Aristocraticum ergo Ecclesiae regimen est, cujusmodi illud Richerium voluisse adfirmas. Richerianus igitur, velis nolis, es totus.*

cum his
primum
comparata
quae Tomo
II. Febro-
nius docuit

totus . Quid restat , nisi ut tandem concludam non te constanter & consentanee loqui , quum *Richeriani* systematis notam a te depellere studeas , illud ipsum tueris , in quo tamen universam ejus systematis improbitatem sitam esse contendis ?

VIII. Recognosce jam *Febroni* , quae Tomo I. (*Append. III. p. 41.*) de *Richeriano* systemate adversus *Kleinerum* disputaſti . „ In eo „ (verba tua sunt) *Edmundus Richerius* a „ doctrina , quam *Gallicana Ecclesia* publice „ profitetur , potissimum discrepat , quod ille „ docuerit , *Romanum* Pontificem Ecclesiae „ quidem caput esse , at *symbolicum duntaxat* , seu *figurativum* , *ministeriale* , *ad cidentarium* , non *necessarium* „ An talia somniavit *Febronius* ? Vigilansne , an dormiens , nescio , somniavit tamen , qui cum *Richerio* iterum statuit (p. 12.) ; *Christum* fundando Ecclesiam prius , immediatius , atque essentialius claves sive jurisdictionem toti Ecclesiae dedisse , quam Petro . Nempe *Richerius* , quemadmodum *Petavius* animadvertit (de Eccles. hier. Lib. III. cap. 16. n. 7.) „ instrumentale ac ministeriale „ caput existimari voluit *Romanum* Pontificem , „ quod immediate ab Ecclesia ipsa , communitateque fidelium potestas in eum omnis , ac „ jurisdictio profecta sit : quippe qui illam a „ Christo prius , & immediatius corpori ipsi „ communicatam adserat , quam capiti ; ac „ per praefides suos tamquam instrumenta , ministrosque agere communitatem : quemadmodum corpus per oculum videt , eumque ap- „ plicat

deinde cum
illis colla-
ta , quae
Tomo I.
tradidit .

„ plicat ad usum , & actionem suam , vim
 „ illi , ac motionem imprimens . Prorsus ille
 „ utcumque cavillari , ac ludificari studeat , &
 „ quantoscumque fumos , ac nebulas ancipi-
 „ tis , & inconditi sermonis obducatur , persua-
 „ dere istud tamen nititur , Episcopos omnes ,
 „ & horum supremum *Romanum* Pontificem ,
 „ non a Christo proxime , & *immediate* jurif-
 „ dictionem adcepisse : sed ab Ecclesia ipsa ;
 „ hoc est ab multitudine fidelium „ . Quum
 igitur *Richerianum* de clavibus *immediatius Ec-*
clesiae datis , quam Petro decretum , ex quo ne-
 farium alterum de Papa *symbolico dumtaxat* ,
seu figurativo , ministeriali &c. Ecclesiae ca-
 pite dogma necessario consequitur , omni cona-
 tu defenderis , ac porro defendas , aut & alte-
 rum hocce *Richerii* commentum te somniasse
 fatearis , necesse est , aut delirasse te dicam ,
 qui ut a *Richerio* seu dissentires , seu dissenti-
 re videreris , a temetipso dissidere non dubita-
 ris , consequentia regans , quum illud , cujus
 consequentia sint , non concesseris modo , sed
 etiam acriter propugnaris . Fac tamen , ista
 vera non esse . Non idem certe erratum est ,
 Aristocraticum regimen Ecclesiae tribuere , quod
Romano Pontifici unam *symbolici & ministeria-*
lis capitis rationem adscribere : sunt haec pla-
 ne diversa . Tecum igitur ipso saltem pugnabis ,
 quod in primo Volumine *Richeriani* erroris sum-
 mam omnem in hac capitis adferenda conditio-
 ne posueris , in tertio autem totum , quod in
 novo *Galli* illius Scriptoris systemate vitii inest ,
 ad Aristocratiam deflexeris .

IX. Tuae

IX. Tuæ tamen inconstantia, qua fit, ut quam saepissime pugnantia invicem loquaris, aliud habeo exemplum, quod enucleatius proponam. *In responsionibus ad postulata Walchii Goettingensis Professoris (p. 322.)* demonstrandum adgrederis, *ad servandam Ecclesiae unitatem visibili capite opus esse*. Id autem efficere cum primis niteris (p. 324.) celeberrimis illis apud *Matthaeum XVI.* Christi Domini verbis: *tu es Petrus &c.* tum etiam ex loco *Johannis XXI. Pasce agnos meos &c.* Nam „ fa- „ ne, inquis, verbis Christi *Tu es Petrus*, & „ quae sequuntur, nec non illis *tibi dabo cla-* „ *ves Regni Coelorum*, si mature ponderentur, „ aliqua praerogativa significatur, quae nul- „ latenus fuit ceteris Apostolis communis. „ Quamquam enim omnibus Apostolis *claves* „ *Regni Coelorum* datae sint, & ad omnes „ pertineant ista Domini verba: *Pasce oves* „ *meas*; adtamen ex ipsis his verbis elucet „ *Petri* praerogativa, quia *S. Petro* tamquam „ figuram Ecclesiae gerenti, ac primum inter „ ceteros Pastores locum occupanti, *claves* Re- „ gni Coelorum, & regendas oves Christus „ commisit. Ad quid enim inter ceteros ele- „ ctus a Christo *Petrus*, ut in ejus persona „ toti Ecclesiae *claves Regni Coelorum* daret, „ nisi quia *Primum* in tota Ecclesia, Chri- „ sto concedente, gerebat? Sint ergo, & di- „ cantur reliqui Apostoli *Ecclesiae fundamenta*; „ semper salva & integra vindicari debet *Pe-* „ *tro* dignitas & praerogativa primatus. In- „ super quum *Johannis XXI.* Dominus semel,

Specimen
quartum,
Pontificii
Primatus
adversus
Walchiū
ex locis
Matthaei.

„ iterum , & tertium *Petrum* interrogasset : Si-
 „ mon *Johannis diligis me* PLVS HIS? respon-
 „ disse autem *Petrus* : *Domine tu scis, quia*
 „ *amote* , Christus iterato adjecit . *Pasce agnos*
 „ *meos* , & tertia demum vice : *Pasce oves*
 „ *meas* . Ut quid autem repetita haec de amo-
 „ re interrogatio , repetitumque pascendi Do-
 „ minici gregis mandatum *Petro* datur , si nul-
 „ lum peculiare , & a ceteris distinctum munus
 „ illi collatum fuisset , ? Atque equidem ma-
 „ xime gratularer , *Febroni* , quod tandem ho-
 „ rumcœ verborum vim intellexeris , studiumque
 „ tuum , quo *Lutheranae* factionis homini *Petri*
 „ primatum persuadere conaris , meritis laudibus
 „ extollerem ; nisi quod heic aedificas , tute fun-
 „ ditus diruisses . Adverte animum . Primatus ,
 „ quo de agis , non honoris , non ordinis , non
 „ dignitatis est (hunc enim ne ipsi quidem hete-
 „ rodoxi *Petro* denegabunt) ; potestatis primatus
 „ est , atque auctoritatis . Verum quei *Lutherano*
 „ ejusmodi primatum ex verbis , quae indicavi-
 „ mus , comprobabis , si quae eorum vim decli-
 „ naturus *Romanae* Monarchiae adfertoribus tu
 „ ipse non semel respondisti , tibi objecerit ? Nam
 „ quae , dic sodes , *praerogativa Petro* concessa
 „ verbis illis *Tu es Petrus , & super hanc petram*
 „ significabitur , si *Petra* Christus sit ? Atqui id
 „ duce te , ac Magistro *Walchius* reponet . „ De
 „ loco *Matthaei* XVI. v. 18. , inquis hujus ter-
 „ tii Voluminis p.244. , tres esse (vel omnino
 „ quatuor) SS. Patrum & Ecclesiasticorum Com-
 „ mentatorum sententias & interpretationes ,
 „ omnibus notum est . Eas indicavit *Febronius*
 „ Cap.I.

„ Cap.I. §.9. Inter illos , qui per verba , su-
 „ per hanc petram aedificabo Ecclesiam meam,
 „ & portae inferi non praevalerunt adversus
 „ eam , Christum ipsum significari arbitrantur,
 „ Natalis Alexander Hist. Eccles. Tom. VIII.
 „ pag. 374. recenset S. Hieronymum , S. Augu-
 „ stinum , Theodoretum , Ven. Bedam , Raba-
 „ num Maurum , S. Anselmum , Petrum Lom-
 „ bardum , Johaunem Saresburiensem , Coele-
 „ stinum III. Pont. Max. Innocentium PP. III.
 „ S. Thomam &c. Itaque verum manet , incer-
 „ tum esse , an per memorata Evangelistae ver-
 „ ba alius praeter Christum intelligatur , .
 „ Haectenus tu in *Examine Judicii*. I nunc , &
 „ *Lutheranos* his verbis urge , ut in *Petro* prima-
 „ tum non potestatis dicam , sed ordinis fatean-
 „ tur. At saltem , inquires , Claves *Petro* datae id
 „ evincunt. Serione haec dicis , an joculariter ?
 „ SCHVBERTI *Lutherani* , quem inter *eruditis-*
 „ *simos* , & *moderatissimos Protestantium* (p.290.)
 „ enumeras , utique commentationem vidisti *Helm-*
 „ *stadii* 1764. editam *de jurisdictione Pontificis*
 „ *Romani* . Noveris igitur , quid ille Cap.IV. pag.
 „ 208. hac super re disseruit . Juvabit tamen ea
 „ tibi heic quoque sub oculos ponere . „ *Petro*
 „ his verbis claves promitti , haud difficulter
 „ concedimus . Sed quaeritur , *num illi soli*
 „ *promissae sint* ? Graviter sine dubio falluntur
 „ adversarii , si , quod *simpliciter* dictum est ,
 „ *exclusive* intelligere velint . Quid vero tunc
 „ eos juvat prolixa illa disputatio ? *Petro* pro-
 „ mittuntur claves Regni Coelorum . Concedo .
 „ Num vero propterea illi soli promittuntur ,

„ exclusis reliquis Apostolis „? Minime vero, inquires, qui primi tui Voluminis Cap. I. §. 2. n. 6. p. 19. *oppido falli illos, qui uni Petro claves a Christo datas autumant*, scire de cathedra pronunciaris. Sed audi *Schuberti* cetera: „ Si „ autem *Petro* ita promissae sunt claves, quae „ madmodum & reliquis Apostolis alibi promittuntur, & dantur, quatenus est illa praerogativa, quam *Petro* his verbis traditam „ esse putent „? Si eam dixeris, quae, ut citato primi Voluminis loco agebas, quae fines directorii, & formae *non egrediatur*, undenam quaeso id ex adlatis *Matthaei* verbis extundas? „ Claves (reddo tua verba ex Tomo II. pag. „ 171.) quando actu tradebantur, omnibus „ Apostolis communiter datae sunt. In omnibus „ occasionibus, ubi Christus Dominus discipulis suis aut dedit, aut confirmavit potestatem respondentem fini, quem sibi in „ constitutione Ecclesiae proposuerat, multa „ sollicitudine ad eos verba *collective* dirigit, ut per hoc singulis praetextum tollat sibi „ privative arrogandi jura, quae omnibus volebat esse communia „. Nullum igitur jus *Petro* datum est, quod Christus ceteris quoque Apostolis commune non esse voluerit. Igitur vel primatus ille, qui *fines directorii, & formae non egrediatur*, juris aliquid designat, vel honoris tantummodo est argumentum. Si hoc ais, nihil ad rem tuam dicis: si illud, a *Schuberto* negabitur tibi, qui eadem jura omnibus Apostolis communia a Christo constituta fuisse tradideris. *At enim quid inter ceteros electus a Chri-*

a Christo Petrus, ut in ejus persona toti Ecclesiae claves Regni Coelorum daret, nisi quia Primatum in tota Ecclesia, Christo concedente, gerebat? Recte. Verum in Petri persona toti Ecclesiae dari claves a Christo potuere, quod Ecclesiam Petrus significaret ut ejus Princeps; potuere etiam dari, quod totius Ecclesiae gestarit personam, veluti ejus Legatus. Illud tu inficiaris; ex hoc autem Legati munere quid tandem pro primatu, qui *finis directorii*, & *formae* non egrediatur, sed tamen sit potestatis, efficies? *Johannis* locus superest, quem expendens ajebas: *ut quid repetita haec de amore interrogatio, repetitumque pascendi Dominici gregis mandatum Petro datur, si nullum peculiare, & a ceteris distinctum munus illi collatum fuisset?* Verum, quid *Schuberto* facies ita repetitam hanc de amore interrogationem enarranti p. 213.?, Quod

„ hoc loco singulariter & tribus vicibus Petro

„ commendatur, sine dubio factum est, quod

„ ille Dominum suum ter abnegaverat. Suam

„ namque infirmitatem hoc lapsu satis demon-

„ straverat, seque tanto munere indignum red-

„ diderat *Petrus*, ideoque in officio confirman-

„ dus, & singulariter monendus erat, ut cu-

„ ram gregis majori diligentia & fide, mino-

„ ri vero temeritate impolterum gereret. Hinc

„ & prius interrogatur, num Christum dilige-

„ ret „. Facile ego *Schubertum* refellerem. Ex eo scilicet percunctarer, cur Christus antequam Apostolos omnes, atque adeo *Petrum* *Joh. XX.* mitteret, ac remittendorum peccatorum potestate donaret, ex *Petro* sciscitatus non

& Johan-
nis colle-
ctio Fe-
bronii de-
cretis pla-
ne contra-
ria.

fuerit, num se plus ceteris diligeret; sciscita-
 tus porro fuerit *Job. XXI.* antequam pascenda-
 rum ovium curam illi deferret? Si enim nihil
Petro contulit, quam quod eidem *Petro*, cete-
 risque Apostolis *Job. XX.* illos mittens, sicut
 miserat eum Pater, fuerat impertitus, quid erat,
 quod de *Petri* amore adeo sollicitum se tunc
 tantummodo ostenderet? „ Sumpsit igitur, ut
 „ cum doctissimo *Maldonato* loquar in hunc *Jo-*
 „ *bannis* locum, occasionem Christus *Petrum*
 „ interrogandi, utrum se plus quam ceteri di-
 „ scipuli diligeret, a recenti ejus facto, quod
 „ se unus omnium ceteris in navi relictis au-
 „ dito Christum esse, qui in littore apparebat,
 „ in mare conjecisset, quod singularis amoris
 „ fuerat. Quasi dicat, *diligis me plus his*,
 „ quemadmodum videris modo demonstrare vo-
 „ luisse? Si ergo ita est, *pasce oves meas*. Quid
 „ sequitur, nisi si non ita est, nolo, ut pascas
 „ oves meas. Atqui si *Petrus* non plus Chri-
 „ stum, quam ceteri discipuli, diligeret, non
 „ propterea profecto minorem, quam illi pa-
 „ scendarum ovium Christi potestatem adcepis-
 „ set; ergo ea potestas, quam ita Christus il-
 „ li dat, ut daturus non fuisset, nisi se plus-
 „ quam ceteri diligeret, major utique, quam
 „ potestas aliorum discipulorum, erat „. Haec
 autem potestas quum in Apostolos quoque esset
 a *Petro* exercenda, quos non minus ac ceteras
 oves *Petrus* pascere jubetur, *directorii* certe &
formae fines egrediebatur, nisi quis insipientis-
 sime velit, Apostolorum quoque in gregem, ad
 quem pascendum constituti a Christo fuerant,

pote-

potestatem *directorii* & *formae* finibus contentam fuisse. Ita ego *Schuberto* reponerem. Verum tu ad primatum illum tuum *directorii* & *formae* finibus comprehensum a *Lutherani* hujus Professoris cavillationibus vindicandum his uti non potes. Aditum enim omni defensionis praeclusisti, quum in nupero tuo libro scriberes (p.6.), „Quocumque sensu adcipiantur haec
 „ verba (*pasce oves meas*) nihil majus, latiusve
 „ ve potuerunt exprimere potestate illa, quam
 „ omnibus simul Apostolis Salvator contulit, si-
 „ ve ante, sive post colloquium, quod *Joh. XXI.*
 „ cum *Petro* habuit. Etenim ANTE dixerat
 „ omnibus *Joh. XX. v. 21. Sicut misit me Pa-*
 „ *ter, & ego mitto vos Adcipite Spiritum*
 „ *Sanctum, quorum remiseritis peccata, remittun-*
 „ *tur eis, & quorum retinueritis, retenta sunt.*
 „ His verbis Apostolos constituit, ut ita lo-
 „ quar, juris & loci sui possessores, Missioni,
 „ quam ipse a Patre adceperat, aequalem eis
 „ conferens, ut scilicet peccata abolerent, ac
 „ justitiam inter homines instaurarent, Spiritum
 „ Sanctum, cujus solius virtute haec fieri po-
 „ terant, eis insufflans. Nihil tantae aucto-
 „ ritati adjici, aut cujusquam egere poterat
 „ haec divina Missio, . Quid enim absurdius,
 „ quam aliquod peculiare, & a ceteris distinctum
 „ munus Petro collatum fuisse *Joh. XXI.* si haec
 „ verba *Pasce oves meas*, quocumque sensu adci-
 „ piantur, nihil majus latiusve potuerunt expri-
 „ mere potestate illa, quam omnibus simul Apo-
 „ stolis Salvator contulit, sive ante, sive post
 „ colloquium, quod *Joh. XXI.* cum *Petro* habuit?

si nihil tantae auctoritati adjici, aut cujusquam egere poterat haec divina Missio? Vere de tui similibus idem Schubertus (p. 234.): ex verbis: Dabo tibi claves Regni Coelorum; pascere oves meas, demonstrare volunt Primatum Petri. Et tamen fatentur, quidquid Petro his verbis promissum aut datum esset, reliquos quoque Apostolos adcepisse, quum Christus ad eos diceret: Sicut me misit Pater, ita ego mitto vos; hoc est plenam & aequalem potestatem. Quantus iste sermonis, ac judicii confictus!

*Specimina
alia.*

X. Quid vero illud, singulos Apostolos modo falli nescios, modo errori obnoxios statuere? Utrumque enimvero mira sententiarum pugna statuisti, *Febronio*. Recole primum, quae Tomo III. p. 114. vere & orthodoxe tradidisti: *Testantur SS. Patres uno ore, Concilia ab Apostolis instituta fuisse ad dirimendas controversias, & reformandos mores, licet ipsi ad stabiliendam fidem Conciliis non indigerent, quid erant singuli divino Spiritu adflati. Ita Patres Concilii V. Oecumenici: Confer nunc Tomum secundum (p. 180.); ac lege: heic ne (in) errorem incidamus, observandum est, quod Christus Dominus conferens Apostolis Spiritum Veritatis, non intenderit singulos constituere depositarios infallibiles illius veritatis; hoc etenim si foret, sequeretur, singulos Episcopos, tanquam Apostolorum Successores, infallibiles esse. Intelligis? Si Christus non intendit singulos constituere Apostolos depositarios infallibiles veritatis; utique errori singuli erant obnoxii: si erant singuli divino adflati spiritu, falli profecto nescii erant. Sed*

per-

pergis pugnantiâ secum

frontibus adversis componere (1)

Constans est, inquis (T. III. p. 159.) SS. Patrum doctrina, Episcopatum in S. Petro suum habuisse initium, quippe qui in tota Ecclesia, unus est, licet inter multos divisus: non quasi Petrus solus fuisset Episcopus, sed quia fuit primus, cui Christus promisit Episcopalem potestatem, ab illo receptam nomine totius Ecclesiae. Bene est. Verum ut a duobus, iisque difficilimis SS. Leonis & Innocentii I. locis te expedites, paullo antea (p. 153.) scripseras: attamen neque Innocentius, neque Leo loquitur de fonte, principio, atque dono potestatis Episcopalis; siquidem certum sit ex ordine Evangelistarum, hanc prius communiter a Christo collatam fuisse Apostolis, quam adcesserit praerogativa, seu principalitas Petri in eadem communione; non obstante, quod ex Discipulis Petrus primus a Christo vocatus fuerit. Haec autem non admodum consentanea esse nî vides, coecus omnino es, mi bone. Si enim Petrus fuit primus, cui Christus promisit Episcopalem potestatem, hancque recepit nomine totius Ecclesiae, an non satis id erat, ut (quod supra negaveras) Innocentius, ac Leo loquerentur de fonte, principio, atque dono potestatis Episcopalis? At certum est, inquis, ex ordine Evangelistarum, potestatem Episcopalem prius communiter a Christo collatam fuisse Apostolis, quam adcesserit praerogativa, seu principalitas Petri in eadem communio-

(1) Horat. L. I. Sat. I.

munione. Non abnuo. Verum quid si ea communiter a Christo collata per Petrum Apostolis fuerit? Non equidem ignoras, vir eruditissime, Turrecrematae, & Bellarmini (de Rom. Pont. Lib. I. Cap. XXIII.) hanc fuisse sententiam, quod solus Petrus a Christo Episcopus ordinatus fuerit, ceteri autem a Petro episcopalem consecrationem adceperint. Falsum tamen si vis, id dabo, modo ne inficieris, quod ex tertio tuo Volumine recitavi, Episcopatum in S. Petro suum habuisse initium... quia fuit primus, cui Christus promisit Episcopalem potestatem, ab illo receptam nomine totius Ecclesiae. Hoc enim si tandem tibi constans concedis; & Episcopatum in beatissimo Petro Apostolorum summo principaliter collocatum, & ab ipso quasi quaedam capite dona Christi veluti in corpus omne diffusa cum Leone, & cum Innocentio per Petrum & Apostolatus, & EPISCOPATVS in Christo coepisse exordium, seu potestatis Episcopalis Petrum in Christo fontem & principium fateberis; licet eam potestatem prius communiter a Christo collatam fuisse Apostolis (nec per Petrum eos Episcopos consecrantem), quam adceperit (reipsa) praerogativa seu principalitas Petri (antea Petro ut Ecclesiae capiti desponsa) dicamus. Cur enim primus fuit Petrus, cui Christus Episcopalem promiserit potestatem, eamque ille promissionem Ecclesiae atque adeo Apostolorum nomine adcepit; nisi quia, ut ait Cyprianus lib. de Unit., exordium Episcopatus ab unitate proficiscitur? An non autem ipsissimum id hoc est, quod negas, fontem esse Petrum, & Epi-

& *Episcopatus principium*? Sed tandem tam manifestam, turpissimamque dictorum inconstantiam dimittamus. Tu tamen cogitato, quem illi colorem obducas, ac quemadmodum salvo te honore iis e laqueis expedias. Nihil enim magis sapientem virum dedecet, quam miserrime incurrere in sese, & contrariis opinionibus quasi vinculis & compedibus implicatum haerere.

XI. Heu! tamen nisi te

mala stultitia, & quaecumque inscitia veri coecum agit (1),

Mala Febronii fides.

pudere te multo magis deberet *malae fidei*, quae Patrum Doctoremque sententias passim mutilas, aut in adversum plane sensum detorques; facta quoque nunc falsa pro veris obtrudis, nunc vera alienis, idest falsis coloribus pingis. Id tibi vitii saepius a tuis oppugnatoribus exprobratum fuerat; sed nullo fructu. Habeto exempla, quae dum recito, ne mihi irascere. Quid enim? Ego ne pudori tuo, quem omnem tute abjecisti, magis consulerem, quam veritati? Sed ad rem. Quamplurimas cum hoc tertio, tum secundo Volumine *Romanam* curiam inter, Regesque, ac Principes superiore, nostroque saeculo exortas discordias narras, quaeque hi adversus illam pro suis tuendis juribus egere, maximis laudibus extollis. Noli putare, me tam imprudentem esse, ut in haec me dumeta conjiciam. Iis ego te potius vepribus implicabo, a quibus vix incolumis elabaris. Ajo igitur, hoc quidquid est nonnisi per malam fidem

Specimen primum; quaestioni, quae super R. P. in Episcopos potestate potissimum agitur, Romanae Curiae cum Principibus discordias immiscere.

(1) HORAT. *Sat. III. Lib. II.*

ad eam , quae de *legitima potestate* Romani Pontificis nos inter & te agitur , quaestionem potuisse traduci . Ea enim quaestio Episcopos potissimum spectat . Id ex te didici , qui inter-
 tii Tomi praefatione *Italum Capuccinum* non immerito laudans ais ! „ Sed nec eo capite hic „ Theologus laude vacuus dimittendus est , „ quod , quae alii ejus in hac arena socii in- „ certis involvunt verbis , & contortis saepe „ phrasibus , ille aperto sensu , plenaque expo- „ nat sinceritate , ita ut cum eo de objecto „ disputationis minime altercandum veniat . Sic „ pag. 49. *Quaestionis* , inquit , *summa haec* „ *est : an praeeminentia Pastoralis Petri , relate* „ *ad curas Pastorales ceterorum Apostolorum* „ *(idem intelligitur de officio Papae pastoralis* „ *respective ad Episcopos) sit talis , actanta ,* „ *ut formam Monarchicam praeseferat . Nos* „ *adfirmamus* „ . Ad Principes igitur quod ad-
 tinet , antequam cum eorum dignitate Romani Pontificis acta conferantur , dispiciendum primo , num Ecclesia in Principes , atque illorum de rebus , bonis , causisque Ecclesiasticis leges aliquid sibi esse auctoritatis senserit . Si enim in Conciliis cum Provincialibus , tum Oecumenicis Ecclesia hanc sibi potestatem (jurene an injuria , alia disceptatio est , quam ingredi non sit necesse) perpetuo vindicavit ; quo spectat haec tua in *Romanos* Pontifices vehemens hisce de rebus objurgatio , nisi (quod neque Catholici , neque satis honesti viri est) ad invidiam illis conflandam ? Nam quum *Romanos* Antistites canonum Exequutores , custodes , vin-

dices

dices plenis, ut ajunt, buccis tu ipse praedices, quid aliud illis facere licuit, quam ut suas ad Ecclesiae sententiam Constitutiones adcommodarent? Enimvero quis super his controversiarum capitibus Ecclesiae sensus fuerit, nosse si cupis, excute *Sirmondi* Gallicana Concilia, Germanica *Hartzheimii*, Anglica *Wilkinsii*, *Peterfy* Hungarica; excute veteres generales Lateranenses Synodos, excute non *Tridentinam* modo, sed illas, quae tibi valde solent in ore esse, *Constantiensem* ac *Basileensem*; invenies canones, qui te pudore suffundent. Si librum, *Febroni*, de legitima Ecclesiae potestate edidisses, in illumque, quae Principum causam juvare possunt, omnia contulisses, tibi non difficilis ignoscerem. At *Romanos* Pontifices cum Regibus, ac Principibus in ea re, quae ad universae Ecclesiae cum primis auctoritatem pertinent, dolo malo committi, in eosque omnem invidiosae quaestionis offensionem iniquissime derivari quis ferat? Plura hac de re dicere vetant alia, quae magno sese numero offerunt ejusdem malae tuae fidei argumenta.

XII. Forte evenit, ut in paginam 267. incidam, ubi nonnulla indicas adversus celeberrimam a MDCLXXXII. declarationem *Romae* acta. „Mirum, inquis, in modum hac *Gal-*
 „*lorum* sanctione commotus Innocentius Papa, *Cleri Gal-*
 „die II. Aprilis 1682. omnia, quae in dictis *licani spe-*
 „*Gallicanis* comitiis acta & definita fuere, re- *ctantium*
 „scidit, cassavit, & interdixit. Ejus succes- *fraudulen-*
 „sor *Alexander VIII.* morti proximus eadem *ta narra-*
 „decreta & arresta proscripsit per Bullam in- *tio.*
 „cipien-

*Specimen
II., rerum
ad decla-
rationem
Cleri Gal-
licani spe-
ctantium
fraudulen-
ta narra-
tio.*

„ cipientem *Inter multiplices*, nec non in Bre-
 „ vi ad Regem Christianissimum die 30. Jan. an.
 „ 1691. Sed nec in simplici prohibitione ste-
 „ tere Pontifices. Nota est pertinax illa ad
 „ decennium protracta negatio Bullarum con-
 „ firmationis, facta iis, qui memorato Cleri
 „ decreto, a Rege etiam confirmato, subscri-
 „ pserant, & dein ad Episcopatus nominati
 „ sunt. Heus tu quid *pertinaciam* heic me-
 „ moras? Vix ignorasse te crediderim orationem,
 „ quam ad sacrum Cardinalium coetum *Innocen-*
 „ *tius XII.* habuit 9. Januarii an. 1692. Ejus, si
 „ meministi, hoc erat initium: „ Venerabiles Fra-
 „ tres; tamdiu est quod plurimas florentissimi
 „ Regni Ecclesias Pastoribus viduatas *intimo*
 „ *cordis affectu miseremur*. Ex quo vero divi-
 „ nae bonitati placuit ad praeexcelsum Aposto-
 „ lici muneris culmen, & ad sollicitudinem
 „ omnium Ecclesiarum humilitatem nostram vo-
 „ care, deplorabili sane tot animarum pericu-
 „ lo consulere dies, noctesque assidue cogita-
 „ vimus; tandem quum pro gravissima rerum,
 „ ac temporum difficultate non alia aequior ha-
 „ stenus occurrerit ratio huic necessitati pro-
 „ spiciendi, de complurium Fraternitatum ve-
 „ strarum consilio in eam sententiam ivimus,
 „ ut ex eorum numero, quos nobis carissimus
 „ in Christo filius noster *Ludovicus Francorum*
 „ Rex Christianissimus nominavit, illos dum-
 „ taxat, qui satis notis Cleri *Gallicani* Comitiiis
 „ anno 1682. habitis non interfuere, nec ini-
 „ bi gestis, merito ab hac Sancta Sede repro-
 „ batis, ullatenus adfensere, quosque non
 „ modo

„ modo ab ea labe immunes, sed & alioquin
 „ idoneos legitimis documentis fore constite-
 „ rit, ad Ecclesiae regimen admitteremus „.
 Valent haec multum contra falsam pertinaciae
 criminationem, quam Apostolicae Sedi impin-
 gis. Anne enim *pertinaciam* dicere Catholicus
 vir possit Sedis Apostolicae non tam in avitis
 juribus, quam in receptis apud universas gen-
 tes dogmatibus adferendis constantiam, conjun-
 ctam pari in adversarios pietate ac benevolen-
 tia, qualem *Innocentii* adloquutio palam pro-
 dit? Sed cur qui tam saepe *Bertonios*, cete-
 rosque tuos defensores appellas, hoc loco le-
 ctiores non monuisti, ut paginam 201. confer-
 rent, uhi *Bertonius Gallicanorum* Praesulum,
 qui comitiis interfuerant, palinodiam, litteras-
 que ea super re ad eundem *Innocentium* a piissi-
 mo Rege *Ludovico XIV.* perscriptas indicat?
 Nempe lectores horum non meminisse tua tunc
 intererat, ut Curiae *Romanae* facilius irasceren-
 tur. Videarne tibi plus aequo infensior, siquid
 malae fidei sub hoc silentio latere conjecero?
 Quamquam & altero illo loco de duobus his
 monumentis nullo potius, quam quo fecisti mo-
 do, loquutum te fuisse praestitisset! adeo inde-
 core, malevole, & callide Capuccino insultas
memoranti, ut ais, *de revocatione Decretorum*
ejusdem conventus a Rege Ludovico XIV. prae-
tense facta in litteris 24. Septembris 1693. ad
Papam scriptis, demum de vi & efficacia Epi-
stolarum deprecatoriarum, tunc ad Innoc. XII.
ab iis, qui in ipsis Comitiis decreto Cleri sub-
scripserant, exaratarum. O Germani candoris
 dede-

dedecus ! quid *revocationem* a *Ludovico XIV.* *praetense factam* appellas ? Audeſne de litteris, quas ad *Innocentium XII.* magnus ille Rex perſcripſit, non a *Viatore* ſolum, aut ab *Antifebronii vindicati* Auctore, ſed a *Dupinio* quoque tuo redditis dubitare ? an *Ludov. XIV.* exiſtimas, ſummo Pontifici illudere voluiſſe, dum *irritum, & effectum vacuum* fore ſuum de declaratione illa ſervanda edictum Sanctae Sedi promiſit ? Illud etiam vide, quantam *Gallicanis* Episcopis injuriam irrogaveris, qui eos nulla gravitatis ſuae, nulla pudoris, nulla conſcientiae ratione habita epistoſas ad eundem *Innocentium* deprecatorias miſiſſe *vi & efficacia* deſtitutas, *Innocentio* nempe *XII.* ſeu potius *Petro* turpiter mentitos fuiſſe deblateraviſti.

*Specimen
tertium;
corruptus
Innocentii
I. locus.*

XIII. Illos ſcilicet tui ſimiles tibi fin-
gis, qui etiam admonitus mendacia iteras.
„ Audiamus, inquis p. 110. *Innocentium I.*
„ qui epist. 24. n. 4. rem paucis diſtincte ex-
„ plicat, quum reſponſis ad *Alexandri Antio-*
„ *cheni* conſultationes datis adjungit: *Gravi-*
„ *tas itaque tua haec ad notitiam Coepiſcopo-*
„ *rum, vel per Synodum, ſi poteſt fieri, vel*
„ *per barum (litterarum) recitationem, faciat*
„ *pervenire, VT OMNIVM CONSENSV STV-*
„ *DIOQVE FIRMENTVR*„. Heic mendacium
latet; non enim *FIRMENTVR*, ut ut uncia-
libus litteris illud expreſſeris, ſed *SERVEN-*
TVR legitur in *Innocentii* epistoſa, quam ex
Conſtantio recitas; atque in hanc unam lectionem
Codices omnes conſentire vel id argumen-
to ſit, nullam verbo *ſerventur* ab ipſo *Conſtan-*
tio

tio variantem lectionem adscribi. Verum quod gravius est, ac majore reprehensione dignum, fueras hujus mendacii, quod in primo quoque Volumine admiseras *Cap. II. §. 8. n. 5.*, ab Auctore *Antisebronii* his verbis convictus *p. 111. Lib. II. Cap. III. n. 6. pag. 430. Caesen. edit.* „ *Feb-*
 „ *bronio* legge *confermate*, come appunto il
 „ *P. Constant* mostra nella Prefazione alle let-
 „ tere Pontificie di aver letto; anzi da quel
 „ dotto *Benedettino* senza citarlo trascrive
 „ questa riflessione; *ma dove ci è consenso*,
 „ *ivi ancora si suppone facoltà di deliberare e*
 „ *di dissentire*. Ma il *Benedettino* scrisse *fir-*
 „ *mentur* per isbaglio, *Febbronio* lo ha per
 „ malizia ritenuto. Perocchè quegli cita solo
 „ la lettera, ma poi nel pubblicarla stampò
 „ *serventur*; questi non solo cita la lettera,
 „ ma anche la pagina, ove è stampata, e
 „ nondimeno avendoci letto chiaramente *ser-*
 „ *ventur*, torna a rimetter nel testo il *firmen-*
 „ *tur*, che per errore era nella Prefazione sfug-
 „ gito a quel celebre *Benedettino*. Nò. *Inno-*
 „ *cenzo* non volea, che le sue leggi fossero
 „ *confermate*, ma *osservate* con comune con-
 „ senso, cioè da tutti „. *Quid faciam tibi*,
 „ *postquam Zachariae admonitu nihil cautior fa-*
 „ *ctus*, quae tum peccaras, ad eadem ipsa re-
 „ *volveris*?

XIV. Atque utinam non in re multo gra-
 viore idem objicere crimen tibi deberem! Ve-
 rum quid illis mendacius, quae de *Eugenio IV.*
 narras *p. 138.*? „ Cum in Conventu Franco-
 „ furtano dicti anni 1446. Legati Pontificis

C

„ Eu-

Specimen
IV. Decre-
torum Con-
stantiensis
adprobatio
Eu-

Eugenio „ *Eugenii* IV. Imperatorem & Principes Im-
 IV. temere „ perii, universam nationem repraesentantes,
 & falso „ a sua, in qua ab octennio haecenus perstite-
 adserta, „ rant, neutralitate revocare, & ad obedi-
 ac tribus „ tiam eidem *Eugenio* praestandam pertrahere
 mendaciis „ conarentur, unanimi consensu conclusum
 explicata „ est, *Germanos* imposterum *Eugenium* pro
 „ vero Pontifice agnituros, dummodo ille non-
 „ nulla nationi concederet; quae etiam *Euge-*
 „ *nus*, dum ad se per solemnem Legationem
 „ ab Imperio deputatam deferrentur, auditis
 „ in Consistorio secreto Legatis, indulgit. In-
 „ ter hos a *Germanorum* Legatis propositos, a
 „ Papa adceptatos articulos duo erant notabi-
 „ liores: Primus, ut novum quoddam genera-
 „ le Concilium in *Alemanniae* partibus, in
 „ uno de quinque locis, videlicet *Constantia*,
 „ *Argentina*, *Moguntia*, *Wormatia*, *Trevi-*
 „ *ris* propter Ecclesiae necessitates convocaretur.
 „ In altero profitetur Pontifex, se Concilium
 „ generale *Constantiense*, decretum *FRE-*
 „ *QVENS*, ac alia ejus decreta, sicut ce-
 „ tera alia Concilia Catholicam militantem Ec-
 „ clesiam repraesentantia, ipsorum potestatem,
 „ auctoritatem, honorem, & reverentiam, si-
 „ cut & ceteri ejus Antecessores, a quorum
 „ vestigiis deviare nequaquam intendit, susci-
 „ pere, amplecti & venerari: Hoc Breve Apo-
 „ stolicum nonis Febr. an. 1447. datum ad *Fre-*
 „ *dericum Romanorum Regem*, *Theodoricum*
 „ *Archiep. Moguntinum*, & *Fredericum Mar-*
 „ *chionem Brandenburgensem* prostat apud *Ray-*
 „ *naldum* ad ann. 1447. n. 5. & alios, . Tum
 me-

memorato, quod vocant, *Eugenii IV. Salvatorio* subjungis p. 140. „ Cum non obstante hoc
 „ Salvatorio, neque in his Concordatis *Eugenii IV.*, neque in illis *Nicolai V.* (de quibus mox) nec per posterius aliquod Concilium, circa ea, quae per eundem *Eugenium*
 „ Nationi *Germanicae* declarata & promissa, fuerunt, quidquam noscatur immutatum,
 „ aut retractatum, sponte sequitur, nihil in hisce concessis offendi, quod regulis & doctrinae SS. Patrum, aut essentiali aut inabdicabili Sedis Apostolicae auctoritati & privilegiis deroget; eorum proinde valorem & constantem obligationem pacificam a Natione jure optimo urgeri & manuteneri posse. Tantum autem abest, ut his per concordatum *Aschaffenburgense*, anno 1448. inter *Nicolaum V.* & *Germanicam* Nationem initum, derogatum dici valeat, ut potius & ex contrario primum illud hac in parte per secundum verbis ejus finalibus innovatum & roboratum existat. Verba hujus sunt: *In aliis autem, quae per felicitis recordationis Dominum Eugenium Papam quartum pro Natione praefata, usque ad tempus futuri Generalis Concilii permissa, concessa, indulta, atque decreta, & per memoratum Sanctissimum Dominum Nostrum Papam Nicolaum confirmata fuere, in quantum illa Concordiae praesenti non obviant, ista vice nihil exstitit immutatum* „. Ex his porro illud sponte fluere existimas, quod p. 136. adserueras „ suam premam universalium Synodorum auctorita-

„ tem esse *unum ex praecipuis articulis Con-*
 „ *cordatorum* Germaniae ; consequenter eam-
 „ dem non solum ab hac Natione tamquam ve-
 „ ram & legitimam agnosci , sed & ejusdem
 „ auctoritatis pondere ac nexu ex publico &
 „ solemni in hanc usque diem perdurante pa-
 „ cto , *Romanum* Pontificem ligari „ ; hincque
 „ addis p. 142. „ privatis Doctoribus minime per-
 „ mittendum , ut sententias dictis Decretis con-
 „ trarias , sive e cathedris , sive impressis li-
 „ bris tradant , aut eorumdem Decretorum vi-
 „ gore per scholasticas distinctiunculas & sub-
 „ tilitates spiritui legis & Concordati adversas ,
 „ quoquo modo enervent „ . Mendacia omnia ,
 „ quae tamen pridem effutiisse *T. II. p. 5.* , immo
 „ & *T. I. Cap. VI. §. 16. n. 5.* tibi satis non fuit ,
 „ sed iterum Tomo III. impavidus eructas p. 275.
 „ ut non bis tantum aut ter , sed quater ad eum-
 „ dem , quod ajunt , lapidem offenderis . Men-
 „ dadium primum , *Eugenium* se Concilii genera-
 „ lis auctoritati ex *Constantiensibus* decretis a se
 „ probatis obnoxium agnovisse . Aliquanto paca-
 „ tiore animo confer cum oratorum , quos ad
 „ *Eugenium* inclyta tua Natio miserat , petitione
 „ ipsius *Eugenii* responsum . Alterum est , ajebant
 „ illi apud *Ruynald.* ad an. 1447. n. 2. , ut profes-
 „ so potestatis , auctoritatis , & PRAEEMINEN-
 „ TIAE generalium Conciliorum Catholicam mili-
 „ tantem Ecclesiam repraesentantium per tuos Ora-
 „ tores facta tuis litteris adprobetur . Quid ve-
 „ ro illis *Eugenius* ? Concilium generale Constan-
 „ tiense , decretum FREQUENS , ac alia ejus de-
 „ creta , sicut cetera alia Concilia Catholicam mi-
 „ litan-

*Mendacis
 primum .*

litantem Ecclesiam repraesentantia, ipsorum potestatem, auctoritatem, honorem & eminentiam, sicut & ceteri antecessores nostri, a quorum vestigiis deviare nequaquam intendimus, suscipimus, amplectimur, & veneramur. Adi jam *Antisebronium vindicatum* (T.II. pag.282.), haec invenies, quae rem nostram conficiunt.

„ Primum (*Eugenius*) non *Præeminentiae* verbo utitur, quod Conciliorum potiorum Pontificia auctoritatem indicare poterat, sed „ *honorem* & *EMINENTIAM* appellat; quae „ nomina nemo Pontificiae dignitatis studiosissimus usurpare abnueret, neque Legati propterea conquesti sunt. Deinde Concilium „ *Constantiense*, *Decretum Frequens* (a tribus „ obediens conditum) ac alia ejus decreta „ suscipit, sed sicut ceteri antecessores nostri. „ Porro *Martinus* ea solum *Constantiensis* decreta susceperat, quae conciliariter, & in „ materia fidei edita fuerant; cujusmodi non „ fuisse, quae *Constantiensis* auctoritatem firmaverant, exploratum est. Ipsimet Germani mitiores facti ad *Eugenianum* responsum petitiones ejus successor *Nicolaus V.* exhibitas reformarunt. Praesto tibi esse Illustris. ab *Honthelm* historiam diplomaticam non dubito: auctor tibi est adprime carus. Vide ergo Tomo II. pag.409. *JACOBI Electoris Trevirensis*, & aliquot Germaniae Principum Avisamentum de eo, quod sibi videtur dirimendo schismati aptissimum. Item, inquit, instabit Dominus Rex Francorum, quod S. D. *Nicolaus Papa V.* *Constantiensis decretum Frequens*, & alia ejus decre-

*creta, sicut cetera Concilia Catholicam militan-
tem Ecclesiam repraesentantia, ipsorum potesta-
tem, honorem, & EMINENTIAM (non prae-
eminentiam, quod verbum Oratores usurpant)
SICUT ET CETERI ANTECESSORES SVI,
suscipiet, amplectetur, & venerabitur. Non
amplius de absoluta decretorum Constantiensium
adprobatione sermo est; ea tantum petitur ad-
probatio, quae ad antecessorum suorum exem-
plum exigeretur. En ergo aliquid immutatum,
quod negaveras. Mendacium secundum, ex ver-
bis illis, quae a te reddita vidimus, concordati
Aschaffenburgensis, Eugenianum responsum
omnino perstans intelligi. Exstant scilicet apud
P. Hartzheim T.V. Concilior. Germania p.382.
Eugenii litterae, quarum initium ad tranquil-
litatem, uti etiam p.390. ejusdem Constitutio:
inter cetera desideria. Hae porro Constitutio-
nes si cum Aschaffenburgensibus pactis compa-
rentur, non pauca in utroque diplomate depre-
hendemus, quae pactis illis minime continen-
tur. Quatenam igitur causa esse potest, cur
ea verba ad Constantiensium decretorum confir-
mationem trahamus? Immo vero ut illa de
aliis omnibus interpretemur, certissima nos ra-
tio cogit. Quid enim? An non de iis agitur,
quae usque ad tempus FVTVRI generalis Con-
cilii permissa, concessa, indulta, atque decreta
fuerant? Quae igitur inter haec decretum FRE-
QVENS, multoque magis Conciliorum venera-
tio percontetur? eritne aliquis, nisi emota
mente sit, qui Eugenium, ac Nicolaum se ge-
neralia Concilia veneraturos usque ad tempus
futurum*

futuri generalis Concilii recepisse contendat ? quasi generalium Conciliorum adprobatio ejus generis sit, quae aut temporum spatiis contineatur, aut a quoquam insequente Concilio reformari possit. Quamquam si *Eugenianum* responsum heic spectari praeferre velis, dabo ; sed responsum intellige, qua demum germana ratione fuit a me paullo antea explicatum : quid inde efficies ? Mendacium tertium, Conciliorum generalium in *Romanos* Pontifices auctoritatem ejusmodi dogma esse, a quo *Germanis* Doctoribus nefas sit dissentire. Nemo scilicet ante *Bertonum*, ac *Febronium* in *Germania* fuit, qui Concordatorum vim adsequeretur. O fortunatam *Germaniam* ! Huic tandem *Febronianae* lucis ope tenebras discutere licet, quibus suae Nationis concordata haecenus obducebantur. Sed Ironiae sit fatis. Tu nimirum callidissimus veterator tuis hisce commentis in apertam seditionem *Germaniae* tuae Principes vocas.

*Mendacium
tertium.*

Libera si dantur populo suffragia, quis tam perditus, ut dubitet Senecam praeferre Neroni (1) ?

Igitur inquis, *Germaniae* Theologis, & Jureconsultis non amplius per Principes integrum sit *Romanorum* Pontificum in ipsas Oecumenicas Synodos potestatem tueri. Nisi enim id docere Academiae prohibeantur, irritus meus erit omnis conatus. Nam ecquis inter *Germanos* adeo hebes sit, qui Concordatorum obtentu in re post extincta *Basileensis* odii semina apud *Viennensem*, *Coloniensem*, *Moguntinam*,

C 4

IX-

(1) *Juven. Sat. VIII.*

Ingolstadiensem, ceterasque illustrissimas suae gentis Academias rata & constituta imponi sibi patiatur? Verum, *Febroni*, norunt, mihi crede, *Germani* tui, quantum distent aera lupinis, neque ii sunt, qui veritatem ejusmodi constringi vinculis diutius sinant. Nationis ipsi tuae Principes tuorum dogmatum novitate delectari aliquando possunt, dum ad ejus virus pernoscendum gravissimis rei publicae curis distraeti animum non adjecerint; sed majorum tandem exemplis, suaeque ipsorum in *Romanam* Sedem observantia excitati ubi dolos a te adhibitos intellexerint, te tuasque artes justissimo odio prosequuntur. Hunc demum tui operis fructum exspectato.

*Specimen
V. malitiosum
veteris
renovandae
disciplinae
studium.*

XV. Illud equidem Principum auribus non insuave occinis p. 119. Sane nullus, nisi communis sensus expertus, ambigere potest, quin Imperatores, tamquam Juris divini, Naturalis, & Canonici vindices, atque communes Episcopi externae disciplinae, jus habeant cogendi Ecclesiasticos ad Legis divinae, Naturalis, & Canonicae executionem: quorum similia ea sunt p. 178. hinc Princeps, qua exequutor Canonum, etiam non exspectato Ecclesiae mandato seu requisitione, ad horum Canonum executionem procedere potest ... descendit hoc jus temporarium Potestatum ex jure protectionis & advocatae, consequenter ex jure divino. Verum & ista nonnisi malam tuam fidem confirmant. Quo enim spectant? ut reducatur (utor tuis verbis Tomo II. p. 553.) disciplina & regimen Ecclesiae ad terminos quatuor primorum Conciliorum.

Nem-

Nempe *nunc omnia*, inquis in hoc ipso tertio operis Tomo (p. 258.) *immutata & tam confusa sunt*, ut *veterem Ecclesiae faciem vix valeas agnoscere*, licet enim (pergis dicere pag. 259.) *quaedam praeclara decreta a Tridentina Synodo emanaverint*, attamen per ea effectum nondum est, ut *Ecclesiastica disciplina ad pristinos mores componeretur*. Itaque (concludis p. 262.) *si Principes sub velo pietatis aut religionis negligerent tantas corruptelas reprimere, atque sacros Canones defendere, eo citius certiusque Sancta Religio nostra rueret; proinde illi se tanti mali participes, & gravis noxae reos constituerent*. De hocce tuo *furis antiqui corpore*, quod *purum* appellas, multa, eaque observatu digna invenies *Antifebr. vindic. T. III. Diff. VI. Cap. IV. num. 11. seq.* Sed illa omitto; mihi fallaciae tuae sunt heic tantummodo detegendae. Audi igitur, quid mihi in mentem venerit. Caesari, Regibus, ceterisque Catholicae Europae principibus libellum supplicem tuo nomine offerre constitui. Erit ille huiusmodi, prooemio ex Tomi tui primi praefatione mutuato.



EPISTOLA IVSTINI FEBRONII

*Libellus supplex Regibus, & Principibus
Christianis datus super veteris disciplinae
restitutione.*

„ Q Uisquis me de bono Catholicae religio-
 „ nis & generali sacrorum in *Europa* pu-
 „ rificatione meditantem, ac pro ea vota, ver-
 „ baque facientem audire volet, is unicam ad
 „ desideratissimum hunc finem semitam supe-
 „ resse existimet, ut omnis materia *disciplinae*
 „ reducatur ad eum statum, quo fuit, ante-
 „ quam adversarii nostri de injusto jugo ex ex-
 „ cessu potestatis haberent non infundatam,
 „ querendi materiam. Sublatis his scandalis
 „ (quae quidem per se, tamquam ab Ecclesia
 „ numquam adprobata, non debuissent, nec
 „ potuissent dare fundatam ansam scindendae
 „ unionis, attamen, prout nunc res sunt, plu-
 „ rimorum animos ita occupant, ut propterea
 „ sinum matris horreant) adparebit Religio
 „ nostra, omnibus, iis maxime, qui Evange-
 „ lio credunt, qualis vel ipsis Ethnicis visa
 „ est, sancta & amabilis. Verum id absque
 „ vestro praesidio obtineri quei possit? *Redeat*
 „ *in memoriam* Constantinus Imperator Christia-
 „ nus: quem famulatum exhibuerit Deo: quae
 „ habuerit vota, ut remotis schismatibus, in-
 „ termortua omni disseusione, sub toto coelo fi-
 „ lios suos gaudens in uno videret sancta Ma-
 „ ter Ecclesia. Reddiderat unam communionem,
 „ mari-

„ *maritis uxores, parentibus filios, fratribus*
 „ *sorores* . Hunc eundem famulatum exhibere
 „ Deo, eosdem jucundissimos fructus percipe-
 „ re, eandem communionem reddere, in ve-
 „ stra, Serenissimi Principes, est potestate .
 „ Interea quos ego veteris Ecclesiae Canones,
 „ ususque vestra auctoritate restitui maxime
 „ velim, adcipite „ .

1. „ Visum est per singulos annos in
 „ singulis quibusque Provinciis bis in anno
 „ Episcoporum Concilia fieri „ . *Conc. Nic. Can.*
V. Chalced. Can. XIX.

2. Praeterea . „ Ut propter causas ec-
 „ clesiasticas, quae ad perniciem plebium fae-
 „ pe veterascunt, singulis quibusque annis
 „ Concilium (plenarium seu Nationale) con-
 „ vocetur : ad quod omnes Provinciae, quae
 „ primas sedes habent, de Conciliis suis ter-
 „ nos legatos mittant „ . *Conc. Carthagin. an.*
392. Can. V.

3. Vicarii Apostolici in *Galliis, Germa-*
nia, Hispaniis, aliisque Regnis ex veteri *Siri-*
cii, Zosimi, Leonis, aliorumque, qui multo
 ante *Isidorum* floruerunt, *Romanorum* Pontifi-
 cum disciplina ab Ecclesiis recepta constituantur . In his vero, quae *ad Ecclesiasticam perti-*
nent disciplinam, Vicario Apostolico parebunt
 omnes Episcopi . Ad Synodum quicumque fue-
 rit evocatus occurrat, nec congregationi se-
 deneget, in qua ad Deum pertinentes causas
 noverit esse tractandas . . . Quidquid causarum,
 ut adsolet, inter Confacerdotes evenerit, ejus,
 cui vicem suam Papa commiserit, examini re-
 fer-

servetur: ut illo sub Dei timore praesule, omnis ambiguitas finiatur. Eum quoque Episcopi *de ordinando Antistite* consulent. Illi autem Metropolitani Episcopi consecratio reservetur. Praeterea ipse *secundam definita Canonum de Statu Ecclesiarum* certiotem subinde sua relatione summum Pontificem faciet. Siquae vero caussae graviores, vel appellationes emerferint, eas sub ipsius relatione ad Papam mitti debere decernatur, ut Pontificia secundum Ecclesiasticum morem sententia finiantur. *Ex S. Leonis M. Epist. V. ad Episcopos Metropolitanos per Illyricum constitutos.*

4. Quisquis Episcoporum vel Clericorum, quum in Ecclesia ei fuerit crimen impositum, vel civilis caussa fuerit commota; & is relicto ecclesiastico iudicio, publicis judiciis purgari voluerit, etiamsi pro illo fuerit prolata sententia, locum suum amittat, & hoc in criminali iudicio. In civili vero, perdat quod evicit, si locum suum obtinere voluerit. Cui enim ad eligendos iudices undique Ecclesiae patet auctoritas, ipse se indignum fraterno consortio iudicat, qui de universa Ecclesia male sentiendo, de iudicio saeculari poscit auxilium: quum privatorum Christianorum caussas Apostolus ad Ecclesiam deferri, atque ibi determinari praecipiat. *Concil. Carthag. an. 392. Can. IX. & Chalcedon. Can. IX.*

5. Quae Deo semel sacrata sunt Monasteria secundum Episcoporum consensum, oportet in perpetuum Monasteria nuncupari, & eorum res Monasteriis reservari, & non posse

se ulterius coenacula secularia fieri: si qui vero hoc fieri permiserint, canonicis interdictis subjaceant. *Concil. Chalcedon. Can. XXIV.*

6. Omnes Clerici Ecclesiae suae incardinentur, quae universa bona in communi administrabit. Quatuor autem tam de redditu, quam de oblatione fidelium prout cujuslibet Ecclesiae facultas admittit, sicut dudum rationabiliter est decretum, convenit fieri portiones, quarum sit una Pontificis, altera Clericorum, tertia pauperum, quarta fabricis applicanda. De quibus sicut Sacerdotis intererit integram Ministris Ecclesiae memoratam dependere quantitatem: sic Clerus ultra delegatam sibi summam, nihil insolenter noverit expendendum. *Constitutio Gelasii Papae cap. XXIII.* Sic igitur cum pluralitati beneficiorum, tum Regaliae, & primariorum precum juri aditus in perpetuum praecludetur.

7. Placuit omnem Ecclesiam habentem Episcopum etiam Oeconomum habere de proprio Clero, qui res Ecclesiasticas dispenset cum consensu Episcopi sui: ne quum dispensatio sine testimonio fuerit, res Ecclesiasticae dispersae sint ad contumeliam Pontifici irrogandam; si vero hoc non fecerint, eos sanctis esse canonibus reos. *Conc. Chalced. can. XXVI.*

8. Poenitentibus secundum differentiam peccatorum, Episcopi arbitrio poenitentiae (publicae) tempora decernantur. Et ut Presbyteri inconsulto Episcopo non reconcilient poenitentes, nisi absentia Episcopi, & necessitate cogente. Cujuscumque autem poenitentis

tis publicum , & vulgatissimum crimen est , quod universa Ecclesia noverit , ante absidem manus ei imponatur . *Concil. Carthag. ann. CCCXCVII. cap. 30.*

9. Praeter jejunia Quadragesimae , aliaque dudum praescripta , sexta feria , & sabbato singulis hebdomadis jejunandum . *Ex epist. Innoc. I. ad Decent. cap. 4.*

10. Non solum a carnibus , ovis , lacte , caseo , idque genus ceteris , sed etiam a vino jejunantes abstineant . *Ex Theophili Alexandr. Paschali epist. III. & Concilio Gerundensi a. DXVII.*

11. Jejunia autem non solvantur nisi sub solis occasum Vesperis decantatis : *Concil. Cabillon. cap. V.*

12. Vespertina collatiuncula , quae majoribus nostris ignota fuit , omnino aboleatur ,

„ Hanc ergo disciplinam , Serenissimi
 „ Principes , ut omni ope revocandam curetis ,
 „ oro atque obsecro . *Papa quidem suo sensui* (1) *& praejudiciis , quibus innutritus*
 „ *est , tam firmiter inhaerebit , ut sperari mi-*
 „ *nime valeat , futurum , ut ab illis absce-*
 „ *dat .* Si Princeps hanc justam defensionem
 „ veterum canonum abijciendam , aut negli-
 „ gendam putaret , hoc a prudentioribus non
 „ immerito adtribueretur aut damnabili illius
 „ incuriae , aut defectui animi innovationibus
 „ Romanae Curiae resistendi , quae per hoc
 „ au-

(1) *Febronii verba Tomo III. pag. 260.*

„ audacior reddita , Ecclesiae amplius nocere
 „ non omitteret (1). „

Age *Febroni* , quid ad haec dicturos Principes putas ? Hoc unum , crede , hominem te aut insanissimum aut audacissimum esse , qui antiquitatis obtentu turbare omnia velis , Principum jura evertere , populos durissimis legibus fatigare . At tu ne despondeas animum : urge illos pro tuo antiquae disciplinae studio , atque admone , ni faciant , se tantae corruptionis , qua undique obruimur , *participes* , & *gravis noxae reos* futuros . Si responderint , se Canonum , quibus praesens Ecclesia utitur , vindices esse ; minime vero , inquires , quemadmodum tono primo dixeras *p. 743.* „ Imperator , Reges , „ Principes vigore supremi & regii muneris „ vel ipso hoc declarante Concilio *Tridentino Sess. XXV. cap. 20. de reform.* jure divino sunt nati defensores & protectores „ *Ecclesiae* , idest , *Conciliorum & Canonum* , „ ad status Ecclesiae conservationem , & bonum ordinem spectantium , Canonum , inquam , *verorum* , non *spuriorum* , quos ingenti , ad nos usque propagato Ecclesiastici ordinis & disciplinae detrimento confinxit *Isidorus* . „ Constantia tua vincentur . Quorsum ista ? Intelligas , velim , non esse cur de faustissima librorum tuorum fortuna tantopere tibi plaudas , uti facis *p. 181.* Tuarum fraudum fructus is est , non bonae causae , quam tueri te simulas . Principibus nempe ,

eo-

(1) *Idem ibid. pag. 261.*

eorumque ministris imponere potest pietatis ac religionis species, qua mendacissimas adsentationes tuas obtegis. Fac tamen (quod haud difficile eveniat), ut quo tantum veteris disciplinae studium vergat, penitus percipiant, omnes tuas fallacias excutiant, perniciem cum proposita sibi in Ecclesiam auctoritate conjunctam agnoscant; nihil non erit ab illis tibi, tuisque libris timendum.

Impudentia Febronii singularis. Specimen primum, gloriatio de Protestantium laudibus.

XVI. Ceterum infinitus sim, si quae edidisti, malae fidei argumenta persequi omnia dicendo velim. De his igitur haftenus. Ad impudentiam propero, qua temetipsum, malamque omnem tuam fidem plane vicisti. Verum hac in re unde ordiar, anceps haereo; tam multa undique me singularis hujus tuae, effraenataeque licentiae exempla circumstant. Inconsulta tamen illa gloriatio, qua laudes a Protestantibus in tuum librum collatas memoras p. 206. seq. dignissima est, quae primum exagitetur. Dixerat Larvatus auctor elegantis cujusdam libelli, quem tu *judicium* vocas satis ineleganter *protestantico-jesuiticum*, opus Febronii *nec Protestantibus placere posse, nec Catholicis*. Id enimvero tuam modestiam pupgit. Quamobrem in medium adfers, quae in actis *Lipsiensibus* Eruditorum hominum de primo tuo volumine prostant, & quae *Fridericus a Moser* in suis quibusdam *Reliquiis* (non certe Sanctorum) tuo de opere scripsit, immo quum *P. Schmid*, te ipsis etiam *Protestantibus commendatum* appellasset, hunc Professorein hac in parte suis *Collegis sinceriores*, & ae-

quo-

quiorem gratus praedicas p. 278. Equidem eos, qui te a Protestantibus laudari consentiunt, cum illis, qui opus tuum Protestantibus place- re non posse ajunt, multo minus, quam tu re- ris, pugnare crediderim. Video enim eos ipsos Protestantes, qui multis te laudibus sunt profe- quuti, eo tandem delabi, ut ad illorum cum Romana Ecclesia componendas discordias fru- stra te laborasse pronuncient. Plura vide in *Anti- febronio vindicato T. I. p. 90. seq.* Satis for- tasse sit te admonere, ut *Lipsiensia* acta, quae appellas, diligentius recolas. Haec enim ibi legere est, quae hoc aperte innunt: „ Nos „ vero hanc ipsam operam, a doctissimo Au- „ ctore, cujus insignem rerum, quae formam „ Ecclesiae, & leges concernunt, peritiam „ singulae non paginae, sed lineae produnt, „ in tam arduo nec omni periculo libero ne- „ gotio collocatam, satis mirari quidem & lau- „ dare non possumus; neque tamen omnia „ probare. Multa enim insunt, quae Pontifi- „ ciam superstitionem adhuc sapere, & cum „ fine, quem vir egregie cordatus sibi propo- „ suit, minus convenire videntur, ut est to- „ ta ejus de primatu doctrina, quae veremur, „ ne quemlibet nostrum a consilio auctoris per- „ sequendo deterreat. „ *Schubertus* quoque postquam ab eruditione non minus, quam a ve- ritatis (*Lutheranae* scilicet) amore te plurimum commendasset, ait tamen pag. 116. te multa de potestate Ecclesiae & Pontificis retinuisse, quae a nobis (Protestantibus) merito improbantur. Quod igitur tu homo acutissimus non perspexisti,

D

per-

perspicimus omnes, opus quidem tuum a Protestantibus, qua parte *Romanos* Pontifices calumniis adficias impudentissimis, laudari, omnino tamen illis non probari; ut vere loquantur tum qui commendari, tum qui non placere illud Protestantibus adserunt. Hoc tamen nostra nihil refert. Illud permagni interest, Catholicum virum de Protestantium laudibus sibi plaudere potuisse. *Horrent*, ut cum Auctore *Antifebronii vindicati* loquar *T. I. pag. 7. horrent etiamnum nostrorum hominum aures, dum Launojum, atque Dupinium heroes Febronio laudatissimos a Protestantibus audiunt* testibus veritatis, *bae- reticae nimirum falsitatis adnumerari*. An non perfrectae frontis sit de ejusmodi laudibus plausum gloriamque captare?

*Specimen
secundum,
scriptorum
qui Ponti-
ficis Roma-
ni causam
tuentur, ut
S. Franci-
sci Salefii,
contemptus*

XVII. Aliud nunc tuae impudentiae genus agnosce. Scriptores, qui Pontificiam auctoritatem tecum laceffunt, aut etiam convellunt, ut *Fleury, Van-Espen*, judice te (p. 247.) *tanti meriti viri sunt; Paullus ipse Sarpinus* (p. 249.) *vir magnus audit; illustris Thuanus* est (p. 251.) Contra qui cum *Romanis* Pontificis causam tuentur, hi nullius bonae frugis sunt, vix homines puto: *Romani* vero (p. 248) *non sunt adsueti legendis seu ruminandis bonis scriptoribus, quos saepe vix nomine noverunt*. O lacrymabilem Quiritum infcitiam, qui *Moseros, Nelleros, Seckendorffios*, idque genus Boreales Scriptores vix (de) melito ipsorum nomine noverunt! Tu quidem in tertii tomi praefatione non diffiteris, evenire in *Germania* tua consueffe, ut quae in *Italia*

im-

imprimuntur , serius ad eas partes deferantur . Sed Scriptores nostri *boni* non sunt, nisi forte ab avita nostratium hominum in *Romanam* Sedem observantia desciverint . Non id ergo *Germanis* exprobrandum, si nostros Scriptores ignorarint . Sapienter tu quidem facis, qui *Romanis* eam ob rem false irrideas .

Boeotum in crasso jurares aere natos (1)

Sed nimis fortasse in re seria joci sumus . Tanta Pontificiorum doctorum, tanta *Romanorum* contempcio quo demum nomine, mi *Febroni* compellabitur? Stultissimam si dixero temeritatem, haud equidem censor immoderatus fuero, Quid vero, si ne sanctis quidem ipsis a te parcitum sit? modo *Romanorum* Pontificum dignitatem praedicarint . Recito locum tamin auditae apud Catholicos impudentiae . *Habet hoc*, inquis pag. 286. *habet hoc* Febronius *commune cum non paucis SS. Patribus, cum multis Catholicis primae eruditionis, praesertim Gallis, licet secus videatur S. Francisco Salesio, quem Schmidius hoc loco in subjecta nota citat . Fuit hic vir Sanctissimus magnus Asceta; an in studio critico Canonum & Conciliorum peraeque expeditus, dubitare licet . Dubitare non licet, quin primi subsellii doctores sint Van-Espenius, Gibertus, Sarpius; an S. Franciscus Salesius in studio critico Canonum & Conciliorum peraeque expeditus, dubitare licet . Quam bene! Scilicet Salesio Van-Espenii, Giberti, Rieggeri laboribus proficere haud licuit, ut an hic vel il-*

(1) Horat. epist. I. lib. II.

le Canon Concilii, cujus nomine inscribitur, genuinus foetus esset. Num propterea magnus Theologus esse non potuit, & in Patrum Conciliorumque studio adprime versatus? Ridiculus sis, si id inficere. Quei enim duo & septuaginta haereticorum millia, in hisque doctissimos Calvinianae sectae Magistros ad orthodoxam veritatem traduxisset? *Bezam* ipsum nonne suis argumentis pervicit, etsi miserrimo homini, ut erat libidinibus, & cupiditatibus fractus, ad veritatem, quam plane perspexerat, amplectendam animus defuit? Quamquam quid his opus, ut de *Salesii* doctrina atque eruditione nisi *Febronius* dubitare non liceat? *Schmidius*, quem refellis, Polemicum *S. Salesii* opus appellat ex Gallico Sancti Episcopi holographo codice, qui in *Ghisianis* aedibus adservatur, ab *Augustino Maria Taja* Italice redditum, primo *Romae* editum an. 1710. Illud evolve, & quantum *S. Franciscus* in Patrum libris, atque Conciliorum canonibus fuerit eruditus, intelliges. Quid) quod ad rem, qua de agebas, *studium criticum Canonum & Conciliorum* inepte conferatur. Nam *Schmidius Salesium* verba Christi: *dabo tibi claves &c.* interpretantem inducit. Num absque *studio critico Canonum & Conciliorum* haec legitime explicari nequeunt? *Studium criticum Canonum & Conciliorum* tibi, tuisque similibus permitto; malim ego *Salesio* ejus *studii* si placet experti adfentiri, quam vobis. Quid? Credamne *spiritu veritatis* ad rectam Evangelicorum verborum intelligentiam edoctos *Dupinios, Sarpios, Oberhauseros* potius, quam *S. Fran-*

S. Franciscum Salesum? Apage hujusmodi deliramenta. Utinam vero plane divinam *Salesii* prudentiam saltem imiteris! Copiam habeo litterarum, quas ille coelestis cujusdam sapientiae plenas ad Cardinalem *Burbesum* non tam adstrictis sui temporis rebus medicam manum adhibiturus, quam futura, tuamque in primis seditionem quasi vaticinans an. MDCXII. scripsit. Eas ex apographo *Ghisiano* olim exscriptas mecum vir amicissimus communicavit. Tibi aliquot illarum particulas ante oculos statuere liceat, ut tua, si fieri possit, impudentia tandem aliquando reprimatur. „ Per avvisi par-

„ ticolari ricevuti da *Parigi* e di *Ginevra*, e

„ per Libretti stampati in detti luoghi, si ve-

„ de chiaramente, che quella disputa dell' au-

„ torità del Papa sopra li Regi si va tuttavia

„ dilatando; come ancora quell' altra della

„ comparazione delli Concilj con i sommi Pon-

„ tefici, ed è chiaro, che la maggior parte

„ de' Parlamenti, e d' Uomini di Stato, e Cat-

„ tolici inchinano dalla banda, che è manco

„ favorevole, o per dir meglio, ch' è più con-

„ traria all' autorità Papale: stimando, che

„ sia più convenevole, e giovevole all' auto-

„ rità Regale. E se le cose vanno innanzi,

„ c' è pericolo, che non si facci una notabile

„ perdita, e lamentabile divisione in quel Re-

„ gno, e massimamente perche il Re in tre

„ o quattro anni dovendo pigliare l' ammini-

„ strazione di quel Regno, farà facil cosa al-

„ la fazione di quelli, che sono contrarii all'

„ autorità della Santa Sede, di piegarlo da quel-

„ la banda , nella quale egli vedrà qualche ap-
„ parenza d' ingrandire le sue ragioni , essendo
„ gli uomini tanto inchinati alla superiorità
„ indipendente , come si vede , massimamente
„ in questi tempi ; ed anche all' età giovanile ,
„ che per natura è temeraria ed audace , se-
„ bene è da credere , che quel Re sia di buo-
„ nissima e Cristianissima inclinazione . Essen-
„ do poi quest' impresa di scuotere ogni giogo ,
„ un mal contagiosissimo , passerebbe pian piano
„ di regno in regno , e di corona in corona ,
„ come si vede , che altri simili mali sono pas-
„ sati : onde pare , che il pericolo sia grande .
„ Il rimedio non pare , che sia il volere col
„ mezzo di valenti Teologi disputare la que-
„ stione , perche quanto più sarà fervente la
„ disputa , tanto più si accenderanno gli animi ,
„ e si farà grande la divisione : oltre che le
„ ragioni degli Avversarj sono grate all' orec-
„ chio de' Grandi , *non per esser vere* , ma per
„ esser giovevoli all' intento loro ; *ne manche-
„ ranno Teologi* , che per diversi rispetti ab-
„ braccino la parte della divisione . Sicche il
„ rimedio più efficace sarebbe , che mentre go-
„ verna la Regina , ed il Consiglio , si trat-
„ tasse amorevolmente con lei dalla parte di
„ Sua Santità , che non essendo giammai nata
„ alcuna differenza tra sua Beatitudine ed il Re ,
„ anzi Sua Beatitud. avendo in ogni occorrenza
„ mostrato un animo veramente paterno , affe-
„ zionatissimo , e desiderosissimo del bene , e stabi-
„ limento della grandezza di quella Corona , pur
„ adesso spuntino certi cervelli pungenti , inque-
„ ti

„ ti, e nemici della Santa Unione, che tra-
 „ Sua Santità, e sua Maestà si trova, che ven-
 „ gono imprudentemente a ridurre in dubbio,
 „ se Sua Santità sia affezionata a quella Corona,
 „ movendo quelle inutili, e intempestive dispu-
 „ te, per mezzo delle quali generano negli ani-
 „ mi infermi, e deboli diffidenza del sincero
 „ affetto di sua Beatitudine verso il Re, ed il
 „ Regno. Che pertanto sia contenta sua Maestà
 „ d'imporre silenzio a tali temerarie e sedizio-
 „ se dispute, siccome sua Santità dal canto suo
 „ imporrà anche silenzio, dove sia bisogno, a'
 „ Cattolici... La miglior risposta, che si possa
 „ fare all'importunità di questi spiriti turbolenti
 „ è non stimarli degni di risposta, e così sareb-
 „ be bisogno, che adesso in Francia tutti i Pre-
 „ dicatori soavemente, e non turbolentemente
 „ inculcassero l'unità Ecclesiastica, e la divo-
 „ zione delli Cattolici verso il supremo Pastore
 „ senza venire a disputare di quella autorità
 „ Pontificia. Parlando male (*hujus auctorita-
 „ tis adversarii*), non bisogna rispondere diret-
 „ tamente, ma indirettamente, lamentandosi,
 „ che questo facciano senza necessità, e con ma-
 „ ligna intenzione per mettere in odio la Santa
 „ Sede, la quale è tutta dolcissima ed affeziona-
 „ tissima Madre di quel Regno, ed invece di ri-
 „ spondere alle loro proposizioni sarebbe meglio
 „ d'impugnare le loro intenzioni, affine di ren-
 „ derli odiosi, come perturbatori della quiete,
 „ e fra tali discorsi interporre soavemente quelli
 „ due Capi dell'Unità Ecclesiastica, e Cristiana,
 „ e dell'amore, ovvero della devozione verso

„ la Santa Sede, nodo dell' unione e comunio-
 „ ne Ecclesiastica . „ Haftenus *Salesius* . *Fer-*
broni , si sapis , *studium criticum Canonum &*
Conciliorum relinque ; ac tanti Antistitis consi-
 liis adquiesce . *Quod gaudium erit in Coelo*
super te peccatore poenitentiam agente !

Alia im-
pudentiae,
specimina
conglobata

XVIII. Ac maximo quidem ut resipiscas ,
 incitamento esse poterunt , si aequiore illa ani-
 mo recogitaris , cetera impudentiae tuae argu-
 menta . Quid ? inquires , tantaene in maledicen-
 do intemperantiae fuerim , ut in sacram Indicis
 Congregationem furere & bacchari non sim veri-
 tus p. 182. quasi Romana *Librorum proscriptio ju-*
ribus Regum , & Vasallorum , nec non invete-
ratis Provinciarum moribus queat obesse , atque
insuper Ecclesiae ac Reipublicae pacem & tran-
quillitatem turbare ; praesertim apud vulgus ,
quum intelligit , Libros tamquam perniciosos , im-
mo ut haereticos proscribi , vel eo solo titulo ,
quod in illis libertates Ecclesiarum , quin & ju-
ra Regnorum atque Provinciarum adferantur ?
 Ut Romanam Curiam omnibus suspectam , & invi-
 sam reddere studuerim cum saepe alias , tum
 p. 232. illis verbis : *Haec curia constat ingenti*
numero Tribunalium , officialium , Ministrorum ,
Aulicorum , qui sub specie & praetextu servan-
dae auctoritatis summae Sedis re ipsa laborant ,
ut Papam constituent absolutum Monarcham non
in spiritualibus solum , sed etiam in temporalibus .
Ab eo tempore Episcopi , Reges & Princi-
pes saepe se viderunt obligatos ad resistendum
huic Curiae , immo ad recurrendum adversus
illam ad media quandoque extrema ? Ut S. Leo-
nens

nem M. epistolam decimam ad Gallicanos Antistes exarasse monuerim p. 154. in causa S. Hilarii Arelatenfis, quem ille, uti communiter creditur, non iuste exagitavit; adeo, ut ad eum opprimendum etiam Valentiniani III. Imp. auctoritate usus sit, quod pro sua apud hunc gratia facile valuit? Ut S. Gregorium VII. dictatus edidisse pag. 58. adfirmarim; ad quos Curia Romana pro adserenda Papae Monarchia, prioribus saeculis incognita, collimaret; distantes a principiis traditis in octo primis generalibus Conciliis, & a forma regiminis Ecclesiastici in eisdem expressis? Ut Juliani Cardinalis & Pii II. palinodiam mihi objectam declinaturus scripserim p. 147. quae tumultuosus vix funderet, Aeneam Sylvium, quum esset juvenis, & necdum sibi ad opes, beneficia, atque honores animum induxisset, ad Acta Synodi Basiliensis fideliter, absque ullo fuco, & fallaciis conscribenda adcessisse, consequenter potius illi habendam fidem ut Juveni & pauperi privato, quam ut Cardinali ac Pontifici seni & diviti. O scelus! o propadium! o effraenationis portentum!

XIX. Perge mi Febroni tua scripta religiosis hisce sensibus recognoscere. Palinodiam a te sperare liceat, non stricto pignore extortam, qualem Richerio p. 13. ex falsis rumoribus audacter tribuis, sed Dei gratia peractam. Mors est omni aetati communis, sed senibus fere necessaria. Quamobrem quum senex sis, de morte tibi serio cogitandum. Quid ergo? Memoria repete sapiens illud Osvi Regis responsum, quod Beda hystor. lib. III. cap. 25. commemorat, in ea, quae de

Epistolae conclusio, & ad Febronium, adhortatio, ut palinodiam canat.

de Paschate celebrando mota in *Anglia* est ann. DCLXIV. quaestione. Quum enim adversus *Colmanum* Episcopum, qui Sanctorum *Johannis & Columbae* exemplo servandum *Asianorum* morem ajebat, *Wilfridus* Presbyter ex *Romana* consuetudine Pascha peragendum docuisset, dignitatem *S. Petri* amplificans, cui Dominus ait:

„ Tu es *Petrus* & super hanc petram aedificabo
 „ Ecclesiam meam; & portae inferi non prae-
 „ valebunt adversus eam & tibi dabo claves Re-
 „ gni Coelorum: Rex tunc dixit: verene *Col-*
 „ *mane*, haec *Petro* dicta sunt a Domino? Qui
 „ ait: vere Rex. At ille: Habetis, inquit, vos
 „ proferre aliquid tantae potestatis vestro *Co-*
 „ *lumbae* datum? Ait ille, nihil. Rursum Rex
 „ si utrique vestrum in hac controversia consen-
 „ tiunt, quod haec principaliter *Petro* dicta, &
 „ claves regni Coelorum ei sunt datae a Domi-
 „ no. Responderunt etiam utrique. Rex ita con-
 „ clusit... Et ego vobis dico, quia hic est ostia-
 „ rius ille, cui ego contradicere nolo, sed in
 „ quantum novi & valeo, huic cupio in omni-
 „ bus obedire, ne forte me adveniente ad fores
 „ regni Coelorum, non sit qui referet, averso
 „ illo, qui claves tenere probatur. „ O sen-
 „ tentiam in omnium quidem Christianorum, sed se-
 „ num maxime animis imprimendam! Quo morti
 „ sunt hi propiores, eo sollicitiores esse debent,
 „ qui *S. Petri* gratiam sibi concilient. Quid igitur
 „ seni faciendum, qui *Petrum*, quemadmodum
 „ tu *Febromi*, in suis successoribus *Romanis*
 „ Pontificibus graviter laeserit? Nonne omni stu-
 „ dio curandum est, ut suis recantatis erroribus
 „ a Coe-

a Coeli ostiario veniam tandem efflagitet? Ad id etiam atque etiam te hortor, *Justine*, ne forte te adveniente ad fores regni Coelorum, (quod a pio illo Rege nuper adcepisti) non sit qui referet, averso illo, qui claves tenere probatur. Vale XIII. Kalendas Septembris *S. Bernardo*, cujus te imitatore per summam impudentiam jactasti, sacra die.

E P I S T O L A II.

Ad clarissimos Theologicae Facultatis Sorbonicae Doctores, ut pro sua in Apostolicam Sedem reverentia Febronium Gallicanae Ecclesiae auctoritate abutentem compefcant.

- I. **Q**uanta Doctores Sorbonici reverentia, *Doctorum*
 Apostolicam Sedem ab antiquissimis us- *Sorbonico*
 que temporibus prosequuti fuerint, in Eccle- *rum in A-*
 siastica & litteraria historia plane hospes sit, qui *postolicam*
 ignoret. Nam in celebri tractatu, quem ann. *Sedem ob-*
 MCCCCLXXXIV. ad vindicandam in *Johannis servantia.*
Montesonii errores a se latam censuram edide-
 runt, ille, inquit, *supremam habet in defi-*
niendis fidei controversiis auctoritatem, qui in
suis decisionibus errare non potest; atqui Sedes
Apostolica in suis decisionibus errare non po-
test; ergo Sedes Apostolica supremam in defi-
niendis fidei controversiis auctoritatem habet.
 Quid ad extollendam, confirmandamque Apo-
 stolicae Sedis cum supremam auctoritatem,
 tum

tum *αρετικὸν* praeclarius? *Romani* Pontificis ex jure divino repetendam jurisdictionem *Parisiensis* facultas in laudatissima adversus *Lutherum* censura an. MDXLII. diserte professa est his verbis: *non minus certum est, unam esse jare divino summum in Ecclesia militante Pontificem, cui omnes Christiani PARERE tenentur.* Non multos post annos, scilicet MDLIV. in censura quam de Regulari quodam ordine recens instituto adprobatoque vulgavit, aiebat: *ingenue profitentur, ac sincere testamur, ut semper a nobis factitatum est, Romanum Pontificem universalem esse Jesu Christi Vicarium, supremum totius Ecclesiae Pastorem, qui a Christo PLENITVDINEM POTESTATIS adcepit, cui omnes utriusque sexus Fideles obedire, & omnimodam ipsius decretis fidem praebere, atque ea decreta adcurate servare singulari obsequio tenentur.* Aegidii quoque RIGOTII Theologi *Cadomensis* propositionem, qua *claves non solum fuisse promissae Petro, sed etiam aliis Apostolis AEQUALITER* dicebantur, a. MDLVIII. eadem *Parisiensis* Facultas *haereticam* judicavit fideique contrariam. Quid vero pro *Romani* Pontificis auctoritate, atque Ecclesiae Monarchia illustrius, quam quod in censura adversus quatuor de *Republica* libros a *M. Antonio de Dominis* evulgatos ab iisdem *Parisiensibus* Theologis an. MDCXVII. lata legere est. *Parisiensium*, inquiebat *Apostata de Dominis, doctrina enucleate intellecta nihil discrepat a mea bis libris tradita doctrina, & ab ipsa veritate...* *Schola itaque Parisiensis & nostra est, & re-*
ipsa

ipsa potestati studet Aristocraticae, non Monarchicae: quare ex ejus quoque doctrina Papatus nullo potest solido subsistere fundamento. At Parisienses doctores hanc illi thesi notam adscripserunt: mera est contra Facultatem Parisiensem impostura. Quincta porro ejusdem de Dominis propositio haec erat: disparitas Potestatis inter Apostolos, humanum est inventum, in sacris Evangeliiis, & divinis Novi Testamenti scripturis minimè subsistens. Porro Sacra Parisiensis Facultas in eadem censura hanc ei propositioni notam inussit: haec propositio est haeretica & schismatica, de IVRISDICTIONE Apostolica ordinaria, quae in SOLO divo Petro subsistebat, intellecta. Demum, ne longior sim, an. MDCLX. duodecimo Decembris die in Sorbona (quod illustrissimus Petrus de Marca in observationibus super theses Claramontanastificatur) haec thesis fuit propugnata: Romanus Pontifex controversiarum Ecclesiasticarum, est constitutus iudex a Christo, qui ejus definitionibus indeficientem fidem promissit.

II. Quo ista spectent, pro vestra utique sapientia, doctissimi viri intelligitis; ut nempe miretur nemo, me de *Justini Febronii* decretis ad vos litteras dare. Nam quo illa cum Apostolica Sedis auctoritate magis pugnant, eo digniora mihi visa sunt, quae a celeberrima vestra Facultate exploderentur. Dolebam certe, Gallicas *Febroniani* operis interpretationes omnino duas circumferri, nec tamen quum illud plures *Italiae* ac *Germaniae* Theologi egregiis editis, commentariis profligassent, inclyta Colo-

Hinc causa ad eos scribendi, ut Febronium Academicum iudicio resellerant,

nien-

nienfis Academia iudicio Vro proscriptisset, heterodoxi summis laudibus extollerent, quidquam hactenus ex *Gallia* prodiisse, quo Auctor ad suam in *Romanos* Pontifices maledicentiam tuendam *Gallicanae* Ecclesiae auctoritate passim abutens comprimeretur. Statui igitur ad vos litteras scribere, quibus *Febronianae* aliquot theses vobis proponerem audaciae, temeritatis, falsitatis, erroris ac scandali plenas, ut illas pro gravitate vestra, pro vestra in *Romanam* Sedem observantia, pro vestro in rem Catholicam, atque adeo in amplissimam vestram Ecclesiam studio refellatis; & hinc occasionem nacti ad alias ejusdem operis propositiones, quae magno fane numero occurrunt, Theologica trutina examinandas animum intendatis. Apostolica Sedes, cujus est dogmaticam de libris sententiam ferre, vobis suo de *Febronii* libris iudicio praeivit. An non vobis ea gratuletur, si suae *Sorbonae* sententiae non obsequentem modo, sed etiam pro illa dimicantem viderit? Theses enimvero, quas indicabam, ex nuperrimo tertio hujus operis volumine seligam, easque tantummodo, quae nobilissimae *Gallicanae* Ecclesiae placitis maxime adversantur.

Proponuntur illis aliquot *Febronianae* theses ex III. Volumine graviores reprehensione dignae.

Prima de Pontificii Primatus finibus.

III. THESIS I. FEBRONIANA. De Pontificii Primatus finibus. „ *Febronius* ad noscendos Primatus fines duo haec axiomata ponit: a) Quae ante receptionem falsarum decretalium constante usu servata. b) Quae semper & ubique Romano Pontifici, quia Primati agnita sunt, ea omnia & sola ad Primatus iura & officium spectare noscuntur. T. III. p. 340.

Haec

Haec dicuntur inconstantissime . Quum enim *quae nec quae ante receptionem falsarum decretalium, constante usu servata, quae semper & ubique Romano Pontifici, qua Primati agnita sunt, ea omnia ad Primatus jura & officium spectare* Febronius fateatur; negat tamen, Romanos Pontifices leges ferre posse; negat, illos appellationum jure potiri; negat, indicendarum, confirmandarumque generalium Synodorum auctoritatem penes eos esse, aliaque id genus permulta negat, *quae ante receptionem falsarum decretalium constante usu servata, ac semper & ubique Romano Pontifici qua Primati agnita esse,* pro singulari vestra eruditione probe nollis . Sed hominis inconstantiam dimittamus .

Ait ille, horum axiomatum alterum: *quae semper & ubique Romano Pontifici, qua Primati agnita sunt, ea omnia, & sola ad Primatus jura & officium spectare noscuntur, Romanis minus adridere.* Vere dictum, sed addendum fuerat, ceterisque Catholicis: *Quae semper & ubique Romano Pontifici qua Primati agnita sunt, ea omnia ad Primatus jura & officium spectare omnes libenter concedimus.* Hoc falsum, & perabsurdum, ea SOLA ad Primatus jura & officium spectare. Quid enim si quis Febroniani hujusce Canonis exemplo *quae semper, & ubique Romano Pontifici qua Occidentis Patriarchae, aut Episcopis agnita sunt, ea SOLA ad Patriarchatus, vel Episcopatus jura & officium pertinere contenderet?* Aetum utique esset de Patriarchico Vicariorum Apostolicorum constitutorum jure, quum nec semper (sub Da-

*quae nec
satis cum
Febronianis decre-
tis cohae-
ret.*

*& juribus
Patriar-
charum*

maso

Episcopo-
rumque

immo &
principum
maxime
adversa-
tur.

maso enim ejusmodi munus coepit in *Illyrico*, sub *Zosimo* in *Galliis*) nec *ubique* (in *Africa* enim, quae *Occidentali* Patriarchae obnoxia-
erat, nulli umquam Vicarii Apostolici exstiteret, in *Germania* vero multo (serius) id juris fuerit Romano Pontifici qua *Patriarchae* adtributum. Actum quoque foret de Episcopali casuum, ut dicimus, Patriarchae reservandorum potestate, quum primum, ac fortasse in universa antiquitate unicum hujus reservationis exemplum an. CCCCXII. *Synesius* suppeditavit, *Lamponiani* Presbyteri, quem a Fidelium communione segregaverat, absolutione *Theophilo* Patriarchae delata. Aliis idipsum exemplis illustrarem, nisi ad vos perscriberem eruditissimos viros, qui cum Patriarchica, tum Episcopalia jura non simul omnia & ubique prodita, sed pro temporum locorumque conditione paullatim explicata fuisse ex veteris Ecclesiae monumentis adceperitis. Quid? quod ne ipsa quidem Regum potestas, si *Febronianus* Canon valeat, salva consistet. Quot enim in principibus jura legum Doctores agnoscunt, quae tamen nec semper, nec ubique exercuerunt? Exemplo sit, quod de *Placiti*, ut ajunt, *Regii* jure *Febronius* docuit *T. I. p. 741.*, illud scilicet *juri Majestatico tam firmiter adbuere, ut Princeps ne illud quidem a se abdicare valeat*. Verene an secus ista jactentur, praesentis instituti non est diligenter inquirere. Hoc ajo, hujusce *placiti* usum adeo non semper & ubique obtinuisse, ut nonnisi tribus aut quatuor abhinc saeculis, neque in omnibus Provinciis, Regnisque de illo quidquam au-

audiri coeperit . Quid ergo fiet , si hujusmodi placitum cum *Febroniano* Canone contenderimus? Haec non vobis tantum , sed cuique satis esse debent , ut quantum malitiae ac veneni in vobula illa SOLA a *Febronio* adhibita lateat ; intelligatur . Nimirum ex potestatis usu , qui vici- ac prae- cissitudinibus patet , potestatem ipsam , quae ea- tere a casto dem semper est , nec sibi dissimilis , nos argue- nitur san- re *Febronius* fallacissime jubet . Sed tenebrio- d. menço nis hujus insidias *Thomassinus* Vestras luculenter praemonstravit , dum censurae , quam in ejus *de beneficiis* libros Anonymus tulerat , respondens ait : *in usu , & exercitio variatum est , non in potestate , quae & in Conciliis Provincialibus* (adde & in Episcopis , atque adeo in Regibus) *pro suo modo , & in Romanis Pontificibus pro eorum summo principatu eadem semper intacta atque illibata viget : erumpit autem & exercetur non eodem semper modo , sed pro locorum temporumque & rerum opportunitate , pro Ecclesiae sive utilitate sive necessitate .* Non ergo quaestio umquam vertitur de potestate primae Sedis , quae summa est , & sui simillima ; sed de variato ejus per tot aetatum , tot locorum negotiorumque varietates exercitio atque usu . Undenam ergo *Febronius* inquiet , Primatus terminos colligemus ? Facile responsum dabitur : primum ex ipsa ejus natura ac vi ; deinde ex fine , quem in illo constituendo Christus dominus spectavit , illos esse petendos .

IV. THESIS II. FEBRONIANA ., De II. de Ri-
 „ Richerii *systemate*. *Edmundus Richerius* in fa- cherii sy-
 „ *systemate* . stemate .
 F „ *moso*

„ moſo ſuo libello de Eccleſiaſtica & politica
 „ poteſtate Cap. I. ſic docet. *Schola Pariſien-*
 „ *ſis congruenter ad mentem omnium antiquo-*
 „ *rum Doctorem Eccleſiae, perpetuo conſtan-*
 „ *terque docuit, Chriſtum fundando Eccle-*
 „ *ſiam, prius, immediatius, atque essentialius*
 „ *claves ſive juridiſtionem toti Eccleſiae dedif-*
 „ *ſe, quam Petro: ſeu quod eodem redit: Cla-*
 „ *ves toti contuliſſe Eccleſiae, ut per unum*
 „ *ministerialiter exercerentur. Quandoquidem*
 „ *tota juridiſſio Eccleſiaſtica primario, pro-*
 „ *prie, ac essentialiter Eccleſiae convenit: Ro-*
 „ *mano autem Pontifici, atque aliis Episcopis*
 „ *inſtrumentaliter, ministerialiter, & quoad*
 „ *exequutionem tantum, ſicut facultas viden-*
 „ *di oculo.* Haec ex *Petavii* libro III. de Eccle-
 „ ſiaſtica Hierarchia Cap. 14. repetens *Viator*
 „ noſter *Italus* (*Capucinum* indicat *Fr. Viato-*
 „ *torem a Cocaleo, qui adverſus ejus opus epi-*
 „ *ſtolas quaſdam non indoctas edidit*) pag. 54.
 „ haec, inquit, *ſumma doctrinae Richerii ab*
 „ *ipſomet ſcripta initio ſui operis; hoc addit,*
 „ *impium Richerii ſyſtema, ab omnibus bonis*
 „ *diris devotum, Febronius adoptat.* Adver-
 „ ſus haec ego *Capucino* noſtro *Italo* audeo re-
 „ ponere, *Richerii ſyſtema, quoad hoc, ne-*
 „ *que novum eſſe, neque impium; ſed hanc*
 „ *ejus doctrinam, veram, piam, & ſtatui ac*
 „ *inſtituto Eccleſiae conformem.* In eo autem
 „ ille perperam & ſiniſtre docuit, quod tam in
 „ memorato Opusculo, quam in quatuor Tomis
 „ *Historiae Conciliorum Generalium, Eccleſiae*
 „ ſtatum paſſim faciat *Ariſtocraticum*, quod
 „ aequē

„ aequè malum , ac falsum est , quam eum red-
 „ dere *Monarchicum* . „

Scilicet *Febronius Petavio* acutior se *Richerii* quod *Fe-*
 mentem felicius adsequutum esse existimat. Immo *bronius ut*
 incautis fucum facere conatur , ne sibi invisa *Richeris-*
cherismi nota inuratur . Docuerat enim *T.I.Cap.I.*
§.6. pag.32. Petrum solum non esse subjectum im- *mi notam*
 mediatum potestatis Ecclesiasticae , sed clavium po- *declinet ,*
 testatem Universitati Ecclesiae proprie , & ita
 transcriptam esse , ut illa per eos Ministros pro sua
 cujusque portione , ac inter hos per summum Pon-
 tificem exerceatur . Similia sunt illa *p.57.* Quum
 itaque Ecclesia ipsa principaliter , & radicaliter
 (*Richerianis* illis *primario & essentialiter* synoni-
 ma) obtineat potestatem clavium , quae ab illa
 in omnes ejus ministros , ipsumque summum Pon-
 tificem derivatur , & singulis quibusque pro sua
 portione communicatur . Sed frustra *Febronius*
Richeriani systematis absurditatem alio detor-
 quet , ut ejus defensi invidiam a se amoliat .
Duvallius , Perronius , Petavius , alique , qui
Richerium oppugnarunt , id argumentando ef- *perperam*
 fecerunt , ut *Richerium* secum ipso configere , at- *explicit ,*
 que Ecclesiae quum Monarchiae statum diserte ad- *corruptit-*
 scribat , Aristocraticam tamen , immo & democra- *que ,*
 ticam regiminis formam , si vera sunt , quae adserit ,
 omnino tribuendam esse demonstrarent . Ceterum *ipso re-*
 ille Ecclesiam appellat *Politiā MONARCHI-* *pugante*
CAM Regimine Aristocratico temperatā . Bos- *RICHE-*
fuetius vero quum in appendice ad defensionem *RIO .*
 declarationis Cleri Gallicani *Lib. III. cap.1.* sibi
 objecisset : at enim *Richerius* hanc Monarchiam
 odit , & ubique insectatur , & Aristocratiam

*Ecclesiasticam laudat, respondet: non ille quidem absolute, sed Monarchicum esse Ecclesiae statum suo sensu profitetur: Richeriani systematis virus inde repetendum est, unde magni illi Theologi Ecclesiastici regiminis formam ad Aristocraticam atque adeo, ut a jebam, ad democraticam in illo tandem defectu comprobarunt: Jure divino & naturali, inquiebat Richerius cap. I., omnibus perfectis communitatibus, ET CIVILI SOCIETATI, prius, immediatius, atque essentialius competit, ut seipsum gubernet, quam alicui homini singulari, ut totam societatem & communitatem regat. Hinc enim ad Ecclesiae communitatem progressus statuit, Christum fundando Ecclesiam prius, & immediatius, atque essentialius claves sive jurisdictionem toti dedisse Ecclesiae, quam Petro: seu quod eodem redit: Claves toti contulisse Ecclesiae, ut per unum ministerialiter exercerentur. Quandoquidem tota jurisdictio Ecclesiastica primario, proprie, ac essentialiter Ecclesiae convenit: Romano autem Pontifici, atque aliis Episcopis instrumentaliter, ministerialiter, & quoad executionem tantum. „ De là, inquit Illustrissimus Cameracensis Archiepiscopus in doctissima Pastoralis institutione an MDCCXXXI. adversus libellum inscriptum: „ *Memoire pour les sieurs SAMSON &c.* pag. 101., de là il est „ aisé de juger avec combien peu de pudeur, & „ de sincérité il a paru soutenir dans son Apologie, que par la Communauté, a la quelle „ il attribuoit la propriété des clefs, & de „ jurisdictio ecclesiastique, il entendoit tout „ le*

ac doctil-
simis Gal-
liarum E-
piscopis re-
pugnanti-
bus

„ le corps hierarchique ; car on ne peut pas plus
 „ clairement rejeter cette explication , qu'en
 „ disant , comme il fait ici , que c'est a toute
 „ l'Eglise , que Jesus-Christ a donné le pouvoir
 „ des clefs , & que le Pontife *Romain* , & les
 „ autres Evêques en ont *seulement le ministe-*
 „ *re* , & l'exercice . *Romano autem Pontifici ,*
 „ *atque alijs Episcopis ministerialiter , & quoad*
 „ *exequutionem tantum* . Le Pontife *Romain* &
 „ les autres Evêques font incontestablement la
 „ plus noble partie de l'ordre Hierarchique .
 „ Ils n'ont cependant selon *Richer* , que le
 „ seul ministère , & l'exercice du pouvoir &
 „ de la juridiction ecclésiastique . Ils n'en
 „ ont donc pas la propriété . Quand donc il
 „ dit , que tout l'ordre Hierarchique a reçu la
 „ juridiction de Jesus-Christ , cela peut très-bien
 „ s'accorder avec l'erreur , qu'il établit ici , si
 „ on entend , qu'il a reçu ce pouvoir de la ma-
 „ nière , qui lui convient ; c'est-à-dire , quant
 „ a l'exercice & quant a l'exécution seule-
 „ ment . *Ministerialiter & quoad exequutionem*
 „ *tantum* : ce qui n'empêche pas , que toute
 „ la Communauté n'en conserve essentiellement
 „ la propriété . Enfin s'il avoit parlé bien clai-
 „ rement & bien Catholiquement dans son Apo-
 „ logie , il s'en suiveroit de-là , qu'il auroit
 „ retracté ses erreurs , & non pas qu'il eût
 „ donné un sens Catholique a une proposition ,
 „ qui n'en est pas susceptible . Mais loin d'avoir
 „ voulu les retracter dans son Apologie , il est
 „ manifeste , qu'il n'a pensé tout au plus qu'a
 „ les pallier , & qu'il les a même confirmées

„ dans plus d'un endroit : car c'est dans cette
 „ Apologie qu'il établit, que les Loix portées
 „ par les Princes ou par les Evêques, n'obli-
 „ gent & n'ont de force que lorsqu'elles sont
 „ approuvées par le peuple & par les fideles ;
 „ ce qui est réellement accorder au peuple &
 „ a la société des fideles le pouvoir souverain
 „ & n'en laisser aux Princes, & aux Evêques
 „ que le simple exercice entièrement dépendant
 „ de la multitude. „ Haftenus doctissimus ille
 „ Praeful, quo nemo majore perspicuitate *Richer-*
 „ *rii* fraudes detexit. Neque vero unus est, qui
 „ ita senserit, *Cameracensis* Antistes. Eodem, quo
 „ *Cameracensis* Praeful suam institutionem in lu-
 „ cem emisit, anno *Ebredunensis* Archiepiscopus
 „ *Tencinius* aliam *Gratianopoli* evulgavit, ubi p. 49.
 „ haec legere est. „ La base & le fondement du
 „ système de *Richer* est, que toute communauté
 „ & toute société parfaite, même la société ci-
 „ vile, a le droit de se gouverner elle-même ;
 „ que ce droit dans sa première origine, ap-
 „ partient a la Communauté même ; qu'il lui
 „ appartient plus immédiatement & plus essen-
 „ tiellement qu'à aucun particulier ; qu'il est
 „ fondé sur le droit divin & le droit natu-
 „ rel ; contre le quel ni la multitude des an-
 „ nées, ni les privilèges des lieux, ni la di-
 „ gnité des personnes, ne peuvent jamais pre-
 „ scrire. Il faudroit fermer les yeux pour ne
 „ pas appercevoir dans ces principes, que le
 „ pouvoir souverain, dont les Rois sont re-
 „ vetus, n'est qu'un pur ministère ; que ce
 „ pouvoir appartient en propre à la Commu-
 „ „ nau-

„ nauté , qui en confie l'exercice au Prince
 „ sans se déffaisir de la propriété , & qu' elle
 „ peut par conséquent , quand l'occasion le de-
 „ mande , retirer sa commission , comme il lui
 „ a été libre de la donner . Ce qui doit pa-
 „ reillement s'entendre de l'autorité Ecclesia-
 „ stique . On découvre aisément le but de l'Au-
 „ teur , & ses pernicieuses , mais nécessaires
 „ conséquences , qui naissent de ces principes .
 „ Aussi dez que le livre de *Richer* parut , il fut
 „ pros crit & a *Rome* par le Pape *Paul V.* &
 „ en *France* par les Evêques de la Province
 „ d' *Aix* , & par ceux de la Province de *Sens* ,
 „ qui renfermoit alors celle de *Paris* : dans
 „ ces deux Conciles il fut condamné , comme
 „ contenant des propositions fausses , erronées ,
 „ scandalenses , schismatiques , & herétiques
 „ a prendre les termes dans leur signification
 „ naturelle . „ Octo ante utrumque annis , an-
 „ no scilicet MDCCXXIII. eadem *Josephus Lan-*
 „ *guetius Sueffionensium* Episcopus docuerat quin-
 „ ctæ Pastoralis epistolæ parte tertiâ . „ En effet ,
 „ inquit ille p. 664. Le système odieux de *Richer*
 „ est renfermé dans ce point qu'il enseigne
 „ expressément (1) , sçavoir , que toute la ju-
 „ risdiction Ecclesiastique appartient première-
 „ ment , proprement , & essentiellement a l'Egli-
 „ se

E 4

(1) Tota jurisdicção Ecclesiastica , primario ,
 proprie , & essentialiter Ecclesiæ convenit : Roma-
 no autem Pontifici , atque aliis Episcopis instrumen-
 taliter , ministerialiter , & quoad executionem tantum .
 Lib. de Eccles. & polit. potest. p. i.

„ se : Et qu' elle appartient au souverain Pon-
 „ tife , & aux autres Evêques , comme a des
 „ instrumens , comme a des ministres ; & quant
 „ a l' execution seulement . Puisque Richer ;
 „ distingue ici l' Eglise du souverain Pon-
 „ tife & des Evêques , il paroît , que par
 „ l' Eglise il entend le Corps entier des fi-
 „ déles , entant que ce Corps contient toute
 „ la société ; ensorte , que tous , même femmes ,
 „ & enfans ont essentiellement la propriété
 „ de la juridiction Ecclesiastique , qu' ils la
 „ possèdent proprement . D' ou il sera aisé de
 „ conclure , que d' eux elle dérive dans le
 „ Pape , & dans les Evêques . Car enfin si
 „ les fidèles possèdent en propre cette jurif-
 „ diction , & si les Evêques n' en ont que
 „ le ministère , il est facile d' en conclure ,
 „ que les Evêques la reçoivent par conse-
 „ quent du peuple , puisque c' est le peuple
 „ qui la possède en propre . Richer ne tiroit
 „ pas expressement ces conséquences . On voit
 „ même , qu' il reconnoît au même lieu , que
 „ la juridiction dériveroit immédiatement de
 „ J. C. dans le Clergé . Il est constant , dit-
 „ il (1) au chapitre second , que tout l'or-
 „ dre hierarchique , qui est composé de l'ordre
 „ Episcopal , & de l'ordre Sacerdotal , tire
 „ „ de

(1) Constat , totum ordinem hierarchicum Epi-
 scopali & Sacerdotali ordine constantem , immédia-
 te , proportionate , atque subordinate , jurisdictionem ,
 hoc est facultatem regendi Ecclesiam , a Christo de-
 rivare . Cap. 2.

„ de J. C. immédiatement , proportionnellement
 „ & avec subordination sa juridiction ; c'est-
 „ à-dire , le droit de gouverner l'Eglise . Ri-
 „ cher sembloit craindre dans ce moment ,
 „ de livrer au peuple le droit , que le S. Esprit
 „ a donné immédiatement aux Evêques , de
 „ gouverner l'Eglise . *Posuit Episcopos regere Ecclesiam Dei* . Mais après cet aveu , il
 „ revient bientôt a son principe entièrement
 „ républicain ; & il se livre a toutes les con-
 „ séquences insoutenables , que nous venons
 „ d'y montrer , puisqu' il se fonde sur ses rai-
 „ sonemens (1) : Que toute Communauté , &
 „ toute société parfaite , même la société ci-
 „ vile , a le droit de se gouverner elle même :
 „ Que ce droit , dans sa première origine , ap-
 „ partient a la Communauté même : Qu' il lui
 „ appartient plus immédiatement & plus essen-
 „ tiellement , qu' a aucun particulier : Que ce
 „ droit est fondé sur le droit divin & sur le droit
 „ naturel , contre lequel ni la multitude des
 „ années , ni les privileges des lieux , ni la
 „ dignité des personnes ne peut jamais pre-
 „ scrire : Qu' enfin le consentement des infe-
 „ rieurs étoit nécessaire pour que les Supe-
 „ rieurs exerçassent leur juridiction . Tels sont
 „ les principes & les raisonnemens de Richer . ,
 „ *Quid ergo de Febronio statuétis , qui hanc Ri-*
 „ *cherii doctrinam veram , piam , & statui , ac*
 „ *instituto Ecclesiae conformem appellare audet ?*
 „ Certe nullum vel ipsis Regibus insensius syste-
 „ ma

(1) *Ibid.* cap. 1. 2. pag. 1. 3. 7. & 32.

ma excogitari poterat; quod praeter *Langue-
tium*, immo & *Bossuetium* (1) idem *Cameracen-
sium* Antistes eo loco (p. 145. seqq.) copiose
elegantisque persequitur. Ut ut est, quoniam
Febronius id in *Richerii* erratis potissimum po-
nit, quod *Ecclesiae statum passim* faciat *Ari-
stocraticum*, id saltem fateatur, oportebit, se
eiusdem erroris reum esse, quum illud ipsum *Rich-
cherii* decretum veluti *verum, pium, & statui
ac instituto Ecclesiae conforme* tueatur, ex quo
Aristocraticus Ecclesiae status necessario conse-
quatur. Antequam vero ab hac *Febroniana* thesi
calamum revoco, illud vobis non impune dimit-
tendum esse video, quod idem *Febronius*, ut *Rich-
cherii* palinodiam sibi a D. *Kauffmans Colonien-
si* Theologo obiectam declinaret, audacter repo-
suit p. 13. *Coloniensis Theologus ignorasse vide-
tur fidem pessimam & similem agendi modum,
quo Duvallius & ministri Cardinalis Richelii im-
misso sicario & stricto pugione hanc retracta-
tionem a Richerio extorserunt. Quo non perve-
niat semel effraenata temeritas! ut cum Hie-
ronymo loquar lib. II. Apolog. adversus Ruffi-
num! Tantum crimen Duvallio vestrae Faculta-
tis Doctori celeberrimo, ac Richelio immorta-
lis apud vos memoriae Cardinali quibus demum
tabulis adfingitur? Silet accusator Febronius.
Dubio tamen procul Richerii epistolam XXV.
Aprilis ap. MDCXXXIII. ut fertur ad *Mori-
sotum* perscriptam, & in hujus epistolis *centu-
ria secunda* editam spectavit. Verum ignorare
non*

(1) III. *Avertissem. n. 48. seqq.*

non debuit , quid illa de epistola *Niceronijs* (*Memoire pour servir a l'hist. des homm. illust. Tom. XXVII. pag. 364.*) aliquo doctissimi viri senserint , eam nimirum tam multis ac perspicuis falsitatis indiciis damnari , ut portentosae cujusdam aut inscitiae aut dementiae sit eam appellare . Mihi haec indicasse satis est . Vestrum erit tantorum virorum famam tueri .

V. THESIS III. FEBRONIANA . De *Thesis III.*
loco S. Irenaei . „ Ubi de Romanae Sedis au- *de loco S.*
„ Etoritate agitur , celeberrimus est ille S. Ire- *IRENAEI.*
„ naei locus Lib. II. adv. haereses cap. 3. Tra-
„ ditionem , inquit , in toto mundo manifesta-
„ tam in omni Ecclesia adest . perspicere om-
„ nibus , qui vera velint videre : & habemus
„ adnumerare eos , qui ab Apostolis instituti
„ sunt Episcopi in Ecclesiis , & successores eo-
„ rum usque ad nos , qui nihil tale docuerunt ,
„ neque cognoverunt , quale ab his deliratur .
„ Sed quoniam valde longum est (pergit Ire-
„ naeus) in hoc tali Volumine omnium Eccle-
„ siarum enumerare successiones , maximae , &
„ antiquissimae , & omnibus cognitae , a duo-
*„ bus Apostolis *Petro & Paulo* Romae funda-*
„ tae & constitutae Ecclesiae , eam , quam
„ habet ab Apostolis traditionem & adnunti-
„ tam hominibus fidem , per successiones Epi-
„ scoporum pervenientem usque ad nos , indi-
„ cantes confundimus omnes eos , qui quoquo-
„ modo , vel per sui placentiam malam , vel
„ vanam gloriam , vel per coecitatem & ma-
„ lam sententiam , praeterquam oportet , col-
„ ligunt . Ad hanc enim Ecclesiam . (Roma-
„ nam)

„ nam) PROPTER POTENTIOREM PRIN-
 „ CIPALITATEM necesse est omnem conve-
 „ nire Ecclesiam , hoc est eos , qui sunt VN-
 „ DIQUE fideles , in qua semper ab his , qui
 „ sunt VNDIQUE conservata est ea , quae est
 „ ab Apostolis traditio . „

quem Fe-
 bronius
 falsaint-
 pretatione
 corrumpit.

Audite jam , Doctores sapientissimi , quid
 super his verbis obganniat Borealis hic Scri-
 ptor , qui *Gallicanam* Ecclesiam a se stare ja-
 „ Etanter adfirmat . „ Si intelligi deberent de
 „ potestate Papali , cujusmodicunque ea sit , quid
 „ sequentibus verbis , *necesse est omnem con-*
 „ *venire* , significaretur , nisi consensionem
 „ doctrinae cum Ecclesia *Romana* , vel commu-
 „ nionem ecclesiasticam cum eadem ? Verum
 „ eo sensu S. Pater profecto non dixisset , *ad*
 „ *hanc enim Ecclesiam* , sed CVM *hac enim*
 „ *Ecclesia necesse est omnem convenire Ecclesiam* ;
 „ quandoquidem ista eloquutio *convenire ad* ,
 „ ex usu non adhibeatur ad designandam uni-
 „ tatem doctrinae , aut societatis , sed tran-
 „ sitionis de loco ad locum „ . Mox quibus-
 „ dam S. Martyris locis adlatis , in quibus hoc
 sensu verbum *convenire* usurpatur , subdit : „ ex
 „ variis his exemplis patet , hanc vocem *con-*
 „ *venire* ad mentem *Irenaei* , aut interpretis
 „ ejus , idem sonare ac *ire* , *se conferr.* , *con-*
 „ *gregari* . Unde concludendum , idem verbum
 „ non aliud significare in textu , de quo agi-
 „ tur . Porro quid per *omnem Ecclesiam* intel-
 „ ligat Sanctus Pater , ipse explicat subdens :
 „ *hoc est eos , qui sunt undique , fideles* . Quum
 „ enim Ecclesiae integrae *Romae* ire non pos-
 „ sent ,

„ sent , postulabat ratio , ut mentem suam ape-
 „ rirer , has voces *omnem Ecclesiam* explicando
 „ per fideles , qui illuc ex omni Ecclesia con-
 „ fluebant . Inde etiam colligitur , aliis illis
 „ vocibus *potentio-rem principalem* nullo mo-
 „ do designari supremam , multo minus unicam ,
 „ seu solitariam Ecclesiae *Romanae* , aut Epi-
 „ scoporum ejus *jurisdictionem* . Iste e contra
 „ earum genuinus sensus est , quod quum *Ro-*
 „ *ma* Imperii caput esset , Sedes Imperatoris &
 „ Senatus , centrum totius civilis potestatis ,
 „ necesse sit , ad eandem urbem , ac proinde
 „ ad Ecclesiam in ea florentem *undique* conve-
 „ nire fideles , ob negocia , seu privata , seu
 „ suarum Ecclesiarum . Ita ut *Roma* quasi
 „ Concilium generale tunc esset perpetuo con-
 „ gregatum , sicque fons purus Apostolicae do-
 „ ctrinae , cujus conservationem juvabant alia-
 „ rum Ecclesiarum fideles , quod sic expressit
 „ Sanctus Pater : *in qua semper ab his , qui*
 „ *sunt undique , conservata est ea , quae ab*
 „ *Apostolis est traditio* . Idcirco *Irenaeus* , ut
 „ coevos suos confunderet haereticos , satis
 „ ducebat , si eis *Romanae* Ecclesiae testimo-
 „ nium objiceret . Convierti enim traditione ,
 „ hujus Ecclesiae , ad quam fideles undique
 „ convenientes orbis universi fidem ferebant ,
 „ omnium simul Ecclesiarum pondere revera
 „ obruebantur „ . Haec ille .

Quantum haec Deus bone ! distant ab ea , contra Gal
 quam *Gallicana* Ecclesia descriptae S. *Irenaei* *Gallicanae Ec-*
 sententiae tribuit , interpretatione ! Certe Cleri *Gallicanae Ec-*
 vestri conventus an. MDLIX. *Meloduni* habitus *sententiam* .
 uni-

unitatem Fidei cum *Romana* Ecclesia praecipiens, ex *Irenaei* verbis rationem adtulit : *ad hanc enim* &c. Cardinales vero, Archiepiscopi, & Episcopi *Parisiis* congregati an. MDCCXXVIII. ad Regem scribentes, *Primatus*, inquit (1), *quem in Papa agnoscimus ; non in simplici quodam honoris principatu situs est : ait S. Irenaeus ; necesse est omnem Ecclesiam ad Romanam convenire propter potiore illius auctoritatem*. Possem innumeros vestrae Ecclesiae Praefules, qui in suis Pastoralibus documentis eadem tradiderunt, in medium proferre. Paucos seligo. Illusterrimus de *Languet Senonensium* Archiepiscopus, in secunda, quam ad suae olim Dioecesis refractarios misit, admonitione ait : „ certum est, juxta venerandum magni *Irenaei*, „ qui matricium & originariarum *Orientis* Ecclesiarum nobis traditionem adtulit, testimonium, omnem Ecclesiam in Fidei doctrina cum „ *Romana* Ecclesia convenire debere propter „ potentiore illius principalitatem (2) „, Similia

(1) Pag. 53. La primauté, que nous reconnoissons dans le Pape, ne se borne pas à une simple prééminence d'honneur : il est nécessaire, dit Saint Irenée, que toutes les Eglises se réunissent à celle de Rome, à cause de sa principale autorité.

(2) Il est certain selon ces paroles si respectables du grand Saint Irenée, qui nous a porté la tradition des Eglises matrices, & originales de l'Orient, que toute l'Eglise doit convenir avec l'Eglise Romaine (dans la doctrine de la Foi) à cause de l'excellence de l'autorité, de la grandeur de son origine au dessus des autres Eglises.

milia invenio apud Archiepiscopum & Ducem
Cameracensem in Pastoralī an. 1728. institutione
adversus *Consultationem DD. Advocatorum Se-
natus Parisiensis*. En ejus verba. „ Felicibus
„ illis temporibus , quibus Apostolicus spiritus
„ plane vigeat , Episcopi nullum ad Fidei pu-
„ ritatem servandam , ac Novatores coercen-
„ dos tutius subsidium noverant , quam si ad
„ Romanam Ecclesiam veluti ad suum ipsorum
„ oraculum confugerent . Ubi quae ipsi doce-
„ bant , cum hujus Ecclesiae dogmatibus con-
„ sentire ostenderent , de haereticis triumphaba-
„ bant , atque omne novitati effugium praeclu-
„ debant . Audiamus nūm ex antiquioribus
„ Galliarum Episcopis , eumque qui ab ipsis
„ Apostolorum discipulis institutus fuit . Ma-
„ ximae , & antiquissimae , inquit S. *Irenaeus* ,
„ & omnibus cognitae &c. (2) Pluribus opus
non

(2) Pag. 19. Dans ces tems heureux , où l'
esprit Apostolique étoit encore en toute sa vigueur ,
les Evêques ne trouvoient point des moyens plus cer-
tains pour conserver la pureté de la Foi , & reprimer
les Novateurs , que de recourir à l'Eglise Romaine ,
comme à leur oracle . C'est en confrontant ce qu'ils
enseignoient , avec ce qui étoit enseigné par cette
Eglise celebre , qu'ils confondoient les hérétiques , &
ne laissoient aucune ressource à la nouveauté ! Ecou-
tons un de plus anciens Evêques de France , qui avoit
été enseigné lui même par les disciples des Apôtres .
Quand nous exposons , dit S. Irenée , la tradition
&c. Eadem fere invenire est apud Illustrissimos D.
de Belsunce Episcopum Massiliensem in Pastoralī In-
stitu-

non est, ut quo sensu *Gallicana* Ecclesia *Irenaei* verba adceperit, omnes intelligant. Si tamen tot praeclarissimorum Antistitum testimonia *Febronio* non sufficerent, praesto alia essent minus illi suspecta.

Thesis IV.
de jure ap-
pellatio-
num.

VI. THESIS IV. FEBRONIANA *de*
jure appellationum. *Heidelbergensis* Professor
Schmidtus (Tom. I. Institution. Jur. Eccles. Germ.
§. LV.) scripserat. „An jus appellationum sit
„ex *primigeniis* & *jure divino* Primatui Sedis
„Apostolicae competentibus; sunt etiam ex
„Catholicis, qui negant; inter quos facile
„princeps est de *Marca* (*Lib. VII. Cap. 3.*)
„quem, additis ex genio suo parergis, sequi-
„tur *Febronius*. Appellatio vel interponitur
„ob denegatam aut protractam justitiam, item
„ob nullitates, easque insanabiles in processu
„commisissas: tum equidem ex ipso *jure Natu-*
„*rae*, Publicique universalis dogmatis, id
„juris omnino Primatui necessario competere
„existimo; quum ratione sola dictante constet,
„praecipuum necessariumque Rectoris in civi-
„tate officium esse, ut ad eum oppressae inno-
„centiae perfugium pateat: vel eo sensu haec
„quaestio instituitur, ut ultimae necessario
„instantiae iudex sit Summus Pontifex. Sub-
dit his e vestigio *Febronius* p. 295. „Dicitur
„enim-

stitutione *de Libertatibus Ecclesiae Gallicanae* 1733.
& *Bossuetium Meldensem* in sermone habito ad Con-
ventum Cleri *Gallicani* 9. Novembris 1681. pag. 39.
Conferatur quoque nuperus S. *Irenaei* Editor *Be-*
nedictinus.

„ enimvero recta ratio , ut qui per inferiorum
 „ iudicum sententias injuste gravantur , finali-
 „ ter ad supremum , ad ipsum Principem , aut
 „ ad eum , qui hujus loco & nomine ultima-
 „ tum iudicium exercet , provocare valeant .
 „ Hoc in omnibus *saecularibus* Statibus , in
 „ quibus judiciaria potestas auctoritate Summi
 „ Principis exercetur , inconcusse obtinet. Non
 „ ita in *Ecclesia* , in qua ex juris sacri origi-
 „ ne , & ex Primatus natura nulla caussarum
 „ iudicia a *Romano* Pontifice aut ejus nomine
 „ ac jure exercentur . In ea finale caussarum
 „ iudicium , ex ordinatione Conciliorum *Nicae-*
 „ *ni* , *Artiocheni* , & aliorum pertinet ad Pro-
 „ vincialem Synodum , quae suam auctoritatem
 „ a Papa neque obtinet neque mutuatur , , .

Quam non absurda modo isthaec sint , sed
 etiam cum *Gallicanae* Ecclesiae decretis pugnan-
 tia , scitis viri Eruditissimi . Nempe ut *Langue-*
tius tandem *Senonensibus* datus Archiepiscopus
 aiebat : Quod ex auctoritate , quam Christi in-
 stitutione (jure ergo divino) in nos (Episco-
 pos) Pontifex habet , legitime sequitur , jus
 est judicandi fontes Episcopos . Quod si illos a
 Provinciae Episcopis in primae cognitionis causa
 judicari mores nostri postulant , jus tamen susci-
 piendarum appellationum est ipsi absque ulla
 controversia servatum (1) . Cete-

quod Ro-
 mano Pon-
 tifici ad-
 versus Gal-
 licanorum
 Antisti-
 tum scita-
 Febronius
 denegat .

(1) Instruction Pastorale contenant une troi-
 sieme lettre a un Conseiller du Parlement de Paris
 1753. c'est EN CONSEQUENCE de cette au-
 torité , qu' il a sur nous par l' institution de Jesus
 Christ ,

ex sui Ri-
cherisni
principiis .

Ceterum in recitatis *Febronii* verbis *Ri-cherisimus* sese palam prodit . Cur enim in *Ec-clesia nulla caussarum judicium* a Romano Ponti-fice aut ejus nomine ac jure exercentur ? nisi quod *claves* Christum *toti contulisse Ecclesiae* , ut per unum MINISTERIALITER *exercerentur* , seu Episcopos omnes , & horum supremum *Romanum Pontificem* , non a Christo proxime , & *immediate* jurisdictionem adcepisse , sed ab Ecclesia ipsa , hoc est ab multitudine Fidelium , cujus propterea solius nomine caussae ab illis judicandae sint , cum *Richerio Febronius* sentit .

& Nicae-
nis Canoni-
bus perpe-
ram intel-
lectis .

At *finale caussarum judicium* , ex ordina-tione *Conciliorum* Nicaeni , Antiocheni , & a-
liorum pertinet ad Provincialem Synodum , quae suam auctoritatem a Papa neque obtinet , neque mutuatur . Ita *Febronius* . Verum undenam quae-so *Nicaenos* , *Antiochenos* , ceterosque Pa-tres , ut FINALE caussarum judicium ad Pro-vincialem Synodum omni ad *Romani* Pontificis tribunal provocatione semota pertineret , statuisset colligit ? Num Provincialis Synodus auctorita-tem a Papa obtineat , mutueturve , non quae-ro . Hoc probandum , Provincialis Synodi au-
toritatem eam esse , a cujus judicio nullus provocationi sit locus . At id quod *Febronius* evincet ? , Quum enim , ut *Antifebronii* vin-dica-

Christ , qu' il a droit de juger les Evêques coupa-
bles , & s' il doit , selon nos usages , les faire ju-
ger par leurs Comprovinciaux en première instance ,
le droit d' en recevoir l' appel lui est réservé , &
ne lui est pas contesté .

„ dicati Auctor ait *T. III. Diff. VIII. Cap. V.*
 „ pag. 470. de *Romano Pontifice* (a *Nicaenis*
 „ Patribus ; quod idem de *Antiochenis* dictum
 „ esto) nulla fiat mentio , hoc numquam effi-
 „ cient (*Quesnellius* , *Dupinius* , *Febronius*)
 „ nisi Provincialia Concilia supremæ in Epi-
 „ scoporum præsertim causis dijudicandis au-
 „ thoritatis , a quibus nullus sit ad superius
 „ tribunal appellatioꝝi locus , agnita ab illis
 „ Patribus fuisse ostendant . Nempe si *Nicae-*
 „ „ nos Patres , quum apud Provinciae Synodos
 „ „ *discuti hujusmodi quaestiones jusserunt* , ap-
 „ „ pellationes exempli causa ad generale , vel
 „ „ etiam ad Nationale Concilium non abrogas-
 „ „ se constat , quo demum pacto adversarii ,
 „ „ ut appellationes ad *Romanam* Sedem ibi im-
 „ „ probatae dicantur , obtinebunt ? Sed nihil
 „ „ certius , quam quod Patres *Nicaeni* intactas
 „ „ ad Concilia sive generalia sive etiam Na-
 „ „ tionalia a Provincialibus Synodis appella-
 „ „ tiones voluerint . Nonne *Febronius Afros*
 „ „ objicit ? „ Atqui *Africani* Patres diserte
 „ „ ajunt (1) : „ *Maxime quia uniuersique conces-*
 „ „ *sus est , si iudicio offensus fuerit Cognito-*
 „ „ *rum , ad Concilia suae Provinciae , vel etiam*
 „ „ *universale provocare* . Non ergo omnes
 „ „ omnino ad superius tribunal provocationes
 „ „ a *Nicaenis* decretis vetitas crediderunt .
 „ „ Sed vel ipsi *Nicaenae* Synodi Patres suo
 „ „ exemplo id ostenderunt . *Petrus* , ut *Atha-*
 „ „ *nasius* narrat (2) , *apud nos ante persequu-*
 „ „ *tiō-*

F 2

(1) *Apud Const. col. 1061.*

(2) *Apol. 11.*

„ tionem Episcopus, in persecutione Martyr
 „ occubuit. Hic MELETIVM, qui Episcopus
 „ in Aegypto erat; plurimorum convictum sce-
 „ lerum, ac potissimum quod immolasset ido-
 „ lis, IN COMMVNI EPISCOPORVM SY-
 „ NODO deposuit..... Interim Meletio haec
 „ agente, Arriana exorta est haeresis; sed in
 „ Nicaena Synodo ipsa quidem haeresis ana-
 „ themate damnata, Arrianique rejecti, ME-
 „ LETIANI ALIQUO MODO RECEPTI
 „ SVNT. Exstat enimvero ea de re Nicae-
 „ norum Patrum ad Ecclesiam Alexandrinam
 „ Epistola, quae Athanasii narrationem con-
 „ firmat. In ea scilicet ajunt: Concilium,
 „ clementius aliquando in Meletium animatum
 „ (nam summo jure nullam merebatur ve-
 „ niam) decrevit, ut in sua civitate maneat;
 „ potestatem autem nullam habeat vel manus
 „ imponendi, vel administrandi..... sed ut
 „ solum dignitatis nomen retineat. Meletii igitur
 „ in Alexandrina Synodo depositi causam
 „ Nicaenum Concilium retractavit, eumque,
 „ qui, quod a Synodo Provinciae depositus
 „ esset, Episcopus non erat, sua in Civitate,
 „ retento dignitatis nomine, manere decrevit.
 „ An ergo verisimile sit, eosdem Nicaenos
 „ Patres sibi, ut nulla a Synodo Provinciae
 „ provocatio daretur, statuendum duxisse?
 „ Praeterea luculentissimum Nicaenorum Ca-
 „ nonum interpretem habemus Julium I. in
 „ epistola ad Eusebianos. Is enim quum an.
 „ CCCXLII., septemdecim scilicet post Ni-
 „ caenam Synodum annis, hasce litteras de-
 „ derit,

„ derit, *Nicaenorum Patrum mentem habere*
 „ *perfectam potuit, nec quum ad Arriano*^s
 „ *scriberet cavillationibus agentes, dubitan-*
 „ *dum, quin rem longe notissimam propone-*
 „ *ret. Ait ergo Pontifex (1): Episcopi in ma-*
 „ *gna Synodo congregati, non citra Dei Con-*
 „ *silium, prioris Synodi acta in alia Synodo*
 „ *disquiri permiserunt, ut qui judicarent,*
 „ *prae oculis habentes secundum futurum esse*
 „ *judicium, cum omni cautela res expenderent,*
 „ *& qui judicarentur, crederent, se non ex prio-*
 „ *rum judicium odio & inimicitia, sed ex aequita-*
 „ *tis praescripto judicatos esse. Quod si Nicaenis*
 „ *Patribus ea mens non fuit, ut nulla a Pro-*
 „ *vinciae Synodo appellatio liceret, multo*
 „ *minus censendi sunt provocationes ad Apo-*
 „ *stolicam Sedem auferre de medio voluisse.*
 „ *Quanta enim Romanos Praesules reverentia*
 „ *sint prosequuti, pervulgatum est. Nicaenae*
 „ *Synodi, inquit Bonifacius I. (2), non aliud*
 „ *praecepta testantur; adeo ut non aliquid su-*
 „ *per eum (Petrum) ausa sit constituere,*
 „ *quum videret nihil supra meritum suum pos-*
 „ *se conferri: omnia denique huic noverat Do-*
 „ *mini sermone concessa. Eadem sententia fuit*
 „ *Patribus Concili Romani sub Felice III.*
 „ *quorum haec sunt verba: Domino ad B. Pe-*
 „ *trum dicente: Tu es Petrus; & super hanc*
 „ *Petram aedificabo Ecclesiam &c. Quam vocem*
 „ *sequentes trecenti decem & octo Sancti Pa-*
 „ *tres*

(1) T. I. Epist. R. P. col. 355. Const.

(2) Ep. XIV. T. I. epist. R. P. Const. col. 1037.

„ tres apud Nicaeam congregati confirmationem
 „ rerum; atque auctoritatem Sanctae Roma-
 „ nae Ecclesiae detulerunt: quam utramque
 „ usque ad aetatem nostram successiones omnes,
 „ Christi gratia praestante, custodiunt. Aliud
 „ quoque praesto est argumentum, quo Ni-
 „ caenam Synodum non reprobasse appellatio-
 „ nes ad Apostolicam Sedem confirmetur. Nimi-
 „ rum ut a Balleriniis observatum est (1), in
 „ Sardicensi Synodo, quae ex Patribus Nicae-
 „ nis coaluit, & Nicaeni Concilii veluti appen-
 „ dix habita est, appellationes ejusmodi expresse
 „ adprobantur: neque enim iidem Patres sibi
 „ contradixisse credendi sunt, ac delesse hac in re
 „ eam Synodum, pro qua facta teſta ſervanda
 „ tantopere laborarunt. Nicaenus igitur Ca-
 „ non eos appellationum iudices designavit,
 „ quorum erat facilius quibusque in locis co-
 „ gnitio, ut nihil tamen Apostolicae Sedis au-
 „ thoritati detraheretur.

Thesis V.
 de jure ge-
 neralium
 Concilio-
 rum con-
 vocando-
 rum.

VII. THESIS V. FEBRONIANA, de
 jure generalium Conciliorum convocandorum.
 „ Quum P. Schmidt negare non possit,
 „ octo priora oecumenica Concilia ab Impera-
 „ toribus convocata fuisse, sed neque ipse
 „ neque alius..... sustinere audeat, Caesa-
 „ res id vel nullo jure vel quod amplius ef-
 „ ſet, contra jus, vel etiam ex delegatione
 „ Papae egisse; atque ea disciplina..... ſi-
 „ gnanter ob diſtractum in partes Imperium,
 „ dein mutata fuerit, ita ut deinceps Papa
 „ po-

(1) T. I. in S. Leon. col. 943.

„ potiozem in convocandis Conciliis partem
 „ habuisse videatur, eaque omnia jure mere
 „ humano ita acta atque immutata fuisse du-
 „ bitari nequeat: hinc neque tacitus ille Prin-
 „ cipum & Ecclesiae in qualemcumque hanc
 „ mutationem consensus *scilicet* dici potest;
 „ quum (sicut *Cap. VI. §. 3. cit. disertus*
 „ *Febronius* posuit) *usu* hoc jus convocandi
 „ fuerit *dimissum fere* (non ait *translatum*)
 „ soli *Romano* Pontifici: novit autem Schola-
 „ ris, *usum esse jus ex consensu tacito*: qui-
 „ nimmo ne in hunc quidem usque diem illi
 „ Catholici Principes, inter quos *Occidentis*
 „ imperium divisum esse cernitur (quatenus
 „ in idipsum consentirent), a pristino Impera-
 „ torum in ipsos transmissio jure convocationis
 „ primario exclusi haberi debent; siquidem
 „ jus istud a jure pacatam retinendi, aut tur-
 „ batam pacandi Religionem Reipublicae se-
 „ parari non possit. In eo itaque Pontifex hac
 „ in parte Imperatoris & reliquorum Magna-
 „ tum beneficium seu favorem atque deferen-
 „ tiam agnoscere habet, quod jus ipsis in
 „ regula & principalius competens, atque eis
 „ ab Ecclesia per novem saecula agnitum,
 „ nunc per solum Papam (requisito tamen
 „ pro singulis casibus, & obtento eorum con-
 „ sensu) exerceri patiantur. „ *Tom. III.*
 279. *seq.*

Haecine a Catholico Scriptore prodire
 potuerunt? „ *Quelque part*, inquit, praestant-
 „ tissimus *Podiensis* Antistes in libro inscripto: *Episcopus*
 „ *defense des Actes du Clergé de France* 1769. *strenue ad-*

„ (*P. I. pag. 69.*) quelque part , qu' on ait
„ voulu donner a l' autorité seculière dans
„ la convocation des Conciles , il faut *re-*
„ *noncer a tous les principes de la Catholicité* ,
„ ou convenir , que c' est a l' autorité Ec-
„ clestiastique de décider , si cette convocation
„ est nécessaire & utile a la Religion ; que
„ c' est a elle d' ordonner par le motif de
„ l' obeissance Canonique aux Prélats , qui
„ doivent composer ces Conciles , de se ren-
„ dre au temps & au lieu indiqués ; s' ils
„ n' ont pas des justes raisons , qui les en
„ empêchent . D' ailleurs il est très-certain ,
„ que l' autorité Ecclesiastique doit indispen-
„ sablement se concerter avec la seculière ;
„ qu' elle ne peut se passer de son consente-
„ ment pour assembler , & pour célébrer un
„ Concile ; qu' elle manifesteroit vainement
„ ses intentions a cet égard , si celle-ci ne
„ fournissoit un territoire propre a la tenue
„ du Concile ; si elle ne permettoit aux prê-
„ lats , qui dependent d' elle , d' y aller , &
„ d' y passer tout le temps nécessaire ; si elle
„ ne protegeoit la liberté du Concile , lors-
„ qu' on peut craindre , qu' elle ne soit trou-
„ blée par des violences & des hostilités . On
„ fait aussi , que les Empereurs Chrétiens ,
„ dont les Etats renfermoient une très-grande
„ partie de l' Eglise Catholique , concouroient
„ a la célébration des Conciles par les ordres ,
„ qu' ils donnoient aux Gouverneurs des Pro-
„ vines , & aux Magistrats des Villes , pour
„ faciliter le voyage des Evêques , & pour
qu' il

„ qu'ils fussent défrayés , soit dans leur route ,
 „ soit dans leur séjour . Mais il n'est pas
 „ moins vrai , que tout ce , qu'il y a de spi-
 „ rituel dans la convocation des Conciles ,
 „ je veux dire le jugement des motifs , qui
 „ exigent cette convocation , & l'obligation
 „ Canonique d'y obeir , imposée à tous ceux
 „ qu'elle regarde , est du ressort de l'autori-
 „ té Ecclesiastique . „ *Quum ergo Febronius* *Inepta &*
 ait p. 280: *Concilium est coetus publicus in Im-* *falsa Fe-*
 perio , Regno , vel alio statu , *coetus magni* *bronii ar-*
streptus , multaeque consequentiae : talem coge- *gumenta-*
re non est portio Primatus , utpote qui de se *tio .*
neque Imperium , neque Regnum habet , om-
nia turbat , ac perverse confundit . Principum
 enim ad generalia celebranda Concilia perne-
 cessarium esse consensum ipsa illa de causa ,
 quam *Febronius* indicat , nemo inficiatur ; id
 tamen non ad jus eorum convocandorum per-
 tinet , sed ad generale , quo ornantur , Eccle-
 siasticae libertatis fovendae , conservandaeque
 officium , ac convocationis praesidium est , non
 jussio . Primatum porro de se *neque Imperium ,*
neque Regnum habere tam falsum est , quam cer-
 tum , Ecclesiam , quae Primatu regitur , esse spiri-
 tale Christi regnum , ac Thronum *David* , qui in
 aeternum non deficiet (1) . Quamobrem *S. Augusti-*
no monente *Tract. CXV. in Joh.* Christus non ait :
Regnum meum non est IN hoc mundo , sed non est
 DE hoc mundo , *nec dicit : non est HEIC , sed non*
 est HINC : *heic est enim usque ad finem saeculi .*

VIII. THE-

• (1) S. Epiphan. *Haer.* XXIX.

Thesis VI.

VIII. THESIS VI. FEBRONIANA, de

de jure jure praesidendi Conciliis Oecumenicis.

praesiden-
di Conciliis
Oecumeni-
cis.

„ De praesidio in generalibus Conciliis,
 „ uti & de jure in eis proponendi abunde
 „ egit *Febronius Cap. VI. §. 4.* & ejus defen-
 „ sor *Theodorus a Palude Cap. VI. §. 5.* Utrum-
 „ que jus ibidem in regula tribuitur summo
 „ Pontifici: in exceptione (nimirum casu quo
 „ Papa Concilio vel praesidere, vel necessaria
 „ proponere in eo recuset, aut non valeat),
 „ alteri, ex beneplacito Synodi. Quo inge-
 „ nio, quo jure, quo fructu P. *Schmidt* pri-
 „ mum appellet *triticum*, alterum *zizaniis* com-
 „ paret, judicent prudentiores. Probat ille,
 „ se juvenem Canonistam, quando de *Giberto*
 „ & *Launoio* cum quadam specie vilipensionis
 „ loqui adfectat.

quod Fe-
bronius
Christiana
antiquita-
te,

Liceat & heic mihi quae nuper appellatus
Podiensum Praesul eodem in loco ad rem prae-
 sentem disserit, vobis ob oculos ponere. „ Les
 „ Assemblées Hierarchiques ont, s'il est per-
 „ mis de parler ainsi, un Chef & un Presi-
 „ dent né. Le Souverain Pontife preside DE
 „ PLEIN DROIT aux Conciles generaux.
 „ Les Protestans, & des Theologiens de no-
 „ tre communion, qui aiment a se rapprocher
 „ d'eux (en *Febronium* a *Podiensi* Episcopo
 „ designatum; & hic se *Gallicanae* Ecclesiae
 „ praesidio tueri posthac audebit?) ont fait
 „ d'inutiles efforts pour obscurcir cette Pre-
 „ sidence dans les anciens Conciles Oecume-
 „ niques. Si l'on excepte le second, & le
 „ cinquieme, qui n'obtinrent ce titre, que
 „ par

„ par l'accession postérieure des Papes, & de
 „ l'Occident, tous les Conciles généraux a
 „ commencer par celui de Nicée, ont été cer- *accreta ra-*
 „ tainement présidés par les Souverains Pon- *tione relu-*
 „ tifes, ou par leurs Legats... Seroit-il possible *stante R-*
 „ en effet, qu'une Assemblée, qui selon l'ex- *Pontifici o-*
 „ pression de Tertullien est la représentation *ripit,*
 „ de tout le nom chrétien, ou n'eut point
 „ de Chef, ou s'en donnât un autre, que
 „ celui, qui par l'institution de *Jesus-Christ* est
 „ le Chef visible de son Eglise? „

Sed *Febronianae* doctrinae mysterium pro- *ut tandem*
 damus. Eo isthaec omnia spectant, ut Con- *Concilium*
 cilium quodpiam, ut ipse ait, *Liberum* ad Pri- *quodpiam*
 matum intra *Dupinianos* fines concludendum, *cogi possit*
 seu potius evertendum cogatur, ac Pontifex *ad Prima-*
 se Patrum sanctionibus obnoxium antea fateat- *tum ever-*
 tur: quod quum ille *adverso*, esse intelligat, *tendum.*
 propterea id maxime urget, etiam invito *Romano* Praefule, generalia Concilia celebrari pos-
 se: quod (ubi de legitimo certoque Pontifice
 agitur) cogitare scelus apud Catholicos est,
 atque flagitium.

IX. THESIS VII. FEBRONIANA in *Thesis VII*
Tridentinum Concilium. „ Qui quum appri- *ad elevan-*
 „ me naturam regiminis Ecclesiae a Christo *dam Tri-*
 „ instituti, & ductu atque adflatu Spiritus *dentini*
 „ Sancti sub octo primis universalibus Con- *Concilii au-*
 „ ciliis servati noscant, neque ignorent, quan- *thorita-*
 „ tum a ducentis annis laboratum esset, ut *tem.*
 „ Ecclesia in capite & in membris reformaretur,
 „ & tum demum Synodi *Tridentinae* de-
 „ cretis eatenus in Ecclesiae emendatione cer-
 „ tatum

„ tatum sit, quatenus Curiae *Romanae* ma-
 „ jestati & commodis, non gloriae Dei & sa-
 „ luti Christianorum, & potissimum Ecclesia-
 „ sticorum consuleretur: hi, inquam, cum
 „ Card. *Carolo a Lotharingia* & aliis Patri-
 „ bus *Tridentinis* longe diversam, spiritui qua-
 „ tuor primorum generalium Conciliorum con-
 „ formem reformationem desiderant. Scilicet
 „ in hac *Tridentina* Synodo Pontifices sedu-
 „ lam operam dederunt, ut Episcopi *Italiae*,
 „ qui dominationi Curiae *Romanae* adsueta, ab
 „ ea, & a nutu *Romani* Pontificis, tanquam ab-
 „ soluti Monarchae, variis titulis pendebant,
 „ triplo ferme aliarum Provinciarum Episco-
 „ pos numero superarent, ac proinde omnia
 „ ex animi sui arbitrio, Curiae *Romanae* stylo
 „ ac placitis decernerentur &c. „ *T. III. p. 123.*
seqq. ac post alia ejusdem fursuris: atque
 hinc quoque claret, Concilium (quoad mate-
 riam disciplinae) non fuisse omnino liberum,
 sed ut idem ait Hervetus in calce epistolae,
 manifestam fuisse adsecularum Curiae *Romanae*
 conspirationem.

magno hae
 reticorum
 plausu, ac
 fructu.

Ubi haec, aliaque, quae in eandem
 sententiam *Febronius* congerit, legeritis Viri
 sapientissimi, an non rei indignitate percelle-
 mini? Fac enim vera esse, quae de *Tridenti-*
na Synodo quod ad disciplinae decreta spectat,
 nobis objicit; quid demum heterodoxis respon-
 debimus, si eadem ad dogmaticos Canones de-
 torserint? Id saltem negarit nemo, haec *Luthe-*
ranis favere quammaxime, qui liberum non fuisse
 in illis praescribendis Concilium passim de-
 bla-

blaterant , nec satis expediri posse , quei *Tridentinorum* Patrum in condendis Canonibus libertas cum tanta eorumdem in ferendis decretis servitute concilietur . At illa falsa esse , aut saltem mirum in modum exaggerata , licet *Espen-* *sed summa*
caei & Herveti testimoniis nitantur , ut con- *falsitate, ut*
 fidenter adfirmem , faciunt *Gallicani* Praesules . *produnt*
 Hi enim an. MDCXIV. se ad recipiendum om- *Gallicani*
 nino *Tridentinum* Concilium *conscientiae officio* *Praesules.*
 teneri declararunt (1). Nec veritus est *Fran-*
cis-

(1). Exstant quae rem tellentur , Acta Cleri *Gallicani* , eaque Cardinalis de *Rupescaldio Lu-*
dovico XIII. exhibuit in eo libro , quem a. 1626. *Parisiis* edidit praenotatum : *Raisons pour le desa-*
veu fait par les Evêques de ce Roiaume d'un livre
publié avec ce titre : Jugement des Cardinaux &c.
contre les Schismatiques de ce temps. Sect. XXI.
 pag. 212. seqq. Du Mardi 7. Juillet 1515. Presi-
 dent Mr. de la Rochefaucaut .

.....
 „ Les Cardinaux , Archevêques , Evêques ,
 „ Prélats , & autres Ecclesiastiques soussignés ,
 „ représentant le Clergé général de France , as-
 „ semblés par la permission du Roy au Couvent
 „ des *Augustins* a Paris ; après avoir meurement
 „ délibéré sur la publication du Concile de Trente
 „ ont unanimement reconnu & déclaré , recon-
 „ noissent & déclarent , qu' ils sont obligés par
 „ leur devoir & conscience a recevoir , comme
 „ de fait ils ont reçu , & reçoivent le dit Con-
 „ cile , & promettent de l'observer autant qu' ils
 „ peuvent par leur fonction & auctorité spirituelle ,
 „ & pa-

ciscus Cardinalis de *Rufocaldio Galliarum*
 Regi *Ludovico XIII.* palam edicere ann.
 MDCXXVI. , nihil in ullo ejus Concilii de-
 creto esse , quod jure Gallis improbari posset,
 modo ad illius lectionem aequus animus adfer-
 retur (1) . Haecine magnus ille Cardinalis
 tan-

„ & pastorale. Et pour en faire une plus ample ,
 „ plus solemnelle , & plus particuliere reception ,
 „ sent d'avis , que les Conciles Provinciaux de
 „ toutes les Provinces Metropolitaines de ce
 „ Roiaume doivent estre convoquées & assem-
 „ blés en chacune Province dans six mois auplus
 „ tard &c. „

(1) Pag. 202. „ Dans tout le Concile de
 „ Trente il n'y a rien , qui puisse donner au-
 „ cun sujet raisonnable d'offence a ce Royaume,
 „ ou a quoy il ne puisse être fort aisément sa-
 „ tisfait . Et c'est de ce point principalement ,
 „ que l'on peut prendre juste crainte d'un
 „ schisme . Parceque les Prélats, s'étants re-
 „ trairs a faire simplement instance , que tout
 „ ce , que contient ce Concile , fust bien veu &
 „ considéré par telles personnes , qu'il plairoit
 „ au Roi de commettre , l'on a continuellement
 „ détourné leurs pensées , aiant été représenté
 „ avec l'horreur d'un ennemi principal du Roi-
 „ aume : de crainte que la seule lecture fist con-
 „ noître la vérité , & l'innocente doctrine , &
 „ intention de ce Concile ; comme il arriva en
 „ la cy-dessus mentionnée Assemblée des Etas ,
 „ en laquelle les Seigneurs Deputés pour la No-
 „ blesse , aiant pris quelque aversion de ce Con-
 „ cile,

tanto Regi adfirmate dixisset, si *Tridentina* decreta *Curiae Romanae majestati*, & *commodis*, non *gloriae Dei*, & *saluti Christianorum*, & *potissimum Ecclesiasticorum* consulissent? Norantne melius Cardinalis *Caroli a Lotbaringia* mentem *Espencaeus*, & *Hervetus*, quam *Rupescaldius*, & ceteri qui *Parisiis* convenerant, *Galliarum* Episcopi? Alia in hanc rem commentari me prohibet sapientia vestra, quae longe plura ac multo luculentiora vobis argumenta ad tantam hujus scriptoris coercendam licentiam suggeret.

X. THESIS VIII. FEBRONIANA. De *Octava, de Apostolicarum Constitutionum examine ab Episcopis instituendo.* *Apostolicarum constitutionum examine ab Episcopis instituendo statuens.*

„ Dixit *Johannes a Calore* in *Apologia*
 „ *Febr. Art. III. n. 10.* Episcopos adceptan-
 „ tes constitutionem summi Pontificis, etiam
 „ in materia fidei, id facere debere cum de-
 „ liberatione, maturitate & judicio. Ergo, in-
 „ quit *D. Kauffmans* in *Praefat. secundae*
 „ editionis sui *Apologetici pag. 8.* ad singulos
 „ Episcopos pertinet auctoritas examinan-
 „ di, an constitutio *Unigenitus* sit pura a
 „ labe erroris. Respondeo: pertinet utique
 „ hoc

„ cile sur cette diffamation publique: après que
 „ par la seule lecture d'icelui ils eurent été de-
 „ trompés, ils se joignirent au Clergé pour en
 „ requérir la publication, en la même forme,
 „ que les Ecclesiastiques l'avoient fait par leur
 „ déclaration, la quel ils virent bien ne pouvoir
 „ apporter aucun prejudice aux droits du Roi-
 „ aume. „

id facere „ hoc examen ad quemlibet Episcoporum an-
 Episcopos „ te Ecclesiae addeptionem; quid enim est
 debere cum „ addeptio sine consensu? quid consensus sine
 deliberatio „ deliberatione? quid deliberatio sine exami-
 ne, matu- „ ne eorum scilicet, qui in Ecclesia sunt Judi-
 ritate, & „ ces Fidei. „ T. III. p. 64.
 iudicio.

Ut *Febronii* mentem adsequamini, verba *Jo-*
hannis a Calare in sua ejusdem *Febronii* Apo-
 logia T. II. pag. 195. recitabo. „ Quod Epi-
 „ scopi addeptantes summi Pontificis constitu-
 „ tiones, etiam in materiis fidei, id facere
 „ debeant cum deliberatione, maturitate, &
 „ iudicio, atque ita una cum Papa judicent
 „ pro officii sui debito, recte docuit *Febro-*
 „ *nii cap. IV. §. 2. n. 5. 6.* & cum ipso
 „ tradunt omnes quotquot non existimant,
 „ Papam infallibilem, & Episcopos meros
 „ ejusdem voluntatis exequutores. „

In qua- Equidem vos, qui *appellantium* cavilla-
 Thesi quod tiones adprime nostis, statim quid heic veneni
 veri vide- delitescat, perspicitis. Sinite tamen, ut novum
 tur prae- hunc *Appellantium* patronum latebris, quibus
 ferre, *Fe-* se protegit, exire in publicam lucem compel-
 bronii *cas-* lam, ejusque fraudes aperiam.
 sam non Possent Episcopos, qui cum *Gallis* pervul-
 juvat. gatae declarationis defensoribus *Romanum* Pon-
 tificem errori obnoxium esse contendunt, Apo-
 stolicas Constitutiones dubitanter, & cum dis-
 sentiendi facultate (hanc enim *Febronius* non
 semel inculcat) examini subijcere, ne ipsi qui-
 dem *Gullicani* Praefules consentient. Certe
Senonensis Archiepiscopus *Languetius* in epi-
 stola a. MDCCXIX. ad Episcopum *Encolism-*
sem

sem perscripta aiebat : in memoriam tibi revocandum est , nobis (Episcopis) etsi Judicibus summum Pontificem tamquam Superiorem ac Pastorem nostrum praeesse . Id exultantes animo profitemur , inquebat in Gallicanis ann. MDCLXXXII. Comitlis Bossuetius , amamus unitatem , quamque exhibemus , obedientiam nobis gloriae ducimus . Magnus hic vir esse tibi suspectus nequaquam potest . Agnoscat ille Sanctissimi Patris in nos potestatem , huic autem obedientiam debemus , de qua gloriemur (1) . Quae porro isthaec obedientia sit , paullo post idem Languetius in haec verba declarat . Omnimodae obedientiae vocabulum primo obedientiam significat , quae quod ad obedendi rationem spectat , absoluta sit , neque exterior tantum , ac verbis contenta , sed etiam interior , & ex intimo animi sensu profecta , omnesque cum actiones tum opiniones arceat , quibus hujus virtutis perfectioni inspergi labis aliquid posset eo insuper nomine obedientia designatur cum decreto , cui parendum est , comparata , integra
G & ipsa,

(1) P. 13. „ Il faut vous faire resouvenir , „ que tous Juges que nous sommes , le Pape est „ nôtre Superieur , & nôtre Pasteur . Nous le „ publions avec joie , disoit scu M. Bossuet dans l' „ assemblée du Clergé de France en 1682. , nous „ aimons l' unité , & tenons a gloire nôtre obeissance Ce grand'homme ne peut vous être „ suspect ; il reconnoit l'autorité du S. Pere sur „ nous , & a cette autorité doit répondre une „ obeissance , dont nous devons nous faire gloire . „

& ipsa, atque ejusmodi, ut nullam circumscriptionibus, atque exceptionibus locum relinquat (1). Magnus equidem mihi erit Apollo Febronius si tantam Episcoporum obedientiam a suo illo examine non abhorre ostenderit.

quod certae falsitatis inest, a Gallicanis Episcopis jampridem confutatum novimus.

Verum ne hoc quidem Febronio si daretur (quod abnuo) satis est. Ait ille, *Episcopi adceptantes Summi Pontificis Constitutiones etiam in materiis fidei id facere DEBERE cum deliberatione, maturitate, & judicio*. De judicio mox dicam. Mihi illud displicet, quod de *deliberatione* dicitur, nec dubito, quin vobis quoque improbetur. Quid *deliberatio* sit, alibi Febronius explicat; ubi vero, inquit hujus Tomi tertii pag. 111., est consensus, ibi quoque deliberandi, ATQUE DISSENTIENDI facultas esse ponitur. Igitur ex Febronii sententia

Epi-

(1) P. 15. „ Le mot d' *obedientia omnimoda* „ signifie premièrement une obéissance, qui soit „ entière quant a la maniere d'obeir, c' est-a di- „ re, que l'obeissance ne doit pas être seulement „ extérieure & de bouche, elle doit aussi être de „ l' esprit & du cœur, elle doit exclurre toutes „ les actions, & tous les sentimens, qui altere- „ roient la perfection d'une vertu, qui doit être „ chère a tous les chrétiens, & qui doit être plus „ parfaite dans le cœur d'un Evêque, parcequ' il „ faut, qu' il soit lui-même le modèle de toutes „ les vertus, qu' il doit enseigner a son peuple. „ Ce mot signifie encore une obéissance *entière* „ par rapport au décret, auquel on obeit, & cet- „ te obéissance pour être telle doit exclurre le „ partage, les restrictions, & les reserves „.

Episcopi adceptantes Summi Pontificis Constitutiones etiam in materiis fidei id facere DEBENT cum dissentiendi facultate. Id enimvero a *Gallicanae Ecclesiae* sensu maxime alienum. Illud memoria recolite *Fenelonii* clarissimi Antistitis in celebri Conventu, in quo *Innocentii XII.* Decretum adversus ejusdem *Fenelonii* librum *Maximes* &c. fuit solemniter adceptum: „ Le Pa-
 „ pe ayant jugé cette cause (*des maximes*
 „ *des Saints*) les Evêques de la Province quoi-
 „ que juges naturels de la doctrine, ne peu-
 „ vent dans la présente assemblée, & dans le
 „ circonstances de ce cas particulier (*post Ro-*
 „ *manj scilicet Pontificis definitionem*) porter
 „ aucun jugement, qu'un jugement DE SIM-
 „ ple ADHESION a celui du S. Siège, & d'
 „ acceptation de sa constitution,,. Quae spe-
 ctans *Massiliensis* Episcopus in Epistola ad Epi-
 scopum *Montispeffulani* An. MDCCXXX. scri-
 bebat: *si le jugement de l'Eglise de Rome me*
condamne, vous m'y verrez soumis DANS L'
INSTANT, a l'exemple de feu M. de Fene-
lon Archevêque de Cambrai, & être le premier
a reconnoître & a publier hautement, que je
me suis trompé. Dans l'instant ? Ubi ergo de-
 liberationi, & dissensui locus? Eadem mens fuit
Arelatensis Archiepiscopi. Nam in Pastoralis
 institutione pro Constitutione *Unigenitus* adce-
 ptanda ait: *il ne nous est pas permis de rien*
écouter, qui soit contraire aux décisions du
Souverain Pontife.

At Episcopi Judices fidei sunt. Sunt uti-
 que. Ergone Constitutiones Apostolicas cum dis-

sentiendi facultate suo DEBENT examini subji-
cere? Falsum omnino id est. Edicat *Febronius*,
an possint Episcopi ad Concilii Oecumenici de-
finitiones examinandas cum dissentiendi potesta-
te adcedere, de illisque pro auctoritate senten-
tiam ferre. Non id profecto *Febronius* dicet,
qui Oecumenicarum Synodorum definitiones a
Spiritu Sancto dictatas, nec reformationi obno-
xias esse Catholicus sentiet. Episcopi tamen,
omnes, ut Illustrissimus de *Saleon Ruthenensis*
Episcopus recte monuit, dum cujusque Conci-
lii Oecumenici, cui interesse non potuerunt,
decisionem adceptant, judicant, ac decidunt,
quod a Concilio jam definitum, ac judicatum
fuit (1). Negari certe non potest, jubente *Leo-
ne* Imperatore Episcopos sexcentos supra mil-
le acta *Chalcedonensis* Concilii ad examen
revocasse, de illisque iudicium tulisse. Di-
serta sunt *Isauriae* (2), *Cappadociae primae*,
no-

(1) In docum. pastor. de auctorit. decis. Ec-
cles. edito an. 1738. P. II. pag. 230. *Les Evêques,*
qui acceptent la décision d'un Concile Oecumenique,
jugent, & decident ce qui a déjà été jugé, & de-
cidé par le Concile.

(2) T. VII. Concil. *Mans. edit.* col. 560. „Vo-
„ lentes autem *examinatione certissima* fulgere Deo
„ amabilem undique veritatem, etiam timorem,
„ nobis proposuistis futuri iudicii, quatenus neque
„ inimicitia, neque circa quosdam gratia facien-
„ te deberemus obumbrare, quod iustum est. Ser-
„ vientes igitur nutui vestrae potestatis, & omnes
„ pariter congregati, & tractantes atque univer-
„ sa

(1) novaeque *Epiri* (2) Antistitum verba in litteris post *Chalcedonensem* illam Synodum divulgatis . Judices ergo esse Episcopi possunt , quin suo ipsorum judicio examen quoddam dubitationis cum dissentiendi facultate praemit-
tant .

Impudens porro , & majore , quam est no-
stra , castigatione digna est *Febronii* licentia ;
qui veritus non est , Pontificiae *αρχαιας* de-
fensores ejusmodi exhibere , ut *Episcopus* velit
meros Papae voluntatis *exequentores* . Id certe
ex lutulentissimis Appellantium foecibus deprom-

*Appel-
lantium
causae pa-
trocinatur.*

G 3 ptum

„ *sa* considerantes , ut erant , hoc dicimus : quia
„ *Chalcedonensis* Concilii intentio est valde firmissi-
„ ma . Sequitur enim praedicationes Evangelii , &
„ Sanctorum Patrum , qui dudum in *Nicaena* urbe
„ collecti sunt , symbolum inviolatum omnino cu-
„ stodit „ .

(1) *Ibid. Epist. I. col. 596.* „ Tantummodo de-
„ finitionem expositam ab illo Sancto Concilio , ab
„ eo delatam inspexi : quam relegens salubriter
„ congruenterque suscipiens atque intelligens & (ut
„ reor) mente recta eum ut oportebat *examinans* ,
„ comperi a recta fide non dissonare „ .

(2) *Ibid. Epist. LIX. col. 620.* „ Ea vero , quae
„ *Chalcedone* constituta sunt a sancto & universali
„ Concilio de fide Catholica , in quantum doctri-
„ nas & expositiones & interpretationes perfectio-
„ rum Patrum nostrorum sequi volumus , esse con-
„ sona *judicavimus* his , quae *Nicaeae* a sanctis tre-
„ centis decem & octo Patribus definita sunt , & po-
„ stea in regia civitate a centum quinquaginta Pa-
„ tribus explanata , in quibus etiam perduramus „ .

ptum esse nemo vestrum non intelligit. Scilicet Appellantes, ut sibi objectam Episcoporum in suscipienda Constitutione *Unigenitus* consensio- nem eluderent, saepe caussati sunt, *Italos*, *Hispanos*, ceterosque earum regionum, quae Papam ceu falli nescium praedicant, Episcopos absque examine, & veluti *meros Pontificiae voluntatis exequentores* illam admisisse. Verum ex *Gullicanis* Episcopis, quos tamen saepe saepius suarum absurditatum patronos, & duces mendaciter appellat, discere *Febronius* debue- rat, illos ipsos Episcopos, qui *Romanum* Pon- tificem erroris expertem habent, posse de Apo- stolicis Constitutionibus examen instituere, ac pro munere suo judicare, quin inconstantiae, turpisque cum suo ipsorum dogmate conflictus infimulari jure ac merito queant. Nam si Epi- scopi, ut ait Illustrissimus de *Saleon Ruthenensis* Episcopus in nuper indicata Pastoralis Institu- tione (1), qui Concilii Oecumenici definitionem suscipiunt, judicant definiuntque quod antea a Concilio judicatum, & definitum fuit, cur non dicatur Episcopus, qui Papae definitionem re- cipit, quod eum ab erroris periculo immunem credit, cum Pontifice judicare ac definire, quod

(1) *P. II. pag. 230.* „Car enfin si les Evêques, „ qui acceptent la décision d' un Concile Oecume- „ nique jugent, & décident ce qui a déjà été ju- „ gé & décidé par le Concile, pour quoy ne di- „ ra-t-on pas d' un Evêque, qui accepte une dé- „ cision du Pape, que quoique il le croye infailli- „ ble, il juge pourtant & il décide avec le Pape „ ce que le Pape a déjà jugé & décidé „.

quod judicatum prius ab ipso Pontifice fuit, ac definitum. Discere etiam debuerat, reapse Constitutionem *Unigenitus* fuisse ab istiusmodi Praesulibus non sine examine susceptam. Id nempe cum Cardinalis de Bissy in documentis Pastoralibus a. MDCCXXII. (1) & MDCCXXVIII. (2) tum Dux *Aurelianensis* & *Cameracensis* Archiepiscopus in Pastoralis institutione a. 1730. adversus *Consultationem Advocatorum Parisiensium* (3) diserte testati sunt. Immo *Caesar Augustanus*

G 4

stannus

(1) Pag. 134. „Voilà M. F. plus de temoignages qu'il n'en faut pour vous convaincre, „que les Evêques des Eglises, ou l'on tient le Pape infaillible, on fait un sérieux examen des propositions censurées; qu'ils croiroient avoir prevariqué essentiellement à leur devoir, s'ils y avoient manqué. On ne peut donc plus nous opposer le défaut d'examen. „. Prius dixerat pag. 130. „Le sentiment de l'infailibilité du Pape „n'empêche pas les Evêques d'Italie d'examiner „avec beaucoup de soin ce, que les Bulles condamnent „.

(2) Pag. 23. „Nous déclarons, que quoi- „que les Evêques Etrangers croient le Pape infaillible dans les décisions dogmatiques, qu'il a adressé aux Fideles pour regler leur croyance, „cette opinion ne les a pas empêchés d'examiner „le fond de cette Bulle, & de déclarer, qu'ils ont „reconnu par cet examen, qu'elle est entiere- „ment conforme à l'Ecriture sainte, & à la „Tradition „.

(3) Pag. 94. „Dans les Eglises d'Espagne, „de Pologne, & de Dalmatie, ou le sentiment de „l'in-

stanus Archiepiscopus , alii que , quorum idem Eminentissimus de *Bissy* in Pastoralis institutione adversus interpositam a Constitutione appellationem edita a. 1728. testimonia recitat, conqueruntur se a *Quesnellianis* per summam injuriam adcosatos fuisse , quasi coeco quodam impetu , nec ullo adhibito examine Constitutionem cooptassent. Demum & illud discere debuerat, Episcopos , qui Pontificiae *assensus* opinione ducti Constitutionem quampiam susciperent, nec temere acturos , & tamen Episcopalis judicii munere perfungi posse . Primum illud *Ruthenensis* Episcopus in eadem, quam indicavi , a. 1738. institutione (sumptis licet celeberrimae declarationis articulis) perspicue ostendit (1). Alterum vero

„ l'infailibilité du Pape est le mieux établi , les
 „ Evêques ont examiné la Bulle *Unigenitus* avec
 „ autant d'attention , que s'ils avoient été dans
 „ le sentiment contraire „.

(1) Ait ille *P. II. pag. 221.* „ Que l'infail-
 „ libilité du Pape ne soit pas un dogme incont-
 „ stable , les Evêques étrangers en conviennent
 „ eux-mêmes. Ils ne nous font pas un crime d'
 „ être en *France* dans un sentiment opposé, com-
 „ me nous ne leur faisons pas un crime de leur
 „ opinion. Mais puisqu'il leur est permis d'em-
 „ brasser cette opinion , & de la regarder comme
 „ certaine ; pourquoi ne leur sera-t-il pas permis de
 „ fonder leur acceptation sur l'infailibilité du Pa-
 „ pe ? Il est vrai , qu' ils peuvent se tromper en
 „ croyant appercevoir dans l'Ecriture , & dans la
 „ Tradition l'infailibilité du Pape , & dans cette
 „ in-

ro facile suadetur . Quid enim tunc Episcopi facerent ? Obedirent *Romano Pontifici* , eique adhaererent . Verum teste *Languetio* (1) *lors même , que nous adhérons au jugement du S. Père , nous exerçons en cela même le ministère , que nous avons reçu de Dieu .* Cur hoc ? quia ; inquit *Cameracensis Fenelonius* in suo anni 1699. Provinciali Conventu , qui dit ADHERER a

un

„ infaillibilité la verité des points , qu'il s'agit
 „ de décider : mais ne pouvons-nous pas nous trom-
 „ per aussi , & y a-t-il aucun Evêque particulier ,
 „ qui ne puisse se tromper dans la confrontation ,
 „ qu' il fera des points à décider , avec l'Ecritu-
 „ re & la Tradition ? L' Ecriture , la Tradition ,
 „ la proposition de l'Eglise , voila les Regles im-
 „ mobiles , sur les quelles nôtre foy est appuyée .
 „ mais l' application , que chaque Evêque en-
 „ particulier fait de ces Regles immobiles aux
 „ points , qu' il s'agit de décider , est sujette à l'
 „ erreur . L' infaillibilité n'a pas été promise qu' au
 „ Corps ; ainsi celui , qui pour accepter une dé-
 „ cision examine lui même en détail tous les points
 „ en les confrontant avec l' Ecriture , & la Tra-
 „ dition , peut également se tromper , comme
 „ celui qui fonde son acceptation sur le sentiment
 „ de l' infaillibilité du Pape . Quoique le senti-
 „ ment de l' infaillibilité du Pape de l' aveu de
 „ tous les Catholiques ne soit pas un dogme in-
 „ contestable , on ne peut donc pas accuser de pré-
 „ varication ceux des Evêques étrangers , qui son-
 „ deroient uniquement leur acceptation d'une Bul-
 „ le du Pape sur cette infaillibilité „ .

(1) *Troisième Avis num. 71.*

un jugement , dit former un jugement intérieur , par le quel on se conforme a celui , au quel on adhère , idque ex ministerii juribus . Haec non tam vestri caussa , quam ceterorum qui meam hanc epistolam legerint , copiosius proposui , ne sibi a *Febronio* imponi sinant .

Thesis IX.

Sarpīi vindicationes .

XI. THESIS IX. FEBRONIANA Paul-
li Sarpīi vindicationes continens . Dum (Auctor
quidam *Examinis Febroniani* operis) certum esse ait , Paullum Sarpium fuisse de *Seſſa Protestantium* , injuriam facit Viro Magno Tom. III. pag. 249. „ Non me fugit , quod de Sarpio „ memorat *Bossuetius* in *defens. declar. Cleri Gall. Lib. VIII. cap. 12.* scilicet : Quum ille „ Frater Paullus Calvinianae haeresi , quam „ cucullatus fovebat , per eorum dissidiorum „ occasionem aditum aliquem quaerens , nullum „ invenerit , aut Senatum inducere ausus sit , „ insidiosissimus licet , ad infringendam Sedis „ Apostolicae majestatem &c. Eadem vir illustrissimus repetit Libro VII. historiae variationum . Aduſatio gravis est ; sed an fundata ? Ad hoc dignoscendum , ad fontem redeundum est , e quo hae suspiciones , atque incusationes profiliunt . Habent eae suum fundamentum in quibusdam relationibus insertis Vitae *Guillelmi Bedelli* Episcopi Kilmorensis in *Hibernia* a *Gilberto Burnet* conscriptae , ex *Anglico Gallice* anno 1687. *Amstelodami* editae Interim narrationes aut somnia *Burneti* (qui a pluribus suorum conterraneorum pro fanatico , credulo quin & falsario habetur) apud *Protestantes* aeque

„ aequae ac *Catholicos* fidem & adfensum fa-
 „ cile invenerunt: apud illos quidem, ut ad-
 „ cessione viri magni numerum suum & aucto-
 „ ritatem augerent; apud *hos* vero, ut plus
 „ odii concitarent homini, qui pro muneris sui
 „ parte tam fortiter se, se *Paullo V. Romano*
 „ Pontifici objecerat „.

Quid ad haec dicetis, sapientissimi viri?
 Profecto egregiam *Ebredunensis* Archiepiscopi
 institutionem Pastoralem, qua *Sarpiana* historia
 a *le Courayero Gallice* reddita proscribitur,
Gratianopoli an. MDCCXXXVIII. vulgatam
 non semel vidistis, atque adprobastis. An non
 ergo incredibili quadam admiratione perculsi *Fe-*
bronianas hasce *Sarpii* vindicationes legetis?
 At enim *Bossuetium Burnetus* decepit. *Fanati-*
cus scilicet, *credulus*, quin & *falsarius* Scriptor
Bossuetio imponere potuit summo viro, atque
Gallicanae Ecclesiae ornamento. Proh! impu-
 dentiam uno dignam *Sarpii* vindice! Quasi ve-
 ro *Sarpii* epistolae non exstarent, quae quid
 ille hominis esset, nullam licet *Burnetianarum*
 narrationum habere rationem velimus, non aper-
 te docerent. *Equidem*, inquit *Febronius* p. 250.
 ex propriis ejus epistolis intelligimus, qualiter
 prosperum successum rerum & armorum Prote-
 stantium optaverit; attamen non eo fine ac sen-
 su, quo hi fidem evangelicam praedicabant, sed
 unice tamquam medium, quo *falsus* Romanorum
 deprimi, atque ita vera Religio a superfluis
 purgata ad primaevam puritatem reduci valeat.
Equidem sentiebat diverse in quibusdam ab il-
 lis, qui cum excessu in iis etiam articularis, quos

ex *Sarpii*
 ipsius epi-
 stolis falsi-
 tatis con-
 victae.

ne Tridentinum quidem exigit , fidem & cultum Catholicum reponunt , sed neutiquam in substantialibus . „ Il ne falloit pas dissimuler , „ inquit Ebredunensis Praeful p. 12. que ce „ sçavant homme (vir magnus) approuvoit la „ Réforme dans son entier , puisqu'on ne trouve dans ses lettres aucun vestige de restriction . N'est-ce pas en effet applaudir sans réserve au Protestantisme , que de le confondre avec l'Evangile ; de désigner ceux , qui l'ont embrassé , sous le nom de gens de bien , & de les opposer par cet endroit à ceux , qu'il affecte d'appeller Papistes ; de qualifier de véritable Religion la Religion Protestante , & d'assurer que tout ce qu'il y a de bon au monde , se trouve renfermé dans son sein . Ces expressions sont répétées cent fois dans Fra Paolo „ . Quid ergo est , verum Protestantem se exhibere , si hoc non est ? Nisi fortasse Febronius adsentiri malit le Courayero scribenti in Sarpîi vita p.64. fuisse illum Catholicum en gros , & quelquefois Protestant en detail . Sed alia gravioris fortasse momenti praesto sunt . Facultas vestra xxii. Augusti a. MDCXI. scelestissimum Mornaei librum inscriptum : *Mysterium iniquitatis , seu historia Papatus* , atque eo spectantem , ut Paullum V. Antichristum esse suaderet , edita censura damnaverat . Boni omnes Facultati plausere . Quid Sarpîus ? Sorbona , inquit ille ep. LXXV. Mornaei Librum configens majorem potuisset sapientiam ostendere Ejus judicia olim magni fieri consueverant ; sed ab aliquo jam tempore multum pristinae

stinae existimationis amiserunt Sorbonici majore studio gloriam Dei terrestres, quam coelestis Numinis prosequuntur . Pejora dicam . Sarpinus non modo veluti communem hostem (1), cujus exitio Christianae Reipublicae pax tandem redderetur, Romanum Pontificem spectavit; sed ut Turcae fociis & auxiliariis Hollandis, scilicet Calvinianis, Italiam vastarent & diriperent, Romam vero ac Pontificiam Cathedram excinderent, funditusque delectent, exoptabat . Legitote illius epistolam XCV., ubi id demum, inquit, Italiae salus, atque adeo universi orbis foret; ac demum quid de Febronio ejus laudatore & vindice sentiendum sit, pro vestro in rem Catholicam studio decernite . Ne quid tamen dissimulem, Febronius eorum, quae pro Sarpino obtrudit, vadem exhibet p. 360. Franciscum Griselinium in anecdotis ad Fr. Pauli vitam an. 1761. ex Italico Germanice editis, illumque ait solide confutasse, quae Sarpino a Barneto, Bossuetio, ceterisque objecta novimus . Verum ne terreamini . Paulo post edita Venetiis MDCCLX. Griseliniana anecdota monumenta prodiit apud nos libellus inscriptus: della impudenza letteraria sermone parenetico di A. C. contro un libro intitolato: „Memorie „anedote spettanti alla vita, e agli studj di Fr. „Paolo Servita raccolte, e ordinate da France- „sco Grisellini . Quid ad hanc impudentiam addi potest? Cic. V. Verr. „Nimirum clarissimus Auctor, qui sub litteris illis Arcadici nominis indici-

(1) Ep. 75. p. 426.

dicibus latet, numquam suspicatus fuisset, *Febronium* aliquem *Grifelinio* impudentiorem paucis post annis proditurum fuisse. Sed haec mitto. Id enimvero praetereundum non est, ipsa illa, quae ex *Grifelinio* ad convellendam *Burneti* narrationem, ac *Sarpi* cum *Bedello* necessitudinem in dubium revocandam *Febronius* veluti *solida* profert, in praeclaro illo libello p. 33. seqq. non *solide* solum, sed etiam *falae* & *eleganter* refelli. Ceterum non is ego sum, qui *Sarpium* Protestantibus indubie adconsendum velim. Hoc contendo, non debuisse illum tanto studio a *Febronio* defendi, nec tanta quam ille passim praefert, confidentia nobis obijci illius auctoritatem.

XII. THESIS X. FEBRONIANA de S.

Thesis X.
Febronii
systema S.
Bernardo
per summam
injuriam
adscriptum

Bernardo Febroniani systematis auctore. Ego sane in scriptis divi Bernardi (quamquam vir Sanctus non potuerit non obscuri sui saeculi doctus de plenitudine Pontificiae Potestatis tinctus fuisse) invenio lineamenta, & compendium totius fere Febroniani systematis. Eamdem Febronius sibi laudem in appendice prima primi Voluminis pag. 777. tribuerat his verbis: Ego S. BERNARDVM sequi cupio, qui animo amico, & optimo fine summis Pontificibus multa exprobravit. Verum Febronius, antequam tantam Bernardo injuriam irrogaret, quanta est suum illi systema adscribere, animadvertere debuit, se exaggeratis aut etiam confictis Romanae Curiae vitiis ad deneganda Primatus jura contra omne fas abuti; Bernardum vero nisi vitia, vitia exprobrasse, jura agnovisse. Quae porro nos

nos inter ipsumque disceptatio est, de jure agit, non de hominibus legitima potestate abutentibus. Haec autem vere a me dicta esse intelligetis, si singula *Febronianae* cum S. Bernardo comparationis capita perpenderitis.

quaedam Curiae Romanae reprehenderit, salvo

omnibus Primatus juribus:

uti sunt 1. Jus in Episcopos, quos nam. quam ait immediate a Deo suam obtinere dignitatem.

1. Inquit: (S. Bernardus) *sustinet* Lib. III. de Considerat. cap. 4. n. 17. *jura Episcoporum non minus immediate a Deo esse, quam quaecumque jura Pontificis, adeoque huic non licere quidquam ex illis aut minuire aut detrabere, non suis Ecclesias mutilare membris, confundere ordinem, perturbare terminos, quos posuerunt Patres. Intelligo. Verum ubinam quae ait Bernardus, non minus jura Episcoporum IMMEDIATE a Deo esse, quam quaecumque jura Pontificis? Non eo certe loco, quem Febronius designat. Ait ibi, omnem potestatem a Deo esse, immediatene, an secus, non ait. Immo vero haec Bernardi Febronius perpendat. Ego enim, inquit eo ipso capite, propter similitudinem dictum reor, quod sicut illic *Seraphim, & Cherubim*, ac ceteri quique usque ad *Angelos & Archangelos* ordinantur sub uno capite Deo; ita heic quoque sub uno summo Pontifice *Primates, vel Patriarchae, Archiepiscopi, Episcopi, Presbyteri, vel Abbates, & reliqui* in hunc modum. Non est parvi pendendum, quod & Deum habet auctorem, & de Coelo ducit originem. Haec nemo non videt ad omnes nuper indicatos pertinere, *Primates, Patriarchas, Archiepiscopos, Abbates, & reliquos, puta Capitulariorum Praepositos. Numquidnam Abbatum, Praepositorumque Capitularium potestas Deum habet**

habet *immediatum* auctorem, & de coelo *immediate* ducit originem? Caveat *Febronius*, ne tantam *Bernardo* inscitiam tribuat, ut isthaec omnia uno Ecclesiastico jure in Ecclesiam inventa fuisse ignorarit. Praeterea quei *Febronius Bernardum* hac in re appellare non timuit? *Subtrahuntur*, inquit ille, *Abbates Episcopis, Episcopi Archiepiscopis, Archiepiscopi Patriarchis, sive Primatibus. Bonae species haec? Mirum si excusari queat vel opus. Adrigat nunc aures Febronius. Sic facitando probatis vos habere plenitudinem potestatis, sed justitiae forte non item. Facitis hoc QVIA POTESTIS, sed utrum & debeatis quaestio est. Intelligitne? Vitia, quibus Romana Curia fortassis implicata sit, ad quaestionem spectant, utrum Pontifex hoc illudve facere debeat. Hanc ego quaestionem Deo dirimendam relinquo, nec siqui forte ejusmodi abusus etiamnum vigeant, probō. Quaestio *Febronium* inter & nos alia omnino est. Hoc quaerimus, num Pontifex ea ipsa facere possit, quae ubi absque legitima causa fiant, *Bernardo* reprehendenda videbantur. Negat *Febronius*; adfirmamus Romano-Catholici, qui ab ipso *Bernardo* adcepimus, potestatem ex vitiis, quae in ejus usu admittantur, frustra convelli. Quid igitur *Bernardum* nisi insipientissime ostentat?*

quamvis si-
ne domina-
tu.

Sed pergit *Febronius*. 2. (inquit *Bernardus*) *illum* (summum Pontificem) *non esse Dominum Episcoporum, sed quasi unum ex ipsis*. Lib. IV. de Confid. cap. 7. At quid haec ad *Febronium*? Numquid Summum Pontificem *Domi-*

num Episcoporum Romani facimus? qui eos ab illo fratres appellari & haberi novimus? Meminerit Febronius, se aequalem omnium Episcoporum auctoritatem T. I. cap. VII. §. 1. statuisse; meminerit sua haec esse eodem loco pag. 538. „ Episcopi in administratione suarum „ Ecclesiarum NIHIL jure divino recogno- „ scunt reservatum Papae: „ meminerit se ejusdem tomi p. 537. scripsisse: „ in ipsam er- „ go Apostolicam auctoritatem Episcopi suc- „ cedunt, ita nimirum, ut quidquid potesta- „ tis Episcopalis, id est ad regimen Eccle- „ siae spectantis, *Apostoli* habuerunt, id ab „ Apostolis in *Episcopos* transfusum sit..... „ omnibus & singulis Apostolis dictum est: „ *Quidquid ligaveris quidquid solveris.....* „ Nullus *quoad hoc* altero superior aut ma- „ jor est; nullus alterius hac in parte jus & „ potestatem limitare aut restringere potest, „ quippe quae omnibus eadem plenitudine da- „ ta fuit & independentia. „ Haec nobis falsa sunt, & Primatum de medio tollere vi- dentur. Quaero: an *Bernardus* dum Pontificem negat esse *dominum Episcoporum*, isthaec *Febroniana* figmenta, quae tamen *Febroniani* systematis praecipuum quoddam caput sunt, docuerit? Haud crediderim, tantae aut audaciae, aut inscitiae *Febronium* fore, ut haec ex negato Pontificio in Episcopos dominatu proficisci contendat. Nam nos quoque hunc inficiamur, neque tamen umquam adducemur, ut illa cooptemus. Videat etiam, num *S. Hieronymus* Episcoporum juribus detraxisse dicen-

us sit, quod epist. LXXII. ad *Theophilum* adversus errores *Joh. Hierosolymitani* ait: *contenti sint* (Episcopi) *honore suo*, *patres se sciant esse*, NON DOMINOS. Quod si id de *Hieronymo* nonnisi inepte adfirmari posse concesserit (concedat autem necesse est, nisi rideri velit); quid igitur verissima illa *Bernardi* propositio ad rem nostram faciat? Nihil omnino. Hoc unum ostendet, *Febronium* & heic suo more nugari, aut potius insidias minus peritis instruere.

sed cum plenitudine potestatis nullis limitibus circumscripta,

Infantit porro, dum de *Bernardo* subdit. 3. *eundem* (Romanum Pontificem) *non dici summum* consummatione, *quasi in eo omnia consummentur*, sed *comparatione ad alios Episcopos* Lib. II. Cap. 7. n. 14. 4. Infanire *Febronium* heic ajo. Quid enim? Vidimus illum adferentem, omnium *Episcoporum* AEQUALLEM esse auctoritatem. Audet tamen *Bernardum* adferre scribentem: *Tu vero considera, non consummatione summum te dici, sed comparatione. Nec me putes comparatione dicere meritorum, sed ministeriorum. Sic te existimet homo ut ministrum Christi, & quod absque praejudicio sanctitatis cujuspiani dixerim, SVM-MVM plane INTER MINISTROS.* Quod latius sequenti capite VIII. exponit in haec verba: *alii in partem sollicitudinis, tu in plenitudinem potestatis vocatus es. Aliorum potestas certis arctatur limitibus; tua extenditur & in ipsos, qui potestatem super alios adceperunt. Nonne si causa exstiterit, tu Episcopo coelum clandestere, tu ipsam ab Episcopatu deponere,*
etiam

etiam & tradere Satanae potes? Haec Bernardus. An non ergo insanire dicendus Febronius fit, qui Bernardum suum sibi systema prae-monstrasse jactat? Quid enim tam dissentaneum quam a Bernardo Febronii systema: Ait ille, aliorum Episcoporum auctoritatem certis arctari limitibus; negat hoc Febronius, qui aequalem omnium Episcoporum ita praedicat auctoritatem, ut T. I. cap. III. p. 161. docuerit: Hoc igitur sensu potestas Episcopi Eugubienfis tam late se extendebat, quam Episcopi Romani, & Episcopus Rhegiensis aequae totius Ecclesiae Episcopus erat ac Constantinopolitanus; ex quo nullus officii Episcopalis actus sit, quem non quisquis eorum, exigente necessitate, sine ulla dispensatione, potuisset peragere. Ait ille alios Episcopos vocatos esse in partem sollicitudinis, Pontificem in plenitudinem potestatis: contra Febronius T. I. ca. III. §. 5. scripserat; Varias spurias decretales a nobis alibi referendae, Romano Pontifici tribuunt plenitudinem potestatis, dum interim reliquos Episcopos tantum in partem sollicitudinis vocatos esse volunt. Possent illae fundamentum videri habere in epistola XII. S. Leonis Papae.... Verum agitur heic aperte de potestate Patriarchali, quam eo tempore, idest saeculo V. Romanus Pontifex per Illyricum obtinuit. Immo hoc ipso, quem expendimus T. III. p. 242. de Bernardo, ut vidimus, scripserat: quamquam vir sanctus non potuerit non obscuri sui saeculi doctrinis de plenitudine Pontificiae Potestatis tinctus fuisse. Ait ille, posse a summo Pontifice Episcopos

vi cuius
iplos depo-
nere possit
Episcopos.

deponi, quod & epistola ad *Eugenium* cccxxxviii. inculcat; *Febronius* vero T. III. p. 299. iterum adfirmat, *causas depositionis Episcoporum ex Canonum dispositione ad Synodos Provinciales usque ad receptionem spuriarum decretalium constanter pertinuisse*. Quid? quod *S. Bernardus* non solum, quae hactenus audivimus, ep. CXXXI. confirmat; sed alia addit a *Febronio* oppugnata. *Plenitudo siquidem*, inquit, *super universas orbis Ecclesias singulari prae-rogativa Apostolicae Sedi donata est*. Qui igitur huic potestati resistit, **DEI ORDINATIO** resistit. *Potest si utile iudicaverit, novos ordinare Episcopatus, ubi hactenus non fuerunt. Potest eos, qui sunt, alios deprimere, alios sublimare, prout ratio sibi dicaverit, ita ut de Episcopis creare Archiepiscopos liceat, & e converso, si necesse visum fuerit &c.*

2. ius ap-
pellatio-
num.

Audiamus alia. 4. (*Bernardus*) *appellationes ad Romanam Curiam, tum sicuti nunc in quibuscunque causis recipi solitas, multum damnat, tam in Lib. III. de confid. Cap. 2. quam in epist. 178. & seqq. 5.) dispensationes sine causa, hodie tam frequentes crudeles dissipationes vocat, exigens ad hoc, ut legitima sit dispensatio, causam vel necessitatis, vel utilitatis, non privatae sed publicae*. Lib. III. Cap. 4. num. 18. Verum & ista proferre num sani hominis sit, viri doctissimi iudicate. Romano Pontifici ex natura & jure Primatus non competit ius Appellationum ex omnibus totius Ecclesiae partibus. *Febronii* haec thesis est T. I. pag. 327. quae To-

Tomo III. p. 295. *seqq.* confirmatur. Non ergo appellationum vitia tantummodo redarguit, sed ipsarum jus *Febronius* summo Pontifici eripit. Quid *Bernardus*? Vitia equidem obiurgat, ait enim l. c. *Quousque non evigilat consideratio tua ad tantam appellationum confusionem, atque abusum? Praeter jus & fas, praeter morem & ordinem fiunt. Non locus, non modus, non tempus, non causa discernitur, aut persona. Praesumuntur leviter passim, plerumque & nequiter. Jus tamen appellationum non solum confirmat, sed necessarium statuit. Magno, inquit eodem capite, in his & pio opus intuitu est, ne quod MAGNA fuit NECESSITATE provisum, male utendo reddatur inutile..... Appellatur de toto mundo ad te; id quidem IN TESTIMONIUM SINGULARIS PRIMATUS TVI. Ad dispensationes quod adinet, causas Bernardus adfert, quae ut dispensare liceat, expediatque, a fidei dispensatores sub oculos habendae sint. Ad earum jus quod spectat, illud Romano Pontifici adeo non negat, ut diserte profiteatur: Quid, inquit, prohibes dispensare? Non sum tam rudis, ut ignorem positos vos dispensatores, sed in aedificationem, non in destructionem, neque id juris ab Ecclesia summo Pontifici tributum Bernardus agnoscit, ut Febronius T. I. cap. V. §. 5. pag. 321. somniat; illud ex ipso divino jure utique primatus adcerfit. Qui enim summo Pontifici Plenitudinem potestatis a Christo collatam agnovit, poterat ne de dispensationum jure ab Ecclesiae concessione repetenda cogitare?*

3. Jus dispensationum.

Quinque capita superessent, in quibus *Febronius* inter se ac *Bernardum* comparationem instituit. Ea vero quum ad auri cupiditatem, ad tuendae dignitatis studium, ad dominatus fallum, idque genus vitia pertineant, non est cur in his immoremur. Nam quod magnus Cardinalis *Sadoletus* in oratione ad Germaniae Principes agebat, *confitemur nosmet ipsi, & concedimus, aliqua fieri in hac urbe, quae merito reprehendenda sunt; non pauciora tamen esse adfirmamus, quae summe sint laudanda: nusquam enim caritas, nusquam amicitiae, & familiaritatis fides, nusquam in egentes misericordia, neque sanctius colitur, neque maiore studio curave exercetur. Ipsa vero erga Deum Religio heic sancta, & semper sincera est. Sunt quidem vitia heic intermixta permulta, quod necesse est, ex omnium fere gentium conventu conflata hac civitate. Sed tamen in turba, & colluvione vitiorum, multorum eximiae virtutes elucescunt, quibus aequum profecto fuit parci ab eis, qui omnes & omnia in crimen, atque invidiam uno nomine vocant. Febronio autem antequam se *Bernardi* exemplo in hisce, si vera sint, vitis obiurgandis tineretur, duo mea quidem sententia fuerant consideranda. Alterum est, *Bernardo* quum morum integritate ac sanctimonia fulgeret, multa licuisse, quae nisi sanctitatis fama atque auctoritate sustententur atque emolliantur, ferenda vix sint. Alterum vero, ad summos Pontifices privatas illum dedisse litteras, non toto orbi, quos in *Romanam* Curiam inrepsisse aegreferebat, abusus*

In ipsa vitiorum reprehensione quantum inter S. Bernardum, & Febronium discriminis intercedat.

sus divulgasse , magno apud haereticos Catholici nominis opprobrio , majore apud Catholicos Pontificiae dignitatis invidia . Jam *Febronius* se cum *Bernardo* conferat , per me licet , sed utinam quod inter utrumque discriminis interesse omnes agnoscimus , perspiciat ipse , suamque ad maledicendum licentiam fateatur .

Vestrarum interea partium erit , sapientissimi viri , ad id illi vestro quoque judicio stimulos addere . Nam quum ille Gallicanam Ecclesiam a se stare confidentissime jactet , ubi a summis *Sorbonicae* Facultatis Doctoribus sua improbari dogmata noverit , fieri vix poterit , quin tandem se Gallicanae Ecclesiae praesidio destitui agnoscat , ac resipiscat . Valet viri doctissimi , atque uti haecenus consuevistis , rem Catholicam diligenter curate . Quinto Kal. Octobres MDCCLXXIII.

*Epistolae
conclusio .*



EPISTOLA III.

*Ad Italos, Germanosque Febronii op-
pugnatores, ut a refellendo tertio
ejus tomo, in quo praeter effraena-
torem in Romanos Pontifices
licentiam nihil est non antea
ab ipsis contritum, pe-
nitus abstineant.*

*Inanes quo-
rumdam
conquestio-
nes de non
refutato
tertio Fe-
bronii li-
bro.*

Q Uum multos saepius audirem conqueren-
tes, neminem vestrum, viri Clarissimi,
qui primum alterumque *Febronii* librum in *Ita-*
lia nostra, ac *Germania* magno Catholicae ve-
ritatis bono refelleratis, ad tertium, qui effrae-
natissimam quamdam in summos *Romanae* Ec-
clesiae Pontifices licentiam praesefferret, confu-
tandum haecenus adcessisse; ad ejus lectionem
quadam ductus curiositate me contuli. Dicam
quod res est. Levitatem illorum, qui necessa-
riam novi hujus operis refutationem praedica-
bant, statim agnovi. Graviores equidem nescio
quae errata in eo libro reperi, quae & sedulo
adnotavi, immo & illa mihi duabus episto-
lis, altera ad ipsum *Febronium*, altera ad ce-
leberrimos *Sorbonicae* Facultatis Doctores, ar-
guenda suscepi. Animadverti tamen, quod ve-
stras omnes in *Febronium* lucubrationes evol-
veram quam diligentissime, cum haec, tum plu-
rima alia, quae in oculos incurrerunt, a vo-
bis occupata antea fuisse, ut qui huic libro
a Romano responsum cupiat, illum nihil eorum, quae a

vobis ad superiorum voluminum confutationem egregie conscripta habuimus, vidisse necesse sit. Sed & illud in mentem venit, ab ejusmodi dimicatione cessandum vobis esse aliquando, ne quum ille nonnisi veteres, atque in vestris vindicationibus plane depulsas adversus Apostolicam Sedem, Curiamque *Romanam* calumnias impudentissime iteret, bonas horas in iisdem rursus removendis conteri a vobis gloriatur. Rogo igitur vos, obtestorque, viri doctissimi, ut ab inani fere labore abstineatis, quumque in dies libris concurratur undique ad minuendam, ac si fieri posset, labefactandam non Ecclesiae modo dignitatem, auctoritatemque, sed ipsam quoque Christianam Religionem, *Febronio* dimisso, laudabile vestrum in Ecclesiam studium illorum refutatione utilius comprobetis.

II. At quid illis fiet, qui *Febronianum* opus responsione indigere existimant? Eis quoque consulendum, ne forte illud non quod inutile, sed quod perdifficile factu sit, non refelli falso sibi persuadeant. Consulam enimvero abunde una cum *Antifebronii*, qui *Pisauri* primum, deinde *Caesena*e Italice prodiit, tum *Antifebronii vindicati*, qui *Caesena*e quoque latine excusus est, cum tertio hoc *Febronii* tomo instituta comparatione. Videte, Viri clarissimi *Sappellii*, *Sangalli*, *Trattweinii*, *Viatore*s a *Cocaleo*, *Ennodii Faventini*, *Kauffmanii*, ceteri omnes, qui calamum in *Febronianam* audaciam acuisit, videte inquam, quantum bonitate causae nostrae confidam. Commentarios vestros adprime novi, plurimi facio, val-

*Catholicis
Scriptori-
bus plane
contritum.*

*ut vel una
cum Anti-
febronii
collatione
demon-
strandum
suscipitur.*

valde commendo. Ut tamen *Febronius* intelligat, se libris multiplicatis nihil proficere, tertio quoque huic tomo unum *Antifebronium* opono. Nihil fere si viderit in eo contineri, quod non ibi discussum penitus sit, atque contritum, desinat tandem suis voluminibus litterariam Christianamque Rempublicam onerare. Siquid tamen occurrit, quod in *Antifebronio* fuerit praetermissum, vel epistolas meas, ubi illud fortassis adtigi, indicabo; vel aliqua animadversione dispungam. Consilium meum probabit, spero, eruditissimi viri: de exitu securi sunt animi. Valete & plaudite.

TERTII FEBRONIANI VOLVMINIS

Cum Antifebronio Italico; eodemque latine vindicato

C O L L A T I O.

FEBRONIVS

Bona causa (1) Iust.
Febronii adversus
P. Viatorem a Cocaleo,
& alios Scriptores de-
fensa.

TITVLVS I.

De exteriori forma
regiminis, quam in sua
Ecclesia Christus Do-
mi-

Confer *Antifebro-
nium Caesenatis* editio-
nis, quam unam indi-
ca-

(1) *Nihil mendacius.*

minus instituit.

§. I. De *Textibus Sacrae Scripturae* (Matth. XVI. 18. & Joh. XXI. 15. seqq.) quibus Romani ad fundandum statum Monarchicum abutuntur.

cabo, T. I. diff. I. cap.

4. & 5. & *Antifebronium vindicatum* T. I. diff. II. cap. 3.

A N I M A D V E R S I O N E S

In quaedam hujus tituli loca.

1. Ad illud *Johannis XXI. Pasce oves meas* ait *Febronius* p. 4. *Agnoscent quidem Romani, Ecclesiae ministerium sicut Petro, ita & aliis Apostolis commissum esse, sed his, inquit, peritum, quippe cui soli Christus dixerat: Pasce oves meas. Haec ille. Errat Febronius. Non hoc Romani dicunt, sed soli Petro commissam iis verbis a Christo universi gregis, universaeque Ecclesiae curam cum amplissima ordinaria, ut ajunt, & in successores derivatura potestate, quum Apostolorum illa extraordinaria fuerit, neque ad successores dimanare deberet. Ceterum Bellarminus ipse cum Cajetano, Dominico Soto, Francisco Vargas, Hervaeo, aliisque pluribus antiquis Theologis de Rom. Pont. Lib. IV. cap. 23. multis ostendit, Apostolos a Christo (non per Petrum, ut Febronius ait) jurisdictionem omnem adcepisse, licet primatui Petri obnoxiam.*

2. Ut *Febronius* hanc, quam nobis adfin-

fingit, sententiam refellat, sic pergit., *Christus*, ait Vas electionis ad Ephes. IV. IX. 11.
 „ 15. *ipse dedit quosdam quidem Apostolos, quos-*
 „ *dam autem Prophetas, alios vero Evangelis-*
 „ *tas, alios autem Pastores & Doctores ad con-*
 „ *summationem Sanctorum in opus ministerii,*
 „ *in aedificationem Corporis Christi, donec oc-*
 „ *curramus omnes in unitatem fidei & agnitio-*
 „ *nis Filii Dei, in virum perfectum, in men-*
 „ *suram aetatis plenitudinis Christi: ut jam*
 „ *non simus parvuli fluctuantes, & circumse-*
 „ *ramur omni vento Doctrinae.... Veritatem*
 „ *autem facientes in caritate, crescamus in il-*
 „ *lo per omnia, qui est caput Christus. Tale est*
 „ *sacri ministerii opus: sed cui mandatum hoc*
 „ *opus? Omnibus Apostolis, respondet Paullus,*
 „ *omnibus Pastoribus atque Doctoribus. A quo*
 „ *autem ministerium suum adceperunt isti? Num*
 „ *a Petro? Nequaquam, sed a Christo? Ipse de-*
 „ *dicit quosdam quidem Apostolos &c. Ergo Chri-*
 „ *stus omnes Apostolos, omnesque Pastores po-*
 „ *suit, sicut & Petrum, ut aedificent Ecclesiam*
 „ *suam. Atque ita quotquot sunt, tot sunt hu-*
 „ *jus aedificii a Christo adscita fundamenta; quif-*
 „ *que juxta mensuram suae vocationis & pro-*
 „ *prii laboris. Proinde promissio ista: super hanc*
 „ *petram aedificabo Ecclesiam meam, per eos*
 „ *omnes sicut per Petrum impletur; ergo ad eos,*
 „ *sicut ad Petram spectant praedicta verba, .*
 Quot heic absurditates! Primo enim, ut opti-
 me idem Bellarminus adnotat de Rom. Pont. lib.
 IV. cap. 25. eo loco Paullus exprimit *generalem*
Ecclesiae ordinem, qui sine dubio de jure divi-

o est . Deus enim est , qui instituit , ut in Ecclesia essent Apostoli , Prophetæ , Pastores , & Doctores , etsi non omnibus immediate auctoritatem ipse dederit . Quid hoc autem ad universum Petri in omnes Apostolos , Prophetas , Pastores , & Doctores primatum ? Quod si vero dagemus non Apostolos modo , & Prophetas , sed & Pastores omnes atque Doctores a Christo potos , quæ isthaec collectio esset , verba illa Christi , & super hanc Petram ad eos , sicut ad Petrum spectare ? Quasi vero non potuerit Christus & illos in Ecclesia constitare , quin essent ecclesiae fundamenta . Si Febroniana dialectica robetur , quidni & allegoricum Origenis commentum adrideat T.XII. in Matth. num. 16. Petram agentis esse omnem discipulum Christi , omnes scilicet Fideles , etiam laicos , & super uemlibet hujusmodi petram aedificari omnem armonem Ecclesiasticum , & vitae juxta ipsam constitutae rationem . Fac tamen & hos omnes ecclesiae fundamenta aliquo sensu haberi posse . Nego de illis Christum loquutum , quum Petro lixit : & super hanc Petram . Certe in veteri Sacramentario Gallicano apud Mabillonium Mas. Ital. T.I. P.II. p. 343.) non Apostoli , sed unus Petrus dicitur Ecclesiae fundamentum : ex quibus (Apostolis) beatum Petrum in fundamentum Ecclesiae conlocasti , præcipuum scilicet post Christum , seu , ut loquitur idem Origenes Hom. V. in Exod. n. 4. MAGNUM fundamentum Ecclesiae . Immo S. Cyprianus in Lib. de Unitate Ecclesiae disertè ait : super VNVM aedificat Ecclesiam suam . Quo etiam spectat illud S. Leonis

nis M. Serm. III. in Anniv. die suae Adsumpt. cap. II. de toto mundo unus Petrus eligitur, qui & universarum gentium vocationi, & omnibus Apostolis, cunctisque Ecclesiae Patribus praeponeatur, ut quamvis in populo Dei multi Sacerdotes sint, multique Pastores, omnes tamen proprie regat Petrus, quos principaliter regit & Christus. Vide Antifebronium T. I. Diff. I. cap. VI. n. 5. seqq.

3. Ait Febronius p. 5. *Verum inquit cum suis Romanis Italus noster pag. 30. si per haec verba super hanc petram aedificabo Ecclesiam meam; & per illa Tibi dabo claves Regni Coelorum, nullum singulare privilegium intelligitur, cur ergo ea proferens ad Petrum sermonem vertit? Respondent Patres, signanter Cyprianus, Pacianus, Optatus, Augustinus, alii, noluisse Dominum de sua Ecclesia & clavium potestate loqui nisi uni, ut hujus Ecclesiae significaret unitatem. Fallitur heic suo more Febronius, aut fallit. Patres, quos indicat; non in ea fuerunt opinione, ut uni Petro loquutum Dominum crederent ad Ecclesiae unitatem solummodo significandam, sed uni Petro datum prius datum fenserunt ad eandem unitatem potissimum constituendam, atque servandam. Ordior a Cypriano. Ait quidem ille in Libro de unitate Ecclesiae, Petrum a Christo constitutum Ecclesiae Principem, ut unitatem manifestaret, & ut Ecclesia una monstraretur.*
» Non ideo tamen, ut recte ait Ballerinius
» in Libro de vi ac ratione primatus p. 107.
» haec a vi praecipua Petri unitatis ipsius o-
rigi-

„ riginem continentis atque formantis disjun-
 „ gitur . Sic enim integer textus habet etiam
 „ ex editione *Oxonienſi & Baluziana* , ubi non-
 „ nulla pro Primatu *Petri* olim vulgata ; ex
 „ nonnullorum Codicum lectione expuncta fue-
 „ runt . *Quamvis* *Apoſtoli poſt reſurrexionem*
 „ *ſuam parem poteſtatem tribuat tamen*
 „ *ut unitatem manifeſtaret , unitatis ejuſdem*
 „ *originem ab uno incipientem ſua auctoritate*
 „ *diſpoſuit . Hoc erant utique & ceteri Apo-*
 „ *ſtoli , quod fuit Petrus , pari conſortio prae-*
 „ *dicti & honoris & poteſtatis ; ſed exordiam*
 „ *ab unitate proſciſcitnr , ut Eccleſia Chriſti*
 „ *una monſtretur . Petri Primatum* heinc ever-
 „ ti *Fellus & Simon Goulartius* contendunt ,
 „ eo quod Apoſtoli *S. Petro poteſtate pares* di-
 „ cantur . Sed non obſervarunt , pares dici o-
 „ mnes excepta , vi non ſolum repraeſentandae ,
 „ ſed *exordiendae* , ſeu formandae unitatis ,
 „ quae uni *Petro* adſeritur . Hanc autem vim
 „ aliis in locis a *S. Martyre* conſtanter & lu-
 „ culentius expreſſam , ex ipſius mente vim
 „ eſſe primatus propriam atque praecipuam
 „ dubitare non licet , quum praefertim ep. LV.
 „ *Petri Cathedram Eccleſiam principalem* adfir-
 „ met , ex qua *unitas Sacerdotalis exorta eſt* :
 „ quae verba unitatis ejus formandae vim *prin-*
 „ *cipalitatis* ipſius Cathedrae propriam atque
 „ praecipuam ſignificant , . *Pacianus* quoque
 „ *Barcinonenſis* Ep. III. ait : *ipſo referente* *Ma-*
 „ *thaeo paullo ſuperius ad Petrum loquutus eſt* *Do-*
 „ *minus* , ad unum ideo , ut unitatem formaret
 „ ex uno , mox idipſum in commune praecipiens .

„ Vi-

„ Vides , inquit *Ballerinius L.C. p. 118.* ratio-
 „ nem tradendae ejus potestatis prius uni *Petro*
 „ (utique caussa primatus , ad quem totus ille
 „ Evangelicus contextus pertinet) referri ad
 „ unitatem Ecclesiae , quae non mere reprae-
 „ sentaretur in uno *Petro* , sed ex ipso uno for-
 „ maretur . Unitas porro omnium ex uno for-
 „ mari nequit , nisi omnes cum illo uno con-
 „ veniant , atque uniantur , quod vim in eo
 „ praecipuam exigit , qua omnes ad unitatem
 „ secum custodiendam obligentur „ . Similia
 „ sunt quae *Optatus* tradit Lib. II. C.II. *Negare*
 „ inquit , non potes , scire te in urbe *Roma* *Petro*
 „ primo *Cathedram Episcopalem* esse collatam ,
 „ in qua sederit omnium *Apostolorum* caput *Petrus* ,
 „ unde & *Cephas* appellatus est , in qua
 „ una *Cathedra* unitas ab omnibus servaretur , ne
 „ ceteri *Apostoli* singulas sibi quisque defenderent ,
 „ ut jam schismaticus & peccator esset , qui con-
 „ tra singularem *Cathedram* alteram collocaret „ .
 „ Nempe sicut *Episcopatus* unitas formatur in
 „ *Petro* (ut idem *Ballerinius* animadvertit p.
 „ 119.) quatenus omnes *Petro* supremo *Episco-*
 „ po in unitate communionis & fidei adhaere-
 „ scunt ; ita quatenus omnes *Petri* cathedrae
 „ utraque unitate adhaerent , *Cathedra* in *Pe-*
 „ tro pariter una efficitur ; & hac ratione in
 „ ea una *Cathedra* unitas servatur ab omnibus ,
 „ ne ceteri *Apostoli* singulas , idest separatas
 „ *Cathedras* sibi quisque defendant , atque con-
 „ stituant „ . Quamobrem *Apostoli* quoque ex
 „ *Optati* sententia in una *Petri* capitis sui *Cathe-*
 „ dra unitatem servare debuerunt . Atque hoc
 adeo

adeo exploratum *Optato* erat, ut *Lib. VIII.* c. 3. communionis unitatem cum *Romana* Cathedra servandam esse suaserit Apostolorum exemplo, qui *bono unitatis per caritatem voluerunt a Petri* (licet Christum negasset) *communione recedere*; idque ex institutione ipsius Christi derivat, quem idcirco claves Regni Coelorum supremam auctoritatem significantes *soli Petro* dedisse ait, ut *unitatis negotium FORMARETVR.*

4. *De reliquo*, inquit Febronius p.S. Petrum *quidem a PAVLLO edoctum*, & *correctum prodit Scriptura*; id autem a Petro erga quemvis alium Apostolum nullibi videmus praestitum. Expecto, ut hinc Febronius Paullum, non Petrum fuisse a Christo primatu donatum arguat. Sed ne quis in re tanti momenti fallatur, describam, quae *Ballerinius L. C. p. 80.* sapienter adnotavit. „ Unitatem suae Fidei cum „ fide Petri ut *Paullus* Apostolus probaret, *Hierosolymam* adscendit *videre Petrum* cum ipso „ aliquid collaturus (*isopismos* enim in Graeco „ textu est latine videre *percontandi*, seu *con-* „ *ferendi aliquid gratia*, ut *Erasmus & Hein-* „ *sius a Calaneo* laudati observarunt); & in „ hunc finem apud eundem diebus quindecim „ stetit. Quod quum idem Apostolus adhibeat „ veluti argumentum rectae suae praedicationis, quemadmodum *Rossuetius* (in *Meditation. in Evangel.* ubi de sermone Christi tempore *ultimae coenae* agit *num. 70.*) animadvertit, satis innuit, praedicatum abs se „ Evangelium se cum eo contulisse, non quod „ ipse

„ ipse de eo quidquam ambigeret, sed ut hac
 „ collatione & unitate cum *Petri* praedicatione
 „ ne & fide alijs, qui dubitarent, ipsum om-
 „ nino certum demonstraret. S. *Jacobus Hierosolymis*
 „ *erat* (addit *Bossuetius*), & *Sanctus*
 „ *Paullus eo non adscendit, ut Iacobum*
 „ *videret, sed ut viderem, inquit, Petrum:*
 „ *cum eo fuit diebus quindecim, & hoc testi-*
 „ *monio suam praedicationem confirmavit. Id*
 „ *autem ostendit, quod quum post annos qua-*
 „ *tuordecim inspirante Spiritu Sancto Hieroso-*
 „ *lymam iterum perrexit, ut cum Apostolis*
 „ *conferret Evangelium, quod Gentilibus prae-*
 „ *dicabat, S. Petrum potissimum eo consilio in-*
 „ *visit, ne in vacuum curret, aut cucurrisset.*
 „ *Quibus concinens S. Thomas Cantuarien-*
 „ *sis, Doctor gentium, inquit, qui gloriatur,*
 „ *se non ab homine, nec per hominem Evan-*
 „ *gelium didicisse, sed instructus a Christo,*
 „ *adscendit Hierosolymam; cum Ecclesiarum,*
 „ *Principe de fide contulit, ne forte in vacuum*
 „ *curreret, vel cucurrisset: vacua nimirum*
 „ *esse, aut videri poterat praedicatione fidei,*
 „ *quae cum Petri praedicatione ac fide Eccle-*
 „ *siae fundamento una esse, atque cohaerere*
 „ *non probaretur. Id ipsum etiam Tertullia-*
 „ *nus subindicat in Libro de Praescript. c. 23.*
 „ *ubi adfirmat, S. Paulum adscendisse Hieroso-*
 „ *lymam cognoscendi Petri gratia, ex officio*
 „ *& jure scilicet ejusdem fidei & praedicationis,*
 „ *quae unitatis probandae consilium satis*
 „ *declarant.* . Nec praetermittendum, anti-
 „ qui moris, quo ad *Romanum Pontificem* gravio-
 res

res causae, praesertim fidei referebantur, initia ad ipsa Apostolorum tempora *Theodoretum* in epistola ad S. *Leonem* revocare, ejusque primum exemplum proferre ex Apostolo *Paullo*, qui *praeco veritatis*, & *tuba Spiritus Sancti*, in prima tamen illa de legalibus controversia, ut exemplum posteris relinqueret, ad magnum *Petrum* se contulit, ut iis, qui Antiochiae de legali conversatione ambigebant, explanationem ab ipso referret.

§. II. Claves immediatius Ecclesiae traditae sunt, quam P E T R O.

Vido Antifebron. T. I. Diff. I. Cap. IV. §. 3. & Antifebr. vindic. T. I. Diff. II. Cap. II. item Epistolam I. n. 7. & 8. ac II. num. 4.

§. III. Donum inerrantiae in rebus fidei Corpori Ecclesiae, non Romano Pontifici datum est. Hoc loco *Febronius* celebre illud comma *Lucae* XXII. ego autem rogavi eludere conatur.

Antifebr. T. II. Diff. II. cap. 10. n. 2. seqq. Antifebr. vindic. T. II. Diff. V. cap. 3. num. 4. seqq.

§. IV. Episcopatus in Ecclesia unus, omnibus Apostolis, & Episcopis eorum successoribus communis a Christo institutus est.

Antifebr. T. II. Diff. II. cap. 7. Antif. vindic. T. I. Diff. III. cap. 3. 4. & 5.

A N I M A D V E R S I O .

Auctor *Antifebronii vindicati* Diff. III. cap. 3. n. 8. explicaturus celebre illud *Cypriani* effatum:

Episcopatus unus est, cujus a singulis in solidum pars tenetur, Ballerini interpretationem adtulit p.456. nec improbavit, agentis de vi ac ratione Primatus cap. 13. pag. 105. : ita Episcopatus unus est ex Cypriani sententia, quomodo Ecclesia est una; ac proinde pars Episcopatus in solidum tenetur ab unoquoque Episcopo, quatenus ab unoquoque regitur sua particularis Ecclesia, seu suus particularis grex, qui est pars Ecclesiae totius. Eandem interpretationem deinde comperi multo antea propositam a doctissimo Francisco Turriano Lib. I. suae defensionis adversus nugatorias cavillationes Antonii Sadeelis Lutherani, Coloniae 1580. pag. 212. Quod ea etiam de causa moneo, ut hic Lutheranus addatur ceteris heterodoxis Febronii ducibus, ac Cyprianicae sententiae corruptoribus, quos idem Auctor Antifebronii vindicati pag. 451. indicaverat.

§. V. *Priora & feliciora Ecclesiae saecula in Romano Pontifice non agnoverunt supremam, & independentem juris ferendi & dicendi potestatem.*

Antifebr. T. II. Diff. II. cap. 8. & 9. & Antifebr. vindic. To. III. Diff. VI. cap. 1.

ANIMADVERSIO.

FEBRONIVS ad suam hanc thesim confirmandam exemplis abutitur 1. *Asianorum Victori* in suborta de Paschate celebrando controversia parere abnuentium. 2. *Cypriani, & Firmiliani* Ste-

Stephano repugnantium . 3. Afrorum in caussa Romanarum Appellationum Zosimo , & Caelestino fubiratorum . 4. Gallicanorum Episcoporum, qui ad Gregorium IV. Galliam cogitantem scripſiſſe perhibentur , nullam ipſi poteſtatem eſſe aliquem in Dioceſibus ſuis , ſe invitis , excommunicandi , aut aliquid praecipiendi ; & excommunicatum ipſum abiturum' , ſi propoſitum ſuum exequi tentaret . Quid hoc eſt , niſi lectorum patientia abuti , qui iſta norunt centies depulſa ? De Aſianis vide Antifebr. T.III. lib. 2. cap. 3. n. 2. & 3. de Cypriano & fociis confer idem Antifebronii caput a num. 4. De Afrorum cum Zosimo , & Caeleſtino ob appellationes diſſidio adi eundem Tomum Antifebr. tertium Lib.III. cap. 4. Demum de Gregorio IV. conſule Antifebr. vindic. T.III. Diff. VI. cap. 5. n. 12. pag. 177.

T I T V L V S II.

Vide Antifebr. T.II.

Diff. 3. cap. 1. n. 4. , &

Antifebr. vindic. T. IV.

Diff. IX. cap. 2. n. 3.

De cauſſis & viis, per quas divino Eccleſiae Primatui varia jura humana adceſſerunt .

§. I. Petrus , & poſt eum Romanus Pontifex ; an & quo ſenſu ſit Caput Eccleſiae ; quae Eccleſia aliarum Eccleſiarum Mater & Magiſtra.

ANIMADVERSIO.

1. Dolet *Febronius* p. 30. *Romanum* Pontificem *caput Ecclesiae* vocari, quum Scripturae & Patres Christum CAPVT *Ecclesiae* passim appellent; aitque: „ sic loquuntur Scriptura & „ Ss. Patres circa nomen *Caput Ecclesiae*, hunc- „ que loquendi modum tenere fuisse securius, „ quam talem adhibere loquutionem, quae si- „ cut quibusdam praebuit ansam superbiendi, „ ita simplicium mentibus caliginem offundit, „ ne illorum usurpata tam facile discernere valeant. Hoc certe facit *Italo* nostro pag. 93. „ & alibi. Non ignoro, a Patribus Concilii „ *Chalcedonensis* S. Leonem Papam suum vocari caput; scio etiam, qualiter Concilium „ *Florentinum* declaraverit *Romanum* Pontificem esse *Caput Ecclesiae*. Potuerunt haec dare occasionem, & actu multis dederunt, ad- „ tribuendi Capiti Ecclesiae ministeriali, quae „ tantum debentur essentiali, quod est Christus,, Nullum novi inter Romano-Catholicos, qui capiti Ecclesiae MINISTERIALI (*Richeriano* tamen hoc vocabulo parcius *Febronius* utatur) adtribuerit, quae tantum debentur ESSENTIALI, quod est Christus. Mendacia haec sunt ad invidiam *Romanis* conflandam e coenosis heterodoxorum fontibus temere hausta. Hoc miror, Catholicum virum eo audaciae devenisse, ut *Chalcedonenses*, & *Florentinos* Patres docere se posse confidat, quem loquendi modum tenere fuisse securius. Malo ego duorum Oecumenicorum Conciliorum verbis uti, quam *Febronianis*;

nis, quemadmodum a sanctissimis, doctissimisque viris ac Praefulis factum scio. Sic S. Theodorus Studites post initium saeculi noni suo & aliorum Praepositorum nomine ad Paschalem I. Romanum Pontificem scribens, his eum verbis compellabat Lib. II. Ep. XII.: *Audi Apostolorum caput, a Deo praeposite, pastor ovium Christi, janitor Regni Coelorum, PETRA FIDEI, super quam aedificata est Catholica Ecclesia. Petrus enim tu Petri Sedem exornans & gubernans.* Sic generalia Gleri Gallicani Comitum a. MDCXXVI. in monitis ad Archiepiscopos, & Episcopos Regni art. C. XXXVII. agebant: *Episcopos hortamur, ut Sanctam Sedem Apostolicam colant nec non Ecclesiam Romanam, infallibili promissione Dei, Sanguine Apostolorum, & Martyrum fundatam; matrem Ecclesiarum, per quam cetera per sacrum caput, ut loquitur S. Athanasius, reliquae Ecclesiae, quae nonnisi ipsius membra sunt, eriguntur, stant, & conservantur.*

II. Finaliter, inquit Febronius p. 30., divina haec Respublica cum humanis societatibus nulla ratione comparari potest Unaqueque enim saecularis potestas sibi ipsi fingit suam regiminis formam, ut haec sit alibi pure monarchica, alibi pure aristocratica, alibi democratica, alibi per mixturas temperata; Ecclesiastica autem est & manere debet hierarchica non competens uni soli, sed ut ait Tridentinum, constans ex Episcopis, Presbyteris, & Ministris. Scilicet nondum Febronius intelligit, Hierarchiam recte dici Ecclesiae statum, licet

Monarchicus sit. Intelligent tamen quicumque
Antifebronium vindicatum legerint *T. I. diss.*
II. cap. 5.

§. II. *Papa an, & Antifebr. T. II. diss.*
quatenus sit centrum II. cap. 2. n. 4. Antif.
unitatis? vindic. T. II. diss. 4.
cap. 1.

ANIMADVERSI O.

I. Horret animus ea recolens, quae hoc
 paragrapho in *Romanos Pontifices Febronius*
 evomit maledicta. Eos primum evadere pos-
 se schismaticos pronunciat: tum ait. „ Sane
 „ nonnulli ex SS. Patribus *Romanos* suae ae-
 „ tatis Pontifices pro schismaticis habuerunt,
 „ seque ab eorum communione segregarunt.
 „ Sic S. *Firmilianus* scripsit *Stephano* Papae
 „ Epist. 75. inter *Cyprianicas* pag. 150. Pec-
 „ catum vero tibi quam magnum exaggerasti,
 „ quando te a tot gregibus scidisti. Excidisti
 „ enim te ipsum: noli te fallere; siquidem ille
 „ vere est schismaticus, qui se a communione
 „ Ecclesiasticae unitatis apostatam fecerit. „
 Male prorsus, mi *Febroni*, male, ut cum
Ballerinio loquar *de vi, ac rat. primat. p. 45.*
 „ nam Papa excommunicatione aliquos ple-
 „ tens, licet quodammodo se ab ipsis separet;
 „ quum tamen non se, sed illos abscindat a
 „ centro unitatis Catholicae, non se, sed il-
 „ los a communione Ecclesiasticae unitatis,
 „ & ab Ecclesia praecidit: ac propterea S. *Ire-*
 „ „ *naeus,*

„ *naeus*, qui eodem, quo *Firmilianus* aestu
 „ abripiébatur, contrario prorsus sensu *Aspa-*
 „ *nos*, si vere a summo Pontifice excommuni-

„ carentur ob aliam controversiam de Pascha-

„ te, ab unitate Ecclesiae reipsa amputatum

„ iri credidit, quum *Victorem* Papam roga-

„ vit, *ne tam multas Ecclesias omnino propter*
 „ *traditionis ex antiqua consuetudine inter il-*
 „ *los usurpata observationem, a corpore uni-*
 „ *versae Ecclesiae penitus amputaret*, ut testa-

„ tur *Eusebius lib. 5. hist. Eccles. c. 24.* „

Sed pergit *Febronius*. Ecce alium (Romanum
 Episcopum) directe & reipsa a *S. Hilario a-*
nathemati traditum: anathema tibi a me di-

ctum *Liberi*, & sociis tuis..... Iterum tibi

anathema & tertio *praevaricator Liberi*. *S.*
Hilarius fragm. VI. pag. 1137. Quo mens e-

jus evagabatur, dum haec scriberet? Memi-

nerit, id se demonstrandum sumpsisse, *Roma-*
nos Pontifices a sanctis viris schismaticos ha-
bitos. At si quae recitat, *Hilarium* auctorem

habent, hoc demum efficiet, *Liberium* ab *Hi-*
lario ut haereticum damnatum fuisse: tametsi

enim, ut ait *Bellarminus de Rom. Pont. lib.*
IV. cap. IX. *Liberius haereticus non erat, ta-*
men habebatur propter pacem cum Arrianis fa-
ctus haereticus, & ex ea praesumptione si idem
Bellarminus merito potuisse ei Pontificatum

abrogari credidit, cur non poterat *Hilarius* in

eum anathema dicere? *Non enim*, inquit idem

doctissimus Cardinalis, *homines tenentur, aut*
possunt corda scrutari, sed quem externis ope-
ribus haereticum esse vident, simpliciter haere-
ticum

ticum judicant, ac ut *baereticum* damnant: Quid? quod Anathema illud non excommunicatio fuit, quo *Hilarius* in *Liberium* jus diceret, seque ab ejus communione sejungeret: sed execratio quaedam, qua magnus ille Antistes *Nicaenae* fidei studio abreptus *Liberii* lapsum abominabatur; quod multis ostendit Eminentissimus *Perronius* in eximio opere inscripto *Replique a la réponse du Roi de la grand Bretagne Lib. I. cap. XXVII. p. 153. seqq.* Atque haec dicta sunt, si *Hilario* comma illud tribuere velimus. At *Febronius* ignorare non debuit, non modo complures esse eruditissimos viros, qui illa fragmenta Sancto Antistiti supposita esse statuunt; (nam idem *Perronius* ea *Hilario Luciferiano* adscribere mavult; *Dupinius* vero incertum esse illorum auctorem pronunciat); sed doctiores quosque, qui fragmenta legitimum *Hilarii* foetum agnoscunt, ea tamen in opinione versari, ut multa illis apocrypha intermixta esse consentiant, atque in his ipsum illud comma *Liberio* longe injuriosissimum. Mitto *Baronium* ad ann. 357. n. 50. Satis sit *Petavium* in animadversionibus ad *Epiphanii* haeresim LXXIII.; *Benedictinos Hilarii* Editores in notis ad *Fragm. II. Natalem Alexandrum* diss. XXXII. in saec. IV. *Corgnium* in luculenta dissertatione critica & historica *sur le Pape Libere* Parisiis edita 1736. pag. 90. seqq. Eminentiss. *Ursium* in hist. Eccles. I. XIV. n. 72. seqq. *Bollandianum Scillingbium* in commentario de *S. Liberio*, & *Ballerinium* de *vi ac ratione Primatus* p. 297. seqq.

seqq. appellare . Verum cetera prosequamur .

Instar horum , inquit ille , *Patrum idem* *deinde praestiterunt integrae Ecclesiae* , ipsaque *Concilia* . Sic *Africae* , *Illyrii* , & *Dalmatiae Episcopi omnes se à communione Vigilii sejunxerunt* *ob damnata ab eo Tria Capitula* . Non multo post *Episcopi Africae in Concilio congregati eundem & eadem de causa ab Ecclesiae Corpore segregarunt* . Proh ! vaferrimum adcafatorem ! Quid *Vigilium* ab *Episcopis Illyrici* , *Dalmatiae* , *Africae* damnatum memorat ? Numquid ab unius *Vigilii* communione trium Capitulorum defensores abstinuerunt ? Quamdiu *Hiftri* praesertim , & *Aquilejenses* in schismate perdurarint , in tanta eruditorum Scriptorum diffensione definire vix possumus . Satis probabilis est *Balleriniorum* sententia in observationibus ad *Norisanam de quinta Synodo* dissertationem cap. VIII. *Hiftros* ante *Aquilejenses* sub *Honorio* circa ann. DCXXVIII. hos vero tandem *Sergio* Pontifice a. 698. schisma ejurasse . Vide jam Lector . A *Vigilio* ad *Honorium* undecim Pontificet numerantur , atque in his duo sanctitate conspicui *Gregorius M.* & *Deusdedit* ; ad *Sergium* vero quinque & viginti , in quibus praeter duos illos *Gregorium* & *Deusdedit* Sanctorum honoribus *Martinus* , *Eugenius* , & *Agatho* sunt ab universa Ecclesia exornati . Quum ergo non minus cum his , quam cum *Vigilio-Hiftri* & *Aquilejenses* Episcopi adversus quintam Synodum acriter obstinateque pugnarint , hos quoque omnes *Romanae* Ecclesiae Pontifices schismaticis ab *Hiftriae*

striae, & *Aquilejae* Episcopis adscriptos fuisse; *Febronio* auctore dicemus. At quaero jurene, an secus? Si iniuste, quid hisce patronis *Febronius* gloriatur? Si jure; ergo *Romani* Pontifices (ne eorum *απαλαμ* huc advocem) quod oecumenicam Synodum strenue defenderent, in schisma prolapsi, quodque Ecclesiae causam tuerentur, ab Ecclesiae communione separati haberi merito potuere? Haecine Catholicus sentiat? Episcopos illos novimus *schismaticos* a Catholicis appellatos fuisse, non Pontifices, qui illos improbarunt; immo de illis recte a *Norisio* pronunciatum fuit in^o *diff. de synodo quinta cap. 9. eos si in illo schismate diem obierunt, utpote ab Ecclesia sejunctos, & rebellionis ab Apostolica Sede reos dubio procul damnatos periisse*. Profecto S. *Gregorius* scribens tum ad *Theodelindam*, quae ab *Insularum* Episcopis decepta ad schismaticos transferat, tum ad *Secundinum* Anachoretam exclusos illo a regno coelesti testatus est, nisi a schismaticis discederent. Do verba ad *Secundinum* severioris Instituti Monachum lib. 7. epist. 52. *Neceſſe eſt, inquit, ut dulciſſima mihi tua dilectio in hoc, quod praecipue in bonis moribus vivit, quod se per abſtinentiam adſigit, quod doctrinae Dei vehementius inſiſtit, hoc ſtudioſius cogitet, ne errorem Schismaticorum ſequens a Sancta univerſali Eccleſia diviſa poſſit inveniri. Ecquid tot labores proderunt, ſi in unitate fidei inventa non fuerit; quae ante Dei omnipotentis oculos in bonis actionibus animum praecipue cuſtodit?* At San-

Et inter illos aliqui fuerunt. Nempe ut idem *Norisus* animadvertit, inter eos primas tenet *Ingenuuus Sabionensis* Episcopus. Illius tamen festum peragitur *Brixinae* in *Rhaetia* II. unde dicendum est cum *Bollando* illum respuisse, & ad meliorem frugem reuersum, de quo pluribus agit ille scriptor *Tomo I. Februarii a pag. 669.* Exstat etiam nescio quae *S. Columbani* ad *Bonifacium* IV. pro schismaticis epistola. Verum illa multis nominibus falsitatis suspecta est, quemadmodum Cardinalis *Ursus* ostendit *T. II. operis inscripti de irreformabili Rom. Pontif. &c. iudicio Lib. III. cap. 25.,* & illam si *Columbano* adjudicari *Febronius* omnino velit, dicam cum eodem *Ursio*, eam esse humanae infirmitatis & vitae conditionem, ut nemo quantumvis eruditus & sanctus, ut recte *Canus* observat *lib. VII. de locis cap. III.* non interdum hallucinetur, non alicubi caecutiat, non quandoque labatur. Atque ii potius, ut idem Auctor ex *Vincentio Lirinensi* adjungit *Commonit. I. cap. XI.,* culpandi sunt, qui *Sancti cujusque viri memoriam, tamquam sopitos jam cineres, profana manu (absit invidia verbo) ventilant; & quae silentio operire oportebat, rediviva opinione diffamant.*

II. Non his contentus *Febronius* est; sed omnium, quae Ecclesiam dilacerarunt, schismatum auctores *Romanos Pontifices* facit, *Orientalis, & Occidentalium cum Lutherani, tum Anglicani.* Atrox calumnia! Eam quod ad Orientale *Graecorum* schisma adinet, depulsam invenies *Antif. T. I. Introd. cap. I. & Antif.*

Antif. vindic. T. IV. diff. X. cap. V. p. 238. seq. Ad Lutheranum quod spectat, quantamcunque Leonis X. fuisse culpam velimus, non ea esse potuit Lutherò, ejusque adfeculis legitima scindendae unitatis causa. Confer doctissimos Fratres Walemburchios de unit. Eccles. lib. III. cap. 5. & 6. & Cl. Cardinalem Quirinium in egregio de iniusta Protestantium secessione commentario. De Anglicano demum schismate qui unum Sanderum legerit, intelliget, quae de illò Febronius indicat, nonnisi haereticorum esse fragmenta, quibus suum ipsorum schisma apud vel imperitos, vel pseudo-catholicos excusare conantur.

§. III. *Vicarii & Legati Apostolici ad juvandam exequutionem Canonum destinati, sua auctoritate ad fundandam absolutam Monarchia curiae Romanae abutuntur.*

§. IV. *Papa supplens defectus Episcoporum & Metropolitanorum eorum jura non praeripit.*

Antif. T. III. lib. I. cap. I. n. 6. & Antif. vindic. T. III. diff. VI. cap. VI. De Ansegiso vero, quem sub paragraphi finem Febronius indicat, vide Antifebr. eod. T. III. cap. I. n. 11.

Antif. T. III. lib. I. cap. 6. a n. 15. Antif. vindic. T. IV. diff. XI. cap. 1. Quoniam autem quos Pontifices in alienis dioecesibus potestatis actus exercuerunt, Febronius eos ad extraordinariam quamdam supplendae Episcoporum

porum defidiae facula-
tem refert, id ordina-
riae auctoritatis esse
docet Antifr. T. II. diff.
I. cap. 5. & Antif. vin-
dic. T. II. diff. IV. cap.
4. quem vide.

Antif. T. III. lib. I.
cap. 2. n. 1. Antif. vin-
dic. diff. VII. cap. I.

§. V. *Plura Pontifi-
cibus per Canones tri-
buuntur, quae ex na-
tivo jure sui Primatus
non obtinent.*

A N I M A D V E R S I O .

Vide quam sui immemor sit *Febronius*.
Hoc sibi demonstrandum suscipit, *plura Pontifi-
cibus per Canones tribui, QVAE EX NATIVO
IVRE PRIMATVS NON OBTINENT*. Quam
in rem ait p. 45. „ Ipse quinimo *Innocentius III.*
„ Epist. 16. Lib. I. quae est ad Capitulum S. *Ana-*
„ *stasiae* sic scribit: *Ex illo singulari excellen-*
„ *tiae privilegio, quod Unigenitus ille Filius*
„ *Jesus Christus Apostolorum Princeps Principi*
„ *Petro concessit, SANCTORVM PATRV*
„ *POSTMODVM INSTITVTA MANA-*
„ *RVNT, ut majores caussae ad Sedem Apo-*
„ *stolicam perferrentur*. Deinde Epistola 48.
„ ad Patriarcham *Antiochenum*: *Quum ex illo*
„ *generali privilegio, quod Beato Petro, &*
„ *per eum Romanae Ecclesiae Dominus noster*
„ *indulset, CANONICA POSTMODVM MA-*
„ *NARINT STATVTA, continentia, majores,*

„ res causas esse ad Sedem Apostolicam perfe-
 „ rendas „ . At mi bone , si ex illo singulari
 „ privilegio &c. Sanctorum postmodum instituta
 „ manarunt , an non ex Primatu , qui unus sin-
 „ gulare illud privilegium est , manarunt ? Quid
 „ autem hoc est ; nisi Sanctos Patres Primatus ju-
 „ ra considerantes Romano Pontifici ea tribuisse ;
 „ quae necessario ex Primatu consequi intellige-
 „ bant ? Ea igitur ipsa , quae Patres Papae tri-
 „ buerunt , Pontifex ex nativo jure sui primatus
 „ obtinet . Audiendus in hanc rem Zosimus Ep.
 „ XII. apud Coust. col.974. „ Quamvis Patrum
 „ traditio Apostolicae Sedi auctoritatem tantam
 „ tribuerit , ut de ejus judicio disceptare nul-
 „ lus auderet , idque per Canones semper re-
 „ gulasque servaverit , & currens adhuc suis
 „ legibus ecclesiastica disciplina Petri nomini ,
 „ a quo ipsa quoque descendit , reverentiam ,
 „ quam debet , exsolvat : tantam enim huic
 „ Apostolo canonica antiquitas per sententias
 „ omnium voluit esse potentiam , ex ipsa quo-
 „ que Christi Dei promissione , ut & ligata sol-
 „ veret , & soluta vinciret ; par potestatis da-
 „ ta conditio in eos , qui sedis hereditatem ,
 „ ipso adveniente , meruissent : habet enim ipse
 „ cum omnium Ecclesiarum , tum hujus maxi-
 „ me , ubi federat , curam , nec patitur ali-
 „ quid privilegii aut aliqua titubare aura sen-
 „ tentiae , cui ipsa sui nominis firma , & nul-
 „ lis hebetata motibus constituit fundamenta ,
 „ & quae sine suo periculo temere nullus in-
 „ cessat : quum ergo tantae auctoritatis Petrus
 „ caput sit , & sequentia omnium majorum stu-
 „ dia

„ dia firmaverint , ut tam humanis quam di-
 „ vinis legibus , & disciplinis omnibus firme-
 „ tur *Romana* Ecclesia , cujus locum nos rege-
 „ re , ipsius quoque potestatem nominis obtine-
 „ re non latet vos &c. „ Longiuscula igitur
 hæc *Zosimi* sententia eo spectat , ut intelliga-
 mus , quam Patrum traditio , & canonica anti-
 quitas Sedi Apostolicæ tribuit auctoritatem , eam
 ex *Christi promissione* derivatam fuisse ; *sequen-*
tia Patrum *studia* eam firmasse auctoritatem ,
 cujus *Petrus* caput erat ex eadem *Christi pro-*
missione , humanasque leges id firmasse , quod
 Divinae sanxissent ; quod demum *Innocentius III.*
 aliis verbis confirmat . Vide similia de *Gelasio*
 Ant.vind. T.III. Diff.VIII. Cap.V. n.4.

§.VI. De *Romanæ*
Ecclesiæ potentiore prin-
cipalitate ex sententia
Irenæi .

Vide Epistolam II.
 num.5.

§.VII. De incremento
Pontificiæ potestatis per
falsas Decretales .

Antif.T.II. Diff.III.
 cap.5. Ant.vind. T.IV.
 Diff.IX.cap.4. de *Gra-*
tiani , & *Gregorianæ*
 collectionis nævis, quos
 iterum *Febronius* p.52.
 exprobrat, adiAnt.vin.
 T.III. Diff.VI. cap.7.

§. VIII. *Complimen-*
tum Monarchiæ Papa-
lis ex dictatu Grego-
rii VII.

Ant. vindic. Diff.II.
 cap.5. p.387.seqq. Ant.
 T.III.Lib.I.cap.4.n.19.

TITVLVS III.

De causis, quæ vulgo
 ma-

Antif. T. III. Lib. I.
 K cap.

maiores dicuntur.

§. I. *De iudice graviorum fidei controversiarum.*

§. II. *De causis Episcoporum & horum depositione.*

§. III. *De Translatione Episcoporum.*

§. IV. *De Coadiutoribus cum futura successione.*

§. V. *De creatione novarum Sedium Episcopaliū, Metropolitā, primatuum &c.*

§. VI. *De causis maioribus universim.*

TITVLVS IV.

De legum in Ecclesia ferendarum potestate, & de summi Pontificis circa eas officio ac jure.

§. I. *Non est in potestate*

cap. 2. n. 1. & cap. 3. Ant. vind. T. II. Diff. V. cap. 1. Quae de S. Bernardo indicantur p. 64. confutata habes Antif. T. III. Lib. I. cap. 2. n. xx. de ceteris adi Epistolam II. num. 10.

Antif. T. III. Lib. I. cap. 6. Ant. vind. T. III. Diff. VIII. cap. 4. S. Leonis effatum: *Manet ergo Petri privilegium* explicatur Antif. vind. T. I. Diff. I. cap. 4. n. 12.

Antif. T. III. Lib. I. cap. V. Ant. vind. T. III. Diff. VIII. cap. 3.

Antif. T. III. Lib. I. cap. 4. n. 20.

Antif. T. III. Lib. I. Cap. VII. Antif. vindic. T. III. Diff. VII. cap. 2. & 3.

Antif. T. III. Lib. I. cap. 2.

Conferantur isthaec cum *Antifebronio* T. II. Diff. II. cap. 3. & 9. ac T. III. Lib. II. item cum *Antifebronio vindicato* T. III.

*state summi Pontificis
novum jus condere .*

T.III.Diff.VI. cap. 1.2.
& 3.

§.II. *Papa si mandat,
id facere debet ex jure
constituto .*

§.III. *Romani Ponti-
fices toti Ecclesiae prae-
sunt ut Canonum defen-
sores ac vindices .*

§.IV. *Romanae Sedis
officium & sedulitas in
servanda Fidei deposito,
& in custodia Apostoli-
cae traditionis .*

§.V. *Epistolae decre-
tales quid sint, & unde
vim legis adcipiant .*

A N I M A D V E R S I O .

Extremo hoc §. V. *Innocentii I.* Epistolam
Febronius foede corrumpit ; qua de re vide no-
stram epistolam primam num. 13.

TITVLVS V.

*De Conciliis genera-
libus .*

Antif. T.II. Diff. II.
Cap. XI. Antif. vindic.
T.II.Diff.V.cap.7.

§.I. *De necessitate &
frequentia Conciliorum
generalium .*

§.II. *De generalium
Conciliorum convocatio-
ne, & praesidio in eis-
dem .*

Antif.T.IV. Lib.IV.
cap.1. & 2. Antif.vind.
T.III. Diff.VII. cap.7.
Epist.II.num.7.& 8.

K 2

ANI-

ANIMADVERSIO.

*Ex Apostolica disciplina, inquit Febronius p. 120., Actorum XV. consignata, Imperatores synodales litteras partim ad Ecclesias, partim ad Romanum Pontificem mittebant, quibus Papam absentem rerum gestarum Synodo commonefaciebant, ut Ecclesias sui Patriarchatus de Actis facilius informaret. Quid magis ridiculum? Ex Apostolica disciplina Patres Concilii ad Romanum Pontificem litteras hujusmodi dabant, quibus praeterea rogabant, ut acta confirmaret; sed ex Apostolica illa disciplina Imperatores de Concilii Actis ad summos Pontifices perscripsisse tam est absurdum, quam siquis Claudium Imperatorem de Concilii Hierosolymitani gestis ex Apostolica ejus Synodi disciplina ad Senatum Romanum retulisse dixisset. Equidem scio, Imperatores saepe de Conciliorum Actis ad Romanos Pontifices litteras misisse; sed neque id factum ex Apostolica disciplina, quae ad solos Synodorum Patres spectare potuit, neque eam tantum ob causam, ut Ecclesias sui Patriarchatus de actis facilius informarent (quod ex Arelatensium Patrum ad Sylvestrum Synodica depromptum perperam ad Imperatorum divales transfertur) sed etiam ut Acta Conciliorum confirmarent: quod vel una Marciani Imperatoris ad S. Leonem M. Epistola inter Leonianas Balle-
rinianae editionis ex. palam facit. Quamobrem, inquit Imperator, tua veneranda dignitas decretum quam celerrime emittat, quo confirmare ipsam Chalcedonensem Synodum manifestissime
osten-*

ostendat, ut ii, qui exoptant in via diverticula, nullam habere possint suspensionem de iudicio tuae Sanctitatis.

§. III. *Forma in antiquis Conciliis observata; & quatenus cum ea convenient, quae in Tridentino acta sunt.*

Vide Epistolam I I. n. 9. & Antif. T. I. Introduct. cap. 11. n. 6. & 7.

§. IV. *De clausula Conciliari: Sacro adprobante Concilio. Itē de clausula Tridentini: salva in omnibus Sedis Apostolicae auctoritate.*

ANIMADVERSIONES.

1. „ Quum anteaetis temporibus omnia
 „ Concilia explicata dictione sententiae singu-
 „ lorum Patrum celebrarentur, atque etiam
 „ omnium subscriptionibus & syngraphis ro-
 „ bur haberent: tandem rudibus saeculis, post
 „ ruinam Ecclesiae atque Imperii *Orientalis*,
 „ praesertim post Dictatus *Gregorii VII.* Pon-
 „ tifices *Romani* in illis, quas habuerunt Sy-
 „ nodos, omnia ex privato motu, tamquam Mo-
 „ narchae absoluti, sub hac formula edixe-
 „ runt: *Nos, sacro adprobante, vel consen-*
 „ *tiente Concilio, sancimus, decernimus, sta-*
 „ *tuimus &c.* Primus hac formula usus vide-
 „ tur *Innocentius III.* in Concilio *Lateranensi*
 „ IV. an. 1215. „ Ita *Febronius* p. 131. Mirum
 „ *Febronio* excidisse; quae *Canones Lateranen-*

sis III. Concilii sub *Alexandro* III. exhibent. Nimirum aliquot ex iis Canonibus unius Pontificis nomine eduntur, ut primus, & vicesimus, ne Concilii quidem indicato consensu. Verum neque hoc, neque illa *Innocentii* III. formula, negotium ullum *Febronio* facessere debuerat, si octo prioribus *Orientalibus* Conciliis *Romanos* non interfuisse Pontifices, *Lateranensibus* vero *Alexandrum* & *Innocentium* per se se praefuisse animadvertisset. Ridiculum scilicet omnino fuisset in Conciliis, a quibus summi Pontifices aberant, ea uti formula, quae praesentem ipsum Pontificem designaret. Non igitur a Monarchiae fastu, sed a *Romani* Pontificis praesentia hujus formulae origines ducere *Febronius* debuisset.

2. Cardinalem *Alliacensem* inducit *Febronius*, ex illis duabus formulis, quas usurpatas in Conciliis videmus, altera *Placuit sacro Concilio*, altera *Nos* (Papa scilicet) *sacri auctoritate Concilii & consensu* docentem, primam esse Theologiae conformiorem, quia in actibus *Apostolorum* auctoritas definiendi adtribuitur Concilio, & non specialiter Petro, ubi dicitur: *Placuit nobis collectis in unum Act. XV. 25. & beatus Gregorius 15. Dist. Can.* Sicut, ubi dicit, se quatuor Concilia, sicut *Sancti Evangelii* quatuor libros venerari, subdit causam, quia universali consensu constituta sunt. Unde videtur sequi, quod auctoritas definiendi, maxime in materia fidei, pertineat ad Concilium generale. Sed non erat, cur haec *Alliacensis* verba nobis objiceret. Neque enim *Romano-*
ram

quisquam est, qui neget auctoritatem definiendi in Conciliis non ad unum Pontificem, sed ad ipsum generale Concilium, seu ad Pontificem, eique adhaerentes Episcopos pertinere. Concilium enim vere Oecumenicum, quod unis versam repraesentat Ecclesiam, ex Pontifice & Episcopis constat. Quemadmodum ergo concors Episcoporum decretum, licet dogmaticum absque Pontificis approbatione editum, Oecumenici Concilii decretum haberi jure non posset, ita, inquit *Bullerinius de potest. Eccles. p. 34.* ; *generalis Concilii definitionem non constitueret praecedens solius Papae sententia, nisi Episcoporum quoque suffragia cum ipsius definitione jungerentur. Num proprie dictum Oecumenici Concilii judicium ex concordi Episcoporum & Capituli judicio coalescit, & vim ejusdem Synodi propriam obtinet.* Igitur prima illa formula: *placuit sacro Concilio*, si ab Oecumenico Concilio usurpetur, *Romani Pontificis*, & Episcoporum concordiam indicat; altera *Nos sacri auctoritate Concilii*, & *consensu* eamdem plane exprimit. Quamobrem haec illa *Theologiae conformior* dici potius ab *Alliacensi* debuerat; ex prima enim nonnisi argumentando efficitur, definitionem, decretumve, quode agitur, a vere Oecumenica Synodo proficisci, quatenus Episcoporum cum Pontifice consensus sumitur, sine qua *κεφαλὴ*, non *οικουμενικὸν* Concilium foret; altera vero concordem capituli, & Episcoporum sententiam per se se designat.

3. „ Novam, inquit *Febronius p. 133.* „ in eundem finem adinventam clausulam.

„ deprehendunt multi in Conciliū *Tridentini*
 „ sessione VII. ubi dum *de Reformatione* agi-
 „ tur, hoc principium pro norma statuitur,
 „ scilicet: *eadem Sacrosancta Synodus eisdem*
 „ *praesidentibus Legatis, inceptum residen-*
 „ *tiae & reformationis negotium ad Dei lau-*
 „ *dem & Christianae Religionis incrementum*
 „ *prosequi intendens, ut sequitur, statuen-*
 „ *dum censuit: SALVA SEMPER IN*
 „ *OMNIBVS SEDIS APOSTOLICAE*
 „ *AVCTORITATE.* Quae clausula etiam
 „ repetitur in Synodi conclusionē *Sess. XXV.*
 „ *cap. 21.*, & ad omnia ac singula, quae de
 „ morum Reformatione atque Ecclesiastica di-
 „ sciplina in hoc Concilio statuta sunt, expres-
 „ se refertur. Sunt, qui contendant (amici
 „ illi sint *Romanae* Curiae vel inimici, heic
 „ non disquiro) Synodum his clausulis univer-
 „ sa decreta sua circa disciplinam arbitrio me-
 „ ro Pontificis subiecisse, ita ut ille eis adji-
 „ cere, diminuere, immutare quidvis pro lu-
 „ bitu valeat. Ego aliud plane sentio de pru-
 „ dentia & legalitate Patrum hujus Synodi „.
 Docet ergo p. 134. voluisse Tridentinos Patres
 tantum declarare, quod Pontificis potius, quam
 alterius cujusve munus esset interpretari Decre-
 ta a Concilio condita, & in eis dispensare;
 quia ipse primum gradum obtinet in Ecclesiā
 universali, quam repraesentat Concilium, De-
 cretorum auctor. Papae! quantum *Tridentini*
 Patres interpreti *Febronio* debent! Videat ta-
 men, ne aequissimam hancce interpretationem,
 neque a *Romanorum* Pontificum, qui ut *Tri-*
 den-

dentina decreta ubique susciperentur, tanto-
 re adlaborarunt, sententia alienam, ipsemet
 continuo evertat. Quum enim paullo post mo-
 neat (p. 135.) *pleraque Tridentina decreta, ad
 disciplinam, & reformationem spectantia, non
 adflatu Spiritus Sancti, sed Curiae Romanae
 artibus fuisse condita, an non suspicandi locus
 erit, his ipsis Curiae Romanae artibus, quae
 Spiritus Sancti adflatum Tridento procul arce-
 rent, factum fuisse, ut Concilium subijcere
 vellet decreta sua mero Pontificis arbitrio? Ut
 ut est, hoc sibi Febronius persuadeat, velim,
 Romanae Curiae inimicissimos esse, si qui con-
 tendant, Synodum his clausulis universa de-
 creta sua circa disciplinam arbitrio mero Pon-
 tificis subjecisse, ita ut ille eis adjicere, di-
 minuere, immutare quidvis PRO LVBITV va-
 leat. Nam in generalium Synodorum canoni-
 bus nemo vere Romanus, idest Catholicus est;
 qui Romanum Pontificem pro lubitu, nempe
 absque necessitatis, vel publicae utilitatis cau-
 sa dispensare posse adsentiatur. Quid ergo, in-
 quiet Febronius, necesse erat, ut Concilium
 ejusmodi formulis uteretur? Nemo enim sum-
 mo Pontifici illis de causis dispensandi faculta-
 tem umquam denegavit. Dicam fortasse, quod
 Febronio minus adridebit; Dicam tamen cum
 eodem Ballerinio pag. 44. *Hae formulae, Apo-
 stolicae auctoritatis praeservativae, auctoritatem
 eidem proprio jure competentem, non autem ab
 ipsa Synodo concessam seu delegatam significant:
 potestas enim salva dici nequit illa, quae cui-
 piam tribuitur, sed quae eidem aliunde compe-
 tere**

tere praesumitur. Meminerit autem, se *Tomo 1. p. 321.* de hoc dispensandi jure scripsisse: *Venerius itaque, certiusque illud ei (Papae) tum tacite, tum expresse ADTRIBVTVM est, & agnoscitur AB ECCLESIA*; ut non Primatus jus proprium, sed una Ecclesiae concessione Pontifici collatum esse docuerit. Se igitur ab hac *Hallerinii* animadversione expediat.

§. V. *De auctoritate Conciliorum generalium supra Pontificem ex Concordatis Germaniae.* Vide Epistolam primam num. xiv.

§. VI. *De praetensa revocatione eorum, quae Aeneas Sylvius & Card. Julianus in Basileensi Synodo egerant.* Confer Antif. vindic. T. I. Diff. I. Cap. V. n. 5. & 6. Adde primam Epistolam num. xvi.

TITVLVS VI.

De auctoritate Episcoporum ex jure divino.

§. I. *Episcoporum jurisdictionis immediate a Deo est.*

Antif. T. II. Diff. II. cap. 6. Ant. vindic. T. I. Diff. III. Cap. VI. Epist. I. n. 10. De *Abulensi*, quem helc *Febronius* p. 156. appellat, vide *Podiensis* Episcopi iudicium. T. I. Antif. vind. Diff. II. cap. 2. num. 3. pag. 243. de Formula vero, qua Episcopi utuntur, dum se *Sedis Apostolicae gratia* Episcopos inscribunt, antiquitate & causis, confer

fer Antif. T.III. Lib.I.
Cap. IV. n. 19. p. 176.
Caesen. edit.

§. II. *de praejudicio Ordinis Episcopalis ex Beneficiorum reservatione, ex Annatis, & ex praeserentia Cardinalium.*

Quod spectat ad Beneficia, consule Antif. T. IV. lib. V. cap. 3., & Antif. vindic. T.III. diff. VII. cap. V. de annatis vide Antif. l. c. & Antif. vindic. T. III. diff. VII. cap. VI.

De Cardinalibus confer Antif. T. IV. lib. V. cap. 2. & Antif. vindic. T. IV. diff. X. cap. 1.

§. *de exemptione Regularium*

Antif. T. IV. lib. V. cap. 1. a n. 6. Antif. vindic. T. IV. diff. X. cap. 4.

TITVLVS VII.

De libertate Ecclesiae, ejusque servandae remediis

§. I. *In quo consistat libertas Ecclesiae*

Antif. vindic. T. IV. diff. X. cap. 3. Adde T. III. diff. VI. cap. 5. num. 13.

§. II. *De excommunicatione praesertim illa, quae dicitur latae sententiae.*

Antif. vindic. T.III. diff. VI. cap. 5. Epist. I. num. 19.

ANIMADVERSI O.

Febronius ait p. 186. „ Quum claves da-
 „ tae sint Ecclesiae, illarum administratio e-
 „ tiam sit hujus nomine, & auctoritate ab
 „ ejusdem Ministris. Quare hi rationem de
 „ modo suae gestionis illi reddere tenentur,
 „ neque excommunicationem decernere pos-
 „ sunt, nisi de consensu Ecclesiae, *saltem*
 „ *praesumpto* (en propositionem inter Ques-
 „ nellianas XC. *Ecclesia auctoritatem excom-*
 „ *municandi habet, ut eam exerceat per pri-*
 „ *mos Pastores* DE CONSENSU SALTEM
 PRAESUMPTO TOTIVS CORPORIS, cam-
 „ que ex *Richeriano* illo clavium universita-
 „ ti Fidelium collatarum decreto). Hunc Ec-
 „ clesiae consensum primitus effective inter-
 „ venisse discimus exemplo *Paulli incestuosum*
 „ *Corinthium* anathematizantis, I. ad Corinth.
 „ cap. V. 3. & seqq. ubi: *Ego jam judicavi*
 „ *ut praesens, cum, qui sic operatus est, in*
 „ *nomine Domini nostri Jesu Christi, CON-*
 „ GREGATIS VOBIS ET MEO SPIRITU,
 „ *cum virtute Domini nostri Jesu, tradere*
 „ *hujusmodi Satanae in interitum carnis, ut*
 „ *spiritus salvus sit in die Domini nostri Je-*
 „ *su Christi.* „ O praeclarum Scripturarum
 interpretem *Febronium*! Congregatis quidem
Corinthiis in miserum illum incestus reum
Paullus animadvertere statuit, sed non veluti
 eorum consensum expectaturus; eos congrega-
 ri jussit, ut sententiae a se latae testes, at-
 que adeo exsequeutores. Ait enim: *Ego qui-*
 „ *dem*

T E R T I A. 157

dem absens corpore, praesens autem spiritu IAM
 IVDICAVI &c. congregatis vobis *trade-*
re huiusmodi Satanae. Si jam IVDICAVE-
 RAT ipse, quas iudicii partes *Corinthiis* ad-
 scribere potuit, aut quid eorum consensio la-
 to jam iudicio firmitatis contulisset?

§. III. de subtra- Antif. vindic. T. IV.
 ctione obedientiae diff. XII. cap. 5.

A N I M A D V E R S I O.

Hoc paragrapho p. 195. FEBRONIVS cum
 Cl. KAVFFMANS disputat, negatque quod
 ille adseruerat, *impium fuisse consilium de con-*
stituendo intra fines GALLIAE novo Patriar-
cha. Qui tamen huius consilii occasionem,
 causasque penitus noverunt, haud temere sus-
 picantur, ex eorum, qui de hoc cogitabant;
 sententia debuisse novum hunc Patriarcham &
 invito Romano Pontifice, & ad huius coer-
 cendam auctoritatem constitui, ut illum Apo-
 stolicae Sedis potestati obnoxium vix voluisse
 videantur. Id enimvero plane *impium* est; nec
 fortasse a vero aberravit BAYLIUS, dum in
 opere inscripto *Nouvelles de la Republ. des*
lettres mens. Jul. 1685. p. 712. aiebat, *que*
la creation d'un tel Patriarche demanderoit
 NECESSAIREMENT: *que ceux, qui gouver-*
nent, introduisissent dans le Royaume une NOV-
 VELLE RELIGION. Confer CHARLASIVM
de libert. Eccl. Gallic. Lib. VIII. cap. 4. Leod.
edit. Auctorem Gallici Tractatus de schismate
Ita-

Italice versi , editique *Romae* MDCCXXVI. cap. 9. , & DAVRIGNY *Memoir. Chronol. & dogmat. T. II. ad ann. MDCXL.*

Quae tria sequuntur *Febronii* opuscula 1. *examen libelli a. 1770. Editi hoc titulo: Jugement d'un Ecrivain Protestant &c.* 2. *Animadversiones Febronianae in P. Antonii Schmidt Institutiones Juris Ecclesiastici* 3. *responsiones ad postulata D. Walch* ; ea nihil continent , quod in priore opere adversus epistolas Italicas R. P. *Viatoris a Cocaleo* non exstet . Quidquid ergo ad hoc ex *Antifebronio* adnotavimus , ad tria haec opuscula adcommodari velim , Ceterum in duabus prioribus epistolis plura ex his opusculis excerptimus , & confutavimus ; SCHMIDTIVS quoque FEBRONIANAS in suum opus *animadversiones antirrheticis animadversionibus* egregie dispunxit , quas legere est in utilissimo *Thesau- ro* dissertationum ad jus Ecclesiasticum pertinentium ejus cura nuperrime evulgato .



A P P E N D I X

S E U

S. C Y P R I A N I

CARTHAGINENSIS

EPISCOPI, ET MARTYRIS

L I B E R

DE UNITATE ECCLESIAE

*Cum Illustriss. MASSILIENSIS Episcopi, &
novi Editoris adnotationibus.*



*Septem libros de Baptismo scripsi, in quibus docui,
nihil sic valere ad refellendos Donatistas, &
ad eorum prorsus ora claudenda, ne ad-
versus Ecclesiam Catholicam suam
schisma defendant, quomodo lit-
teras factumque Cypriani.*

S. A V G V S T I N V S

Lib. II. Retractat. cap. XVIII.

M O N I T V M

E D I T O R I S


Ut meae adnotationes ab Illustrissimi *Massiliensis* Episcopi animadversionibus secerantur, quae hujus sunt, eas littera M. distinguam, nullam vero meis notam adjungam. Hoc monere necesse erat, ne aut quidquam laudis, quae doctissimo debetur Antistiti, vel le mihi adscribere viderer, aut siquid erratum a me fuerit, pertrahi in illius dedecus posset.

SANCTI CYPRIANI

EPISCOPI CARTHAGINENSIS

LIBER (1)

DE VNITATE ECCLESIAE (2)

1.  UUM moneat Dominus, & dicat: *Vos estis sal terrae* (3), quumque nos esse jubeat ad innocentiam simplices (4), & tamen cum simplicitate prudentes (5), quid aliud, Fratres dilectissimi, quam providere nos convenit & sollicito corde vigilantes subdoli hostis insidias intelligere pariter & cavere, ut qui Christum Sapientiam Dei Patris (6) induimus (7), minus sapere in tuenda salute intueamur.

Matth. V

13.

3

4

Matth. X

6.

5

6 7

II. Neque enim persecutio sola metuenda est, & ea, quae subruendis, ac deiciendis Dei servis aperta impugnatione grassantur. Facilior cautio est, ubi manifesta formido est, & ad certamen animus ante praestruitur, quando se adversarius confitetur. Plus metuendus est, & cavendus inimicus, quum latenter obrepit, quum per pacis imaginem fallens, occultis adcessibus serpit, unde & nomen serpentis adcepit; (8) ea est ejus semper astutia, ea est circumvencendi hominis coeca & latebrosa fallacia.

9

III. Sic ab initio statim mundi sefellit, & verbis mendacibus blandiens rudes animas incauta credulitate decepit. Dominum

L

ipsum

- 9 ipsum tentare conatus (9), quasi obreperet rursus, & falleret, latenter adcessit. Intellectus tamen est, & retusus, & ideo prostratus,
 10 quia agnitus, atque detectus (10). Unde nobis exemplum datum est veteris hominis viam fugere, vestigiis Christi viventis insistere; ne
 11 denuo incauti in mortis laqueum (11) revolvamur, sed ad periculum providi adcepta immortalitate potiamur.

- IV. Immortalitate autem potiri quomodo possumus, nisi ea, quibus mors expugnatur & vincitur, Christi mandata servemus, ipso monente, & dicente: *Si vis ad vitam venire, serva mandata.* Et iterum: *Si feceritis, quae mando vobis, jam non dico vos servos, sed amicos.* Hos denique fortes dicit & stabiles, hos super petram robusta mole fundatos, hos contra omnes tempestates & turbines saeculi immobili & inconcussa firmitate solidatos. *Qui*
Matth. XIX. Job. XV. *audis, inquit, verba mea & facis ea, simi-*
VII. *bo eum viro sapienti, qui aedificavit domum suam supra petram. Descendit pluvia, venerunt flumina, flaverunt venti, & impegerunt in domum illam (12), & non cecidit. Funda-*
 12 *ta enim fuit supra petram (13).* Verbis igitur
 13 ejus insistere, quaecumque & docuit & fecit, discere, & facere debemus. Ceterum credere
 14 se in Christum quomodo dicit, qui non facit, quod Christus facere praecepit? (14) Nutet,
 15 necesse est, & vagetur, & spiritu erroris abreptus velut pulvis, quem ventus excutit, ventiletur; nec ambulando proficiet ad salutem, qui salutaris viae non tenet veritatem. (15)

V. Ca-

V. Cavenda sunt autem , Fratres dilectissimi , non solum , quae sunt aperta & manifesta , sed astutae fraudis subtilitate fallentia . Quid vero astutius , quidve subtilius , quam ut Christi adventu detectus , ac prostratus inimicus , postquam lux gentibus venit (16) , & sospitandis hominibus salutare lumen effulset , ut surdi auditum gratiae spiritualis admitterent , aperirent ad Deum oculos suos coeci , infirmi aeterna sanitate revalescerent , claudi ad Ecclesiam current , muti claris vocibus & precibus orarent ; videns ille idola derelicta , & per nimium credentium populum sedes suas , ac Tempia deserta , excogitaverit novam fraudem , ut sub ipso Christiani nominis titulo fallat incautos ?

VI. Haereses invenit & schismata , quibus subverteret fidem , veritatem corrumpere , scinderet unitatem . Quos detinere non potest in viae veteris coecitate , circumscribit , & decipit novi itineris errore . Rapit de ipsa Ecclesia homines ; & dum sibi adpropinquasse Jam lumini , atque evasisse saeculi noctem videntur , alias nescientibus tenebras rursus infundit , ut cum Evangelio Christi , & cum observatione ejus & lege non stantes , Christianos se vocent , & ambulantes in tenebris habere se lumen existiment , blandiente adversario atque fallente , qui secundum Apostoli vocem , transfigurat se velut Angelum lucis , & Ministros suos subornat velut Ministros justitiae , adferentes noctem pro die , interitum pro salute , desperationem sub obtentu spei ,

17 (17), perfidiam sub praetextu fidei, Antichristum sub vocabulo Christi, ut dum verisimilia mentiuntur, veritatem subtilitate frustrantur.

VII. Hoc eo fit, Fratres dilectissimi, dum ad veritatis originem (18) non reditur, nec caput quaeritur (19), nec Magistri celestis doctrina servatur. Quae si quis consideret, & examinet, tractatu longo atque argumentis non est opus. Probatio est ad fidem facilis compendio veritatis. Loquitur dominus ad *Petrum*. Ego tibi dico (20), inquit, quia tu es *Petrus* (21), & super hanc *Petram* aedificabo *Ecclesiam* meam (22), & portae inferorum non vincent eam (23). Et tibi dabo (24) *claves* (25) *Regni Coelorum* (26), & quae ligaveris (27) super terram, erunt ligata & in coelis; & quaecumque solveris super terram, erunt soluta & in coelis. Et iterum eidem post *Resurrectionem* suam, dicit: *Pasce oves meas* (28). Super illum unum aedificat *Ecclesiam* suam (29), & illi pascendas mandat oves suas (30). Et quamvis Apostolis omnibus post *Resurrectionem* suam parem potestatem tribuat (31) & dicat: *Sicut misit me Pater, ego mitto vos* (32): *accipite Spiritum Sanctum* (33); *si cuius remiseritis peccata, remittentur illi* (34); *si cuius tenueritis, tenebuntur* (35). Tamen ut unitatem manifestaret (36), unitatis ejusdem originem ab uno incipientem (37) sua auctoritate disposuit. Hoc erant utique & ceteri Apostoli, quod fuit *Petrus* (38); pari consortio praediti & honoris (39) & potestatis, sed

(40), sed exordium ab unitate proficiscitur (41), 40 41
 & Primatus *Petro* datur (42), ut una Chri- 42
 sti Ecclesia, & Cathedra una monstretur (43) 43
 Et Pastores sunt omnes, & grex unus osten-
 ditur (44), qui ab Apostolis omnibus unanimi 44
 consensione pascatur, ut Ecclesia Christi una
 monstretur. Quam unam Ecclesiam etiam in
 Cantico Canticorum Spiritus Sanctus ex per-
 sona Domini designat, & dicit: *Una est colum- Cant. VI.*
 ba mea, perfecta mea, una est matri suae,
 electa genitrici suae.

VIII. Hanc Ecclesiae unitatem, qui non
 tenet, tenere se fidem credit (45)? Qui Ec- 45
 clesiae reniuitur & resistit, qui Cathedram *Pe-*
tri, super quem fundata est Ecclesia, deserit,
 in Ecclesia se esse confidit (46)? Quando & 46
 beatus Apostolus *Paullus* hoc idem doceat &
 Sacramentum unitatis ostendat dicens: *Unum Ephes. IV*
Corpus (47) & *unus spiritus* (48), *una spes* 47 48
 (49) *vocationis vestrae*, *unus Dominus*, *una*
fides, *unum Baptisma*, *unus Deus*. 49

IX. Quam unitatem firmiter tenere, &
 vindicare debemus (50), maxime Episcopi, 50
 qui in Ecclesia praesidemus (51), ut Episco- 51
 patum quoque ipsum unum (52), atque indivi- 52
 sum (53) probemus. Nemo fraternitatem men- 53
 dacio fallat (54), nemo fidei veritatem perfida 54
 praevaricatione corrumpat: Episcopatus u-
 nus est (55), cujus a singulis (56) in soli- 55 56
 dum (57) pars tenetur. Ecclesia quoque una 57
 est (58), quae in multitudinem latius incre- 58
 mento foecunditatis extenditur. Quomodo so-
 lis multi radii (59), sed lumen unum (60), 59 60

61 rami arboris multi, sed robur unum tenaci radice fundatum (61), & quum de fonte uno rivi plurimi defluunt, numerositas licet diffusa videatur exundantis copiae largitate, unitas tamen servatur in origine. Avelle radium
62 folis a corpore, divisionem lucis unitas non capit (62). Ab arbore frange ramum, fructus germinare non poterit. A fonte praecide rivum, praecisus arefcit.

63 X. Sic & Ecclesia Domini (63) luce perfusa per orbem totum radios suos porrigit
64 (64). Unum tamen lumen est, quod ubique diffunditur, nec unitas corporis separatur. Ramos suos in universam terram copia ubertatis extendit, profluentes largiter rivos latius expandit: unum tamen caput est, & origo una, & una mater foecunditatis successibus copiosa. Illius foetu nascimur, illius lacte nutrimur, spiritu ejus animamur. Adulterari non potest
65 66 sponsa Christi (65), incorrupta est (66), & pudica. Unam domum novit, unius cubiculi sanctitatem casto pudore custodit. Haec nos Deo servat; haec Filios regno, quos generavit, adsignat. Quisquis ab Ecclesia segregatus adulterae jungitur, a promissis Ecclesiae separatur.

XI. Nec perveniet ad Christi praemia, qui relinquit Ecclesiam Christi. Alienus est, profanus est, hostis est. Habere jam non potest Deum Patrem, qui Ecclesiam non habet Matrem. Si potuit evadere quisquam, qui extra Arcam Noe fuit, & qui extra Ecclesiam foris fuerit, evadit. Monet dominus, & dicit:

Qui

Qui non est mecum, adversus me est; & qui mecum non colligit, spargit (67). Qui pacem Christi & concordiam rumpit, adversus Christum facit. Qui alibi praeter Ecclesiam colligit, Christi Ecclesiam spargit. Dicit Dominus: *Ego & Pater unum sumus*. Et iterum de Patre & Filio & Spiritu Sancto scriptum est: *Et* *bi tres unum sunt* (68). Matth. XII. 67

XII. Et quisquam credit, hanc unitatem de Divina firmitate venientem, Sacramentis coelestibus cohaerentem scindi in Ecclesia posse, & voluntatum collidentium divortio separari? Hanc unitatem qui non tenet, Dei legem non tenet, non tenet Patris & Filii fidem, vitam non tenet & salutem. Hoc unitatis Sacramentum, hoc vinculum concordiae inseparabiliter cohaerentis ostenditur, quando in Evangelio Tunica Domini Jesu-Christi non dividitur omnino, nec scinditur, sed fortientibus de veste Christi quis ipsam indueret (69), 69
 integra vestis adcipitur & incorrupta atque indivisa tunica possidetur. Loquitur, ac dicit Scriptura divina: *De tunica autem, quia de superiore parte non consutilis, sed per totum textilis fuerat; dixerunt ad invicem: non scindamus illam, sed fortiemur de ea cujus sit:* Unitatem illa portabat de superiore parte venientem, quae ab adcipiente ac possidente scindi omnino non poterat (70); sed totam simul & solidam firmitatem inseparabiliter obtinebat. Possidere non potest indumentum Christi (71), 70 71
 qui scindit & dividit Ecclesiam Christi. Contra denique quum, *Salomone* moriente, Regnum

III. Reg.
XI.

gnum ejus, & populus scinderetur, *Achias* Propheta *Jeroboam* Regi obvius factus in campo, in duodecim scissuras vestimentum suum discidit, dicens: *Sume tibi decem scissuras, quia haec dicit Dominus: Ecce scindo Regnum de manu Salomonis, & dabo tibi decem sceptrā, & duo sceptrā erunt ei propter servum meum David, & propter Jerusalem civitatem, quam elegi, ut ponam nomen meum illic.* Quum duodecim Tribus *Israel* scinderentur, vestimentum suum Propheta *Achias* discidit. At vero quia Christi populus non potest scindi, tunica ejus per totum textilis & cohaerens divisa a possidentibus non est. Individua, copulata, connexa ostendit populi nostri, qui Christum induimus, concordiam cohaerentem. Sacramento vestis & signo declaravit Ecclesiae unitatem. Quis ergo sic est sceleratus & perfidus, quis sic discordiae furore vefanus, ut aut credat scindi posse (72), aut audeat scindere unitatem Dei, vestem Domini, Ecclesiam Christi?

72

XIII. Monet ipse in Evangelio suo, & *Joh. X.* docet dicens: *Et erit unus grex, & unus Pastor.* Et esse posse uno in loco aliquis existimat aut multos Pastores, aut plures greges (73)? Apostolus item *Paullus* hanc eandem nobis insinuans unitatem, obsecrat & hortatur, dicens: *Obsecro, inquit, vos Fratres per nomen Domini Nostri Jesu Christi, ut idipsum dicatis omnes, & non sint in vobis schismata. Sitis autem compositi in eodem sensu & in eadem sententia.* Et iterum dicit: *Sustinentes invicem*

73

I-Cor. XI

Ephes. IV

vicem in dilectione; satis agentes servare unitatem spiritus in conjunctione pacis.

XIV. Stare tu & vivere putas posse de Ecclesia recedentem, sedes sibi alias & diversa domicilia condentem, quum dictum sit ad *Rabab*, in qua praeformabatur Ecclesia (74). *Patrem tuum & matrem tuam, & fratres tuos* 74 *Josue II.*
& totam domum Patris tui colliges ad te ipsam in domum tuam, & omnis, qui exierit ostium domus tuae foras, reus sibi erit. Iterum Sacramentum Paschae nihil aliud in Exodi lege continet, quam ut Agnus, qui in figura occiditur, in domo una edatur. Loquitur Deus dicens: *In domo una comedetur, non ejicietis de domo carnem foras.* Caro Christi & Sanctum Domini eiici foras non potest (75), 75
 nec alia ulla credentibus praeter unam Ecclesiam domus est. Hanc domum, hoc unanimitatis hospitium designat & denunciat Spiritus Sanctus in Psalmis dicens: *Deus qui inhabitare facit unanimes in domo* (76). In domo Dei, in Ecclesia Christi unanimes habitant, concordantes & simplices perseverant. Ps. LVIII 76

XV. Idcirco & in columba venit Spiritus Sanctus (77), simplex animal (78) & laetum, non felle amarum (79), non moribus saevum, non unguium laceratione violentum (80); hospitia humana diligere, unius domus consortium nosse; quum generant, simul filios 77 78
 79
 80
 edere; quum commeant, volatibus invicem cohaerere; communi conversatione vitam suam degere; oris osculo concordiam pacis agnoscere; legem circa omnia unanimitatis implere.

Haec

Haec est in Ecclesia noscenda simplicitas, haec caritas obtinenda, ut columbas dilectio fraternitatis imitetur, ut mansuetudo & lenitas agnis & ovibus aequetur. Quid facit in pectore Christiano luporum feritas, & canum rabies, & venenum lethale serpentum, & cruenta saevitia bestiarum? Gratulandum est, quum tales de Ecclesia separantur, ne columbas, & oves Christi saeva sua & venenata contagione praedentur. Cohærere & coniungi non potest amaritudo cum dulcedine, caligo cum lumine, pluvia cum serenitate, pugna cum pace, cum foecunditate sterilitas, cum fontibus siccitas, cum tranquillitate tempestas.

XVI. Nemo existimet bonos de Ecclesia posse discedere. Triticum non rapit ventus; nec arborem solida radice fundatam procella subvertit. Inanes paleae tempestate jaçantur; invalidae arbores turbinis incurfione evertuntur. Hos execratur & percutit *Iohannes* Apostolus dicens: *Ex nobis exierunt* (81), *sed non fuerunt ex nobis* (82). *Si enim fuissent ex nobis, mansissent utique nobiscum* (83).

XVII. Hinc haereses & factae sunt frequenter & fiunt, dum perversa mens non habet pacem, dum perfidia discordans non tenet unitatem. Fieri vero haec dominus permittit & patitur, manente propriae libertatis arbitrio; ut dum corda nostra & mentes nostras veritatis discrimen examinat, probatorum fides integra manifesta luce clarescat. Per Apostolum praemonet Spiritus Sanctus & dicit:

I. Cor. XI Oportet haereses esse, ut probati manifesti fiant
in

in vobis. Sic probantur fideles, sic perfidi deteguntur. Sic & ante iudicii diem heic quoque jam iustorum, atque iniustorum animae dividuntur, & a frumento paleae separantur. Hi sunt, qui se ultro apud temerarios convenas sine divina dispositione praeficiunt (84), qui se praepositos sine ulla ordinationis lege constituunt, qui nemine Episcopatum dante, Episcopi sibi nomen adsumunt; quos designat in Psalmis Spiritus Sanctus, sedentes in pestilentiae Cathedra, pestes & lues fidei, serpentis ore fallentes & corrumpendae veritatis artifices, venena lethalia linguis pestiferis evomentes: quorum sermo ut cancer serpit, quorum tractatus pectoribus & cordibus singulorum mortale virus infundit. Contra huiusmodi clamat Dominus, ab his refraenat, & revocat errantem plebem suam, dicens: *Nolite audire sermones Pseudo-prophetarum; quoniam visiones cordis eorum frustrantur eos. Loquuntur, sed non ab ore Domini. Dicunt eis, qui abjiciunt verbum Dei: Pax erit vobis, & omnibus ambulanti- bus in voluntatibus suis. Omnis qui ambulat in errore cordis sui, non venient super eum mala. Non loquutus sum ad eos, & ipsi prophetaverunt. Si stetissent in substantia mea, & audissent verba mea, & si docuissent populum meum, convertissem eos a malis cogitationibus eorum.* Hos eisdem denuo Dominus designat & denotat dicens: *Me dereliquerunt fontem aquae vivae, & effoderunt sibi lacus detritos, qui non possunt aquam portare.*

XVIII. Quando aliud Baptisma praeter unum

84

*Psal. i.*11. *Timoth. 11.**Hierem. XXIII.**Hierem. 11. 13.*

- 85 unum esse non possit, baptizare se posse opinan-
 tur (85). Vitae fonte deserto vitalis & salutari-
 86 aquae gratiam pollicentur. Non abluuntur
 illic homines, sed potius sordidantur (86); nec
 purgantur delicta; sed immo cumulantur. Non
 87 Deo nativitas illa, sed Diabolo filios generat
 (87). Per mendacium nati veritatis promissa
 non capiunt. De perfidia procreati fidei gratiam
 perdunt. Ad pacis praemium venire non pos-
 sunt, qui pacem Domini discordiae furore ru-
 perunt.

XIX. Nec se quidam vana interpretatio-
Matth. ne decipiant, quod dixerit Dominus: *Ubicumque*
 XXVIII. *fuierint duo aut tres collecti in nomine meo,*
 20. *ego cum eis sum* (88). Corruptores Evangelii,
 88 atque interpretes falsi extrema ponunt, & supe-
 riora praetereunt, partis memores, & partem
 subdole comprimantes. Ut ipsi ab Ecclesia scissi
 sunt; ita capituli unius sententiam scindunt.
Matth. Dominus enim cum discipulis suis unanimita-
 XVIII. tem suaderet & pacem: *Dico, inquit, vobis,*
quoniam si duobus ex vobis convenerit in terra
 19. & *de omni re quamcumque petieritis, continget*
 20. *vobis a Patre meo, qui in Coelis est. Ubicumque*
enim fuierint duo aut tres collecti in nomine
meo, ego cum eis sum, ostendens non multitu-
 dini, sed unitati deprecantium plurimum tribui.
Si duobus, inquit, ex vobis convenerit in ter-
ra, unanimitatem prius posuit, concordiam
pacis ante praemisit, ut conveniat nobis fide-
liter & firmiter, docuit. Quomodo autem potest
ei cum aliquo convenire, cui cum Corpore ipsius
Ecclesiae & cum univ[er]sa fraternitate non con-

ve-

venit? Quomodo possunt duo aut tres in nomine Christi colligi, quos constat a Christo & ab ejus Evangelio separari? Non enim nos ab illis, sed illi a nobis recesserunt (89)? Et quum haereses & schismata postmodum nata sunt, dum conventicula sibi diversa constituunt, veritatis caput atque originem reliquerunt. Dominus autem de Ecclesia sua loquitur, & ad hos, qui sunt in Ecclesia, loquitur, ut si ipsi concordēs fuerint, si secundum quod mandavit & monuit, duo aut tres licet, collecti unanimiter oraverint, duo aut tres licet sint, impetrare possint de Dei Majestate quod postulant. *Ubi cumque fuerint duo aut tres collecti in nomine meo, ego,* inquit, *cum eis sum*, cum simplicibus scilicet atque pacatis, cum Deum timentibus & Dei praecepta servantibus. Cum his duobus vel tribus licet esse se dixit, quomodo & cum tribus pueris in camino ignis fuit, & quia in Deum simplices atque inter se unanimes permanebant, flammis ambientibus medius spiritu ro-
ris animavit. Quomodo Apostolis duobus in custodia clausis, quia simplices, quia unanimes erant, ipse adfuit, ipse resolutis carceris claustris, ut verbum, quod fideliter praedicabant, multitudini traderent, ad forum rursus imposuit.

Dan. III.
50.

Act. V.

XX. Quando ergo in praeceptis suis ponit & dicit: *Ubi fuerint duo aut tres collecti in nomine meo, ego cum eis sum*, non homines ab Ecclesia dividit, qui instituit & fecit Ecclesiam, sed exprobrans discordiam perfidis, & fidelibus pacem sua voce commendans, ostendit, magis esse se cum duobus aut tribus unanimi-

nimite orantibus, quam dissidentibus plurimis, plusque impetrari posse paucorum concordie prece, quam discordiosa oratione multorum. Ideo & cum orandi legem daret, addidit dicens: *Et*

Marc. XI *quum steteritis ad orationem, remittite siquid*
 25. *habetis adversus aliquem, ut & Pater vester*

Matth. V *qui in Coelis est remittat vobis peccata.* Et ad
 23.24. & sacrificium cum dissensione venientem revocat
 25. ab Altari, & jubet prius concordare cum fra-

Genes. IV tre, tunc cum pace redeuntem Deo munus offerre, quia nec ad *Cain* munera respexit Deus. Neque enim pacatum habere Deum poterat, qui cum fratre pacem per zeli discordiam non habebat. Quam sibi igitur pacem promittunt inimici fratrum, quae sacrificia celebrare se credunt aemuli Sacerdotum? An secum esse Christum, quum collecti fuerint, opinantur, qui extra Christi Ecclesiam colliguntur?

XXI. Tales etiam si occisi in confessione nominis fuerint, macula ista nec sanguine abluitur. Inexpiabilis & gravis culpa discordiae (90) nec passione purgatur. Esse Martyr non potest, qui in Ecclesia non est. Ad Regnum pervenire non poterit, qui eam, quae regnatura est, derelinquit. Pacem nobis Christus dedit, concordēs atque unanimes esse praecepit, dilectionis & caritatis foedera incorrupta atque inviolata servari mandavit. Exhibere se non potest Martyrem, qui fraternam non tenuit caritatem. Docet hoc & contestatur *Paulus* Apostolus dicens: *Et si habuero fidem ita, ut montes transferam, caritatem autem non habeam, nihil sum. Et si in cibos pauperum distribuero omnia*

1. Cor.
 XIII. 2.3

omnia mea, & si tradidero corpus meum, ut ardeam (91), *caritatem autem non habeam, nihil proficio. Caritas magnanima est, caritas benigna est, caritas non aemulatur, non agit perperam, non inflatur, non irritatur, non cogitat malum, omnia diligit, omnia credit, omnia sperat, omnia sustinet. Caritas numquam excidit.* Numquam, inquit, excidit caritas. Haec enim semper in Regno erit, haec in aeternum fraternitatis sibi cohaerentis unitate durabit. Ad Regnum Coelorum non potest pervenire discordia (92). Ad praemia Christi, qui dixit: *Hoc est mandatum meum, ut diligatis invicem, quemadmodum dilexi vos*, pertinere non poterit, qui dilectionem Christi perfida dissensione violavit. Qui caritatem non habet, Deum non habet. *Johannis* Beati Apostoli vox est: *Deus, inquit, dilectio est, & qui manet in dilectione, in Deo manet, & Deus in illo manet.* Cum Deo manere non possunt, qui esse in Ecclesia unanimes noluerunt. Ardeant licet flammis, & ignibus traditi, vel objecti bestiis animas suas ponant, non erit illa fidei corona, sed poena perfidiae (93), nec religiosae virtutis exitus gloriosus, sed desperationis interitus. Occidit talis potest, coronari non potest (94).

XXII. Sic se Christianum esse profitetur, quomodo & Christum diabolus saepe mentitur, ipso Domino praemonente & dicente: *Multi venient in nomine meo dicentes, ego sum Christus, & multos fallent.* Sicut ille Christus non est, quamvis fallat in nomine, ita nec Christianus videri potest, qui non permanet in Evangelii ejus & fidei veritate.

XXIII. Ne-

91

92
Joh. XV.
12.1. *Joh. IV*

93

94

Marc.
XIII. 6.

- XXIII. Nam & prophetare, & daemonia excludere, & virtutes magnas in terris facere sublimis utique & admirabilis res est, non tamen Regnum coeleste consequitur quisquis in his omnibus invenitur, nisi recti & iusti itineris observatione gradiatur. Denuntiat Dominus, & dicit: *Multi mihi dicent in illo die: Domine, Domine, nonne in tuo nomine prophetavimus, & in tuo nomine Daemonia exclusimus, & in nomine tuo virtutes magnas fecimus* (95)? Et tunc dicam illis: *Numquam vos cognovi, recedite a me, qui operamini iniquitatem* (96). Iustitia opus est, ut promereri quis possit Deum Judicem. Praeceptis ejus & monitis obtemperandum est, ut adcipiant merita nostra mercedem. Dominus in Evangelio suo quum spei & fidei nostrae viam compendio breviantе dirigere: *Dominus Deus tuus*, inquit, *Deus unus est. Et: Diliges Dominum Deum tuum de toto corde tuo, & de tota anima tua, & de tota virtute tua. Hoc est primum mandatum, & secundum simile huic: Diliges proximum tuum tamquam te. In his duobus praeceptis tota lex pendet, & prophetas*. Unitatem simul & dilectionem magisterio suo docuit; Prophetas omnes, & legem praeceptis duobus inclusit. Quam vero unitatem servat, quam dilectionem custodit aut cogitat, qui discordiae furore vefanus Ecclesiam scindit, fidem destruit, pacem turbat, caritatem dissipat, Sacramentum profanat?
- XXIV. Malum hoc, Fidelissimi (97) Fratres, jam pridem coeperat, sed nunc crevit ejus-

'Matth.

VII. 22.

23:

95

96

Marc.

XII. 29.

30. 31.

97

eiusdem mali infesta clades, & exurgere & pululare plus coepit haereticae pravitatis & schismatum venenata pernicies: quia & sic in occasu mundi fieri oportebat, praenuntiante per Apostolum nobis & praemonente Spiritu Sancto:

In novissimis, inquit, diebus aderunt tempora molesta, & erunt homines sibi placentes, superbi, tumidi, cupidi, blasphemii, Parentibus inobedientes, ingrati, impii, sine adfectu, sine foedere, delatores, incontinentes, immites, bonum non amantes, proditores, procaces, stupore inflati, voluptates magis quam Deum diligentes, habentes deformationem Religionis, virtutem autem ejus abnegantes. Ex iis sunt, qui repunt in domos, & praedantur mulierculas (98) oneratas peccatis (99), quae ducuntur variis desideriiis, semper discentes & numquam ad scientiam veritatis pervenientes. Et quomodo Iannes & Mambres resistunt Moyfi, sic & hi resistunt veritati, sed non proficiunt plurimum. Imperitia enim eorum manifesta erit omnibus, sicut & illorum fuit. Adimplentur quaecumque praedicta sunt, & adpropinquante jam saeculi fine, hominum pariter ac temporum probatione venerunt. Magis ac magis adversario saeviente error fallit, extollit stupor, livor incendit, cupiditas excoecat, depravat impietas, superbia inflat, discordia exasperat, ira praecipitat.

XXV. Non tamen nos moveat, aut turbet multorum nimia & abrupta perfidia, sed potius fidem nostram praenuntiante rei veritate corroboret, Ut quidam tales esse coeperunt, quia haec ante praedicta sunt, instruente Do-

11. Timoth. III.

98
99

M

mino

Marc. XIII. 23. mino, & dicente: *Vos autem cavete, ecce prae-*
dixi vobis omnia. Vitate, quaeso vos, Fra-

Eccli. XXVIII. 28. *aures tuas spinis, & noli audire linguam ne-*
quam. Et iterum: *Corrumpunt ingenia bona,*

1. Cor. XV. 33. *confabulationes pessimae.* Docet Dominus & ad-

Matth. XV. 14. *ducens simul in foveam cadunt.* Aversandus est

Tit. III. 11 talis, atque fugiendus quisquis fuerit ab Ecclesia
100 separatus. Perversus est hujusmodi & peccat,
& a semetipso damnatus (100).

XXVI. An esse sibi cum Christo videtur,
qui adversus Sacerdotes Christi facit, qui se a
Cleri ejus & plebis societate secernit? Arma
ille contra Ecclesiam portat, contra Dei dispo-
sitionem repugnat. Hostis Altaris, adversus Sa-
101 crificium Christi rebellis (101), pro fide perfidus,
pro Religione sacrilegus, inobsequens servus,
filius impius, frater inimicus, contemptis
Episcopis, & Dei Sacerdotibus derelictis,
constituere audet aliud Altare, precem alteram
102 illicitis vocibus facere (102), Dominicae ho-
103 stiae veritatem per falsa sacrificia (103) profanare,
nec scire, quoniam qui contra ordinationem
Dei nititur, ob temeritatis audaciam Divina
animadversione punitur.

104. XXVII. Sic *Core* (104) & *Dathan* &
Nū. XVI *Abiron*, qui sibi contra *Moysem* & *Aaron* Sacer-
32. 33. dotem sacrificandi licentiam vindicare conati
sunt, poenas pro suis statim conatibus pepen-
de-

derunt. Terra compagibus ruptis in profundum sinum patuit, stantes atque viventes recedentis foli hiatus absorbit. Nec tantum eos, qui auctores fuerant, Dei indignantis ira percussit, sed & ceteros ducentos quinquaginta participes ejusdem furoris & comites, qui coagulati cum iisdem simul ad audaciam fuerant, exiens a Domino ignis properata ultione consumpsit, admonens scilicet & ostendens contra Deum fieri, quidquid improbi fuerint ad destruendam ordinationem Dei humana voluntate conati.

XXVIII. Sic & *Ozias* Rex, quum thuribulum ferens & contra legem Dei sacrificium sibi violenter adsumens, resistente sibi *Azaria* Sacerdote, obtemperare nollet & cedere, divina indignatione confusus & leprae varietate in fronte maculatus est, ea parte corporis notatus offenso Domino, ubi signantur, qui Dominum promerentur. Et Filii *Aaron* qui imposuerunt Altari ignem alienum, quem non praeceperat Dominus, in conspectu statim Domini vindictis extincti sunt.

XXIX. Quos imitantur scilicet, atque sectantur, qui Dei traditione contempta alienas doctrinas adpetunt, & magisteria humanae institutionis inducunt; quos increpat Dominus, & objurgat in Evangelio suo dicens: *Rejicitis mandatum Dei, ut traditionem vestram statuatis.* *Marc. VII. 9.* Pejus hoc crimen est, quam quod amisisse lapsi videntur; qui tamen in poenitentia criminis constituti Deum plenae satisfactionibus deprecantur. Heic Ecclesia quaeritur & rogatur; illic Ecclesia repugnatur. Heic potest necessitas fuisse;

se ; illic voluntas tenetur in scelere . Heic qui lapsus est , sibi tantum nocuit ; illic qui haeresim vel schisma facere conatus est , multos secum trahendo decepit . Heic animae unius est damnum ; illic periculum plurimorum . Certe peccasse se hic & intelligit & lamentatur , & plangit ; ille tumens in pectore suo ; & in ipsis sibi delictis placens , a Matre filios segregat ; oves a Pastore sollicitat ; Dei Sacramenta disturbat ; & quum lapsus semel peccaverit , ille quotidie peccat . Postremo lapsus Martyrium postmodum consequutus potest Regni promissa percipere ; ille si extra Ecclesiam fuerit occisus , ad Ecclesiae non potest praemia pervenire .

105

XXX. Nec quisquam miretur , dilectissimi Fratres , etiam de Confessoribus (105) quosdam ad ista procedere , inde quoque aliquos tam nefanda quam gravia peccare . Neque enim confessio immunem facit ab insidiis diaboli , aut contra tentationes & pericula , & incursum atque impetum saeculares adhuc in saeculo positum perpetua securitate defendit . Ceterum numquam in Confessoribus fraudes & stupra & adulteria postmodum videremus , quae nunc in quibusdam videntes ingemiscimus & dolemus . Quisquis ille Confessor est , *Salomone* major aut melior aut Deo carior non est : qui tamen , quamdiu in viis Domini ambulavit , tamdiu gratiam , quam de Domino fuerat consequutus , obtinuit ; postquam dereliquit Domini viam , perdidit & gratiam Domini . Et ideo scriptum est : *Tene quod habes , ne alius adcipiat coronam tuam* . Quod utique Dominus non minaretur auferri posse co-

Apoc. III.
11.

ro-

ronam justitiae, nisi quia recedente justitia, recedat necesse est & corona. Confessio exordium gloriae est, non meritum jam coronae: nec perficit, sed initiat dignitatem. Quumque scriptum sit: *Qui perseveraverit usque in finem, hic salvus erit*, quidquid ante finem fuerit, X. 22. gradus est, quo ad fastigium salutis adscenditur, non terminus, quo jam culminis summa teneatur.

XXXI. Confessor est; sed post confessionem periculum majus est, quia plus adversarius provocatus est. Confessor est; hoc magis stare debet cum Domini Evangelio per Evangelium, gloriam consequutus a Domino. Ait enim Dominus: *Cui multum datur, multum quaeritur ab eo; & cui plus dignitatis adscribitur, plus de illo exigitur servitutis*. Nemo per Confessoris exemplum pereat, nemo injustitiam, nemo insolentiam, nemo perfidiam de Confessoris moribus discat. Confessor est; sit humilis & quietus, sit in actu suo cum disciplina modestus; ut qui Christi Confessor dicitur, Christum, quem confitetur, imitetur. Nam quum dicat ille: *Qui se extollit, humiliabitur, & qui humiliat se exaltabitur*, & ipse a Patre exaltatus sit, quia se in terris sermo & virtus & sapientia Dei Patris humiliavit, quomodo potest extollentiam diligere, qui & nobis humilitatem sua lege mandavit, & ipse a Patre amplissimum nomen praemio humilitatis adcepit? Confessor est Christi; sed si non postea blasphemetur per ipsum majestas & dignitas Christi. Lingua Christum confessa non sit maledica; non sit turbulenta; non conviciis & litibus perstrepsens audia-

Luc.
XVIII.
48.

Luc.
XVIII.
24.

diatur ; non contra Fratres , & Dei Sacerdotes post verba laudis serpentis venena jaculetur .

XXXII. Ceterum si culpabilis & detestabilis postmodum fuerit , si confessionem suam mala conversatione prodegerit , si vitam suam turpi foeditate maculaverit , si Ecclesiam denique , ubi Confessor factus est , derelinquens & unitatis concordiam scindens fidem primam perfidia posteriore mutaverit , blandiri sibi per confessionem non potest , quasi sit electus ad gloriae praemium , quando ex hoc ipso magis creverint merita poenarum .

XXXIII. Nam & *Judas* inter Apostolos Dominus elegit , & tamen Dominum *Judas* postmodum prodidit . Non tamen idcirco Apostolorum fides & firmitas cecidit , quia proditor *Judas* ab eorum societate defecit . Sic & heic non statim Confessorum sanctitas & dignitas comminuta est , quia quorundam fides fracta est . Beatus *Paulus* Apostolus in Epistola sua loquitur : *Quid enim si exciderunt a fide quidam illorum , numquid infidelitas illorum fidem Dei evacuavit ? Absit . Est enim Deus verax , omnis autem homo mendax .* Stat Confessorum pars major & melior in fidei suae robore , & in legis ac disciplinae dominicae veritate , nec ab Ecclesiae pace discedunt , qui se in Ecclesia gratiam consequutos de Dei dignatione meminerunt , atque hoc ipso ampliorem consequuntur fidei suae laudem , quod ab eorum perfidia segregati , qui juncti confessionis consortio fuerunt , a contagio criminis recesserunt , vero illuminati Evangelii lumine , pura & candida Domini luce radi-

diati , tam sunt in conservanda Christi pace laudabiles , quam fuerunt in Diaboli congressione victores .

XXXIV. Opto equidem , dilectissimi Fratres , & consulo pariter , & suadeo , ut si fieri potest , nemo de fratribus pereat , & consentientis populi Corpus unum gremio suo gaudens Mater includat .

XXXV. Si tamen quosdam schismatum duces , & dissensionis auctores in coeca & obstinata dementia permanentes non potuerit ad salutis viam consilium salubre revocare , ceteri tamen vel simplicitate capti , vel errore inducti , vel aliqua fallentis astutiae calliditate decepti , a fallaciae vos laqueis solvite , vagantes gressus ab erroribus liberate , iter rectum viae coelestis agnoscite . Contestantis Apostoli vox est : *Praecipimus vobis , inquit , in nomine Domini nostri Jesu Christi , ut recedatis ab omnibus Fratribus ambulanti- bus inordinate , & non secundum traditionem , quam adceperunt a nobis . Et iterum dicit : Nemo vos decipiat inani- bus verbis . Propterea enim venit ira Dei super filios contumaciae . Nolite ergo esse participes eorum .* Recedendum est a delinquentibus , vel immo fugiendum , ne dum quis male ambulanti- bus jungitur , & per itinera erroris & criminis graditur , a via veri itineris exerrans , pari crimine & ipse teneatur .

XXXVI. Deus unus est , & Christus unus , & una Ecclesia ejus , & Fides una , & Plebs una in solidam corporis unitatem concordiae glutino copulata . Scindi unitas non po-

11. Thes.

III. 6.

Ephes. V.

6.7.

test, nec corpus unum dissidio compaginis separari; divulsis laceratione visceribus in frusta discerpi. Quidquid a Matrice discesserit, seorsum vivere & spirare non poterit, substantiam salutis amittit. Monet nos Spiritus Sanctus, & dicit: *quis est homo qui vult vitam, & amat videre dies optimos? Contine linguam tuam a malo, & labia tua ne loquantur insidiosae. Declina a malo, & fac bonum, quaere pacem & sequere eam*. Pacem quaerere debet, & sequi filius pacis; a dissensionis malo continere linguam suam debet, qui novit & diligit vinculum caritatis.

Psal.
XXXIII.
12. 13. 14

Joh. XIV
27.

Matth. V
6.

Act. IV.
32.

Act. I. 14

XXXVII. Inter sua divina mandata & magisteria salutaria Passioni jam proximus Dominus addidit dicens: *Pacem dimitto vobis, pacem meam do vobis*. Hanc nobis hereditatem dedit, dona omnia suae pollicitationis & praemia in pacis conservatione promisit. Si coheredes Christi sumus, in Christi pace maneamus. Si Filii Dei sumus, pacifici esse debemus.

XXXVIII. *Beati*, inquit, *pacifici, quoniam ipsi Filii Dei vocabuntur*. Pacificos esse oportet Dei Filios, corde mites, sermone simplices, adfectione concordēs, fideliter sibi unanimitatis nexibus cohaerentes. Haec unanimitas sub Apostolis olim fuit. Sic novus credentium populus Domini mandata custodiens caritatem suam tenuit. Probat Scriptura divina, quae dicit: *Turba autem eorum, qui crediderant, anima & mente una agebant*. Et iterum: *Et erant perseverantes omnes unanimes in oratione cum mulieribus & Maria, quae fuerat Mater Jesu, &*
Fra-

Fratribus ejus. Et ideo quia efficacibus precibus orabant, cum fiducia poterant quodcumque de Domini misericordia postulabant. In nobis vero sic unanimitas diminuta est, ut largitas operationis infracta est.

XXXIX. Domos tunc & fundos venundabant, & thesauros sibi in coelo reponentes, distribuenda in usus indigentium pretia Apostolis offerebant. At nunc de Patrimonio nec decimas damus; & quum vendere jubeat Dominus, emimus potius, & augemus. Sic in nobis emarcuit vigor fidei, sic credentium robur elanguit. Et idcirco Dominus tempora nostra respiciens, in Evangelio suo dicit: *Filius hominis quum venerit, putas inveniet fidem in terra* (106)? Videmus fieri, quod ille praedixit. In Dei timore, in lege justitiae, in dilectione, in opere fides nulla est (107). Nemo futurorum metum cogitat, diem Domini & iram Dei & incredulis ventura supplicia & statuta perfidis aeterna tormenta considerat. Quod metueret conscientia nostra, si crederet (108). Quia non credit omnino (109), nec metuit. Si autem crederet, & caveret. Si caveret, evaderet.

XL. Excitemus nos quantum possumus, dilectissimi Fratres, & somno inertiae veteris abrupto, ad observanda & gerenda Domini praecepta vigilemus. Simus tales quales esse nos ipse praecepit, dicens: *Sint lumbi vestri adcincti, & lucernae ardentes in manibus vestris, & vos similes hominibus expectantibus Dominum suum, quando veniat a nuptiis, ut quum venerit & pulsaverit, aperiant ei.* Beati servi

Luc.

XVIII.

2. 106

107

108

109

Luc.

XII. 35.

36. 37.

quos

quos adveniens Dominus invenerit vigilantes .
Adcinctos nos esse oportet , ne quum expedi-
tionis dies venerit , impeditos nos & implici-
tos adprehendat . Luceat in bonis operibus no-
strum lumen , & fulgeat , ut ipsum nos ad lucem
claritatis aeternae de hac saeculi nocte perdu-
cat . Expectemus solliciti semper & cauti ad-
ventum Domini repentinum , ut quando ille
pulsaverit , evigilet fides nostra , vigilantiae
praemium de Domino receptura . Si haec man-
data servantur , si haec monita & praecepta
teneantur , opprimi dormientes diabolo fallente
non possumus , servi vigilantes Christo dominante
regnabimus .



SANCTI CYPRIANI

LIBRVM

ADNOTATIONES.

(1) **S.** *Cyprianus* librum hunc a. CCLI. sub Pa-
pae *Cornelii* Pontificatu, imperantibus
Gallo, *Volusiano*, & *Hostiliano* composuit. Hoc
de libro Sanctus Episcopus loquitur in epistola
(II.) quam a. CCLII. ad *Confessores Romam*
misit, illis de reditu ex schismate gratulaturus.
Sed &, inquit, *Catholicae Ecclesiae unitatem*,
quantum potuit, *expressit nostra mediocritas*.
Quem libellum magis ac magis nunc vobis pla-
cece confido, *quando eum jam sic legitis*, *ut*
& probetis & ametis. M.

(2) Hoc titulo *Baluzius* hocce opuscu-
lum prae-notavit. Qua in re *S. Augustinum* se-
quitur est, qui (*Lib. II. contr. Crescon*) illud
his verbis appellat: *Cui Cyprianus ipse quale*
testimonium perbibeat, *audi ex Epistola*, *quam*
conscripsit. *Facundus* quoque (*Lib. I. p. 16.*)
Epistolae aut Libri *de unitate* nomine illud in-
dicat: *Epistola*, *sen liber de unitate*; sic enim
ibi legendum, non *de Trinitate*, ut editi Li-
bri exhibent, quum nullam *Cyprianus* episto-
lam, nullum Librum *de Trinitate* conscripserit;
Aliis (ut *Lomberto* in *Gallica Cyprianicorum*,
operum interpretatione *Rothomagi* a. MDCCXVI.
vulgata, & *D. Remigio Ceilliero* in generali sa-
cro-

crorum, atque Ecclesiasticorum Scriptorum historia) hunc librum inscribere placuit *de unitate Ecclesiae Catholicae*. Atque hunc illi titulum cum S. *Fulgentii*, tum ipsiusmet *Cypriani* testimonio confirmare possunt. En S. *Fulgentii* verba (*Lib. I. de remiss. peccat. cap. 21.*): *hujus arcae mysterium beatissimus Martyr Cyprianus scribeus in Libro de simplicitate Praelatorum, vel potius, secundum vetusta exemplaria, de unitate Ecclesiae Catholicae, exponit. Cyprianum vero nuper audivimus de suo libro ita scribentem, ut Tractatum de unitate Catholicae Ecclesiae fuisse indicaret: Sed & Catholicae Ecclesiae unitatem, quantum potuit, expressit nostra mediocritas. Quem libellum &c.* Ex verbis porro, quae recitavimus, S. *Fulgentii* videtur hic liber olim sub titulo *de simplicitate Praelatorum* innotuisse; ea forte de causa, quod initio operis aliqua de simplicitate traduntur: vel etiam (uti *Rigaltius* & *Lombertus* adnotarunt) quod *simplicitas unitatem designat, & multiplicitem excludit*. M.

- 3 (3) *Sal*, inquit S. *Hieronymus* (comm. in h. l.) *appellantur Apostoli, quia per ipsos universum hominum conditur genus; hoc scilicet sensu, quod quemadmodum sal cibos condiciens eos palato gratos efficit, ita Apostoli, dum homines ad sanctimoniam traducunt, Deo illos reddunt percaros*. M.

- 4 (4) *Simplicitas*, inquit S. *Thomas* (2.2. q. 109. art. 2. ad 4.) *dicitur per oppositum duplicitatis, qua scilicet aliquis aliud habet in corde, & aliud ostendit exterius.... Facit autem*

tem intentionem rectam, non quidem directe, (quia hoc pertinet ad omnem virtutem) sed excludendo duplicitatem, qua homo unum prae-tendit, & aliud intendit. M.

(5) Hac de re audiendus S. Augustinus in libro de moribus Ecclesiae Catholicae (Cap. XXIV. n. 45.) Nec de prudentia diutius dis-ferendum est, ad quam dignoscentia pertinet adpetendorum & vitandorum ... Hujus autem sunt excubiae, atque diligentissima vigilantia, ne subrepente paullatim mala suasionem fallamur. Unde saepe Dominus, Vigilate, clamat (Matth. XXIV. 42.) & ambulate dum lucem habetis, ne vos tenebrae comprehendant. Itemque dicitur (Joh. VIII. 6.) : nescitis, quia modicum fermentum totam massam corrumpit. Est tamen falsa prudentia, quam S. Paulus (II. Cor. V. 6.) prudentiam carnis appellat, mortem animabus inferens, quum vera prudentia, quam idem Apostolus prudentiam spiritus vocat (Rom. VIII. 6.), vitam, pacemque impertiatur. Nam prudentia carnis mors est : prudentia autem spiritus, vita & pax. Falsa isthaec prudentia non-nisi creata bona amat & exquirat. Hinc quum ejusmodi bona carnis bona generatim vocentur, ut a bonis, quorum desiderium spiritus gratiae ingerit, distinguantur, huic vitio prudentiae carnis nomen inditum fuit. Qui autem illi se dedunt, peccato obnoxii sunt. Et ideo, inquit S. Thomas (2.2. q. 55. a. 1. in corp.) prudentia carnis proprie dicitur, secundum quod aliquis bona carnis habet ut ultimum finem suae vitae. Manifestum est autem, quod hoc est peccatum.

Con-

Contra vera prudentia unum summum bonum tibi finem praestituit; ceteris illud quibuscumque bonis anteponit; novit haec, quod nos Deo in perpetuum conjunget, utque illud optemus, compellit. Ista haec ex S. *Augustino* deprompta sunt, qui (*Lib. VI. de Musica cap. xlii. n. 38.*) ait: *haec igitur adfectio animae, vel motus, quo intelligit aeterna, & his inferiora esse temporalia, etiam in seipsa, & haec adpetenda potius, quae superiora sunt, quam illa, quae inferiora sunt, novit, nonne tibi prudentia videtur?* M.

- 6 (6) Ex *Paullo* isthaec desumpta, qui ait (*1. Cor. 1. 22. seqq.*): *Nos autem praedicamus Christum Crucifixum, Judaeis quidem scandalum, Gentibus autem stultitiam, ipsis autem vocatis Judaeis, atque Graecis Christum Dei virtutem & Dei sapientiam. Discimus autem ex S. Augustino (Lib. VI. de Trinit. cap. 1.) Arrianis vigentibus fuisse Catholicos Doctores, qui hoc Pauli testimonio ad Filii divini aeternitatem comprobendam uterentur. Sed inter disputationes, quas habebant nostri adversum eos, qui dicebant: erat tempus, quando non erat Filius, haec etiam nonnulli ratiocinationem inferebant: Si Dei Filius virtus & sapientia Dei est, nec umquam Deus sine virtute & sapientia fuit, coaeternus est Dei Patri Filius: dicit autem Apostolus Christum Dei virtutem & Dei sapientiam, & Deum aliquando non habuisse virtutem aut sapientiam dementis est dicere: non igitur erat tempus, quando non erat Filius. M.*

- 7 (7) Spectavit hoc loco *Cyprianus* illud *Paul-*

Pauli (ad Rom. XIII. 14.) *Sed induimini Dominum nostrum Jesum Christum* : quorum similia ea sunt ejusdem *Pauli* (Gal. III. 27.) *Quicumque enim in Christo baptizati estis, Christum induistis*. M.

(8) S. *Augustinus* *Genesis* initium explanans de serpente ait: *Serpens autem significat Diabolum, qui sane non erat simplex. Quod enim dicitur sapientior omnibus bestiis; figurate insinuat eus versutia*. M. 8

(9) Ignorabat *Daemon*, Christum esse Dei Filium; neque eum si novisset, tentare ausus fuisset. *Principem hujus mundi* (ajebat in *Epistola ad Ephesios* S. *Ignatius*) latuit *Mariae Virginitas & partus ipsius, similiter & mors Domini*, non quod *Mariae* esse filium ignorarit; sed quod quem *Mariae* esse noverat, Dei filium minime habuerit. Ipsa, qua eum tentavit, ratio satis ostendit, diabolum magnis hac de re sufficionibus laborasse, ac de veritate detegenda fuisse sollicitum. Duo igitur ille Dominum tentans spectavit; primum ut essetne Christus Dei filius, perspiceret; deinde ut de eo, si nihil supra hominem foret, victoriam referret. Quod ad illud adinet, ita *Hieronymus* (Comm. in Matth. cap. iv.) *In omnibus temptationibus hoc agit Diabolus, ut intelligat, si Filius Dei sit: sed Dominus sic responsionens temperat, ut eum relinquat ambiguum*. M. 9

(10) Unigenitus Dei filius peccato obnoxius non erat; nec dolis igitur irretiri; nec vinci poterat. M. 10

(11) Duplex mortis genus est, cui peccata- 11

cator subijcitur, animae alterum, alterum corporis. *Nos certe*, inquit *Augustinus* (L. XIV. de Trinit. Cap. III. n. 5.), *quod nemo Christianus ambigit, & anima & corpore mortui sumus.* anima propter peccatum, corpore propter poenam peccati, ac per hoc, & corpore propter peccatum. Animae morti obnoxius est; moritur enim anima, quam Deus deferit; corporis vero morti subijcitur, ejus enim anima in peccati poenam separari aliquando debet a corpore, in quo demum sita est mors naturalis, nec corpori iterum conjungetur, nisi ut cum ipso torqueatur. *Sicut enim* (ibid.) *animam Deo deferente, sic corpus anima deferente moritur; unde fit illa inspiens, hoc exanime.* De morte peccati justificationis gratia triumphamus; de morte porro naturali extremo mundi tempore triumphabimus, quum Deus nostrae justificationis opus inexplicabili modo perficiet, nostra corpora in vitam revocans. *Ejus autem corporis* (ibid.) *resurrectio differtur in finem, quum & ipsa justificatio nostra perficietur. Tunc enim similes ei erimus, quoniam videbimus eum, sicuti est.* Peccator quoque resurget; verum Deo non conjungetur, ejusque corpus doloribus circumseptum vitae commodis nullatenus perfruetur. Quare vel in ipsa resurrectione miser secundae morti, eique prima multo terribiliori se sentiet obnoxium. *Pars illorum erit in stagno ardenti igne & sulphure: quod est mors secunda:* (Apoc. XXI. 8.) M.

12

(12) *Pluvia ista*, inquit *S. Hieronymus* (Comm. in Matth. VII.) *quae domum subverte-*

re

re nititur, diabolus est; flumina Antichristi, qui contra Christum sapiunt; venti spiritalia nequitiae in coelestibus, nempe daemones, qui cum eorum capite ad perdendos homines conspirant; ut indicat *Paulus* in epistola ad *Ephesios*, qui (quod idem *Hieronymus* ait ibid.) post artes magicas scire debuerant, a quibus fuissent aliquando decepti. M.

(13) Christum scilicet, supra quem fide & operibus aedificamur. Super hujusmodi petram, inquit S. *Hieronymus* (loco nuper indicato) non inveniuntur serpentis vestigia. M. 13

(14) Fidem habere sine operibus possumus. Docet id diserte S. *Paulus* 1. Cor. XIII. 2. Et si habuero omnem fidem, ita ut montes transferam, caritatem autem non habuero, nihil sum. At ejusmodi fides mortua est. Vis autem scire, o homo inanis, quoniam fides sine operibus mortua est? (Jac. II. 20.) Audeat ne aliquis hac fide praeditus, se Christi discipulum appellare? quum licet ejus praeceptiones suscipiat, non illas tamen sequatur, atque adeo dedecoret. M. 14

(15) Ejusmodi sunt, qui non captivant intellectum in obsequium fidei. Post multas demum inquisitiones nil fere, quam dubitare noverunt, aut si nulla illis dubitatio injiciatur, in gravissimos errores prolabuntur. Quid, ut exemplo rem confirmem, illis ineptius, quid miserabilius, quae ab Ethnicis Philosophis de divinitate disputata fuisse comperimus? Absurdæ istiusmodi opiniones, & errores virorum, qui ingenii doctrinaeque fama celebrabantur, 15

certissimo nobis argumento esse debent, quo mentis nostrae imbecillitatem, fideique necessitatem doceamur. M.

16 (16) Dei scilicet Filius. *Erat lux vera, quae illuminat omnem hominem venientem in hunc mundum.* Discussit ille aut Pyrrhonismi, aut falsarum opinionum tenebras, in quas sapientissimi quique gentium Philosophi deprimebantur. M.

17 (17) Quum haec omnibus generatim haereticis, atque schismaticis, qui aeternam animabus perniciem atque adeo desperationem inferunt, adprime convenient, *Felicissimi* tamen factionem, ac *Novatiani* haeresim praecipue spectant. Ille enim in persecutione lapsis veniam absque poenitentia pollicebatur; hic contra in desperationem Apostatas coniciebat, quos purae Ethices, & gloriae Evangelio comparandae obtentu ab Ecclesiae communione, ac scelerum venia arcebat. M.

18 (18) Equidem miror, doctissimum *Massiliensem* Episcopum hanc lectionem retinuisse, quum vel ipse *Balutius* legere se maluisse fateatur *unitatis*, quemadmodum paullo post scriptum est *unitatis ejusdem originem*. *Tertulliani*, ac *Firmiliani*, itemque Concilii *Turonensis* auctoritate hanc ille lectionem confirmat. Ego vero hanc unam a tota orationis *Cyprianicae* serie deposci contendo. Quae enim sequuntur, eo spectant, ut demum *Cyprianus* probet, haereses & schismata exoriri; 1. quod unitatis origo a Christo disposita non spectetur; 2. quod Cathedra *Petri* deferatur; 3. quod unitas

tas ab eodem Christo praecepta non teneatur. Haec jam cum superioribus confer: *hoc eo fit, fratres dilectissimi, dum ad veritatis originem non reditur* (en primam illam haeresum, & schismatum causam), *nec caput quaeritur* (en alteram), *nec magistri coelestis doctrina servatur* (en tertiam). Quemadmodum ergo caput, quod non quaeritur, desertae Petri Cathedrae, nec tenta unitas magistri coelestis non servatae doctrinae respondet; ita ut unitatis origini, quae non spectatur, origo, ad quam non reditur, plane respondeat, non certe veritatis sit oportet, sed unitatis.

(19) Christus caput est Ecclesiae invisibile; universae Ecclesiae visibile caput est summus Pontifex, uti quique Episcopi singularum, quibus praesunt, Ecclesiarum. *Novatianus*, ejusque factio a *Cornelio* Papa legitime electo defecerat; *Felicissimus* cum suis adseculis ab Episcopo suo *Cypriano*, qui cum *Cornelio*, universaeque Ecclesia communionis vinculo colligabatur. Schismatici, quos *Cyprianus* hoc libro refellit, caput non agnoscebant; immo summum Pontificem, & *Carthaginensem* Episcopum calumniis incescere, ac populi invidiam in eos uti Episcopatu indignos, quibuscum communicare nefas esset, conflare satagebant. M. Vera haec sunt, sed nisi fallor, ad *Cypriani* sententiam non pertinent. Nam caput, de quo heic *Cyprianus* loquitur, prorsus de uno Romano Pontifice cum *Pamelio* intelligendum. Explicans enim, quodnam illud caput sit, ait: *probatio est ad fidem facilis compendio veritatis. Loqui-*

19

tur Dominus ad PETRVM &c. Quid? quod uni-
tatem Ecclesiae non cuiuscumque, sed Catho-
licae heic *Cyprianus* aperte designat; ejus au-
tem Caput non est nisi *Romanus* Pontifex. Ad-
de, librum fuisse a *Cypriano* scriptum *adversus*
Novatianum *Cornelio* Papae Pontificatum eri-
pere conantem; quod & titulo adscriptum in
veteri codice *Pameli* legit. Hinc vero *Febro-*
nius velim addiscat; quam falso *Tomo III. p. 29.*
seqq. a SS. Patribus Christum dici *Ecclesiae ca-*
put, PETRVM *vero numquam* adfirmarit.

20 (20) Haec Christi verba, quibus prima-
tus non solum dignitatis, sed etiam jurisdictio-
nis, & plenitudo Apostolicae potestatis (mira-
bitur *Febronius*, *Gallicanae* Ecclesiae Episcopum;
ut de *Bernardo* notaverat T. III. p. 242. *obsen-*
rorum saeculorum doctrinis de plenitudine Pon-
tificiae potestatis tinctum fuisse) Petro confer-
tur, non inania fuerunt, & sine effectu. Quod
praefecerunt, in Petro divina virtute effecerunt,
& in illius successoribus etiamnum efficiunt.
Dignus est, qui recolatur, S. *Hieronymi* in ea
commentarius: *Et ego dico tibi. Quid est quod*
ait: Et ego dico tibi? Quia tu mihi dixisti: Tu
es Christus Filius Dei vivi; & ego dico tibi
non sermone casso & nullum habente opus, sed
dico tibi, quia meum dixisse fecisse est.

21 (21) Metaphorico *Petrae* nomine Scriptu-
ra Christum designat. Is est lapis, quem repro-
baverunt aedificantes, hic factus est in caput
anguli (Ps. CXVII.) *Paulus* quoque Aposto-
lus de suae gentis Patribus loquens ait (1. Cor.
X. 4.) *Bibebant autem de spiritali consequente*

eus

eos petra: petra autem erat Christus. Salvator suam cum Simone *Johannis* filio potestatem communicans, illi quoque nomen impartitur, ad sublime, quod ei deferebat, munus designandum cetera inter sua nomina adcommodatius. Supra ipsum veluti supra visibile caput condenda est Ecclesia; hacque de causa *Petrus* appellabitur: *quia tu es Petrus.* Idem cum ceteris Apostolis praestitit, dum eos ad illustrandas Evangelii luce nationes misit: est utique ipse ~~antiquitatis~~ *lux mundi*; eos tamen, quum Apostolatus, quo functuri erant, munera, effectusque indicare vellet, lucem mundi vocavit: *vos estis lux mundi.* M. Haec *Massiliensis* Praefulis adnotatio ex SS. *Hieronymo* & *Leone* M. sumpta est, quorum ille comm. in Matth. Cap. XVI. ait: *Sicut ipse lumen Apostolis donavit, ut lumen mundi appellarentur... ita & Simoni, qui credebat in Petram Christum, Petri largitus est nomen, ac secundum metaphoram Petrae recte ei dicitur, aedificabo Ecclesiam meam super te.* Alter vero Serm. III. edit. *Quesn.* Cap. II. *Ego tibi notam facio excellentiam tuam, quia tu es Petrus, idest, quum ego sim inviolabilis Petra, ego lapis angularis, qui facio utraque unum, ego fundamentum, praeter quod nemo potest aliud ponere, tamen tu quoque petra es, quia mea virtute solidaris, ut quae mihi potestate sunt propria, sint tibi mecum participatione communia.*

(22) *Petra*, de qua hoc loco Christus loquitur, Princeps est Apostolorum. Docet id infra *S. Cyprianus*, ubi ait: *super illum unum*

22

aedificat Ecclesiam suam . S. vero Hieronymus commentario in eadem Christi verba ait : ac secundum metaphoram petrae recte dicitur ei : aedificabo Ecclesiam meam super te . Paullus tamen ad Corinthios scribens , fundamentum , inquit , aliud nemo potest ponere praeter id , quod positum est , quod est Christus Jesus . Johannes quoque in Apocalypsi novam Jerusalem describens duodecim ejus fundamenta agnoscit his verbis : Et murus Civitatis habens fundamenta duodecim , & in ipsis duodecim nomina duodecim Apostolorum Agni . Verum etsi hae sententiae cum illa confligere videntur , re tamen ipsa ab invicem non dissident . Christus enim solum est Ecclesiae fundamentum , quatenus unus ipse eam propria virtute sustentat , unus invictam reddit , & adversus omnes inferarum potestatum conatus infractam . Apostoli quoque illam communiunt , ac defendunt , sed ea virtute , quam Christus illis veluti cum suis ministris , qui ejus vices agunt , quorumque opera exterius agit , impertit ; atque hoc demum sensu duodecim sunt novae Jerusalem fundamenta . Inter hos tamen , quem Christus designavit , Petrumque appellavit , is excellentior quodam titulo munimen est Ecclesiae ac fundamentum , quia nempe universae Ecclesiae Caput est , Apostolicae potestatis plenitudinem habet , in omnes Ecclesias suam auctoritatem exporrigit , atque in specula collocatus est , ut omnem Christi gregem sua vigilia incolumem reddat . M. Certissima haec sunt , ea tamen a recentissimis Schuberti Lutherani hominis animadversioni-

tionibus sunt vindicanda. Ait ille in *commentatione historico-Theologica de Jurisdictione Pontificis Romani Cap. IV. §. 80.*: tenendum est, petram istam, quam fundamentum Ecclesiae fore Christus tunc praedicebat, non esse Petrum, sed confessionem ab eo editam, seu veritatem istam quam suo & collegarum nomine confessus fuerat: *Tu es Christus, filius Dei viventis*: At quibus id argumentis efficere se posse existimat? omnino quinque; quae illius fere verbis proponam.

1. ; Christus non dicit, *Tu es Petra*,
 „ & *super hac petra aedificabo &c.*, sed *tu es*
 „ *Petrus* & *super hac petra &c.* οὗ ἐστὶν πέτρα,
 „ καὶ ἐπὶ ταύτῃ τὴν ἐκκλησίαν, qua diversa loquen-
 „ di ratione (significat) aliud esse *Petrum*, ad
 „ quem loqueretur, & aliud esse *Petram*, cui
 „ suam vellet imponere Ecclesiam. Certe si
 „ declarare voluisset, *Petrum* esse *Petram* il-
 „ lam, in qua aedificanda esset Ecclesia, sine
 „ dubio dixisset: *Tu es PETRA*, & *super*
 „ *hac PETRA* &c. Sic enim res extra dubium
 „ posita fuisset, & extra dubium poni debuif-
 „ set, si *Petrus* his verbis constituendus fuif-
 „ set caput Ecclesiae, quod adversariis primum
 „ fidei caput esse videtur, . Ego vero, etsi
 „ id a nobis fingi *Schubertus* paullo post adse-
 „ rit, non dubito, quin *Christus* non *Petri* nomi-
 „ ne, sed *Syriaco Cephae* usus sit. Nam ut illud
 „ praeteream, quod apud doctiores quosque com-
 „ pertum est, *Christum Syro-Chaldaicum* sermo-
 „ nem, qui passim apud *Hebraeos* sui temporis
 „ obtinebat, usurpasse (quid enim eos morer,

qui *Christum* aut *latine* cum *Harduino*, aut *Hellenistice* cum nupero ceteroquin erudito Scriptore *Neapolitano* loquentem comminiscuntur?) heic impletum *Christi* promissum aperte videmus, *Simoni*, quum primum ad ipsum ab *Andrea* fratre adductus fuerat, aientis (Joh. I. 42.): *tu vocaberis CEPHAS*, quod interpretatur *Petrus*. Porro *Cephas* *Syriacae* *petram* significare tam est exploratum, ut in dubium vocari omnino nequeat. Locupletissimum testem appello *S. Hieronymum* in *Orientalibus* linguis diu multumque magna cum laude versatum, qui in *Caput II. epistolae ad Galatas*, quum *Hebraico-Syriacam* vocem *Cephas* Graece & Latine *petram* reddidisset, non quo aliud, inquit, significet *Petrus*, aliud *Cephas*; sed quod quam nos Latine & Graece *Petram* vocamus, hanc *Hebraei* & *Syri* propter linguae inter se viciniam *Cephama* nuncupent. Quamobrem *Christum* non *Graeco* aut *Latino Petri*, sed *Syriaco Petrae* vocabulo usum si dixerō, quid solidi contra *Schubertus* reponet? Illud profecto inficiari non poterit, *Orientalibus* quasque *Evangeliorum* versiones *Petram*, saxumque, non *Petrum* heic exhibere. A *Syris*, quorum interpretationem vel ipse *Tremellius* Apostolicis temporibus, proximam iudicat, hoc *Matthaei* comma ita redditur: *An ba Kipho, ve al Kepho: tu es Cepha, & super hanc Cepham, utique petram*. Similia sunt illa apud *Chaldaeos*: *Ant hu Kipha, ve al bada Kipha*. Ipsum *Evangelium Hebraicum*, quod veluti *avrographor S. Matthaei* textum *Sebastianus Munsterus* edidit, utroque loco *Kepha* prae-

praefert. *Tu es rupes*, & *super hanc rupem Armeni*, atque *Aethiopes* legunt; *Arabes* vero: *tu es ascara* (faxum) & *super hoc ascara* (faxum). *Sanac* utrobique, *Petra* scilicet est *Persis*; alia vero *Persica* interpretatio ex *Eduardi Pocockii* codice in sextum *Waltonianorum* Bibliorum volumen illata, quam editor *le Clerc* vetustioris *Syriaci* exempli versionem habet, *Christi* sententiam his verbis reddit: *Tu es petra meae Religionis, ac fundamentum meae Ecclesiae super te jaciatur*. Alia in hanc rem profert *Eminentiss. Peyronius* in magno illo opere, quod *Parisiis* 1620. prodiit inscriptum: *replique a la réponse du Roy de la grand Bretagne Lib.I.cap.56.p.545.seq.* Nec tanta tam variarum gentium in hoc interpretando textu consensio satis firmo argumento erit, a *Christo Simonem* non *Petri*, sed *Petrus* nomine designatum fuisse? Lepidus est *Schubertus*, qui tot antiquissimis versionibus unum *Graecum* textum opponat, eumque, quo ceteris omnibus praestantior habeatur, a *Deo inspiratum* appellet. Sed dum hujusce divini adflatus tabulas proferat, (quod difficillimum tamen illi futurum edico, quum *Matthaeum hebraico* scripsisse sermone perpetua antiquitatis opinio, & omnium veterum Scriptorum auctoritas doceat, atque adeo non *Graecus*, sed *hebraicus*, si aetatem tulisset, textus divino adflante numine perscriptus haberi deberet); dum, inquam, ille *Graecum Matthaei* textum instinctu Dei ac ratione prodiisse confirmet; id ceteri cum *Maldonato*, aliisque nobilissimis Catholicarum partium interpretibus

animadvertant, *petram Graece* & *πέτρος* masculino, & *πέτρα* feminino genere dici; quod & *Henricus Stephanus* in suo lexico adlatis veterum sententiis ostendit, & *Camero* ipse heterodoxus in suis ad hunc locum Commentariis consentit. Quod si *Schubertus* quaereret, cur ergo *Graecus Matthaei* interpretes illam nominum, & generis distinctionem adhibuerit, ratio in promptu erit; *Petrum* nempe, qui vir erat, non *Petram* feminino, sed *Petrum* masculino nomine vocari decuit; ubi vero secundo loco de aedificii fundamento agebatur, non *Petrum*, sed *petram* dixit, quamvis idem utrumque nomen significaret, quia in ejusmodi aedificiis nomen *petrae* femininum altero, quod & *Atticum* & rarum est, vulgarius usurpatur.

2. Triplex Ecclesiae fundamentum *Schubertus* distinguit. Primum *substantiale* vocat, hocque solum *Christum* esse contendit; in eam enim, inquit p. 199., *solum credere jubemur, & credere possumus*. Alterum *organicum* appellat, nempe *medium illud, quo fides in nobis producitur*. Et hoc est solum *verbum Dei*. Quatenus illud a Petro praedicatum est, dici quidem posset *fundamentum fidei & Ecclesiae*, sed non quoad personam, verum potius quoad doctrinam suam, quam & reliqui Apostoli praedicarunt, & adhuc hodie omnes ministri Ecclesiae praedicant. Tertium denique *dogmaticum* dicit, quod est *omnium dogmatum primum, veritas scilicet, quam fuerat Petrus confessus, Jesum esse Redemptorem nostrum, & unigenitum Dei filium*. Ergo, inquit *Schubertus* p. 200; & eam

& eam Christus respicit, eamque Petram vocat, cui suam Ecclesiam superstruere vellet. Quid igitur oportuit Christum praefari: Tu es Petrus? oportuit enimvero, si Schubertum audimus. Praeclaram utique confessionem beic Apostolus ediderat. Christus vero, qui illius inconstantiam, & temeritatem optime noverat, ejusque lapsum & abnegationem praevidebat; hac occasione eam monere volebat, ut in hac confessione, instar petrae, constans & immobilis permaneret. Quamobrem Christi verba in hunc modum eodem Schuberto interprete sunt exponenda. Appellaris Petrus, ut in confitendo similis sis veritati, quam nunc confessus est, & quam petram esse, tibi dico, cui inniti debeat mea Ecclesia. Ergo, (demum concludit Lutheranus Doctor) haec praefatiuncula, tu es Petrus, non est vox declarantis, neque promittentis, sed hortantis & commonefacientis. Pudet fere tam absurdas, ineptasque nugas exscribere. His tamen quis crederet? Haelmstadiensis Professor Romanam Cathedram disjicere se posse confidit. O miseros homines, qui a recto fidei tramite aberrarunt! quid restat, nisi ut & humanitatem ipsam vanissimis deliramentis dedecorent? Christus utique, atque adeo ejus fides fundamentum est; si enim, ut S. Augustinus ait de fide & operibus cap. 16., Christus est fundamentum, procul dubio & fides Christi. Verum Schubertus si sectariorum suorum more Religionem, atque Ecclesiam non confunderet, profecto intelligeret, quae de fundamento substantiali, atque dogmatico nobis obtrudit, ad Religionem spe-

speĉtare, non ad Eccleſiam, *Chriſtumque* ipſum alio plane ſenſu *Religionis*, alio *Eccleſiae* fundamentum dici oportere. Nimirum *Religio* vel credendorum norma eſt, quam quis argumentis illam inter omnes Religiones credibile ſumma evidentia ſuadentibus fere compulſus profitendam ſumit; vel ipſa animi adhaeſio, qua quis Dei colendi, aeternaeque ſalutis ſibi comparandae cauſſa eam normam tot momentis ut veram agnitam firmiſſime amplectitur, in eumque ſinem hominum coetui nomen dat ad hancce ſervandam normam certis quibuſdam & definitis regulis ſub legitimis Praeſidibus confociatorum. *Eccleſia* porro iſ ipſe credentium coetus eſt, unius & ejuſdem Chriſtianae fidei profeſſione, atque eorundem Sacramentorum communione ſub legitimorum Paſtorum ductu & imperio conjunctus. Quodnam ergo *Religionis* fundamentum eſt? quodnam *Eccleſiae*? *Chriſtus* fundamentum eſt *Religionis* (*ſubſtantiale* vocet *Schubertus*, vocet *dogmaticum*; utrumque per me licet) non quod *unicum fidei noſtrae obiectum ſit* (id enim imperite falſoque ab eo dicitur) ſed quod praecipuum ac princeps Religionis dogma, cui cetera demum omnia nituntur, immo uti apud *Johannem XVI. 3.* docemur, *haec eſt vita aeterna, ut cognoscant te, ſolum Deum verum, & quem miſiſti, Jeſum Chriſtum. Eccleſiae quoque fundamentum eſt Chriſtus*, non ut fidei obiectum (id enim ad *Religionis* fundamentum, quemadmodum nuper ajebam, omnino ſpectat), ſed ut auctoritate prorfus ſolida ac firma, atque adeo divina, qua certo niti oporteat omnes

nes fideles in iis rebus, quae ad fidem, cultum, & mores, atque adeo ad Ecclesiae aedificationem pertinent, Ecclesiam suam sustentans ad consummationem Sanctorum, ut evadamus omnes in virum perfectum (Eph. IV.) Verum hanc ipsam fundamenti rationem placuit Christo cum Petro communicare. Id eleganter explicat Asterius Amaseae Episcopus Orat. in Petr. & Paul. his verbis: „ Sane vero *Isaias* „ vaticinio ait, posuisse Patrem filium *lapidem angularem*, nimirum significans mundi „ totam concretionem illo fundamento, ac basi „ nixam esse. Quin & rursus Unigenitus, uti „ sacris Evangelii libris conscriptum est, *Petrum* Ecclesiae fundamentum dicit: *Tu es* „ *Petrus*, & *super hanc Petram aedificabo* &c. „ Primus revera hic, ceu grandis quidem, „ ac durus lapis in mundi hujus cava demissus „ est, sive in convallem plorationis, quemadmodum *David* ait, ut Christianos omnes „ supraedificatos portans in sublime, nempe ad spei nostrae domicilium, subvehat. „ Fundamentum aliud nemo potest ponere, „ praeter hoc, quod positum est, quod est *Christus Jesus*. Sed & simili quoque Salvator noster appellatione primum suum discipulum „ honestandum duxit nominans *fidei Petram*. „ Per *Petrum* ergo, verum, ac fidelem pietatis doctorem effectum, Ecclesiarum stabilis inflexaque firmitas consistit „. Fuerunt equidem post exortam *Arrianum* haeresim non pauci Patres, qui *Petri* fidem *petrae*, super quam aedificanda erat a Christo Ecclesia, nomine

mine designatam velint. Sed nemo tam vaecors haecenus inventus est, qui sub hujus *fidei* vocabulo veritatem ipsam a *Petro* singulari firmitate prolatam latere intellexerit. Quis enim quaeso sensus esset horum verborum? *Beatus es Simon Bariona, quia caro & sanguis non revelavit tibi, sed Pater meus, qui in coelis est. Et ego dico tibi, quia tu es Petrus, & super hanc veritatem, quod sum Filius Dei tanquam petram aedificabo Ecclesiam meam. Petri nomen quid huc intruditur? quid illa quasi ex antecedentibus collectio: & ego dico tibi, quia tu es Petrus? quid pronomen super HANC Petram, quum nil proxime nisi Petri nomen praecesserit, veritas autem illa ab universa orationis serie maxime distet? Vide & consequentia, quam belle cum veritate PETRA cobaereant: & tibi dabo claves Regni Coelorum. Quidquamne hac oratione magis disiunctum ac dissolutum? Fidem igitur Petri qui Petram dixerunt, non ipsum, quod Petri fides detexit, ac patefecit, objectum, Christi, inquam, divinitatem intellexerunt; sed confessionem, quam Petrus de Christi edidit divinitate. Ita S. Hilarius (Lib. VI. de Trinitate): Super hanc igitur CONFESSIOIS petram Ecclesiae aedificatio est. Sanctus quoque Cyrillus Alexandrinus (Lib. IV. in Esaiam Orat. II.) ait: „Tu es Petrus, & super hanc petram aedificabo Ecclesiam meam,,; petram opinor vocatis immotam FIDEM DISCIPLINAM. Sed nihil his S. Leonis verbis disertius (Serm. III. in anniv. adsumpt. suae ad Pontific.) „Quia tu es Petrus; id est, quum ego sum
invio-*

„ inviolabilis petra ; ego lapis angularis , qui
 „ facio utraque unum ; ego fundamentum , prae-
 „ ter quod nemo potest aliud ponere : tamen
 „ tu quoque petra es , quia mea virtute soli-
 „ daris , ut quae mihi potestate sunt propria
 „ sint tibi mecum participatione communia .
 „ *Et super hanc petram aedificabo Ecclesiam*
 „ *meam* &c. super hanc , inquit , fortitudinem
 „ aeternum extruam templum , & Ecclesiae
 „ meae coelo inferenda sublimitas in hujus fi-
 „ dei firmitate consurget . Hanc CONFESSIO-
 „ NEM portae inferi non tenebunt , mortis
 „ vincula non ligabunt , . Alios in hanc rem
 Patres vide apud *Ballerinium* (*de vi ac ratio-
 ne Primatus p. 57. seqq.*) Ceterum ut recte ani-
 madvertit doctissimus *Valentia in Analyfi fidei*
 (*p. VII. pag. 234. Ingolstađ. edit. an. 1585.*)
 „ quod ad rem ipsam adinet , nihil interest ,
 „ utrum supra *Petrum* , fidem certo ac singula-
 „ riter consistentem , atque docentem , vel su-
 „ pra certam & singularem *Petri* confessionem ,
 „ Ecclesiam fundatam esse dicas . Eodem enim
 „ res redit . Nam neque nos , quum ex sen-
 „ tentia Patrum supra *Petrum* fundatam Ec-
 „ clesiam esse adfirmamus , personam *Petri* co-
 „ gitamus nudam , sed explicantem certam de
 „ Filio Dei fidem ; neque etiam illo loco vel
 „ nuda fidei confessio per se ipsa , vel alterius
 „ hominis , praeterquam *Petri* , potest intelligi .
 „ Dicit enim Christus : *super hanc petram* , id
 „ est , super te , *Petre* , consistentem , atque
 „ adeo super confessionem fidei tuam certam
 „ & immobilem . Itaque utrumque videmus a
 vete-

„ veteribus explicatum esse, & supra *Petrum*,
 „ & supra *Petri confessionem* Ecclesiam esse fun-
 „ datam. Quoniam nihil re ipsa inter utrum-
 „ que interest, ut dictum est. *Princeps*, in-
 „ quit Chrysostomus (Hom. XXVII. ex variis
 „ locis Matth.) *Apostolorum* Petrus, *super quem*
 „ *Christus* fundavit Ecclesiam, *vere immobilis*
 „ *petra*, & *firma confessio*. Ac rursus alio in
 „ loco, posteaquam supra fidem *Petri* Ecclesiam
 „ aedificatam esse dicit; ut magis explicet, hoc
 „ tantumdem esse, ac supra *Petrum* certo de fide
 „ pronunciantem aedificari, haec verba subjun-
 „ git (Hom. LV. in Matth.): *Id Christus agit,*
 „ *ut homo piscator quavis petra firmior reddatur,*
 „ *universo terrarum orbe reluctante*. Confer etiam
 Cl. Orsium (de irreform. Rom. Pontif. iudicio T.
 II. Lib. IV. cap. 2. artic. 1. §. VI.) Illud nunc non
 praetereundum, quod nuper ex *Schuberto* in-
 telleximus, nihil heic *Petro* fuisse a Christo
 promissum, sed de futuro lapsu *Petrum* gravi-
 ter admonitum, quasi vero *Petrus* dum Chri-
 stum negavit, veritatem, quam antea profes-
 sus fuerat, Christi scilicet divinitatem ejurasset,
 ut a Christo monendus foret, *ut in hac confes-*
 „ *sione instar petrae constans & immobilis perma-*
 „ *neret*. Sed delirantem hominem dimittamus.
 Patribus potius adsentiamur, *Christum* illis ver-
 bis, & *super hanc petram* &c. praemium *Pe-*
 „ *tri*, quam laudaverat, confessioni promississe
 agnoscantibus. Paucos adfero. *Cyrillus*, quem
 nuper appellavi (Lib. IV. Dialog. de Trinit.)
 tam verae, inquit, sententiae remunerationem
 Petrus reportavit. Elegantius in Matth. XVI.
 Hila-

Hilarius ait: & dignum planè confessio Petri praemium consequuta est, quia Dei filium in homine vidisset ... o in nuncupatione novi nominis Ecclesiae fundamentum, dignaque aedificatione illius petra &c. ! Paucis *Hieronymus* (Lib. III. Comm. in Matth.) Mercedem recepit vera confessio. Addatur his *Theophylactus* in hunc ipsum *Matthaei* locum: Remunerat Petrum Dominus, mercedem illi dans magnam, quod supra eum aedificavit Ecclesiam. Valeat ergo cum suis fundamentis substantiali, organico, & dogmatico *Haelmsladiensis* Professor; nobis non licet esse tam aut insanis aut improbis, ut & a luculentissimis Patrum sententiis dissideamus, & ipsa Christi Domini verba nefario ausu corrumpamus.

3. „ Si *Petrus*, inquit *Schubertus pag.*
 „ 201., esset illa petra, Ecclesiam sustentatu-
 „ ra, ea quoque in *Petro* fundata & aedificata
 „ fuisset, ipso *Christo* adhuc vivente, & in
 „ terris ambulante. Nam ipsius Ecclesia jam
 „ tum erat plantata & fundata, & verba,
 „ aedificabo Ecclesiam, non significant, quid
 „ Christus facere incepturus, sed quid facere
 „ continuaturus esset. Quum vero *Christus* in-
 „ ter homines adhuc versaretur, quis diceret;
 „ tunc non *Christum*, sed *Petrum* Ecclesiae ca-
 „ put & fundamentum fuisse, ? Quid est nu-
 „ gas agere, nisi hoc est? Et tunc erat, & nunc
 „ est *Christus* Ecclesiae suae fundamentum; sed
 „ tunc adspectabile, nunc invisum: quia porro
 „ ad sustentandam secundum praestitutas ab eo
 „ leges Ecclesiam visibile aliquod fundamentum

necessarium erat, *Petrum* ejusque successores
 ad id in sui locum suffecit. Hinc verbo *aedi-*
ficabo usus est, & quod heic *Petro* promiserat,
 reapse solum post resurrectionem contulit, ut
 de Ecclesia, quae post suum in coelos adscen-
 sum cogenda erat, se loqui significaret, non
 de ea, quae se vivo coaluerat. Ridet haec *Schu-*
bertus, ridendus ipse, ac *Bellarmino*, qui eo-
 dem usus fuerat argumento, insultans, *an non*,
 inquit p. 202., *utraque eadem est Ecclesia? an*
non utriusque eadem fides? Unde igitur diver-
sus fundamentum? Perpende, quid dicas. Prio-
ris Ecclesiae fundamentum fuit Christus; poste-
rioris vero fuit Petrus. Ergo nostrum funda-
mentum non est Christus. Miseret me istiusmo-
 di cavillatoris, qui tantis delectatur ineptiis.
 Eadem est utraque Ecclesia, eadem utriusque
 fides; idem utriusque fundamentum *Christus*;
 sed primae illius Ecclesiae, quae ex B. Virgine,
Simeone, Johanne Baptista, Apostolis, aliisque
 discipulis constabat, *Christus* inter mortales vi-
 sibilis degens; nostrae idem *Christus*, non ta-
 men solus, sed in consortium individuae unita-
 tis, quemadmodum ad Episcopos Provinciae
Viennensis scribebat Magnus *Leo* Epist. X. ad-
 sumpto *Petro*, ut quoniam a militante Ecclesia
 erat ipse secundum visibilem praesentiam deinceps
 abfuturus, non deesset, qui illam in ho-
 minum conspectu Vicaria cura ac potestate re-
 geret ac sustentaret. Siquid heic absoni *Schu-*
bertus videre sibi videtur, meminerit se absque
 piaculo dubitare non posse, quin Ecclesia supe-
 raedificata sit super fundamentum Apostolorum
 & Pro-

& *Prophetarum*, id diferte docente *Paullo* (*Eph.* 11.20.); neque tamen quisquam nisi emotæ mentis fuerit, hinc colliget, *noſtrum fundamentum non eſſe Chriſtum*.

4. „ Apoſtoli, qui aderant huic promiſſioni Chriſti, non putabant, *Petrum* hoc ipſo conſtitutum eſſe caput & fundamentum Eccleſiæ. Nam paullo poſt inter ſe quaerebant, quiſnam futurus eſſet maximus in Regno Coelorum? *Luc. XXII.24.* Num hac de re diſputatio ventilari potuiſſet, ſi *Chriſtus Petrum*, præſentibus Apoſtoliſ, caput Eccleſiæ conſtituiſſet? Aut num *Chriſtus* ad hanc quaestionem reſpondere potuiſſet, in ſuo Regno nullum eſſe principem, qui imperaret? Nonne potius Apoſtoli ad *Petrum* rejeciſſet? Nonne dixiſſet, ipſos non ignorare, *Petrum* pro *petra* declaratum eſſe, & hinc ab eo regendam eſſe univerſam Eccleſiam,? Negat ergo *Schubertus* huic inter Apoſtoli� contentioni locum futurum fuiſſe, ſi *Petrum a Chriſto* Caput Eccleſiæ conſtitutum noviſſent. Aliter ab ipſo *Origenes* ſenſit, ac licet id Apoſtoli� plane perſpectum non fuiſſe concedat (quod quis miretur, quum ne ipſam quidem Domini Reſurrectionem etſi centies a Chriſto ſibi inculcatam *Joh. XX. 9.* omnino compertam habuerint?) aliquam tamen de hoc ipſiſ ſuſpicionem obortam, hac imino de cauſſa contentiorem inter illos enatam agnovit. Quum ergo, inquit in *Matth. T.XIII. maximo a Jeſu Petrum bonore adſectum exiſtimarent, qui majorem eum ceteriſ ſuiſ diſcipuliſ judicaſſet, id quod ſuſpi-*

cabantur, Jesum interrogando... exploratum habere voluisse mihi videntur; simul etiam sperabant futurum, ut causam cognoscere; cur ceteris discipulis Petrus antelatus fuisset. Quod vero Schubertus petit, num Christus ad hanc quaestionem respondere potuisset, in suo regno; nullum esse principem, qui imperaret? sumit, quod aperte falsum esse adversus Calvinum, Bellarminum, & Valentia ostenderunt, Christum scilicet respondisse, in suo Regno nullum esse principem, qui imperaret. Primum enim, inquit Bellarminus (de Rom. Pont. Lib. I. cap. 9.), non ait Dominus, vos non praesidebitis ullo modo, sed non sic, ut Reges gentium. Quod autem dicit; tu non sic praeeris ut ille, id significat, praeeris quidem, sed aliter quam ille. Deinde nonne clare hoc loco subiungitur: qui inter vos major est, fiat sicut minor, & praecessor, Graecae ἡγούμενος, idest dux & princeps, fiat sicut ministrator? unus igitur erat a Domino dux designatus. Haec Schubertus refellere ante debuerat, quam Calvinianam crambem recoqueret.

5. *Schubertus p. 207. Bellarmino illudit, qui non Petrum solum, sed reliquos omnes Apostolos dici fundamenta ratione gubernationis adfirmavit. „ Equidem, inquit, & regimen „ Ecclesiae est necessarium. Sed primo dici „ nequit illius fundamentum. Non enim prius „ regi potest Ecclesia, quam existit. Existere „ autem non potest, nisi prius jactum sit illius „ fundamentum. Nam fundamentum semper „ prius est ipso aedificio. Quare si analogiam*

ADNOTATIONES. 213

,, giam sequamur, quemadmodum heic oportet, ita nobis ratiocinandum est: Fundamentum prius existit Ecclesia ipsa, quae illi superstruitur. Regimen vero posterius est existentia Ecclesiae. Ergo hoc regimen non potest esse illius fundamentum, : Acute sane. Verum *Bellarminus* dixerat tribus modis Apostolos omnes fuisse Ecclesiae fundamenta, uno modo, quia ipsi primi Ecclesias ubique fundarunt, altero modo ratione doctrinae a Deo revelatae, tertio modo ratione gubernationis. Tres hi modi disjungendi non sunt: porro si non disjungantur, quum primus Ecclesias non existentes, deinde ab Apostolis fundatas exhibeat, regimen (quod ad tertium modum spectat) Ecclesias jam existentes sumit, easque Apostolorum fundamento superexstructas, quum illas Apostoli fundarint. Quod igitur regimen posterius sit existentia Ecclesiae, *Bellarminum* non ferit, qui non in uno Ecclesiae regimine, sed cum in ejus fundatione, tum in regimine illius fundamentum collocat. Duo nempe ea sunt, quibus fundamenti ratio potissimum continetur: primum quod illi aedificium superexstruatur; alterum quod superpositam molem sustentet, ne corruat. Ad illud Ecclesiae fundatio; ad hoc pertinet regimen. Nam Ecclesiae aedificium ejus generis est, quod nisi *Petri* rectione fortasse condi, certe firmari non possit. Quid enim aliud est Ecclesiam aut aedificari, aut aedificatam constabiliri, quam fide, cultu, & moribus aptari divino beneficio, atque perfici fideles, ut postquam gratia expoliti; ac tum inter

fese, tum cum Christo quam maxime conjuncti fuerint, ex illis quasi construatur dignum Deo habitaculum, secundum gratiam quidem in hac vita, secundum vero aeternam beatitudinem in altera? Id autem quæ absque suprema alicujus gubernatione obtineri queat, ne intelligi quidem potest. Sed de *Schuberto* satis hoc loco.

23

(23) Vulgata habet eodem sensu : *non praevalerunt adversus eam. Christus* his verbis Ecclesiae suae ἀσφαλὺς donum, numquam defecturam stabilitatem, plenamque de infernis potestatibus victoriam pollicetur. Quia tamen exstiturae erant haereticæ, atque schismaticæ Societates, quæ veræ Ecclesiae nomen sibi falso vindicarent, harum ab ea secernendarum notam a *Christo* docemur; ea autem est, Ecclesiam falli nesciam, perpetuo duraturam, atque infernarum potestatum victricem super *Petrum* fundatum iri : & *super banc petram ædificabo Ecclesiam meam*. Inferorum potestates *Orientalium* stylo *portae* vocantur, quod ad portas consilia haberi, ac milites urbium custodiae destinatos collocari in more erat. Quæ porro sūt hæ potestates, explicat *S. Hieronymus* in h. l. *Ego*, inquit, *portas inferi* reor *vitia atque peccata* : vel certe *haereticorum doctrinas*, per quas *illeciti homines* ducuntur ad *Tartarum*. Quia vero *Graecum* nomen, quod *inferi* ab interpretibus redditum est, mortem quoque significat, *S. Hieronymus* (ibid.) sibi aut occupandum aut oppugnandum censuit eorum errorem, qui Apostolos morti nequaquam obnoxios fuisse confingerent; quasi *Christus* Ec-

cle-

clēsiae suae victoriam pollicitus ejus rectoribus immortalitatem promississet. *Nemo itaque putet de morte dici, quod Apostoli conditioni mortis subiecti non fuerint, quorum Martyria videat coronare.* Apostolorum ac fere innumerabilium, quos ii habuere, successorum gloriosa mors adeo Christi promissionem non infirmat, ut ejus vim majori in luce collocarit, Ecclesiaeque victoriam illustriorem reddiderit. M.

(24) *Beza Calvini* discipulus ita hunc locum commentatur: *Non igitur tam dedit, sed tantum promisit. Dedit autem postea, non uni Petro, sed singulis Apostolis in solidum.* Joh. XX. 22. *ut recte Cyprianus explicat. Quibus verbis haeresiarcha summi Pontificis primatum conatur evertere. Plura ei reponimus. Ac primum quum Christi promissa falli nequeant, hoc certe effectu non caruit. Petrus igitur, atque in eo illius successores Regni Coelorum claves procul dubio addeperere cum potestatis & jurisdictionis heic denotatae amplitudine. Secundo nulli Apostolorum Christus promissionem tam amplam fecit: omnibus simul loquutus est Matth. XVIII. quum diceret: quaecumque alligaveritis super terram, erunt ligata & in coelo: & quaecumque solveritis super terram, erunt soluta & in coelo; itemque quum Joh. XX. 23. ait: quorum remiseritis peccata, remittuntur eis, & quorum retinueritis, retenta sunt. Enimvero ut in sermone ad Gallicanum a. 1682, conventum habito animadvertit illustrissimus Meldensium Antistes Bossuetius: „ potestas cum „ pluribus communicata ex ipsa sui divisione*

„ quodammodo circumscribitur ; contra pote-
 „ stas & in omnes , & sine ulla exceptione
 „ uni delata plenitudinem importat , quumque
 „ alius nemo sit , cui tribui debeat , nullis de-
 „ finitur limitibus , quam quos ipsa rei natura
 „ postulat „ . Tertio his verbis : & tibi dabo
 &c. *Petro Christus* Apostolicae potestatis pleni-
 tudinem promittit , neque hoc postea promis-
 sum verbis ad Apostolos habitis , ac Missione
 illis collata circumscripsit. „ *Christi* igitur , in-
 quit is , quem nuper laudavi , doctissimus
 „ Praeful , consilium fuit primum in unum
 „ conferre , quod erat deinde cum pluribus
 „ communicaturus ; sed quae sequuntur , coe-
 „ ptibus non officiunt , nec primus sua sede
 „ deijcitur . Primum hoc verbum : & tibi da-
 „ bo uni dictum jam ejus potestati omnes sub-
 „ jecit , quibus postea dicetur : *quodcumque re-*
 „ *miseritis* ; promissa enim *Christi* non secus
 „ atque ejus dona inconstantiae obnoxia non
 „ sunt , quodque semel datum est infinite atque
 „ universe , perstat irrevocabile „ . Tandem
Cyprianus , quem pro se haereticus appellat ,
 praeter promissum uni *Petro* factum , Missionem
 uni illi datam agnovit , ut *Petrus* & promisso ,
 & Missione ceteris omnibus Apostolis fuerit an-
 telatus . En S. Doctoris hoc ipso loco , quem
Beza objicit , verba : *Et iterum eidem post re-*
surrectionem suam dicit : *Pasce oves meas . Su-*
per illum unum aedificat Ecclesiam suam , & il-
li pascendas mandat oves suas . Viden ? ut una
Cyprianus sententiâ *Petri* primatum a *Christi*
 cum promissis , tum Missione repetat . En Ergo
 damna-

damnatio *Bezae*, qui *Cyprianum* hac in re appellaverat: ut recte *Cyprianus* explicat. M. Quoniam *Schubertus*, immo (heu! pudor) etiam *Febronius Bezae* somnia refricare non verentur, clavesque non uni *Petro*, sed Apostolis omnibus datas fuisse contendunt, paullulum heic immorabor. „ Non nego, ut cum *Mal-*
 „ *donato* loquar in Matth. cap. XVI. ceteros
 „ Apostolos suas etiam claves, idest ligandi
 „ solvendique potestatem habuisse, quemadmo-
 „ dum omnes veteres Auctores docent, dicen-
 „ tes claves omnibus datas fuisse; sed nego
 „ has, de quibus heic agitur, claves habuisse
 „ se, & nego eas, quas habuerunt, quasque
 „ omnes semper Catholici vere quidem, sed alio
 „ tamen sensu claves appellarunt, in sacris
 „ usquam litteris claves vocari. Firmissimum
 „ etiam est argumentum, quod quum Christus
 „ aliis Apostolis infra Cap. XVIII. 18. & Joh.
 „ XX. 23. ligandi, solvendique potestatem de-
 „ dit, nullam de clavibus mentionem fecit.
 „ Solus ergo *Petrus* eas claves habuit, quibus
 „ ita aperiiebatur, ut nemo clauderet; ita clau-
 „ debatur, ut nemo aperiret; sicut in domo
 „ etiamsi aut omnes, aut multi suas habeant
 „ claves, solus tamen Dominus & domi om-
 „ nes; & secretas habet, quibus quum vult,
 „ ita claudit, ut nemo aperire; ita aperit,
 „ ut nemo possit claudere. Notavit hoc ipsum
 „ *Origenes* tractat. in Matth. I. Sed veram soli-
 „ damque sententiam nimis subtiliter proban-
 „ do perdidit. Ait enim plus *Petro*, quam
 „ ceteris Apostolis concessum fuisse. Hoc bene.

Prö-

„ Probat , quia ceteris Apostolis dictum est ;
 „ *quaecumque solveritis super terram , erunt*
 „ *soluta & in coelo , Petro vero quodcumque*
 „ *solveris super terram , erit solutum & in*
 „ *coelis* , quasi *Petrus* in omnibus coelis , alii
 „ Apostoli in uno solvendi potestatem adcepe-
 „ rint . Hoc nimis subtiliter „ . Sed quod *Ori-*
genes nimia subtilitate corruptit , alii Patres so-
 lidius tradiderunt . Illustris est *Optati* locus
 Lib.VII. *Tamen bono unitatis Beatus Petrus ,*
cui satis erat , si , post quod negavit , solum
veniam consequeretur , & praeferri Apostolis
omnibus meruit , & claves Regni Coelorum
communicandas ceteris SOLVS adcepit . Nec
 praetereundus *Alexandrinus* Patriarcha *Eulogius*
 apud *Photium* Bibl.Cod.280. *Nec Johanni , nec*
alii cuiquam discipulo dixit Salvator : Tibi da-
bo claves Regni Coelorum . . . Sed SOLI Petro .
 Hinc *S. Leo M. ad Viennensis* Provinciae Episco-
 pos scribens Ep.X. ait : *Cui (idest Petro) quum*
PRAE ceteris solvendi & ligandi tradita sit
potestas , pascendarum tamen ovium cura spe-
cialius mandata est . Idem tradit *Rhabanus*
Maurus in Cap. XVI. *Matth. Lib.V. caussamque*
praeterea , cur ita factum sit , nobis aperit . Sed
ideo , inquit , Beatus Petrus , qui Christum bona
fide confessus , vero est amore sequutus , SPE-
CIALITER claves Regni Coelorum & principa-
tum judicariae potestatis adcepit , ut omnes per
orbem credentes intelligant , quod quicumque
ab unitate fidei , vel societatis illius quolibet
modo semetipsos segregant , tales nec peccatorum
vinculis absolvi , nec januaam possint Regni coe-
lestis ingredi . Cla-

(25) Claves regiminis in Ecclesia potestatem designant. Apoc. III. 7. eadem phrasim occurrit ad supremam significandam auctoritatem, qua *David* primum figurate, Christus deinde ornatus est. *Et Angelo Philadelphiae Ecclesiae scribe: Haec dicit Sanctus & verus qui habet clavem David: qui aperit, & nemo claudit: claudit, & nemo aperit. Quae quidem verba promissis, de quibus agimus, non adversantur. Quum enim summus Pontifex clavibus utitur a Christo adceptis, ipsemet Christus illius, qui visibile Ecclesiae caput constitutus est, ministerio aperit, aut claudit. M.*

Alia in Scripturis praesto sunt loca, quae clavibus principatum denotari ostendant. Sic apud *Isaiam* Cap. XXII. 22. *& dabo clavem domus David super humerum ejus, & aperiet, & non erit qui claudat, & claudet, & non erit qui aperiat, idest supremam illi in Regno David potestatem dabo.* „ Super humerum autem „ dixit, quum claves non super humerum, „ sed in zona gestari soleant, duas, ut saepe „ in Scriptura fieri solet, confundens metaphoras idem significantes; alteram clavium, alteram sceptri, quarum utraque summum declarat imperium: quia ergo sceptrum super humerum gestari solet, dixit se claves domus *David* super humerum ejus positurum: „ sicut apud eundem *Isaiam* Cap. IX. 6. *cujus principatus super humerum ejus.* Eodem sensu dicitur Christus Apoc. I. 18. habere claves „ mortis & inferni, idest Dominus esse vitae „ & mortis „. Haec ex *Maldonato* prompta

a me

a me sunt ; ideo autem addita ut *Schubertus* refellatur , qui §. 83. clavibus jurisdictionem significari inficiatur . Sed nempe ille claves *Petro* promissas nihil aliud esse , quam remittendorum , retinendorumque criminum auctoritatem falso sumit , locum *Matthaei* XVI. cum altero *Matthaei* loco XVIII. perperam confundens , ac praeterea nihil jurisdictionis huic facultati inesse deblaterat , eam ad id unum cum *Calvino* redigens , ut quis doceat , & ex verbo Dei demonstret , quisnam habeat peccatorum remissionem , & gratiae Dei certus esse possit . Verum stultissimum hoc *Calvini* decretum Theologi nostri disertius confutarunt , quam ut refelli heic a nobis debeat .

26

(26) Adcipe celeberrimi *Meldensis* Episcopi *Bossueti* in sermone , quem in *Gallicani* Cleri conventu a. MDCLXXXII. habuit , commentarium : „ Tu , cui fidei praedicatio singula-
 „ ri quodam privilegio credita est , claves quo-
 „ que habebis , quae gubernationis auctorita-
 „ tem designant . . . Omnia hisce clavibus su-
 „ bjiciuntur : omnia , fratres mei , Reges &
 „ populi , Pastores , & greges : laetanti id ani-
 „ mo edicimus , unitatem enim amamus , no-
 „ stramque obedientiam nobis gloriae ducimus , „
 Venerabilis *Beda* apud *S. Thomam* in *catena* aurea duas hasce claves , quae unum idemque ministerium , unam eandemque gubernationis potestatem significant , ita explicat : *Tibi dabo claves Regni Coelorum , idest , discernendi scientiam , potentiamque , qua dignos debeas in regnum recipere , & indignos ab eo excludere .*
 S. Jo-

S. *Johannes Chrysostomus* Hom. LV. aliam horum verborum interpretationem indicat, harum nempe clavium altera remittendorum peccatorum, quo coeli aperiuntur, altera retinendorum, quo coeli claudantur, potestatem designari. Quae quidem interpretatio ad litteralem sensum propius adcedere videtur, iisque Apocalypsis verbis III. 7. confirmari potest: *qui aperit, & nemo claudit: claudit, & nemo aperit*. M.

(27) Haec potestas, inquit citato sermone *Bossuetius*, & in omnes & sine ulla exceptione uni delata plenitudinem infert. Uni porro delatam orationis series ostendit. „ Nam „ (*pergit Bossuetius*) unus heic uni loquitur, „ *Jesus Christus Dei Filius Simoni Jonae filio*, „ *Jesus Christus*, qui vera est petra, ac sua „ virtute firmus, *Simoni* qui nonnisi vi sibi a „ Christo collata petra est. In omnes quoque „ & sine ulla exceptione confertur. Haec enim „ vox *quodcumque* per se se infinita est, nec ul- „ lum illi modum statuit Christus „. Ad hanc infirmendam promissionem objici solet S. *Augustinus*, qui Serm. CXLIX. de verb. Apost. X. num 7. ait: *quod illi uni datum est, Ecclesiae datum est*. Observo autem primo, S. Doctorem fateri, claves ea promissione: *tibi dabo claves Regni Coelorum* uni tantummodo *Petro*, non ceteris Apostolis datas fuisse: *quod illi unum datum est*. Secundo animadverto, aliquid conflictus in eo *Augustini* effato se se primo adspectu offerri; si enim claves uni *Petro* datae sunt, quei datae *Ecclesiae* dicuntur; si *Ecclesiae*, quei

quei uni *Petro*? illi *uni*. Verum tota haec dictorum repugnantia evanescit, ut primum *Petrus* Ecclesiae caput agnoscitur, quemadmodum ab *Augustino* agnoscebatur, qui de *Romana* Ecclesia ait Ep. XLIII. al. 162. *in qua semper Apostolicae Cathedrae viguit principatus*. Quod enim in totius corporis beneficium capiti datur, toti datum corpori censetur. Tertio adnotandum, duas Christi promissiones heic ab *Augustino* in unam cogi, illam scilicet, quae *Matth. XVI.* uni *Petro* tamquam Ecclesiae capiti facta est cum Apostolicae potestatis plenitudine, eamque, quae *Matth. XVIII.* omnibus simul Apostolis facta est, sanctumque Doctorem, dum primam explicare adgreditur, alteram ante occupare. *An non*, inquit, *sunt ipsae in Ecclesia claves, ubi peccata quotidie dimittuntur?* Et illud animadverto eodem loco a *S. Augustino* *Petrum* dici Ecclesiam repraesentasse; quod sane ad *Romanae* Sedis praesentiam, seu (quod ait idem *Augustinus*) principatum designandum sufficeret: *Personam Petrus gestabat Ecclesiae* (Ep. XLIII. & eod. *Serm. CXLIX.*) Quei enim Ecclesiam repraesentabat, nisi tamquam illius caput? quum inauditum plane sit, totum corpus ab inferiore aliquo membro, nisi ad id speciatim deputatum fuerit, repraesentari. Non haec ex arbitrio fingimus; sed ex ipso *Augustino* adcepimus, qui (in *Joh. Evang. Tract. CXXIV. n. 5.*) ait: *Cujus Ecclesiae Petrus Apostolus propter Apostolatus sui primatum gerebat figurata generalitate personam.* M. De *Augustini* mente plura invenies apud cl. de *Simeoni* de *Rom.*
Pon-

Pontif. judiciar. potest. T.I.Cap. II. §.4. & Auctorem Antifebronii T.I.Diff.I.cap.4. §.3.

28

(28) Hisce verbis singularis capitis Apostolorum Missio continetur; praestantur quoque, quae de clavibus dandis, atque Apostolicae potestatis plenitudine fuerant uni illi promissa. „ *Petrus*, inquit celebris *Meldensis* Episcopus „ in sermone antea indicato, jubetur primo *plus* „ *ceteris Apostolis amare; pascere* deinde, ac „ regere omnia, & agnos & oves, filios, & „ matres, ipsos quoque Pastores: Pastores cum „ populis, oves cum *Petro* in eo Christum Jesum venerantur, satentes etiam, majorem „ ab eo amorem jure postulari, quoniam majori & honoris, & dignitatis gradu donatur; „ primum vero ex nobis sub tanti Magistri disciplina constitutis ceterorum omnium servum „ esse caritatis officio debere „. M. Et heic cum *Schuberto* mihi res erit, eoque confutato *Febronii* quoque incredibilis in hoc *Johannis* loco interpretando perversitas retundetur. Tria ut a nobis ostendantur, *Schubertus* petit: primum est, soli *Petro* pascendi curam heic deferri; secundum, hoc pascendi officium auctoritatis esse munus, ac principatus; tertium, universam Ecclesiam in ovibus pascendam *Petro* committi. Jure haec postulat. Verum nonne haec tria a nostris Theologis demonstrata centies fuerunt? Inter hos si *Italicam* callet linguam, adeat *Antifebronium Caesenatis* editionis *Tom.I. Diff.I.cap.5.*; sibi abunde satisfactum intelliget. Interea quae ipse in singula illa capita animadvertit, paucis dispungam. Ad primum quod adi-

adinet, *nos tibi*, inquit p. 215. *opponimus, idem pascere alibi & aliis doctoribus demandari, ideoque Petro per haec verba nihil praecipui traditum esse*. Ego vero, *Schuberte*, ex te quaero, ubinam alii doctores a Christo pascere oves suas universas jussi sint? (Sumere enim licet, quod paullo post efficiam, ovium nomine haec Ecclesiam designari). Invenies Episcopos, Presbyteros quoque pascere jussos, sed gregem suum: *Pascite, qui IN VOBIS est, gregem* (1. Petr. V.), non universam plane Ecclesiam; Apostoli ipsi pastores fuere, sed inter oves Christi *Petro* commissas numerandi. Quid ergo pastores objicis? Nisi alios a *Petro* constitutos omnium ovium, atque adeo Apostolorum Pastores designaris, nihil eviceris. Quod enim alii Pastores & haberi debeant, & sint, soli *Petro* universalis Pastoris munus non fuisse hoc loco delatum, numquam efficiet. Soli tamen *Petro* pascendi officium tunc impositum fuisse vel ipsa Evangelici textus series palam facit. Quid enim? Ne ulla haec *Petri* potestas ambiguitate eluderetur, aut perverse in alium derivaretur, poteratne Christus diligentius praecavere? Non modo *Simonem* proprio nomine appellat, sed & patris mentionem injicit, quemadmodum *Matth. XVI.* quum se super eum Ecclesiam aedificaturam pollicitus fuerat: *Simon Johannis*. Ter ex illo sciscitatur, an ipsum diligeret, immo an *plus* ceteris Apostolis; respondenti *Petro*, suumque amorem testanti bis injungit, ut in tanti amoris argumentum pascat agnos illius, ac tertio tandem *Pasce*, inquit, *oves meas*;

meas; tum addit: *Amen amen dico tibi, quum esses junior, cingebas te &c.* Haec omnia sermonem cum uno *Petro immediate & directe* habitum palam faciunt; praesertim quum Christus, si ad Apostolos pascendi curam *immediate & directe* referri voluisset, nullo negotio potuisset, plurali verbo uti: *pascite*. Quid? quod ea interrogatio, *diligis me plus his?* satis ipsa per se se prodit, aliquid praemii ceteris nequaquam communis voluisse Christum vehementiori *Petri* amoris rependere. Consentiunt Patres. Audiamus *S. Hilarium* (Lib. VI. de Trinit. num. 37.) *Per id quoque a Domino post tertiam tentationis purgationem infirmitatum, pascere oves meas, ter meritis audire, qui cunctorum Apostolorum silentio Dei filium revelatione patris intelligens, ultra humanae infirmitatis modum supereminentem gloriam, beatæ fidelis suae confessione promeruit.* In eadem sententiam *S. Ambrosius* loquitur in Luc. lib. X. *Non est dubium credidisse Petrum, & credidisse, quia dilexit; dilexisse, quia & credidit. Unde & contristatur, quia & tertio interrogatur: amas me? Is enim interrogatur, de quo dubitatur. Sed dominus non dubitat; qui interrogat, non ut disceret, sed ut doceret, quem elevandus in coelum amoris sui veluti vicarium relinquebat....* Ideo quia solus proficitur ex omnibus, OMNIBVS ANTEFERTVR. Sanctus quoque *Leo* Serm. 1. de adscens. in illis, inquit (diebus) per *insufflationem Domini* infanditur Apostolis omnibus Spiritus Sanctus, Beato Apostolo Petro SUPRA CETE-
P ROS

ROS *post Regni Claves* OVILIS DOMINICI CVRA MANDATVR. Sed ne Latinos tantum Patres appellem, *Chrysostomi* verba recitabo ex Lib. II. de Sacerdot. *Illum auctoritate praeditum esse voluit, ac reliquos item Apostolos* LONGE PRAECELLERE: *Petre, enim ait, amas me plus his?* Alterum illud, quod *Schubertus* aiebat, Pastoris officium auctoritatis ac jurisdictionis munus non esse, Patribus omnibus, qui *Petri* principatum hinc arguunt, penitus adversatur; tum etiam ab ipso *Johanne* satis refellitur; in recitanda enim Christi sententia Graeco verbo ποιμαίνω usus est, quod & pascere & regere significat, ut a *Roffensi* (artic. XXV. contr. Luth.) *Bellarmino* (l. 1. de Rom. Pont. cap. 15.) aliisque ex sacris Scripturis, ipsisque profanis Scriptoribus luculeuter est demonstratum. At urget *Schubertus*, p. 216.

„ Quum munus pascendi *Petro* traditur, non
 „ statim concludere licet, omnia jura & offi-
 „ cia illi tradita esse, quae pascendi vocabu-
 „ lo ulla ratione significari possint. Quale
 „ enim hoc foret scripturam interpretandi
 „ principium, vocabula impropria in omni sua
 „ possibili extensione & significato adcipienda
 „ esse? Quatenam sit determinata ejusmodi vo-
 „ cis significatio, tum ex natura rei, tum ex
 „ aliis locis, ubi de eodem argumento prop-
 „ prie agitur, demonstrari debet. At vero
 „ *Petrus* erat Apostolus, ideoque doctor Ec-
 „ clesiae. Ergo pastorem agere jubetur, ut
 „ decet Ecclesiae doctorem, docendo nimirum,
 „ hortando, vigilando, sacramenta admini-
 „ stra-

„ strando &c. Deinde quum Christus manda-
 „ ta proprie exponit, quibus Apostoli in of-
 „ ficio suo constituebantur, inquit: *Reddite*
 „ *mibi discipulos tum baptizando, tum docen-*
 „ *do* Matth. XXVIII. 19. Ad hoc igitur mi-
 „ nisterium totum munus pascendi redit. „
 Haec ille. Verum quoniam ad unum Aposto-
 licum munus omne pascendi officium redigit,
 illud primum mihi explicari velim, quorsum
 Christus unum *Petrum* munere fungi Aposto-
 lico iussisset, aliis adstantibus Apostolis, idque
 in singularis, ac vehementioris cujusdam a-
 moris argumentum? praesertim quum illum,
 ceterosque Apostolos in Apostolatus officio an-
 tea confirmasset Joh. XX. 21. iis verbis: *sicut*
misi me Pater, & ego mitto vos. Deinde quic-
Schubertus solis docendi, & baptizandi, seu
 Sacramentorum administrandorum muneribus
 Apostolatum contineri comprobabit? Profecto,
 ut recte monuit *Bellarminus* l. c. „, actus pa-
 „ storalis non est tantum praebere cibum,
 „ sed etiam docere, reducere, tueri, praef-
 „ se, regere, castigare? Quid? Pastores ovium
 „ num solum pabulum illis praebent? nonne
 „ etiam regunt, & baculo cogunt, ut pareant?
 „ Hinc videlicet in Scripturis passim pasce-
 „ re adcipitur pro eo quod est regere, ut
 „ Ps. 2. ubi legimus: *Reges eos in virga fer-*
 „ *rea.* In Hebraeo: *pasce eos.* Et sane qui
 „ pascuntur in *virga ferrea*, verissimam po-
 „ testatem in pastore suo esse negare non pos-
 „ sunt. „ Sed ut ad Christi institutum argu-
 mentando propius adcedam, significat ea pa-

jeranum in tractatu de *Rom. Pontif. institut. cap.*
 10. citatus *Valentia* scite observat. p. 250. „
 „ Dubium nullum est, quin Christus ita di-
 „ ligenter commendans *Petro* oves suas vo-
 „ luerit ab eo satis intelligi, de quibus ovi-
 „ bus loqueretur. At nisi de omnibus, quae-
 „ cumque essent suae, sit loquutus; non sa-
 „ tis potuit *Petrus*, de quibusnam diceret,
 „ intelligere. Confitendum est igitur, illum
 „ de ovibus suis omnibus in eo loco loquu-
 „ tum esse. Non enim de iis, aut illis de-
 „ terminate, loquutus est; nec vero de nul-
 „ lis; nec, si indeterminate & confuse de
 „ aliquibus loquutus esset, satis illae a *Pe-*
 „ tro potuissent distincte cognosci. „ Probe
 & hoc prisci Patres cognitum exploratum-
 que habebant. Quare Chrysostomus (*hom.*
 55. in cap. XVI. *Matth.*) universo orbi *Pe-*
trum a Christo praepositum, & in XXI.
Cap. Job. orbis terrarum curam illi deman-
datam ait; totius Ecclesiae gubernacula ei
tradita S. Maximus fatetur (*hom. 3. in nat.*
S. Petri); totius orbis curam, Christo Do-
 mino delegante a Petro susceptam, Gelasius
 scribit; totius orbis ovium praefecturam illi
 commissam Theophylactus (in cap. XXI. *Job.*)
 adserit; Arator vero Subdiaconus de S. Petro
 canit (*Hist. Apost. lib. I.*)

..... nec deserit artem

Per latices sua lucra sequens, cui tradi-
 dit Agnus,

Quas passus servavit oves, TOTVMQVE
 PER ORBEM

*Hoc auget Pastore gregem, quo munere
summus
Surgit.*

Nec minus diserta sunt Patrum Apostolos ipsos Petri curae concreditos agentium testimonia. S. Gregorii Nazianzeni, (*in orat. de modo in disput. servand.*) haec sunt de Petro: *Vides, quemadmodum ex Christi discipulis magnis utisque omnibus, & excelsis atque electione dignis hic petra vocetur, atque Ecclesiae fundamenta (ipsos scilicet Apostolos) fidei suae credita habeat. Quid vero Bruno Astensis bom. in Vig. S. Petri & Paulli? Dicit ei: pascere oves meas. Prius agnos, deinde oves commisit ei, quia non solum Pastorem, sed Pastorum Pastorem eum constituit. Pascit igitur Petrus agnos, pascit & oves; pascit filios, pascit & matres, regit & subditos, regit & Praelatos. OMNIVM igitur Pastor est, quia praeter agnos, & oves in Ecclesia nihil est. Si omnium, ergo & Apostolorum Pastor Petrus erat: nam idem est dicere, in Ecclesia nihil esse praeter eos, quos Petrus regeret, ac Apostolos Petro fuisse commissos, quum eos Ecclesiae fuisse membra non sit dubitandum. Infinitus sim, si omnia Patrum hac de re effata persequi velim. Unus addatur Leo Serm. III. in Ann. Assumpt. suae: *Et tamen de toto mundo unus Petrus eligitur, qui & universarum gentium vocationi, & OMNIBVS APOSTOLIS, cunctisque Ecclesiae Patribus praepontur, ut quavis in populo Dei multi Sacerdotes sint, OMNES tamen proprie regat Petrus.**

trus. Quid clarius? Non his terretur *Schubertus*. Quaerit ergo, cur duodecim vocati fuissent Apostoli, si solus *Petrus* omnes curare debuisset oves. Responsum habeat, praedicationis, & Apostolatus munus ab Ecclesiae gubernatione diversum plane esse; ad illud plures oportuit destinari, ut promptior esset feliciorque gentium ad nostra sacra traductio; haec unius esse debuit, ut Ecclesiae unitas servaretur. Quare *S. Augustinus* Serm. XLVI. cap. 13. in ipso, inquit, Petro unitatem commendavit. Multi erant Apostoli, & VNI dicitur: pasce oves meas: quod idem ita *S. Bernardus* exponit lib. II. de cons. cap. 8. Et forte praesentes ceteri condiscipuli erant, quum committens uni, unitatem commendaret in uno grege & pastore. At res, inquit *Schubertus* p. 217. plane impossibilis erat, omnes & singulas oves ab uno & solo Petro curari. Ad dat *Schubertus* per sese; verum dicit: at ut omnium & singularum ovium Pastor a Christo *Petrus* constitueretur, necesse non erat, ut omnes & singulas ipsemet immediate curaret; satis erat, ut per fratres, ceteros, inquam, Apostolos, & Episcopos sibi obnoxios curam illarum ac sollicitudinem gereret. Instat tamen *Schubertus*: quae igitur fuisset ratio, illis committendi, ut hoc agerent nomine Petri? Cur non potius ipsius Christi nomine immediate, qui est dominus Gregis sui, qui cum Apostolis suis erat, & qui per eos ubique operabatur? Rationem ex SS. *Augustino* & *Bernardo* jam adduli, unitatis nempe adferendae,

& conservandae causa. Quum enim Ecclesia una, & unitas ipsius adspectabilis esse debeat, unumque propterea pastorem, qui gregi universo praesit, omnesque in unitate contineat. visibilem exigit, oportuit ut Christus a nobis abscessurus huic gregi visibili Pastore post se relicto, omnibusque praefecto prospiceret. Licet ergo Episcopi plures ab Apostolis instituti suis quique in dioecesibus suas oves diligentissime custodirent, immo omnium Ecclesiarum Apostoli quum viverent, sollicitudinem habuerint, unus tamen *Petrus* uni ovili Pastor praeesse debuit, quum nisi sub uno Pastore, unum esse ovile possit. Necesse jam non est quae de *Petro* Judaeorum, & *Paullo* gentium Apostolo *Schubertus* addit, pluribus refellere. Omnes enim intelligunt, *Haelmstadiensem* Professore extra chorum saltare, quum divisio, de qua *Paullus* ipse ad *Gal.* II., ad fidei praedicandae munus, provinciasque, quibus a *Petro*, & *Paullo* nuncianda fuerat, pertineat; nos de *Petri* in *Paullum*, ceterosque Apostolos auctoritate agamus bono unitatis a Christo constituta, cui certe divisio illa adeo non officit, ut altera ab altera disiunctissima sit, maximeque diversa.

(29) *Rigaltius*, quem *Lombertus* in suis ad hunc locum adnotationibus appellat, aliique critici opinati sunt, verbum *illum*, & quod paullo post sequitur, *illi* in *Cypriani* textum ab extranea manu illatum fuisse. Verum haec verba cum aliis quibusdam, quae iidem Critici erasa vellent, in antiquo monumento exstant,

stant, quemadmodum in *Maurinorum*, quam sequuti sumus editione leguntur, in epistola, inquam *Pelagii* II. sub sexti saeculi finem anno ut celebris *Pagius* coniecit DLXXXVI. ad *Istriae* Episcopos scripta. Quare undecim abhinc retro saeculis *Cypriani* habita sunt. Exstant quoque in veteri *Marcelli* II. Codice, quo *Onuphrius* (*Parvinus*) usus est. Nihil praeterea caussae est, cur ea S. Martyri supposita credantur, *Cypriani* enim stylo, atque hujus libri, aliornumque ejus Scriptorum sententiis sunt adprime consentanea. Nam ep. LXIX ad Florent. Pupian. ait: *Loquitur illis Petrus, super quem aedificanda fuerat Ecclesia*. Id ipsum in illis, quas fervente inter se, ac *Stephanum* R. Pontificem controversia dedit, litteris iterat. Exempli caussa in epistola LXXI. in qua certe *Stephano* minime parcit, fundatam esse super *Petrum* Ecclesiam disertè adfirmat: *Super quem fundavit Ecclesiam suam*. Nulla igitur ratione cogimur, verba, de quibus differimus, veluti adscititia rejicere. Et illud addamus, quod ea *Pelagii* II. aevo, a *Cypriano* vere profecta habita sint, maximo nobis esse argumento, quo illa non solum *Cyprianica*, sed etiam Ecclesiae dogmatibus plane consentanea fuisse tunc credita doceamur. M.

Sunt qui totum illud comma: *super illum unum aedificat Ecclesiam suam*, & illi pascendas oves suas mandat omnino rejiciant. Hos *Massiliensis* Episcopi adnotatio satis refellit. Conferri tamen poterit egregia de hoc argumento epistola, quas in *Trivaltianis* a. 1726.

ephe

ephemeridibus legitur *mensis Octobris artic. XCU. pag. 1877. seqq.* At quod ad *Oxoniensem* editorem *Fellum*, adtinet, qui ea verba *super unum aedificat Ecclesiam suam*, expuncto *illum* retinuerit, excusari satis non potest. Nam siue cum codicibus a *Fello* indicatis legas *super unum*, siue cum *Pelagio II. & Codicibus a Pamelio* collatis legas *super IL-LVM unum*, nonnisi *Petrum* intelligere *Cyprianus* potuit; quid enim aliud est, quod *Cyprianum* scripsisse omnes consentiunt, *eidem* (*Petro*) *post resurrectionem dicere: Pasce oves meas*, quam *super unum fundare Ecclesiam*? Quare non video, cur criticis de expungenda ea vocula *illum* tantopere fuerit laborandum. Mihi vero magis *Cyprianicum* videtur, si ea addatur, quam si deleatur. Nam quemadmodum claritatis gratia *Cyprianus* scripsit: & iterum *EIDEM post resurrectionem suam dicit: pasce oves meas*, licet, si nomen *eidem* omittere *S. Martyri* placuisset, dubitari non posset, quin ad *Petrum* ea referrentur; ita *illum Cypriani* in re maximi momenti perspicuitas altero in loco poscere quodammodo videtur.

30

(30) His *Cypriani* verbis *Bossuetii* commentarius, quem supra reddidimus, luculentissime confirmatur. Si enim ovium nomine nonnisi simplices Fideles intelligendi essent, falsum esset, curam earum pascendarum uni illi fuisse concreditam; quum & ipse *Petrus* Episcopos 1. *Petr. v. 2.* ad pascendum gregem hortatus fuerit: *pascite, qui in vobis est, gregem.*

Oves

Oves sunt ergo Pastores ipsi, qui, ut *Bossuetius* aiebat, licet si cum populo conferantur, Pastores sint, cum *Petro* tamen comparati oves sunt. M.

(31) Ligandi scilicet & solvendi potestatem, ut quae sequuntur, ostendunt. Atque haec quidem quod ad ordinis adinet potestatem, par est in omnibus Episcopis, non tamen aequalis est quod ad jurisdictionis amplitudinem, & subditorum, in quos exerceri ea possit, multitudinem spectat. Supra ex *Bossuetio* monuimus, potestatem Apostolis datam, ut quae cum pluribus communicata fuerit, ex ipsa sui divisione quodammodo circumscribi; contra potestatem Capiti traditam, quum & in omnes & sine ulla exceptione uni delata sit, plenitudinem importare. Hinc, inquit eodem loco Magnus hic Praeful, veteres nostri Parisienses doctores, quos cum honoris praefatione nominare possem, unanimi consensione in S. Petri Cathedra Apostolicae potestatis plenitudinem agnoverunt. Defixita, & constituta res est. Itaque (pergit idem Antistes) mysterium patet. Eandem omnes potestatem, ex eodemque omnes fonte adcipiunt; non tamen eodem omnes gradu, neque eadem cum amplitudine. Christus enim quemadmodum ipsi libet, sed ea tamen, quae ad suae Ecclesiae unitatem maxime faciat, ratione sese nobiscum communicat. M.

(32) En Apostolica Missio, qua Apostolos Christus suos ministros instituit, & necessaria ad suum ipsorum munus obeundum auctoritate donat ac potestate. Audiamus & heic *Bos-*

Reffuetium in fermone alias indicato . *Idem* ; qui hanc Petro potestatem largitur , eam omnibus quoque Apostolis fuomet ore impartitur . Sicut mifit me Pater , ita , inquit , mitto vos . Nec potestas firmior , nec Miffio magis immediata fugi potest . Itaque in omnes aequaliter infflavit , hocque flatu eundem omnibus spiritum dedit . M.

33 (33) Haec dicens Christus infflavit ; infflando autem , ut S. *Auguftinus* ait *Tract. CXXI. in Cap. XX. Joh. n. 4.* significavit , Spiritum Sanctum non Patris folius effe Spiritum , fed & fuum . M.

34 (34) Clara haec verba funt , & verbis tam perfpicuis , inquiunt Tridentini Patres , potestatem remitterendi & retinendi peccata ad reconciliandos Fideles post Baptifmum lapfos , Apostolis & eorum legitimis fuccefforibus fuiffe communicatam , univerforum Patrum confenfus femper intellexit . Et Novatianos remittendi potestatem olim pertinaciter negantes , magna ratione Ecclefia Catholica tamquam haereticos explofit atque damnavit . Praeterea , ut iidem Patres tradunt , quamvis absolutio Sacerdotis alieni beneficii fit dispensatio ; tamen non eft folum nudum minifterium vel adnuntiandi Evangelium , vel declarandi remiffa effe peccata ; fed adinftar actus judicialis , quo ab ipfo velut a Iudice fententia pronuntiatur . M.

35 (35) Haec impium evertunt Lutheri dogma , qui ne in Presbyteris Fidelium a peccatis post Baptifmum perpetratis abfolvendorum potestatem agnofceret , eo *Johannis* loco : quo-

tum

ADNOTATIONES. 337

rum remiseritis peccata &c. de Baptismi conferendi, aut adnunciandi Evangelii potestate agi docebat. Nullum certe peccatum aut baptismate aut Evangelii praedicatione retinetur. Vide *Bellarminum*. M.

(36) Unione membrorum cum capite unitas manifestatur. Post haec verba *ut unitatem manifestaret*, *Manutii & Pamelii* editiones addunt: *unam Cathedram constituit*. In *Balutii* editione a *Benedictinis* perfecta ea desunt. Puram tamen *S. Cypriani* doctrinam exhibent; unum enim ille Episcopatum, unamque Cathedram, cujus unitas a capite dimanabat, tantummodo agnoscebat. Audi quid de unica cathedra scripserit epistola XI. ad Plebem de quinque Presbyteris schismaticis factionis *Felissimi*: *Deus unus est, & Christus unus, & una Ecclesia, & Cathedra una super Petram Domini voce fundata*. M.

36

(37) Quum unitas in omnium membrorum unitate sita sit, habet ea suum in capite initium, suamque originem; omnia enim membra capiti coniuncta esse debent, per illudque inter se consociari. *Ecclesiastica auctoritas*, inquit *Bossuetius* serm. cit. *in unius persona primum constituta ea solum conditione diffusa est, ut ad suae unitatis exordium semper sit revocanda, omnesque, quibus traditur exercenda, eidem semper cathedrae se indissolubili vincula adstrictos praestare debent*. M.

37

(38) *Romanae Ecclesiae* hostes mirum quantum his verbis abusi fuerint. *Simon Goulardus Genevensis* Minister (edidit is *Genevae*

38

vae MDXCIII. Cypriani opera) ea cum Apostolicae Cathedrae primatu conciliari nulla ratione posse contendit. Verum id demum est, *Cyprianum* reum facere, atque inepti in opinando confictus insimulare. Primatum ille agnovit, & docuit; ait tamen *hoc fuisse & ceteros Apostolos, quod fuit Petrus*. Hoc ipso libro, atque adeo loco: *Primatus*, inquit, *Petro datur*. Quae illi fuit cum *Stephanò* sane acerrima contentio, non eum ab hac sententia dimovit; etsi vero malae causae patrocinium suscepit, non eam tamen veritatis, quam defenderat, atque Ecclesia praecipuis semper dogmatibus adscripsit, impendio propugnavit. Argumento sit ea, quam in hujus disceptationis aestu ad *Subajanum* perscripsit, epistola, in qua potestatem *Petro* datam, (haec est *unitatis origo*), seorsum a potestate post Resurrectionem omnibus simul Apostolis collata exponit. *Nam Petro*, inquit ep. LXXIII. *primum Dominus, super quem aedificavit Ecclesiam, & unde unitatis originem instituit & ostendit, potestatem istam dedit, ut id solveretur in coelis, quod ille solvisset in terris. Et post Resurrectionem quoque ad Apostolos loquitur dicens: sicut misit me vivens Pater, & ego mitto vos. Hoc quum dixisset inspiravit & ait illis: Accipite Spiritum Sanctum. Si cujus remiseritis peccata &c.* Ubi *S. Cyprianus* potestatem *Petro* concessam cum potestate Apostolis data minime confundit. Illa uni data est; nec divisione circumscribitur, plenitudinem igitur importat. Per eam Christus unitatis originem,

feu

feu initium *instituit*, & *ostendit*, & sub oculos posuit. Quid ergo ista significant: *Hoc erant utique & ceteri Apostoli, quod fuit Petrus?* Omnes Apostolos eodem Episcopali caractere, eademque ordinis potestate insignitos fuisse. Quod ad hoc spectat, nullus inter eos aut principatui, aut discrimini locus. Verum jurisdictione pares non erant, volens enim Christus unitatem instituere, ejusque originem in uno collocare primatum *Petro* contulit, ut caput esset, membraque necessaria, quam habent, cum capite coniunctione, nonnisi unum idemque corpus efficerent. Satis est *Cypriani* verba legere, ut eum ita sensisse apertum fiat. *Hoc erant utique & ceteri Apostoli, quod fuit Petrus, pari consortio praediti & honoris & potestatis, sed exordium ab unitate profisciscitur, & Primatus Petro datur, ut una Ecclesia, & Cathedra una monstretur.* M. Vide quae adnot. 41. dicturi sumus.

(39) Qui Episcopali dignitati adnexus est; non ejus, qui Primatus fuerit. Hunc *Cyprianus* ipso hoc loco excipit. *Primatus Petro datur.* *Pelagius II.* in epistola ad *Isrliae* Episcopos haec verba veluti a *Cypriano* profecta recitat; nec ipse *Rigaltius* ethi infenso in primam Sedem animo erat, ejusque auctoritatem labefactare quoad poterat, studebat, illa tamen quum a. 1649. *Cypriani* opera ederet, praetermittere est ausus. M.

(40) Quae scilicet ad ordinem pertineret; nam jurisdictionis potestas eadem, quae in capite, in membris esse non poterat: qua-

quare Christus Petro, quum in eo unitatis originem constituit, illius plenitudinem imperiit. Hoc Christi institutum imitata Ecclesia est, duni praestantibus quibusdam gregis partibus capita, Patriarchis ac Primatibus positis, dedit; harum enim primarum Sedium Episcopi multo ampliore, quam minorum Ecclesiarum Episcopi, jurisdictione potiti sunt. Sic quum *Carthaginensis* Episcopus totius *Africae*, *Numidiae*, ac *Maurituniae* Primas esset, S. Cyprianus, qui *Carthaginensis* Episcopus erat, Primatis in has Provincias jurisdictione praestabat. De omnibus tamen harum Provinciarum Episcopis dici poterat, *hoc esse & illos, quod erat S. Cyprianus, par consortio praeditos & honoris & potestatis*, ejusdem nempe Episcopalis dignitatis, & potestatis ordini adnexae; dici tamen non poterat, eos omnes Primatis jurisdictione in tribus hisce Provinciis frui. Quod si Cyprianus, cum docto Benedictino D. Prudentio Marandio Praef. in oper. S. Cypri. concludam, *dum par consortium honoris & potestatis inter Episcopos agnoscit, non idcirco delatam sibi jure Ecclesiastico auctoritatem abjecit, cur Petrum ejusque successores auctoritate ab ipso Christo tradita spoliasse videatur?* M.

41

(41) En causam discriminis, quod Petrum inter ceterosque Apostolos in jurisdictionis potestate intercedit: unitas origo est, & initium: *sed exordium ab unitate proficiscitur*. Haec phrasis, cui profundus sensus inest, duobus potest explicari modis, utroque ad confir-

firmandam Apostolicae Sedis praestantiam aptissimo. Primo explicari potest: *unitas origo est, & initium Episcopalis potestatis*; nempe isthaec potestas in uno coepit, deinde cum aliis est Apostolis communicata. Ita habuit illa suam originem, exordiumque in S. Petro, qui unitatis nomine heic designatur; per illum enim unum coepit Christus Episcopatum instituere. Hinc illi Primatum dedit: *Et primatus Petro datur*. Quid enim erat, uui illi, quod toti deinde Episcopali corpori impertiendum erat, initio largiri, nisi hunc ei Primatum donare? Ac primatus quidem iste necessarius erat, *ut una Christi Ecclesia, & Cathedra una monstraretur*. Alter sensus non minus textui consentaneus, qui huic phrasi tribui potest, ejusmodi est: *Exordium ab unitate proficiscitur*; Christus nempe quum Episcopalem potestatem instituere vellet, a designanda unitate initium fecit constituto capite, veluti vinculo, quo ea conflatur, & centro, in quod omnia coniungantur & confluant. Ita *Petro Primatum dedit*, cum ad capitis evehens dignitatem; quod quidem ea de causa fecit, *ut una Christi Ecclesia, & Cathedra una monstraretur*. Duabus istis interpretationibus caedem veritates continentur, nec dubitandum, quin utramque S. Cyprianus spectarit. M. Ad primae interpretationis quod adinet veritatem, eam plures Romani Pontifices tradiderunt. Innocentius I. ep. II. ad Victorium ait: *incipiamus igitur, adiuvante Sancto Apostolo Petro, per quem Apostolatus in Christo coepit exordium*. Consentit S.

Q

Leo

Leo ep. X. Quesn. edit. *Hujus muneris sacramentum ita ad omnium Apostolorum officium pertinere voluit, ut in beatissimo Petro, Apostolorum summo, PRINCIPALITER collocaret, ut ab ipso QVASI QVODAM CAPITE dona sua velut in corpus omne diffunderet. Id etiam pro certo habuit Caesarius Arelatensis, qui Symmacho Papae ep. XIV. n. 2. ita scripsit: sicut a persona Beati Petri Apostoli Episcopatus sumpsit exordium, ita necesse est, ut disciplinis competentibus Sanctitas vestra singulis Ecclesiis, quid observare debeant, evidenter ostendat. Sed antiquiorem demus Patrem, eumque Graecae Ecclesiae ornamentum, Gregorium, inquam, Nyssenum. Haec ille adversus eos, qui castig. aegre fer. Nihil falsi, aut mendacii scriptum est in Evangelio, neque Christi praedictio exitum fallacem habet. PER PETRUM EPISCOPIS DEDIT (Christus) CLAVES CAELESTIVM HONORVM. Eat nunc Febronius. & quemadmodum T. III. p. 153. garrit, neget loqui Patres de fonte, principio, atque dono potestatis Episcopalis. Conferat horum dicta cum Massiliensis Antistitis verbis, & vel hunc inficietur (quod stulti hominis esset, aut certe ignarissimi) loquutum de fonte, principio, atque dono potestatis Episcopalis, vel illos quoque Pontifices, ac Patres de fonte, principio, atque dono potestatis Episcopalis loquutos fuisse fateatur. Haud equidem existimarim, futurum aliquem, qui hinc Petrum quidem primum tempore, inter Apostolos Episcopali jurisdictione insignitum fuisse conijciat, sed non pri-*

primum dignitate, quam omnino *parem* cum illis habuerit. Nam nisi quemadmodum *tempore primus* inter Apostolos Episcopus, ita & *potestate* inter illos *primus* ac praestantior *Petrus* fuisset, nec Christus in eo *principaliter* hujus muneris Sacramentum collocasset, quod S. Leo agebat; nec *Caesarius* ex uno temporis principatu id esse Romani Pontificis, ut *disciplinis competentibus singulis Ecclesiis*, quid *observare debeant, evidenter ostendat*, nisi perperam falsoque collegisset; nec (ut ad *Cyprianum* nostrum redeam) finem Christus sibi praestitutum unitatis in *Petro* formandae, conservandaeque adsequutus fuisset. Quid enim ad hanc unitatem faciat Primatus temporis, nisi honoris, & potestatis Primatus adcesserit; quo qui primus tempore est, ceteros in officio contineat, eosque uni sibi obnoxios faciat?

Altera illa *Massiliensis* Praefulis interpretatio clarior est, quam ut confirmatione indigeat.

Ceterum ut quae haecenus a *Massiliensi* Episcopo dicta sunt de inaequali Apostolorum cum *Petro* comparatorum jurisdictione (nam de pari omnium quod ad ordinem adinet, potestate nulla potest esse dissensio) melius intelligantur, recolenda sunt *Cypriani* verba:

„ Loquitur Dominus ad *Petrum*: Ego dico ti-
 „ bi, inquit, quia tu es *Petrus*, & super
 „ hanc *Petram* aedificabo *Ecclesiam* meam, &
 „ portae inferorum non vincent eam. Et tibi
 „ dabo *claves* Regni coelorum; & quae liga-
 „ veris super terram, erunt ligata & in coe-
 „ lis; & quaecumque solveris super terram,

„ *erunt soluta & in coelis*. Et iterum eidem
 „ post Resurrectionem suam dicit: *Pasce oves*
 „ *meas*. Super illum unum aedificat Ecclesiam
 „ suam, & illi pascendas mandat oves suas.
 „ Et quamvis Apostolis omnibus post Resur-
 „ rectionem suam parem potestatem tribuat
 „ & dicat: *Sicut misit me Pater, & ego mitto*
 „ *vos: accipite Spiritum Sanctum; si cujus*
 „ *remiseritis peccata, remittentur illi; si cu-*
 „ *jus tenueritis, tenebuntur*. Tamen ut unita-
 „ tem manifestaret, unitatis ejusdem originem ab
 „ uno incipientem sua auctoritate disposuit. „
 Viden? ut duo his verbis *Cyprianus* optime
 coniungat, potestatem, quam Christus *Joh. XX.*
 Apostolis omnibus dedit, utique parem, &
 eam, quam *Matth. XVI.* Petro promiserat,
 ac primum *Joh. XXI.* impertiit multo eminens-
 tiorem, *unitatis originem ab uno incipientem*
sua auctoritate disponens. Par illa quum fue-
 rit, *hoc erant utique & ceteri Apostoli, quod*
fuit Petrus, pari consortio praediti & honoris
& potestatis, si honorem & potestatem adten-
 damus, quae Apostolis collata fuit verbis ex
Joh. XX. capite a S. *Cypriano* recitatis: *sicut*
misit me Pater &c. si cui remiseritis &c. Hinc
 tamen falso quis colligat, *hoc fuisse & ceteros*
Apostolos, quod fuit Petrus pari consortio prae-
ditos & honoris & potestatis, si verba ex
Matth. XVI. & *Joh. XXI.* capite considere-
 mus: *Loquitur Dominus ad Petrum: Ego dico*
tibi, quia tu es Petrus &c. Et iterum eidem
 post Resurrectionem suam dicit: *Pasce &c.* Mi-
 nime vero. Haec verba quum exordium ab
 uni-

unitate proficisci, ut Ecclesia una monstretur, aperte indicent, ampliorem altera potestatem uni Petro concessam significant. An vero pugnat, parem Job. XX. Apostolis potestatem datam fuisse, Job. XXI. praestantiorẽ Petro? Nemo sane id dixerit. Nullus quoque conflictus igitur est Cypriani parem Apostolis cum Petro potestatem ex Job. XX. capite adferentis, majorem Petro ex Job. XXI. capite tribuentis, neque alterius dicti veritas alterius sententiae veritatem infringit. Huc spectat illud S. Leonis M. ep. XII. ul. LXXXIV. ad Anastas. Inter beatissimos Apostolos in similitudine honoris fuit quaedam discretio potestatis, & quum omnium par esset electio, uni tamen datum est, ut ceteris praemineret. Propius ad Cypriani sententiam S. Hieronymus l. 1. adv. Jovin. At dicis: super Petram fundatur Ecclesia, lieet id ipsum alio in loco super omnes Apostolos fiat, & cuncti claves regni Coelorum adipiscant, & ex AEQVO super illos fortitudo Ecclesiae solidetur; tamen propterea inter duodecim unus eligitur, ut capite constituto schismatis tollatur occasio. Clarissime autem Cypriani mentem adsequutus est Gelasius Papa Tract. adv. Graec. his verbis: Numquidnam reliqui Sancti, & beati Apostoli non erant simili virtute succincti? Quis hoc audeat adfirmare? Sed ut Capite constituto, schismatis tolleretur occasio, & una monstraretur compago Corporis Christi..... Duodecim certe fuerunt Apostoli, paribus meritis, parique dignitate suffulti, quumque omnes aequaliter spiritali luce

fulgerent, unum tamen Principem esse ex illis voluit Christus. Certissimis hisce veterum sententiis insistere *Gallicani* Praefules in litteris ex anni 1655. conventu ad omnes coepiscopos missis, in quibus apud *Bossuet. defens. declarat. Cler. Gallic. T. II. L. XIII. cap. 14.* ajunt; neminem orthodoxum dubitare, quin Papa sit caput, pastor, & primas universalis Ecclesiae, ut loquitur Concilium *Florentinum*.... Verum ea doctrina, *pergunt*, non destruit jus episcopale..... Hierarchiam nihil aliud esse, quam subordinationem quamdam membrorum ad caput; eo esse comparatam, ut membra conservet sub capitis regimine, ac licet utrique, & caput, & membra potestatem ac vitam ducant ab eodem Christo, non tamen eadem vi, neque pari auctoritate: Apostolos haud minus *Petro* fuisse subjectos, quamquam aequae ac *Petrus* a Christo missionem habuissent.

- 42 (42) Haec verba a *Johanne Felice Oxoniensi* pseudo-Episcopo expuncta sunt; a *Latino* quoque, aliisque criticis rejecta. Istorum exemplo *Balutius* se abduci siverat, in subiuncta tamen adnotatione ea non modo in *Marcelli II.* codice, sed etiam in *Pelagii II.* ad *Istros* Episcopos epistola legi non dissimularat. *D. Prudentius Marand*, cui perficiendae *Balutianae* editionis cura delata fuit, textum ad *Pelagii* epistolam, ac *Manutii*, *Pamelii*, & *Gallicanarum* a centum quinquaginta annis emissarum, ne *Rigaltiana* quidem excepta, editionum Libros restituit. *Johannes Fellus*, qui *Oxoniensi S. Cypriani* editioni praefuit, eaque

eaque verba, ut dixi, delevit, Sanctae Sedi adeo pertinaciter inimicus erat, ut in suis ad LV. *Cyprianus* epistolam adnotationibus haec scribere non pertimuerit: *pro desperatis & perditis habendos esse, quibus minor videtur auctoritas Episcoporum in Africa, quam vel Cornelii ipsius, in Cathedra Petri Romae sedentis.* Verum unus hujus ipsius epistolae locus satis ostendit, quantopere Catholicus *Carthaginis* Primas ab *Anglicano* pseudo-Episcopo hac in sententia dissideret. *Post ista adhuc*, inquit ea in epistola *Cyprianus*, *insuper pseudo-Episcopo sibi a haereticis constituto navigare audent, & ad Petri cathedram, atque ad Ecclesiam principalem, unde Unitas Sacerdotalis exorta est, a Schismaticis & profanis litteras ferre, nec cogitare eos esse Romanos, quorum fides Apostolo praedicante laudata est, ad quos perfidia non possit habere adcessum.* Quid unitatis Sacerdotalis exordium, nisi datus Petro primatus? Quid *Ecclesia principalis*, nisi Ecclesiarum omnium dignitate, & jurisdictione princeps? Hanc observationem D. *Maxandii* animadversio Praef. in Cypr. §. III. claudat, si nempe quae Oxoniensis Editor & Baluzius expunxerunt. . . . *recidantur, reliquas testimonii hujus partes satis per se habituras momenti ad primatum Ecclesiae Romanae ostendendam.* M.

(43) Pluribus membris Ecclesia constat; non tamen nisi unum corpus efficit, quum nonnisi unum caput habeat. Plures in Ecclesia Doctores sunt; sed una solum cathedra, hi enim omnes Doctores sub uno capite con-

fociantur, nec cum illo nisi unam doctrinam efficiunt. M.

44 (44) Quum unum sit caput, cujus jurisdictione omnes gregis partes in unum tantummodo corpus cogantur. M.

45 (45) Schismate ab unitate separamur; schisma porro absque hæresi diu perdurare nequit. Pulcre S. Hieronymus Comm. in ep. ad Tit. cap. 3. *Inter hæresim & schisma hoc esse arbitramur, quod hæresis perversum dogma habeat, schisma propter Episcopalem dissensionem ab Ecclesia separetur: quod quidem in principio aliqua ex parte intelligi potest. Ceterum nullum schisma non sibi aliquam confingit hæresim, ut recte ab Ecclesia recessisse videatur.* M.

46 (46) *Fellus, Balutius*, aliique id glossa esse, quod in textum irrepperit, arbitrantur. Exstant tamen hæc verba in *Pelagii II.* epistola, in actis *Alexandr. III.* apud *Baronium*, in *Camberonensi* Codice, quem *Pamelius* vidit, in quatuor *Anglicanis* MSS. exemplis ab ipso *Fello* indicatis, atque in duobus Codicibus altero *Vaticano*, altero *Bononiensi* S. *Salvatoris*, quos *Romani Gratiani* correctores ad *dist. XCIII.* appellant. Non ergo mirum, hunc locum veluti genuinum S. *Cypriani* a Clero *Gallicano Parisiis* coacto a. 1682. laudatum fuisse in litteris ad Archiepiscopos, Episcopos &c. *Fidenter*, inquit Clerus, cum *B. Cypriano pronunciamus, eum qui Cathedram Petri, super quam fundata est Ecclesia deserit, in Ecclesia non esse. Cathedram por-*

ro Petri deferit, qui a Petri successore unita-
 tis origine, & capite sejungitur. „ Videant
 „ ergo, inquit *Ballerinius* in appendice ad
 „ librum de vi ac ratione primatus pag. 333.
 „ quam perperam sese nonnulli purgare eo no-
 „ mine existiment, quod a communione Se-
 „ dis Apostolicae non se separarint, sed ab
 „ ipsa Sede separati fuerint, dum haec sepa-
 „ ratio ex eorum culpa originem duxit & per-
 „ tinacia ipsorum in causa est, ne in com-
 „ munionem recipiantur. Hac eadem ratione
 „ se a schismate defendere conati sunt plures
 „ recentiores haeretici, sicut olim eadem de
 „ causa se se studuerunt purgare inter cete-
 „ ros antiquos haeticos *Montanistae*, quum
 „ se non exisse de Ecclesia, sed ab ea invi-
 „ tos fuisse exclusos, atque communione pri-
 „ vatos, & exinde satis tutos praeferebant,
 „ ut probat Cardinalis *Ursinus* in dissertatione
 „ Apologetica pro SS^a *Perpetua*, & *Felici-
 „ te* Cap. 2. §. 7. Quae excusatio si non pro-
 „ batur ab adversariis Catholicis, dum pro
 „ vindicanda eorum separatione ab Ecclesia ad-
 „ fertur, quomodo eandem probare pote-
 „ runt, dum adducitur ob excusandam sepa-
 „ rationem a Sede Apostolica per excommu-
 „ nicationis sententiam, quae dum sejungit ab
 „ unitate & communione ejus Sedis, quae
 „ Catholicae Ecclesiae est fundamentum, ab
 „ unitate & communione ipsius Ecclesiae ei
 „ fundamento incumbenti uno eodemque ictu
 „ praecidit? Confer. quae in hanc rem lucu-
 „ lenter protulit Illustrissimus *Fenelonus* Ar-
 „ chie-

„chiepiscopus *Cameracensis* in Instructione Pa-
 „storali dici 25. Junii anni 1714. „Miror
 autem *Febronium* in indice tomi II. p. 644.
 haec adscripsisse: *schisma non est dissentire a*
Papa 77. *sed a Concilio* p. 81. quum pagina
 illa 81. *Coloniensis* Universitatis sententia a.
 1440. prolata recitetur, ubi haec leguntur,
 quae *Febroniano* indiculo penitus adversantur:
quare Christianus, protestans se non velle obe-
dire Ecclesiae Synodaliter congregatae, VEL
SEDI APOSTOLICAE, videtur schismatice
se ab Ecclesia & Sede Apostolica dividere,
& alicujus infidelitatis signa hoc actu demon-
strare. Verum quid hunc *Febronii* lapsus mi-
 ror, qui unam ejus in designandis *Coloniensium*
 verbis malam fidem, aut si quis velit oscitan-
 tiam prodit? An non mirandum magis, seu
 potius dolendum, haec ab ipso generatim pro-
 diisse: *schisma non est dissentire a Papa?* Con-
 ferat sua haec *Febronius* cum istis S. *Hiero-*
nymi ad Damasum litteris: *Ego nullum pri-*
mium, nisi Christum, sequens, Beatitudini tuae,
idest Cathedrae Petri, communione consocior.
Super illam petram aedificatam Ecclesiam scio.
Quicumque extra hanc domum agnum comede-
rit, profanus erit. Si quis in Arca Noe non
fuerit, peribit regnante diluvio. Et post pau-
 ca: *Qui tecum non colligit, spargit; hoc est,*
qui Christi non est, Antichristi est. Conferat
 cum illis *Ambrosii* verbis de *Poenit.* cap. 7.
Non habent enim Petri hereditatem, qui Pe-
tri sedem non habent. Conferat cum iis, quae
 in cap. XVI. *Matth. lib. V. Rhabanas Mar-*

rus *Moguntinus* Antistes scripsit: sed ideo *Beatus Petrus*, qui *Christum* bona fide confessus, vero est amore sequutus, specialiter claves Regni coelorum, & Principatum judicariae potestatis adcepit, ut omnes per orbem credentes intelligant, quod QVICVMQVE AB VNITATE FIDEI, VEL SOCIETATIS ILLIVS QVOLIBET MODO SEMETIPSOS SEGREGANT, TALES NEC PECCATORVM VINCVLIS ABSOLVI, NEC IANVAM POSSINT REGNI COELESTIS INGRESSE. Quamquam ne his quidem immorandum. Graviora *Febronius* evomuit. Ait ille schisma ex parte *Romani Pontificis* tenere se posse (T. I. Cap. VI. §. 16. p. 514. & alibi); probat integra epistola ad calcem tomi II. impressa, subtrahi *Romano Pontifici* obedientiam impune posse, atque adeo interdum debere; addit eodem Tomo II. *Papae* censuras adeo timendas saepe non esse, ut ille excommunicari ab inferioribus Episcopis possit. Quis furor hic est? Qui *cathedram Petri*, super quem fundata est *Ecclesia*, nempe ut ex *Hieronymo* intelleximus, *Romanum* ipsum Pontificem non deserit modo, sed eum, qui exordium est unitatis, ab unitate sejunctum habet, atque averfatur, qui illi obedientiam denegat, qui excommunicatione illum audet percellere, in *Ecclesia* se esse *Febronio* iudice atque adfertore confidet? Haec virulenta ejus dicta vide in *Antifebronio vindicato* T. IV. refutata; sed quod ad ejusmodi excommunicationem adinet, sunt a me haec aliqua ex *Cardinale Perronio* (*Repliq. a la Res.*

Response du Roi de la grand-Bretagne lib. I. cap. 27.) addenda, quae perversum hoc dogma convellant. *Dioscorus* quemadmodum adversus *S. Julium Arriani* Episcopi in *pseudo-Sardicensi* Conciliabulo, in *S. Leonem* M. anathema dixerat. En egregios anathematum in *Romanos* Pontifices a *Febronio* commendatorum auctores. At quid *Chalcedonenses* Patres? Scelerum, quibus *Dioscorus* adstrictus erat, hoc illi longe gravissimum esse censuerunt, quod *Febronius* si sibi constet, magnis efferre laudibus deberet. *Et post haec omnia*, inquit in *Relatione* ad ipsum *Leonem*) T. IV. Labb. Conc. edit. col. 836.) , *INSUPER & contra ipsum, cui vineae custodia a Salvatore commissa est, extendit insaniam, idest contra tuam quoque Apostolicam Sanctitatem; & excommunicationem meditatus est contra te, qui corpus Ecclesiae unire festinas. Quid? quod depositus Dioscorus fuit; sed qua de causa? Num ob haeresim suam? Num ob Flaviani Sanctissimi Episcopi coedem? Num ob alia, de quibus adcusatus fuerat, crimina? Nequaquam. Cur ergo? Audiat Febronius Anatolium Constantinopolitanum Episcopum (Chalc. Conc. Act. V. col. 55.) Propter fidem non est damnatus Dioscorus, sed quia excommunicationem fecit Domino Archiepiscopo Leoni. Tantum nefas Patribus Chalcedonensibus visum est in Romanum Pontificem excommunicationem intentare. Glorietur post haec Febronius de Gallis Episcopis, qui Gregorio IV. Gallias cogitanti excommunicationem minati sunt? Discat quae so-*

tan-

tandem, si sapit haec facta ejusmodi esse, ut si vera sint (quod non omnes eruditi viri consentiunt) oblivionis velo obtegi debeant, non in hominum memoriam, lucemque publicam revocari.

(47) Hunc *Paulli* locum *Cyprianus* citat, ut quum quis Ecclesiae & Cathedrae *Petri* resistit, eum in Ecclesia non esse ostendat; non enim amplius ad corpus spectat, neque Ecclesiae spiritum habet. Istaec porro plurimum membrorum unum, idemque corpus constantium, eodemque spiritu animatorum unitas a *Cypriano* unitatis Sacramentum, seu mysterium appellatur. Ceterum, uti ab *Hieronymo* animadversum est Comm. in Ep. ad Eph. Cap. IV., hic locus (*Paulli*) vel maxime adversus haereticos facit, qui pacis vinculo dissipato, atque disrupto, putant se tenere spiritus unitatem, quum unitas spiritus in pacis vinculo conservetur. M. 47

(48) Unus scilicet, ut idem *Hieronymus* ait l. c. Spiritus Sanctus; unus quippe largitor, & sanctificator omnium. Alios tamen aliter de hoc sensisse, S. Doctor nos monet. Non ignoro, inquit, in eo, quod nunc exposui solliciti servare unitatem spiritus in vinculo pacis, spiritum a plerisque non sanctum adcipi, sed adfectum mentis atque sententiam; juxta quam omnium credentium erat una anima & cor unum. Sed & his, qui hanc interpretationem sequantur, ad Spiritum Sanctum ultimo deveniendum est; Spiritus enim Sanctus virtutum, quibus adfectus hominum sententiaeque in 48

in Ecclesia concordant, fons est atque principium. M.

49 (49) Licet in domo Patris nostri multae mansiones sint, eadem tamen nobis omnibus spes est aeternae demum consequendae salutis. M.

50 (50) *Paulus II.* in epistola ad Archiep. Coloc. a. 1460. 14. Kal. Aug. scripta ita hunc *Cypriani* locum adlegat. *Quia unum Corpus & unus spiritus omnes sumus, qui unum Dominum, unum Deum, unam fidem praedicamus & colimus. Unde & unitatem firmiter tenere & vindicare debemus omnes Episcopi, ut Episcopatum quoque, ut Beatus inquit Cyprianus, unum & individuum comprobemus.*

51 (51) *Salmasius, & Blondellus* Ministri Protestantes *Cypriano* eisdem fuisse Episcopos, & secundi ordinis Presbyteros, utrosque divino jure ad eundem in Sacerdotio gradum erectos contendunt. Nihil vero a *Cypriani* sententia magis abhorret. Legatur ejus undecima ad plebem *Carthaginiensem* epistola. *Audio tamen, inquit, quosdam de presbyteris nec Evangelistae memores, nec quid ad nos Martyres scripserint, cogitantes, nec Episcopo honorem Sacerdotii sui & Cathedrae reservantes, jam cum lapsis communicare coepisse, & offerre pro illis, & Eucharistiam dare, quando oporteat ad haec per ordinem perveniri. Quid? nonne ea verba: nec Episcopo honorem Sacerdotii sui & cathedrae reservantes &c. perspicue denotant, Episcopos non Cathedrae solum, sed & Sacerdotii dignitate esse Presbyteris praestantiores? Aliubi Episcoporum ordinationem distincte memorat*

rat, illorum continenter potestatem explicat, urramque divina lege constitutam adfirmat. *Inde*, inquit ep. XXVII., *per temporum & successionum vices, Episcoporum ordinatio & Ecclesiae ratio decurrit, ut Ecclesia super Episcopos constituatur, ut omnis actus Ecclesiae per eosdem praepositos gubernetur. Quum hoc itaque divina lege fundatum sit &c.* Sensit ergo Cyprianus legem divinam Episcopis rectionis potestatem tradidisse; eam Episcoporum ordinationem a Presbyterorum consecratione distinctam praescripisse, illam propterea graduum in Sacerdotio discrimen posuisse. Conferatur D. Prudentii Marandi in Cyprianum Balutianae editionis praefatio. M. Salmasium & Blondellum Moshemius quoque magni inter recentiores Protestantes nominis refellit in commentariis *de rebus Christianorum ante Constantinum* M. p. 589. seqq. refellendus & ipse in aliis, quae in Sanctissimum Episcopum & Martyrem irreverenter aequae atque imperite effutit. Inter haec illud inscitissime dictum pag. 578. ubi adlatum supra a Massiliensi Episcopo ex epistola XXVII. locum interpretatur. Ait ergo Moshemius, a Cypriano disertissime tradi, *Ecclesiam super Episcopos constitutam, seu quod idem est, Episcopis superiorem esse.* O praeclarum Cypriani interpretem Orbili ferula dignum! Tamen quid esset Cypriano *Ecclesia super Episcopo constituta*, ex ipso illo loco discere poterat; sequitur enim: *& omnis actus Ecclesiae per eosdem praepositos gubernetur.* Fierine poterat, ut Cyprianus Ecclesiam, *cujus omnis actus per praepositos,*

sitos, seu Episcopos gubernetur, Episcopis superiorem esse opinaretur? Gubernationem quidem Moshemius explicat, nempe Episcopum conventibus Ecclesiae praesidere, argumentum deliberationis proponere, suffragia colligere; at neque hoc est gubernare, neque OMNIS actus Ecclesiae, qui tamen Cypriano teste per praepositos gubernabatur. Vere, inquit Moshemius, vi veritatis cogente; at plura gubernationis vocabulum heic indicare non potest, quia Ecclesiam maiorem, & superiorem dixerat Episcopo esse. Immo Cyprianum numquam de Ecclesia Episcopo superiore cogitasse Moshemius vel hinc discere debuerat, quod omnem Ecclesiae actum per Praepositos gubernari edixerat. Si Ecclesiam super Episcopos constitutam Moshemius, uti debuit, intellexisset Ecclesiam super Episcopos fundatam, uti generatim Ecclesiam super Petrum fundatam, conditam, constitutam (haec enim idem sunt) saepius Cyprianus appellat, nae ille tam absurdum, inconstansque signum non adfinxisset. Sed ut de Cypriani mente nulla reliquatur dubitatio, ad ejus Epistolam LXIX., quae Florentio Pupiano inscribitur, nos conferamus, quidque Cypriano Ecclesia sit, videamus. Ili, inquit, sunt Ecclesia plebs Sacerdoti adunata, & pastori suo grex adhaerens. Unde scire debes, Episcopum in Ecclesia esse, & Ecclesiam in Episcopo, & si quis cum Episcopo non sit, in Ecclesia non esse. Quod heic Ecclesia in Episcopo, est in superiore epistola XXVII. Ecclesia super Episcopum constituta.

Hinc

Hinc quemadmodum supra *Cyprianum* dicentem audivimus, eum, qui Cathedram *Petri*, super quem fundata est Ecclesia, deferit, in Ecclesia non esse, ita heic illum, qui cum *Episcopo non sit*, utique quia super eum constituta, seu aedificata est Ecclesia, ait *in Ecclesia non esse*. Sed adlata ex *Cypriano* Ecclesiae definitio me cogit, ut contra *Böhmerum* pauca disputem. Hic nempe *Diff. IX. inter XII. Jur. Eccles. ant. ad Plin. secund. & Tertull. §. 17.* mutatam S. Martyris aevo Ecclesiae formam fuisse, & Episcopos cum reliquo clero omnia jura Ecclesiae sibi vindicasse audacter affirmat; *Launojo* deinde adsentitur *p. v. l. ep. 13. n. 360.* eam Ecclesiae definitionem improbanti, quod schismatis tempore eam *Cyprianus* tradiderit, Ecclesiae vero universae sublato schismate illa non satis congruere videatur. Sed *Launojo*, quem Doctores omnes Catholici, atque in his *Tournelius*, egregie confutarunt, dimisso, *Böhmerum* adgrediamur. *Confessum ordinis Ecclesiastici* primis duobus Christianae fidei saeculis in Ecclesia exstitisse *Böhmerus* non diffitetur; negat illi Episcopum, qui a Presbyteris distingueretur, auctoritate praefuisse; negat ejusmodi *confessum* ad Ecclesiae *usum* pertinuisse. Quare quum *Cyprianus* Episcoporum jurisdictionem toties inculcet, Ecclesiamque in Episcopo esse, ac super eum constitutam ita velit, ut sine illo Ecclesiae natura intelligi nequeat, tertio jam saeculo Ecclesiae statum, ac naturam a primaeva illa simplicitate ac libertate excidisse conqueritur. Ego vero, ne gravissimis, quae suboriri heic possent, de Clericorum, ac Laico-

rum differentia , ac de Episcoporum praestantiore in Ecclesia gradu disputationibus me imprudens immisceam (consulendus interea de his magnus *Petavius* in *Dissertationibus Ecclesiasticis*, & in Libris de *Hierarchia*, itemque *Petrus de Marca* in *Dissertatione de Discrimine Clericorum*, ac *Laicorum*) id tantummodo mihi demonstrandum sumo, nihil a *Cypriano* tradi, quod cum primitivae Ecclesiae moribus pugnet. Ac primo observari velim, quantae arrogantiae, ac temeritatis sit, sanctissimos *Cyprianici* aevi Episcopos immutati Ecclesiastici status, & usurpatae auctoritatis infimulare, quin tamen Christiani tantae ambitioni ullo pacto obfisterent. Illud verò insaniae praeterea cujusdam est, si *Cyprianum*, qui contra schismaticos dimicabat, falsis, quae aequalium sui temporis Episcoporum ambitio invexisset, dogmatibus suam adversus schismaticorum impetus dignitatem tueri voluisse sinxeris. An non enim schismatici primaevae Ecclesiae statum (quem ubique locorum penitus jam tum obsolevisse quis credat?) ad reprimendos *Cypriani* conatus, eique majorem apud *Carthaginenses* conflandam invidiam objecissent? Neque hoc aut pervidit, aut timuit *Cyprianus*? Sed bene est; fatetur §.XIV. *Böhmerus Irenaeum*, atque adeo *Tertullianum* *Cypriano* antiquiores cum haereticis Apostolicarum Ecclesiarum auctoritate decertasse. Ac revera *Irenaeus* Lib.IV. adv. haer. c. 43. Quapropter, inquit, eis, qui in Ecclesia sunt, Presbyteris obaudire oportet, his qui successionem habent ab Apostolis, sicut ostendimus, qui

cum

cum Episcopatus successione (en quid Irenaeo Presbyteri fuerint , Episcopi erant) *charisma veritatis certum secundum placitum patris adceperunt . Reliquos autem , qui absistunt a principali successione , & quocumque loco colliguntur , suspectos habere , & quasi haereticos &c.* Libro autem tertio nominatim de Romana Ecclesia scripserat cap.3. *Maximae , & antiquissimae & omnibus cognitae a gloriosissimis duobus Apostolis Petro & Pàullo Romae fundatae & constitutae Ecclesiae eam , quam habet ab Apostolis , traditionem & adnunciatam hominibus fidem per successionem Episcoporum venientem usque ad nos , indicantes confundimus omnes eos , qui quoquomodo vel per sui placentiam malam , vel vanam gloriam ; vel per coecitatem & malam sententiam , praeferquam oportet , colligunt . Ad hanc enim Ecclesiam propter potentiores principalitatem necesse est omnem convenire Ecclesiam , hoc est eos , qui sunt undique fideles . Ad successionem quoque Episcoporum provocavit Tertullianus de praescript. haeretic. c. 32. ubi ait : edant ergo origines Ecclesiarum suarum , evolvant ordinem Episcoporum suorum , ita per successiones ab initio decurrentem , ut primus ille Episcopus aliquem ex Apostolis , vel Apostolicis viris , qui tamen cum Apostolis perseveraverit , habuerit auctorem & antecessorem . Hoc enim modo Ecclesiae Apostolicae censes suos deferunt : sicut Smyrnaeorum Ecclesia Polycarpum ab Johanne conlocatum refert : sicut Romanorum Clementem a Petro ordinatum itidem ; perinde utique & ceterae exhibent , quos ab*

Apostolis in Episcopatum constitutos Apostolici seminis traduces habeant. Ita scilicet factum est, inquit Böhmerus §. XVI. p. 473., ut in quaestionibus controversis ad auctoritatem Ecclesiarum Apostolicarum ubique provocaretur; qua tamen non tam coetuum ipsorum, sed confessus ordinis Ecclesiastici stabilita est auctoritas. Ego tamen neminem, qui praejudicatis opinionibus non ducatur, fore crediderim, qui nisi confessus ordinis Ecclesiastici stabilita jam esset auctoritas, Irenaeum, ac Tertullianum horum confessorum ab Apostolis successione cum haereticis pugnatos fuisse prudens existimet. Quid ad nos reposuissent haeretici, confessus isti tui, etsi ab Apostolis usque continua successione derivati? Ecclesias ipsas audire volumus, non ordinem Ecclesiasticum, cui nulla in Ecclesiis auctoritas inest. Ante igitur quam ordinis Ecclesiastici auctoritate haereticos refellerent, eam Irenaeus, eam Tertullianus certis confirmare argumentis debuissent: quod quum ipsi nequaquam praestiterint, quid restat, nisi ut illam jam tum omnes Catholicos aequae atque haereticos exploratam habuisse dicamus? Non ergo ex appellata in quaestionibus controversis auctoritate Ecclesiarum Apostolicarum confessus ordinis Ecclesiastici stabilita est auctoritas (quod Böhmerus ajebat); sed ex ordinis Ecclesiastici dudum stabilita auctoritate ad auctoritatem Ecclesiarum Apostolicarum in quaestionibus controversis factum est, ut ubique provocaretur. Sed ad antiquiora adscendamus tempora. S. Ignatii igitur Martyris genuinas consulamus Epistolas.
Hor-

Hortor, inquit in Epistola ad Magnesianos, *ut hoc sit vestrum studium, in Dei concordia omnia agere*, Episcopo praesidente Dei loco, & presbyteris loco senatus Apostolici. Et paullo post: *Quemadmodum Dominus sine Patre nihil fecit itaque neque vos sine Episcopo & presbyteris quidquam agite*. Ad Smyrnaeos autem ita scribit: *ubi Episcopus fuerit, ibi populus sit, quemadmodum ubi Christus Jesus, ibi Catholica Ecclesia*. Ad Ephesios autem, *Episcopum vero*, inquit, oportet tamquam Dominum revereri, *utpote qui, eodem teste, loco Dei praesidet*. Ad Trallianos quoque ait: *sine presbyteris Ecclesia electa non est, nulla congregatio Sanctorum, nulla collectio piorum*. Tantum vero aberat, ut Episcopos vellet a sacra jurisdictione abhorrere, ut ipsi Episcopo Polycarpo suaserit suam in omnibus tueri auctoritatem. *Nihil, ad eum scribit, sine sententia tua fiat, neque tu sine Deo quid operere, quod autem operaris, sit bene stabile*. Qui haec legerit, obstupescet profecto, dum Böhmerum postea audierit docentem (ibid. §. V. p. 453.) *Ecclesiam perfectam* existare posse, licet ordinis Ecclesiastici deficiat confessus; constituisse presbyteros, PARI potestate praeditos, unum quoddam inter se collegium, & synedrium, in quo primum locum senior occupare deberet (Diff. VIII. §. 12. p. 431.) praesidem tamen in confesso Ecclesiastico apud Christianos nullum fuisse (Diff. VIII. §. 8. p. 422.) senior quippe ille *ab initio omni praerogativa vacabat* (ibid. §. 12. p. 431.) Haecine Ecclesiae Apostolicae, atque adeo primaevae imago,

quam *Ignatii* epistolae praeseferunt? Si *sine* presbyteris Ecclesia electa non est, perfectane Ecclesia, licet ordinis Ecclesiastici deficeret confessus, consistere poterat? Si Episcopus praesidebat Dei loco, presbyteri loco Senatus Apostolorum; quei confessus ordinis Ecclesiastici solis presbyteris pari potestate praeditis constabat? Si nihil sine sententia Episcopi faciendum erat, eumque oportebat tamquam Dominum revereri, quomodo Episcopus, seu Böhmeri senior omni praerogativa vacabat? Quid vero illud: ubi Episcopus fuerit, ibi populus sit, quemadmodum ubi Christus Jesus, ibi Catholica Ecclesia? An non illud ipsum Cypriani est, qui cum Episcopo non est, in Ecclesia non est? quum enim Episcopus loco Dei praesideat, quemadmodum ubi Christus Jesus, ibi Catholica Ecclesia, ita ubi Episcopus est, catholica erit Ecclesia. Necesse ergo quoque est, ut Ignatius eum, qui cum Episcopo non est, in Ecclesia (quod Cyprianus dixit) non esse existimarit. Sanctus quoque Clemens Romanus Ignatio aequalis, sed paullo antiquior Böhmeri systema disjicit. Landat ille Corinthios (Ep. I.) quod Praepositis suis antea obedierint: Sine personarum, inquit, adceptione cuncta faciebatis, & in Dei legitimis ambulabatis subditi praepositis vestris, & honorem debitum presbyteris vestris tribuentes. Quid hoc subditi praepositis vestris, si nulla confesui ordinis Ecclesiastici in Ecclesiam jurisdictio erat? Haec porro Clemens a Paulo didicerat, nihil enim ab eo crebrius inculcatum videmus, quam regendae Ecclesiae auctoritatem ac potestatem

statem legitimis Pastoribus, ac Praefidibus concessam a Deo fuisse, illisque omnino parendum. Nonne convocatis majoribus natu Ecclesiae *Paullus* edixit (Act. XX. 28.): *adattendite vobis & universo gregi, in quo vos Spiritus Sanctus posuit Episcopos regere & regere Ecclesiam Dei?* Ecce *Paullus* non Ecclesiae conventionem aut pacto, sed a Spiritu Sancto Episcopos hos ad regimen Ecclesiae positos aperte dicit. Quare ipse *Paullus* (1. Tim. V. 17.) regimen presbyteris adjudicat: *Qui bene, inquit, praesunt presbyteri, duplici honore digni sunt.* Et ad *Hebraeos* monet (Hebr. XIII. 17.) in sua ad eos Epistola: *obedite praepositis vestris, & subiacete eis.* Haec pauca ad vindicandum ab impacta injuria *Cyprianum*, atque adeo qui ejus saeculo obtinebat, Ecclesiae statum sufficiant.

(52) *Episcopatus*, inquit doctissimus *Bel-larminus* L. II. de Rom. Pont. cap. 16., *unus est eo modo, quo Ecclesia una est. Ecclesia autem est una eo modo, quo multi arboris rami sunt una arbor, multi rivi una aqua, & multi radii una lux, ut ibidem Cyprianus dicit. Sicut ergo in ramis, in rivis & radiis unitas est ratione unius capitis, id est, radicis, fontis, solis, licet rami ipsi, rivi & radii multiplicentur; ita etiam Ecclesia est una & Episcopatus unus in radice & capite, quamvis multae sint particulares Ecclesiae, multique particulares Episcopatus.* M.

52

(53) *Individuum* legit *Paullus* II., qui ut vidimus, in Epistola ad Archiep. Colocensem a. 1460. hanc *Cypriani* sententiam descripsit:

53

R 4

quae

quae vox majorem quamdam ~~spiritum~~ praefert : Individuus porro Episcopatus est , ut qui suo semper sit capiti conjunctus . Episcopi , qui aut haeresi , aut schismate ab eo sese dissociant , Episcopalem non amittunt characterem ; Episcopatus tamen non amplius membra sunt , quemadmodum qui Christiani ab Ecclesia se disjungunt , Baptismi characterem adhuc servant , non tamen amplius Ecclesiae sunt membra . M.

54 (54) *Balutius* in hunc locum monet , *istis verbis* , sed *paullulum mutatis & mutilatis* tamquam suis usum fuisse in conventu *Mantuanano Pium II.* ut *videre est in Tomo IX.* spicileg. *Dacheriani p. 312. M.*

55 (55) Hanc pericopen , inquit idem *Balutius* , omisit *Pius II.* in conventu *Mantuanano* . Poterat tamen ea non inutiliter uti secundum eorum sententiam , qui Episcopum unum interpretantur de Episcopo Romano , qui ex illorum opinione est sponsus Ecclesiae Catholicae universalis , ut supra notavimus pagina 436. Vide *Bellarminum Lib. 2. de Rom. Pont. cap. 16.* *Bellarminum* tamen , quem appellat , non videtur *Balutius* contulisse . Nam haec eo loco *Bellarminus* . Itaque ex sententia *Cypriani* recte colligitur , non esse Papam Romanum solum Episcopum omnium Ecclesiarum ; sunt enim & alii veri Episcopi , qui partem suam regendam susceperunt Ecclesiae universalis . Non tamen recte colligitur , non esse Romanum Pontificem Caput & Pastorem Episcoporum omnium , & proinde etiam Ecclesiae universalis : quandoquidem pars , quae ipsi regenda commissa est , eum
10-

locum habet in Ecclesia, quem habet radix in arbore, caput in corpore, & fons in aquarum rivulis. M.

(56) Pars tenetur, sed non aequalis. Sic ex. gr. *Cypriani Carthaginensis* Primatis auctoritas auctoritate, qua Episcopi ejus primatui obnoxii pollebant, amplior erat. Recte *Bellarminus* L. II. de Rom. Pont. cap. 16. *Unius igitur magni Episcopatus ab Episcopis singulis in solidum pars tenetur, sed non aequalis, neque eodem modo. Nam Petrus & ejus successores tenent eam partem, quae est veluti caput & radix & fons: ceteri tenent alias partes, quae sunt velut rami & rivi. Quae similitudines ex ipso Cypriano depromptae sunt, quemadmodum paulo post videbimus. M.*

(57) Duobus haec phrasis modis explicari potest, utroque vero, nec invicem separabili. Primus est, a singulis Episcopis Episcopatus portionem ita teneri, ut integrum, stabile, & indivisum corpus efficiant, in suaque unitate, atque integritate constanter conservent. *Solidum* enim integrum significat: quare *Livius* dec. 1. Lib. I. *solidum annum* pro integro dixit. Alter sensus est, quum una Ecclesiae pars periclitatur, ceteros omnes Episcopos, eos quoque, quorum Ecclesiae laetissima pace fruuntur, illi subsidio venire debere. Quod idem *Cyprianus* Ep. LXVII. ad *Stephanum* Papam explicat his verbis: *Copiosum corpus est Sacerdotum concordiae mutuae glutino, atque unitatis vinculo copulatum, ut si quis in Collegio nostro haereseim facere, & gregem Christi lacerare & vastare*
ten-

56

57

tentaverit, subveniant ceteri, & quasi Pastores utiles & misericordes, omnes Dominicas in gregem colligant. M. Frustra igitur Febronius cum pseudo-Episcopo Fello triumphum agit in hac Cypriani vocula: *in solidum*: qua unum hoc significatur, a singulis Episcopis partem Ecclesiae, sive propriam Dioecesim teneri jure, ac jurisdictione, Dioeceses ceteras caritate, quae omnibus, quibus potest, & quibuslibet modis potest, sive precibus, sive epistolis, sive libellis, sive Conciliorum celebratione opitulatur. Hoc sensu scribit Augustinus ad Bonifacium Papam Lib. I. contra duas Epistolas Pelagianorum cap. I. *Quum... communis sit omnibus nobis, qui fungimur Episcopatu (quamvis ipse in eo praemineas celsiore fastigio speculae Pastoralis) facio quod possum pro mei particula muneri... ut pestilentibus & insidiantibus eorum scriptis medentia & munientia scripta praetendam.* Confer *Antifebronium vindicatum* T. I. Diff. III. cap. 3. pag. 451. seqq. ubi & haec confirmantur, & aliae a doctis viris ad haec verba adhibitae interpretationes referuntur, & illustrantur.

59

(58) Quum unitas in sectis a Romana Ecclesia sejunctis inveniri nequeat, earum defensores testimonia, quae illius necessitatem probent, infirmare, ac pervertere semper conati sunt. Henricus Dodwellus, qui tresdecim in varia Cypriani loca dissertationes scripsit, Oxonii primum a. 1682. editas, a. deinde 1700. recusas, Diff. VII. contendit, Cyprianum, dum de Ecclesiae unitate loquitur, non de ea, quam
Catho.

Catholicae Ecclesiae dicimus; sed de singularium Ecclesiarum agere unitate. *Non agi*, inquit, *de illius Ecclesiae unitate, quam Catholicam hodie dicimus, quae nimirum omnes ambitu suo per terrarum orbem Ecclesias particulares complectitur, sed de ipsis dumtaxat Ecclesiis particularibus.* Itane vero? De particulari Ecclesia Cyprianus loquitur, aut dum illam adferit, *in multitudinem latius incremento fecunditatis extendi?* aut dum ait: *sic & Ecclesia Domini luce perfusa per orbem totum radios suos porrigit?* Quenam porro particularis Ecclesia est, ubi Episcopatus sit, *cujus a singulis in solidum pars teneatur?* Nec mirer Dodwellum, eruditum fane virum, cui quum ista scriberet, ante oculos Cypriani opera versabantur, ut schismatis, quo miser tenebatur, infamiam tegetet, interpretationem cum S. Martyris textum tam manifeste pugnantem proponere potuisse? M. Quoniam vero Fellus quoque Oxoniensis Cypriani editor pag. 76. Not. I. & pag. 77. not. item 1. & alibi Dodwellum sequitur, ac loqui Cyprianum de singulis Ecclesiis Romana, Carthaginensis & aliis quibusvis sub uno praefule constitutis, Massiliensis Episcopi dicta aliis ejusdem Cypriani verbis confirmemus. Agit ille, quemadmodum & Christus Dominus, de Ecclesia, *quam portae inferi non vincent.* Numquid ejusmodi esse potest vel Alexandrina, vel Antiochena, vel Carthaginensis, aliaeve singulares Ecclesiae? Universalem igitur solam intelligere Cyprianus, immo & Christus potuit. Universalem quoque Ecclesiam illa significant: eidem (Petro)

post

post Resurrectionem suam dicit : *Pasce oves meas. Super unum* (Petrum) *aedificat Ecclesiam suam*; neque enim cogitare heic possumus super *Petrum* aedificatam Ecclesiam *Carthaginensem*, aliasque particulares, nisi prout hae simul consideratae universalem Ecclesiam conficiunt. Sed & ipsum generale, & infinitum nomen *Ecclesiam suam*, non plurali numero, ac distribute enunciaturum *Ecclesias suas*, nonne manifesto est argumento, heic non de hac, illave particulari Ecclesia agi, sed de universali? Vide clariss. P. Bianchi in Opere dell' *Posterior polizia della Chiesa T. III. Lib. I. cap. 3. §. 13. pag. 316. seqq.* Haec ipsa Ecclesiae universae unitas, quam *Cyprianus* extollit, me monet, ut paucis *Mosheimium* refellam, qui in Libro antea indicato de rebus *Christianorum ante Constantinum* pag. 152. ait: *omnes primae aetatis Ecclesiae, tametsi fidei & amoris vinculo arte inter se colligatae, & ad omnia sibi officia mutuo praestanda paratissimae erant, sui tamen juris erant, seque ipsae sine alieno auxilio & externa quadam auctoritate gubernabant.* Duo satis sint ad hunc redarguendum errotem. Primum est, *Timotheum* non *Epheinae* solum Ecclesiae, sed & universae *Asiae* fuisse a *Paullo* praepositum; itemque *Titum Cretae* renunciatum ab eodem *Paullo* veluti *Metropolitam*; quod ex *Paulli* ad eosdem epistolis a S. *Iohanne Chrysostomo* expositis efficit idem P. Bianchi l. c. cap. 11. §. 4. Alterum est, tribus prioribus Ecclesiae saeculis procul dubio celebrata Provinciarum Concilia fuisse, quod unius Ecclesiae in alias auctorita-

tem

tem satis ostendit. Negat id quidem *Mosheimius*, sed non mirum de homine, qui *Hierosolymitanam* Synodum super legalium caeremoniarum observatione ab Apostolis habitam Concilium dici non posse contendit. Satis tamen sit, in hanc rem Canonum Apostolicorum meminisse, quos in pluribus eorum temporum Conciliis a viris Apostolicis editos secundo saltem, tertioque saeculo passim in Ecclesia obtinuisse ex *Clemente Alexandrino*, *Origene*, *Tertulliano* aliisque ejusdem aetatis Scriptoribus *Reveregius* ipse licet A catholicus adferit. Sed horum Canonum mentio novum eorum, quae dixi, argumentum suppeditat. Celeberrimus scilicet est hos inter Canon hujusmodi XXXIV. *Episcopos uniuscujusque gentis nosse eum oportet, qui est in eis Primus, & existimare eum ut caput, & nihil facere, quod sit magni momenti praeter illius sententiam: illa autem sola facere unumquemque, quae ad suam Parochiam (Dioecesim nunc dicimus) pertinent, & pagos, qui ei subsunt: sed nec ille absque omnium sententia aliquid agat. Sic enim erit concordia &c.* Ita Canon. In eum porro audi quid *Anglicanae Ecclesiae Docteur Laurentius Howel* in *Synopsi Canonum Londini a. 1718. vulgata* adnotarit p. 6. *Insignis est hic Canon ad evincendam Archiepiscoporum, & Patriarcharum antiquitatem, & primitivaram Ecclesiarum in Provincias distributionem.*

(59) Ista, aliaque hujus Libri verba *Hildebertus Cenomanensis* in sermonem de pace veluti sua, nulla injecta *Cypriani* mentione,

ne, transtulit. Vide novam ejus editionem. p. 710. M.

60

(60) Nihil ad unitatem, ejusque originem explicandam his similitudinibus aptius. Hinc etiam facile intelligimus, quid idem *Cyprianus* cum in hoc Libro, tum Ep. LV. ad *Cornelium* significare illis phrasibus voluerit: *Ecclesiam principalem, unde unitas Sacerdotalis exorta est: ut unitatem manifestaret, unitatis ejusdem originem ab uno incipientem sua auctoritate disposuit &c.* Unitas semper sua in origine invenitur. Inde oritur, ibi residet, ibidem propterea quaerenda est. Haeretici & schismatici, quod illam ibi minime quaerant, misserrime errant. *Hoc eo fit, inquit S. Doctor hujus libri num. 7. Fratres dilectissimi, dum ad unitatis originem non reditur, nec caput quaeritur, nec magistri coelestis doctrina servatur. Caput, quod haeretici, & schismatici nequaquam quaerunt, visibile caput est, nam quod oculis nostris haud patet, se quaerere profitentur, quamquam ad Antichristum sub vocabulo Christi, ut idem Cyprianus ait num. 6., deducant, M.*

61

(61) Ex hujusmodi comparatione, quae & unitatem Ecclesiae, & membrorum, quibus constat, multitudinem, & suae unitatis incipite originem explicat, discimus, quid de ea *Lomberti* adnotatione sentiendum sit, *verba illa: Primatus Petro datur, expungenda esse, quod quum de unitate agitur, primatus locus non est, neque hic ex illa nisi inepte comprobatur.* Si vera haec esset animadversio, *Cyprianus*

prianus unitatis originem in principe Ecclesia injuria collocasset : *Ecclesiam principalem* , unde *unitas Sacerdotalis exorta est* , nec facile dictu foret , quamobrem arboris , in qua truncus praecipua ejus pars , quodammodo vinculum est atque origo unitatis , comparatio ad Ecclesiam pertineret . M.

(62) Insistens hisce similitudinibus *Cyprianus* tria de schismaticis docet . Primum est , eos , dum se ab Ecclesia segregant , ejus unitatem haudquaquam dissolvere . Post eorum separationem stat illa , membrorum cum capituli unionem , non minus firma , quemadmodum radius a luce avulsus ejus unitatem non infringeret , ceteris radiis , qui soli conjuncti perstarent , idem ut antea lucis corpus efficientibus . Alterum est , nullum in schismate meritum comparari posse ; qui enim ab Ecclesia segregatur , a Christo , quocum qui non colligit , spargit , etiam disjungitur . *In schismatis aatem vulnere* , inquit *S. Augustinus* Lib. I. de Bapt. contr. Donat. cap. ix. n. 11. *quia cum Christo non colligunt , spargunt* . Tertium denique est , schmaticos quaecumque in unitate congegnerant , merita , sua ab Ecclesia divisione , amittere uti rivus a fonte praecisus arescit . M. Huc spectat illud *Optati* Lib. II. p. 33. „ Intelligite vel „ sero , vos esse filios impios , vos esse ramos „ fractos ab arbore , vos esse abscissos palmitibus a vite , vos esse rivum concisum a fonte . Non enim potest esse origo rivus , quia „ parvulus est , & non de se nascitur , aut „ arbor ramus concisus , quum arbor fundata „ suis

„ suis radicibus gaudeat , & ramus , si fuerit
 „ exsectus , arescat . Jam ne vides , Frater
 „ *Parmeniane* , jam ne sentis , jam ne intel-
 „ ligis , argumentis tuis contra te militasse ?
 „ Quum probatum est , nos esse in Ecclesia
 „ Catholica , apud quos & symbolum Trinita-
 „ tis est : & PER CATHEDRAM PETRI ,
 „ quae nostra est , & ceteras dotes APUD NOS
 „ ESSE , ETIAM SACERDOTIVM , quod in
 „ nobis annullare visus es in excusatione er-
 „ roris , & livoris vestri , dum post nos re-
 „ baptizatis , .

63 (63) Catholica scilicet , quae una dici
 potest *per orbem radios suos porrigere , ramos
 suos in universam terram extendere , profluen-
 tes largiter rivos latius expandere* . Difficile
 admodum intellectu est , quei *Dodwellus* , de
 quo antea loquuti sumus , Ecclesias particula-
 res , non universalem Ecclesiam heic videre si-
 bi visus fuerit . M.

64 (64) *S. Augustinus* hunc *Cypriani* locum
 citat *op. cviii* . ad *Macrobiū Domatistarum* Epi-
 scopum , *Lib. II. contra Cresconium Grammati-
 cum* illorum schismate detentum , itemque *Lib.*
II. contra Gaudentium ejusdem sectae Episco-
 pum *cap. 11* . Quae Sanctus Doctor ad hunc scri-
 bit , ceteris schismaticis , qui de *Cypriani* imita-
 tione gloriantur , adcommodari possunt . „ Nunc
 „ interim quoniam vos potius esse Catholicos
 „ testimonio Beati *Cypriani* adfirmare conatus
 „ es : adtende paullulum , quam Ecclesiam di-
 „ xerit ille Catholicam , quum ejus defende-
 „ ret unitatem : *Ecclesia* , inquit , *Domini luce*
 „ „ *per-*

„ *perfusa per totum orbem radios suos porri-*
 „ *git : unum tamen lumen est , quod ubique*
 „ *diffunditur , nec unitas corporis separatur .*
 „ *Ramos suos in universam terram copia uber-*
 „ *tatis extendit , profluentes largiter rivos la-*
 „ *tius expandit : unum tamen caput est , &*
 „ *origo una & una mater foecunditatis succes-*
 „ *sibus copiosa . Quid igitur & vos ipsos fal-*
 „ *litis , & alios fallere mendaciis impudenti-*
 „ *bus vultis ? Si hujus Martyris testimonio ve-*
 „ *stra est Ecclesia Catholica , ostendite illam*
 „ *per universam terram ramos suos copia uber-*
 „ *tatis extendere . Hinc enim & Graeco voca-*
 „ *bulo Catholica nominatur . . . Recede a te-*
 „ *stimonio Cypriani . Ille namque contra te*
 „ *loquitur : qui vides quod dicat . Per orbem*
 „ *totum dicit , & per universam terram por-*
 „ *rigi , extendique Catholicam , graeco ejus*
 „ *nomine definitioni consentiens . Tu aliud te-*
 „ *nere , sentire , dicere reperiris , & dum*
 „ *Cypriano teste inniteris , Cypriano teste men-*
 „ *tiris , . Caveus Anglus suam Scriptorum*
 „ *Ecclesiasticorum historiam litterariam Anglica-*
 „ *nae Ecclesiae nuncupans in ea se renovatam in-*
 „ *tueri aevi Cyprianici simplicitatem adfirmat .*
 „ *Deus bone ! eone praepudicatae opiniones ab-*
 „ *ducere possunt ? Quenam inter Ecclesiam , cu-*
 „ *jus unitatem & simplicitatem Cyprianus propu-*
 „ *gnabat , eamque , cujus schisma Anglus adsen-*
 „ *tator purgare studet , esse potest similitudo ?*
 „ *Illa unum caput habet Petri successorem , unam*
 „ *suae unitatis originem in Ecclesia principali Ro-*
 „ *mae constituta , unam matrem foecunditatis Ro-*

S

manam

manam Ecclesiam : lumen illa suum ubique diffundit ; ramos suos in universam terram extendit &c. Altera ab Ecclesiarum capite , ab unitatis origine , a matre , quae illam pepererat , missis ad Idololatrias earum regionum incolae Evangelii praeconibus , separatur ; suaeque nationis limitibus circumscribitur , immo ne hos quidem plane occupat , quum intra illos magno numero verae existent Ecclesiae filii , itemque omnium novarum haeresum defensores. M.

65

(65) Recitat hunc *Cypriani* locum *S. Fulgentius* Lib. I. de remiss. peccator. Cap. I. *Balutius* vero in eum longam pertexit adnotationem , ut eos , qui *Romanum* Pontificem *Ecclesiae sponsum* appellarunt , refellat . Obijcit igitur illis non *Cypriani* solum testimonium , sed etiam plurium *Romanorum* Pontificum , qui vel Ecclesiae unum esse sponsum , Christum scilicet testantur , ut *Leo Magnus* , *Leo IX.* , *Alexander III.* , *Honorius III.* vel suam ipsorum matrem Ecclesiam vocant , ut *Paschalis II.* in Concilio *Lateranensi* & *Clemens V.* in *Viennensi* Concilio , vel demum se amicos *Sponsi* nominant , ut *Innocentius III.* Addit *Alypius* & *S. Augustinus* in Epistola ad *Julianam* viduam inter Augustinianas CLXXXVIII. diserte vocantes Christum *universae Ecclesiae unicum sponsum* . Hinc in *Alexandrum a Turre* , qui *Lib. IV. cap. 14.* duos dixit esse sponso Ecclesiae , haud adspectabilem alterum , idest Christum , alterum visibilem , nempe Papam acriter invehitur . Quo nihil , inquit , potest fingi ineptius . Quid enim fingi potest ineptius , quam dicere mulierem duobus viris matri-

*trimonio esse junctam, uni vero, & alteri imaginario? Miratur, existisse Pontifices, ut Gregorium X., & Gregorium IV. qui se Ecclesiae sponfos nominare ausi sint, ac Theologos, qui illis id nominis tribuerint, ut Johannem Monachi Cardinalem, Johannem Andreae, Aegidium Cardinalem Viterbiensem, & Bellarminum (Lib. II. cap. 31.) Tum ait: Non bene profecto merentur de Romano Pontifice, qui vanas illas & futiles opiniones comminiscuntur. Contentus est ille sua suprema dignitate, qua nulla excelsior, excellentior, eminentior, atque sublimior est in orbe terrarum, cui nulla potestas aequari potest; ut ait Pius Papa II. ad Carolum VII. Francorum Regem scribens. Sed aliqua in hanc Balutii adnotationem, quam compendio exhibui-
bus, animadvertere liceat. 1. Balutius Papae quidquid Auctores, quos confutandos sumit, illi adjudicant, reapse concedit, immo multo plus quam quod ei tribuere fortasse voluisset. Sint exemplo ea verba: cui nulla potestas aequari potest; quae sane si in Bellarmino, aliove ex iis auctoribus, quos redarguit, invenisset, exaggerata visa ipsi fuissent. 2. nullus revera est sententiarum, quas ille pugnantes habet, conflictus, ac fateri cogitur, eas omnes in particularium Ecclesiarum Episcopis optime cohaerere. Quilibet enim Episcopus est amicus sponsi, cujus est minister; filius idem suae Ecclesiae est, si apud eam baptismate renatus sit; sponsus tamen ejus est spectata Episcopi dignitate, licet Christus quoque illius sponsus sit. Igitur quaelibet singularis Ecclesia geminum,*

habet sponsum, alterum, qui sub aspectum non cadit, adspectabilem alterum, qui tamen nonnisi unum sponsum efficiunt, quemadmodum Ecclesiae caput adspectabile, & caput, quod oculorum effugit obtutum, unum caput sunt, Christus scilicet Pontificis, qui illum repraesentat, opera agens ipsemet, Ecclesiamque administrans. 3. Sponsi cum Episcopo comparatio nonnisi ad rectionis auctoritatem, & sollicitudinem pertinet. Quare quum *Balutius* ait: *quid enim fingi potest ineptius &c.*, ineptit ipse, comparisonem in alienam omnino, falsamque sententiam detorquens. Facile id intelliges, si quod *Balutius* de summo Pontifice cum universali Ecclesia collato animadvertit, particulari Episcopo cum sua Ecclesia comparato adcommodaris. 4. tandem sponsi nomen nihilo majorem confert auctoritatem, quam capitis nomen; ut *Balutius* se plus nimio percelli illo, ac perturbari siverit. M.

66 (66) Quod tribuendum solemnī illi Christi promisso Matth. XVI. 18. & portae inferi non praevalēbunt adversus eam. M.

67 (67) Ecclesiam scilicet dissolvit, seu ejus unitatem quoad ipsius est, infringit, merita, quae nonnisi in Ecclesiae gremio colligere datur, extra Ecclesiam quaerens. M.

68 (68) Unus scilicet, atque idem Deus. Sociniani, & Antitrinitarii Socino Duce T. I. pag. 239. hanc *Johannis* sententiam in sacrum textum ab interpolatore nescio quo illatam fuisse contendunt. Verum illos *Cyprianus*, qui medio tertio saeculo sexaginta, & amplius ante

te *Arrianæ* hæreseos ortum annis floruit, mendacii arguit. *Tertullianus* quoque, quem *Cyprianus* veluti magistrum spectabat, in hunc ipsum locum intendebat in *Lib. adv. Prax. Cap. XXV.* quum de tribus, Patre nempe, Filio, & Spiritu Sancto diceret: *qui tres unam sunt, non unus.* Ut *Cyprianici* testimonii vim hæretici declinarent, allegoricam nescio quam interpretationem a *Cypriano* indicatam fuisse finxerunt. Sed *S. Fulgentius* in Libro, quo objectionibus *Arrianorum* satisfacit (ad object. VII.) *Cyprianum* vere *Johannis* verba reddidisse testatur. In Patre ergo, inquit ille, & Filio, & Spiritu Sancto unitatem substantiæ adipiscimus, personas confundere non audemus. Beatus *Johannes Apostolus* testatur dicens: *Tres sunt qui testimonium perhibent in coelo, Pater, Verbum, & Spiritus, & tres unum sunt.* Quod etiam beatissimus *Martyr Cyprianus* in *Epistola de unitate Ecclesiæ* testatur, dicens &c. M.

(69) *Balutius* & *D. Marand* legunt: quis *Christum* indueret. *Manutium* nos sequuti sumus. Utraque lectio Mss. Codicum auctoritate nititur; utraque eundem sensum habet, sed illa figurata est, hæc simplicior. M. 69

(70) Dominus enim, quum eam suæ Ecclesiæ, cujus unitas diffringi nequit, symbolum esse vellet, illam scindi passus non est. M. 70

(71) Ex *Paullo* sumptum, cujus illud est *Gal. III. 27. Christum induistis.* Id autem est, sanctificantem gratiam habere; haberi autem ista non potest, quum quis Ecclesiam dividit, seu ab ea se schismate separat. M. 71

72 (72) Ne credas *Cyprianum* pugnantia loqui. Aliquid conflictus primo adspectu sese offerre videtur, quum *Cyprianus* ait, unitatem scindi non posse, & tamen in eos invehitur, qui *audent scindere unitatem* Dei. Verum nullo ista negotio conciliantur. Nempe extrema haec verba indicant, *perfidus* homines id conari, ut eam scindant, immo quod ad ipsos spectat, illam abrumpunt, dum se ab ea sejungunt. Non tamen scindunt; nam post eorum segregationem unitas in Ecclesia perstat, quemadmodum in luce perstaret, si radius ab ea avelleretur. M.

73 (73) Omnes Episcopi sunt Pastores; verum cum Christo nonnisi unum mysticum corpus, unumque Pastorem efficiunt. Gregis nomen singulis Ecclesiis tribuitur, sed illae non sunt, nisi magni gregis, cui Christus caput est, portio M.

74 (74) Ob unum scilicet privilegium ejus domui concessum, ut quicumque extra illam inveniretur, morte adficeretur. M.

75 (75) Intellige, non posse Christum e sua ejici Ecclesia, ut inter haereticas, aut schismaticas sectas commoretur. M.

76 (76) Scilicet, ut ait S. Hieronymus *Brev. in Psalter.*, in Ecclesia, in qua fideliter consistentibus Spiritum caritatis infundit, qui unus moris sunt, & non mutantur. M.

77 (77) Fuit tunc columba veluti corpus Spiritus Sancti, nempe corpus, quo se adspectabilem reddidit. Hac autem ratione figura Ecclesiae fuit, quam Spiritus Sanctus animat

ac

ac regit, quemadmodum Spiritus corpus. M.

(73) Non unus *Cyprianus* est, qui columbae adfectiones sermone sit persequutus. Eas Sanctus quoque *Augustinus* Serm. LXIV. de verb. Evang. Matth. Cap. III. n. 4. ita describit. „ Jam vero, quid opus est commenda-
 „ dare multis verbis simplicitatem columbarum?
 „ Cavenda enim erant venena serpentis; ibi
 „ imitatio periclitabatur, ibi erat quod time-
 „ retur. Columbam vero securus imitare.
 „ Adtende columbas in societate gaudere:
 „ ubique simul volant, simul pascuntur, no-
 „ lunt esse solae, communione gaudent, cari-
 „ tatem servant; gemitibus amoris murmu-
 „ rant, osculis filios generant. Nam quando
 „ columbae, quod plerumque advertimus, in-
 „ ter se rixantur de cellulis suis, quodam-
 „ modo pacata contentio est. Numquid quia
 „ rixantur, separantur? Simul volant, simul
 „ pascuntur, ipsa inter se pacata est rixa. Vi-
 „ dete rixam columbarum. Apostolus dicit:
 „ *siquis verbo nostro non obaudit, per episto-*
 „ *lam hunc notate, & nolite commisceri cum*
 „ *eo.* Ecce rixa, sed adtende quoniam colum-
 „ barum rixa est, non luporum. Continuo sub-
 „ jicit: *& non ut inimicum existimetis, sed*
 „ *corripite ut fratrem.* Columba amat, &
 „ quando rixatur; lupus odit & quando blan-
 „ ditur. „ *Rufinus* Comm. in Psal. LXVII. hanc
 columbae adfectionem memorat. *Sancta*, in-
 quit, *Ecclesia merito dicitur columba, quia*
fel amaritudinis non habet, & quia virtute
simplicitatis pollet. M.

- 79 (79) *Spiritus*, inquit *Tertullianus*, *figura columbae delapsus in hominem*, ut *natura Spiritus Sancti declararetur per animal simplicitatis & innocentiae*, quod etiam corpora-
liter ipso felle careat. M.
- 80 (80) *Simplices autem*, inquit S. *Augustinus* in Lib. quaest. in Evang. secund. Matth. sicut columbas esse voluit, ad nulli nocendum. Nam hoc genus avis nullum omnino animalium necat, non solum grandium, contra quae vires non habet, sed etiam minutissimorum, quibus etiam parvi passeret aluntur. M.
- 81 (81) Audiatur heic quoque S. *Augustinus* in ep. Joh. Cap. II. Tract. III. n. 7. Omnes certe, qui exeunt de Ecclesia, & ab unitate praeciduntur, *Antichristi*: nemo dubitet, ipse enim designavit; ex vobis exierunt, sed non erant ex nobis: nam si fuissent ex nobis, permansissent utique nobiscum. Quicumque ergo non manent nobiscum, sed exeunt ex nobis, manifestum est, quod *Antichristi* sunt. Et quomodo probantur *Antichristi*? Ex mendacio. M.
- 82 (82) „ Hinc ergo, inquit idem *Augustinus* l. c. n. 5. videat caritas vestra, quia „ multi, qui non sunt ex nobis, adciipiunt „ nobiscum Sacramenta, adciipiunt quod norunt „ Fideles se adcipere, Benedictionem, Eucha- „ ristiam, & quidquid in Sacramentis sanctis „ est. Ipsius altaris communicationem adciipiunt „ nobiscum, & non sunt ex nobis. Tentatio „ probat, quia non sunt ex nobis. Quando „ illis tentatio venerit, velut occasione venti „ volant foras, quia grana non erant.: Omnes
au-

„ autem tunc volabunt, quod saepe dicendum
 „ est, quum arca dominica coeperit ventilari
 „ in die iudicii, . Addit deinde n. 9. „ Cor-
 „ rige quod tu fecisti, ut salvetur quod in te
 „ Deus fecit. Si autem non vis, si amas &
 „ amplecteris peccata tua; contrarius es Chri-
 „ sto. Intus sis, foris sis, palea es. Sed
 „ quare foris non es? Quia occasionem ven-
 „ ti non invenisti, . M.

(83) Si iusti fuissent, ab Ecclesiae gre- 83
 mio non discessissent; dum enim quis iustus est,
 Ecclesiam non deserit. M.

(84) Id fecerant in *Africa Felicissimus*, 84
Romae Novatianus. *Felicissimus* cum *Donato*
 seditioso Presbytero, qui suum illum Diaconum
 consecrari curaverat, a suo se Episcopo disun-
 xit, atque in quodam monte (fortassis emi-
 nentior erat urbis locus) suos conventus ha-
 bebat. *S. Cyprianus*, qui persecutionis caus-
 sa tunc delitescibat, Ep. XXXIX. *Caldonium*
 & *Herculanum* Episcopos, & Presbyteros *Ro-*
gatianum, ac *Numidicum*, quibus Ecclesiae
 suae administrationem se absente commendave-
 rat, a *Felicissimi* ejusque adsecularum com-
 munionem abstinere iussit. Paruerunt hi, ac *Cy-*
prianum certiores his verbis fecerunt: „ *Cal-*
 „ *denius* cum *Herculano* & *Victore* collegis,
 „ item *Rogatiano* cum *Numidico* Presbyteris.
 „ Abstinuimus a communicatione *Felicissimum*
 „ & *Augendum*, item *Repostum* de extorribus,
 „ & *Irenem Rutilorum*, & *Paullam* sarcina-
 „ tricem, quod ex adnotatione mea scire de-
 „ buisti: item abstinuimus *Sophronium* & ipsum de

„ de extorribus , *Soliaffum Budinarium* „ .
Novatianus se *Romarum* Episcopum ordinari
 curaverat , & cum *Cornelio* legitime electo de
 Apostolica Sede dimicabat . De eo *S. Cyprianus*
 Ep. LII. ad *Antonianum* ita loquitur . „ Quod
 „ vero ad *Novatiani* personam pertinet , Fra-
 „ ter carissime , de quo desiderasti tibi scribi ,
 „ quam haeresim introduxisset , scias nos pri-
 „ mo in loco nec curiosos esse debere , quid
 „ ille doceat , quum foris doceat . Quisquis
 „ ille est , & qualiscumque est , Christianus
 „ non est , qui in Christi Ecclesia non est . Ja-
 „ etet se licet , & philosophiam vel eloquen-
 „ tiam suam superbis vocibus praedicet , qui
 „ nec fraternam caritatem , nec Ecclesiasticam
 „ unitatem tenuit , etiam quod prius fuerat ,
 „ amisit . Nisi si Episcopus tibi videtur , qui
 „ Episcopo in Ecclesia a sedecim Coepiscopis
 „ facto adulter , atque extraneus Episcopus
 „ fieri a desertoribus per ambitum nititur , &
 „ quum sit a Christo una Ecclesia per totum
 „ mundum in multa membra divisa , item Epi-
 „ scopatus unus Episcoporum multorum concor-
 „ di numerositate diffusus , ille post Dei tradi-
 „ tionem , post connexam & ubique⁺ conjun-
 „ ctam Ecclesiae Catholicae unitatem , huma-
 „ nam conatur Ecclesiam facere , & per mul-
 „ tas civitates novos Apostolos suos & quae-
 „ dam recentia institutionis suae fundamenta
 „ constituat &c. „ M.

85

(85) Schismatici sine crimine baptizare
 nequeunt ; baptisma tamen , quod administrant ,
 si praescriptum a Christo ritum observent , va-
 lidum est . M. Cum

(86) Cum qui baptizat, tum qui baptizantur, peccant ut qui ad polluendum Sacramentum mutuam sibi operam praebeant. *Quamvis*, inquit S. Augustinus Lib. III. de Bapt. c. 13. n. 18. *apud haereticos, vel schismaticos idem sit Baptismus Christi, non tamen ibi operatur remissionem peccatorum, propter eandem discordiae foeditatem, & dissensionis iniquitatem. Tunc incipit valere idem Baptismus ad dimittenda peccata, quum ad Ecclesiae pacem venerint.... Sed ut idem ipse, qui propter discordiam foris operabatur mortem, propter pacem intus operetur salutem.*

(87) De adultis id vere dictum, quum Sacramenta extra Ecclesiam adipientes se scelere obstringant. Secus de infantibus est, etsi enim baptismo ab haereticis initientur, gratiam adoptionis filiorum Dei percipiunt. Sed nimirum etsi haec omnia *Cypriani* dicta Catholico sensu explicari possunt, satis tamen constat, eum jam tunc errorem de nullo, quod ab haereticis schismaticisve administraretur, baptismate insinuasse voluisse: quem postea errorem *Stephanus* Papa suo illo decreto represent: *nihil innovetur, nisi quod traditum est.* M.

(88) Hac Christi sententia *Novatiani* abutebantur, ut licet exiguo se esse numero non diffiterentur, secum tamen Christum esse suaderent. Eandem *Ubiquistae* ad alium de Corporea Christi ubique locorum praesentia comprobandum errorem traduxerunt. Sed frustra. Non enim de corporea praesentia heic agitur, sed de gratia, ac spiritalibus auxiliis, quae Deus col-

collectis *in nomine suo* impertitur; atque ut de corporea praesentia ageretur, quemadmodum ipsi ajunt, vel ex hac sententia Christum ubique non esse consequeretur. In ea enim Christus cum eis, qui collecti sunt *in nomine suo*, esse dicitur, cujusmodi certe ex.gr. idololatrae non sunt, qui in nomine suorum Deorum conventus celebrant. M.

89 (89) Ecclesia haereticos ab unitate excommunicationis gladio sejungit; sed hi semetipfos antea separant, dum particulares conventus agunt, fideique dogmata ejurant. M.

90 (90) Non iis, qui eam detestantur, & corrigunt poenitendo; sed illis, qui in ea ad mortem usque obfirmate perseverant. *De conversione autem*, inquit S. Augustinus lib. 18. de Bapt. contr. Donat. Cap. XIV. n. 21. *nullius desperandum, siue foris, siue intus constituti, quamdiu patientia Dei ad poenitentiam eum adducit, & visitat in virga facinora eorum, & in flagellis peccata eorum. Hoc enim modo misericordiam suam non dispergit ab eis, si & ipsi aliquando misereantur animae suae placentes Deo. Sicut enim bonus, qui perseveraverit usque in finem, hic salvus erit, sic malus siue foris siue intus, qui perseveraverit usque in finem, salvus non erit &c.*

91 (91) Donatus Presbyter Donatista, qui ne Catholicam Ecclesiam adiret, sibi met mortem inferre voluerat, hac se tuebatur sententia. S. Augustinus, in cujus ille Dioecesi morabatur, epistolam ad eum perscripsit, in qua ita hunc Pauli locum explicat: „ Adtende diligenter,

„ ligenter , & agnosce quemadmodum dicat
 „ Scriptura , quod tradat quisquis suum corpus ,
 „ ut ardeat . Non utique ut ipse se in ignem
 „ mittat , quando persequentem patitur inimi-
 „ cum , sed quando ei proponitur , ut aut ma-
 „ li aliquid faciat , aut mali aliquid patiatur ,
 „ eligat non facere mala , quam non pati ma-
 „ la , atque ita corpus suum tradat in pote-
 „ statem interfectoris , sicut tres illi viri fece-
 „ runt , qui auream statuam cogeantur ado-
 „ rare , & nisi facerent , minabatur eis ille ,
 „ qui cogeat , caminum ignis ardentem . Ido-
 „ lum adorare noluerunt , non ipsi se in ignem
 „ miserunt : & tamen etiam de illis sic scri-
 „ ptum est , quod tradiderunt corpora sua , ut
 „ neque servirent , neque adorarent ullum
 „ Deum , sed Deum suum . Ecce quomodo di-
 „ cit Apostolus : *si tradidero corpus meum , ut*
 „ *ardeam* , . . . Paullo post addit n. 6. „ Foris
 „ autem ab Ecclesia constitutus , & segrega-
 „ tus a compage unitatis , & vinculo carita-
 „ tis aeterno supplicio punieris , etiamsi pro
 „ Christi nomine vivus incenderis . Hoc est
 „ enim , quod ait Apostolus : & *si tradidero*
 „ *corpus meum &c.* „ M.

(92) Virtutes igitur , quas in haereticis
 aliquando admiramur , & in sectarum capitibus
 videre nobis videtur , non prohibebunt ,
 quin a Regno Coelorum excludantur . „ Con-
 „ stituamus ergo , inquit S. *Augustinus Lib.*
 „ *IV. de Bapt. contr. Donatist. c. 18. n. 25.* ali-
 „ quem castum , continentem , non avarum ,
 „ non idolis servientem , hospitalem , indi-
 „ gen-

„gentibus ministrantem, non cuiusquam ini-
 „micum, non contentiosum, patientem, quie-
 „tum, nullum aemulantem, nulli inviden-
 „tem, sobrium, frugalem, sed haereticum:
 „nulli utique dubium est, propter hoc solum
 „quod haereticus est, Regnum Dei non pos-
 „sessorum,,. M.

93

(93) Duo in Libro *de patientia* quaerit
 S. *Augustinus*. Primum, num schismatici pa-
 tientia pro Christo laudibus digna sit; alterum
 an donum Dei haberi debeat. Primam illam
 quaestionem sic dirimit *cap. 26. n. 3.* „Siquis
 „autem non habens caritatem, quae pertinet
 „ad unitatem spiritus & vinculum pacis, quo
 „Catholica Ecclesia congregata connectitur,
 „in aliquo schismate constitutus, ne Christum
 „neget, patitur tribulationes, angustias, fa-
 „mem, nuditatem, persecutionem, pericu-
 „la, carceres, vincula, tormenta, gladium,
 „vel flammam, vel bestias, vel ipsam crucem
 „timore gehennarum, & ignis aeterni: nul-
 „lo modo ista culpanda sunt, immo vero &
 „haec laudanda patientia est. Non enim di-
 „cere poterimus, melius ei fuisse, ut Chri-
 „stum negando nihil eorum pateretur, quae
 „passus est confitendo: sed existimandum est,
 „fortasse tolerabilius ei futurum iudicium,
 „quam si Christum negando cuncta illa vita-
 „ret: ut illud quod ait Apostolus: *Si tradi-
 „dero corpus meum, ut ardeam, caritatem
 „autem non habeam, nihil mihi prodest; ni-
 „hil prodesse intelligatur ad Regnum Coelo-
 „rum obtinendum, non ad extremi iudicii
 „diem*

„ diem tolerabilius subeundum „ . Alteram
 „ deinde quaestionem his verbis adgreditur *cap.*
27. n. 24. „ Sed merito quaeri potest , utrum
 „ & ista patientia donum Dei sit , an viribus
 „ tribuenda sit voluntatis humanae , qua qui-
 „ sque ab Ecclesia separatus , non pro errore ,
 „ qui eum separavit , sed pro veritate Sacra-
 „ menti , seu Verbi , quae apud eum remansit ,
 „ timore poenarum aeternarum , poenas pati-
 „ tur temporales . Cavendum est enim , ne for-
 „ te , si Dei donum istam patientiam dixerim-
 „ us , hi , quibus inest , etiam ad Regnum Dei
 „ pertinere credantur : si autem illam donum
 „ Dei esse negaverimus , cogamur fateri , si-
 „ ne adjutorio & munere Dei in voluntate
 „ hominis esse posse aliquid boni . Neque enim
 „ hoc non est bonum , ut credat homo aeter-
 „ no supplicio se esse puniendum , si negave-
 „ rit Christum , & pro ista fide quaecumque
 „ supplicium perferat , & contemnat humanum .
 „ Proinde (*en propositae quaestionis enodatio*)
 „ sicut negandum non est , hoc esse donum Dei ,
 „ ita intelligendum est , alia esse dona filiorum
 „ illius Jerusalem , quae sursum libera est mater
 „ nostra (haec sunt enim quodammodo here-
 „ ditaria , in quibus sumus heredes Dei , co-
 „ heredes autem Christi) : alia vero , quae pos-
 „ sunt adipisci etiam filii concubinarum , qui-
 „ bus *Judaei* carnales & schismatici , vel hae-
 „ retici comparantur „ .

Non heic *Cypriano Augustinus* adversatur ,
 sed utriusque sententia dogma est Ecclesiae :

1. Quod schismatici subeunt , supplicium nihil,
 illis

illis ad coeleste Regnum comparandum prodest : *Nihil prodesse intelligatur ad Regnum Coelorum*. Poena perfidiae est illis supplicium, quod sine perfidia esset fidei corona. Supplicium autem non illud est, quod macula sceleris imbuat. Quare etsi schismatici extra unitatis gremium illud patiuntur, patiendo tamen non peccant. 2. *haec laudanda patientia est*; negandum enim non est, satius esse mori, quam turpiter Christum abnegare. Verum haec patientia in coelo non coronabitur. *Nihil prodesse intelligatur ad Regnum Coelorum obtinendam*. 3. haec tamen patientia non illis prorsus inutilis est. *Sed existimandum est, fortasse tolerabilius ei futurum iudicium, quam si Christum negando, cuncta illa vitaret*. Certe si Christum negasset, novo se crimine obstrinxisset, quod Christum confitens non admisit. Immo rem laudabilem gessit, quamquam quod extra unitatem gessit, non eam, quae in coelis est, mercedem habeat. 4. *negandum non, est hoc esse Dei donum*. Gratiis ergo extra Ecclesiam locus est, licet non iis, quae per se filios & heredes Dei reddant. *Alia vero, quae possunt adcipere etiam filii concubinarum, quibus Iudaei carnales & schismatici vel haeretici comparantur*. 5. magnum intercedit discrimen inter supplicia, quibus schismatici, & haeretici interdum pro Christo adficiuntur, eaque, quae ne schisma, suaeve errores abjiciant, nonnumquam perferunt. *Pro errore, qui eum separavit*. Eorum in schismate, aut haeresi obfirmatio novum peccatum est severiore iudicio puniendum. *Sunt ergo, inquit*

quit idem *Augustinus Serm.* 286. in *Nat. Mart.* Protas. & Gerv. n. 1. postquam Martyris nomen *testem* significare docuerat, *sunt ergo Martyres veri, sunt falsi. Sed ait Scriptura, testis falsus non erit impunitus. Si testis falsus non erit sine poena, nec testis verus sine corona.* Item *Serm.* 281. in *Nat. Mart.* Caf. & Aemil. *quid ergo, inquit, iactas poenam tuam malam, qui non habes caussum bonam?* Horum igitur falsorum Martyrum poena reos illos facit: *poenam tuam malam*; publica enim est schismatis professio, atque atrox scandalum. M.

(94) Hunc S. Cypriani locum appellat S. *Augustinus* Ep. CVIII. ad *Macrobium*, ubi *Donatistis*, qui Cypriani auctoritate ad suum ipsorum de iterando Baptismate vindicandum errorem passim abutebantur, respondet. Primo ergo Concilium *Carthaginense* aliaque Cypriani nomine vulgata scripta in *rodmus* suspicionem vocat: *si vere ipsius sunt, & non sicut aliqui putant, sub ejus nomine conscripta, atque conficta.* Ex his ipsis deinde scriptis ostendit, quantum in servanda unitate Cyprianus adlaborarit. Tandem addit: *Huc adcedit, quoniam fructuosum sarmentum, si aliquid habebat adhuc purgandum, gloriosa Martyrii falce purgatum est. Non quia pro Christi nomine occisus est, sed quia pro Christi nomine in gremio unitatis occisus est. Nam ipse scripsit & fidentissime adserit, eos, qui extra unitatem, etiamsi pro illo nomine moriantur, occidi posse, non posse coronari. Tantum valet sive ad delenda, sive ad confirmanda peccata vel custodita, vel violata*

T

cari-

caritas unitatis. M. Plura Patrum testimonia idem, quod *Cyprianus*, agentium, occidi posse schismaticos, haereticosque, coronari non posse, congerit Eminentissimus *Perronius Repliq. a la Resp. du Roi de la grand Bretagne Lib. I. Cap. IV.* ubi necessitatem cum Catholica Ecclesia communicandi ostendit.

95

(95) „ Prophetare, inquit in hunc locum, cum *Matthaei S. Hieronymus*, & virtutes facere, & daemonia ejicere, interdum non ejus meriti est, qui operatur: sed vel invocatione nominis Christi hoc agit, vel ad condemnationem eorum, qui invocant, & utilitatem eorum, qui vident & audiunt, conceditur; ut licet homines despiciant signa facientes, tamen Deum honorent, ad cujus invocationem fiunt tanta miracula. Nam & *Saul*, & *Balaam*, & *Caiphas* prophetarunt, nescientes quid dicerent: & *Pharao* & *Nabuchodonosor* somniis futura cognoscunt. Et in *Actibus Apostolorum* filii *Scervae* videbantur ejicere daemonia. Sed & *Judas Apostolus* cum animo proditoris multa signa inter ceteros Apostolos fecisse narratur. M.

96

(96) *Non dixit: qui operati estis iniquitatem, ne videretur tollere poenitentiam, sed qui operamini, hoc est, qui usque in praesentem horam, quum judicii tempus advenerit, licet non habeatis facultatem peccandi, tamen adhuc habetis adfectum.* Ita ibidem *Hieronymus*. M.

97

(97) Ita legitur in omnibus veteribus excusis libris, ac plerisque Mss. Codicibus. *Dilectissimi* habent tres Codices, quos *Morellius*, & *Pamelius* sequuti sunt. M. Vul-

(93) Vulgata : *captivas ducunt mulierculas*. Utrumque haeretici faciunt. Suum in dominatum mulieres redigunt, dum veluti mancipiis imperare illis possint; tum illas praedantur, earum bonis in sectae suae commoda translatis. Id a S. *Hieronymo* scite animadversum video in Epist. ad *Ctesiph.* omnes haereticos ad suos disseminandos errores feminarum opera usos fuisse.

„ *Simon Magus* haeresim condidit *Helenae* metreticis auxilio. *Nicolaus Antiochenus* omnium immunditiarum repertor choros duxit feminas .. *Marcion Romam* praemisit mulierem, quae decipiendos sibi animos praepararet. *Apelles Philumenem* suarum comitem habuit doctinarum. *Montanus* immundi spiritus praedicator multas Ecclesias per *Priscam & Maximillam* nobiles & opulentas feminas primum auro corrumpit; deinde haeresi polluit. Dimittam vetera, ad viciniora transcendam. *Arrius* ut orbem deciperet, sororem Principis ante decepit. *Donatus* per *Africam*, ut infelices quosque factentibus pollueret aquis, *Lucillae* opibus adjutus est: in *Hispania Agape Elpidium*, mulier virum, coecum coeca duxit in foveam, successoremque sui *Priscillianum* habuit *Zoroastri* Magi studiosissimum, & ex *Mago* Episcopum, cui juncta *Galla* non gente sed nomine Germanam huc illuc currentem alterius & vicinae haereseos reliquit heredem „ . M.

(99) Solent mulieres in haeresim lapsae prae se quamdam probitatem ferre; verum peccatis oneratae sunt, in quae indolis alacritate, odio, tuendaeque sectae suae studio facile pertrahuntur.

tur. *Mirum negotium*, inquit ignotus auctor epistolae *de bono pudicitiae* inter *Cypriani* opera, *mulieres ad omnia delicatae*, ad *vitiorum sarcinas fortiores sunt viris*. M.

100 (100) *Propterea vero*, inquit idem *Hieronymus* in Ep. ad Tit. cap. 3. *a se ipso dicitur esse damnatus, quia fornicator, adulter, homicida & cetera vitia per Sacerdotes de Ecclesia propelluntur. Haeretici autem in semetipsos sententiam ferunt suo arbitrio de Ecclesia recedentes: quae recessio propriae conscientiae videtur esse damnatio*. M.

101 (101) *Novatianum* intellige, valide quidem, sed illicite Presbyterum atque Episcopum initiatum. Offerebat scilicet ille Christi Sacrificium; verum quod illud in schismate offerret, offerens polluebat; idque *Cypriano* est in *Sacrificium Christi esse rebellem*. M.

102 (102) Haeretici precum formulas suorum errorum veneno infectas plerumque usurpant. Id de *Novatiano* vix mihi persuadeo. *Precem alteram* explicat, quod antecedit *aliud altare, precem* scilicet a Catholicae Ecclesiae *prece* disjunctam; hincque eam *illicitis vocibus* fieri *Cyprianus* ait. M.

103 (103) Vera erant ordinis potestate spectata; falsa tamen dici a *Cypriano* poterant tum iis qui illa offerebant, tum iis qui aderant. Putabant nimirum hi, legitima ea esse, ac sibi salutaria; quod tamen falsum erat, quum extra unitatis gremium, atque a schismaticis offerrentur. Falsum porro vocari potest, siquid longe aliud ab eo sit, quod esse videat-

videatur . *Prius* , inquit S. Augustinus *solil. Lib. II. Cap. VI. n. 10. quid sit falsum , etiam atque etiam ventilemus . Miror si quidquam aliud erit , quam quod non ita est , ut videatur . M.*

(104) Eodem S. *Judas* exemplo adversus sui temporis haereticos utitur : *Vae illis , quia in via Cain abjērunt , & in errore Balaam mercede effusi sunt , & in contradiciōne Core perierunt . M.* 104

(105) Plures ejusmodi in *Novatiani* factione censebantur . Ad eos *Cyprianus* Epistolam XLIV. scripsit , ut illos ad unitatem reduceret . *Quod quaeſo , inquit , ut in vobis saltem illicitum istud fraternitatis nostrae dissidium non perseveret , sed & confessionis vestrae , & divinae Traditionis memores ad matrem revertamini , unde prodiistis , unde ad confessionis gloriam cum ejusdem matris exultatione venistis .* Hi revera schisma ejurarunt , ac litteras ad *Cyprianum* dedere , qui statim illis gratulatus est . Confer S. *Cypriani* Epistolas XLVI. XLVII. XLVIII. & XLIX. *Pamelianae* editionis . M. 105

(106) Hinc *Donatistae* universitatem generis humani a fide penitus defecisse colligebant . Eorum argumentum a Protestantibus , ceterisque , qui post ipsos primorum pastorum corpus , damnati , quem primum in symbolo profiteamur , articuli , ac praecipuarum Christianae fidei veritatum proditarum anſi sunt adcuſare , iteratum vidimus . Habeant ergo hi illud ipsum responſum , quod S. *Augustinus* ep. vulgo *de unit.* 106

unit. Eccles. Donatistis dedit. Quod nos intelligimus dictum & propter ipsam fidei perfectionem, quae ita difficilis est in hominibus, ut in ipsis quoque admirabilibus Sanctis, ut in ipso Moysse, inveniatur aliquid, ubi trepidaverint, vel trepidare potuerint: vel propter illam iniquorum abundantiam & paucitatem bonorum, de qua satis diximus. Similiter in Dial. adv. Luciferian. Hieronymus tradit: Quod si de illa, quae in Evangelio scripta est, sibi sententia blandiuntur: Putas ne, quum venerit Filius hominis, inveniet fidem super terram? sciant illam fidem nominari, de qua ipse Dominus agebat: Fides tua te salvam fecit: Et alibi de Centurione: Non inveni tantam fidem in Israel. Et rursus ad Apostolos: Quid timidi estis modicae fidei? Haec est fides, quam raro inveniri Deus pronuntiavit; haec est fides, quae etiam apud eos, qui bene credunt, difficile perfecta invenitur. M.

107

(107) Fides nempe, de qua Christus in nuper explanatis Lucae verbis loquebatur. Universe quidem a Cypriano dictum: in opere fides nulla est; sed qua ratione a Propheta dictum fuerat Psal. XIII. 2. Non est qui faciat bonum, non est usque ad unum. Hoc scilicet enunciationis genus solummodo indicat tam exiguo bonos numero esse, ut cum innumerabili peccatorum multitudine comparati vix censeremereantur. Profecto Cyprianus quum viveret, in ipsa, cui Episcopus praeerat, Carthaginiensi Ecclesia Christianos viderat longe ferventissimos, ac perfecta fide adeo instructos, ut eam pro-

ADNOTATIONES. 295

proprio ipso sanguine confirmarint pro Christi nomine interempti. Quid aptius ad nostrae interpretationis veritatem perspicue demonstrandum? M.

(108) Perfecta, quam explicuimus, fide. M. 108

(109) *Cyprianus Carthaginienses* suos adloquebatur; eorum fidem noverat; sciebat illorum plures nomen Christi in carceribus ac suppliciis constantissime confessos fuisse; eis tamen exprobrabat, *quia non crederent omnino*. Quid hoc? Modus quidam dicendi *στυγνισκος* est; ut suae fidei, quae aeterna illis tormenta ob oculos poneret, quin tamen timore percellerentur, imbecillitatem intelligerent. M. 109

F I N I S.

I N D E X

Rerum notatu digniorum.

- A
- A**LLIACENSIS Card. sententia expensa [150.](#)
ANTIOCHENI, & *Nicaeni* Canones frustra a *Febronio* adlegati. V. *Nicaeni Canones*.
APOSTOLI cur *Sal* appellati? [189.](#) quo sensu *fundamenta Ecclesiae* [213.](#) cum *Petro* comparati [243.](#)
APOSTOLOS singulos nunc falli nescios, nunc errori obnoxios *Febronius* exhibet [24.](#) Apostolorum contentio, de qua *S. Lucas* XXII. [211.](#)
APOSTOLICARVM Ecclesiarum auctoritas in subortis controversiis cur a Patribus appellata? [253.](#) seq.
APPELLATIONVM jus a *Febronio Romano* Pontifici denegatur [80.](#) contra *Gallicanorum* Praefulum scita [81.](#) ex *Richerismi* principiis [82.](#) & *Nicaenis* Canonibus perperam intellectis ibi seqq. V. *S. Bernardus*.
ASCHAFFENBURGENSIA pacta [39.](#)
S. AVGVSTINI de clavibus *Petro* datis sententia explicata [221.](#) alia de schismaticorum [patientia.](#) [237.](#)

B

- B**ALVTIVS confutatus [275.](#)
S. BASILII M. de *Occidentalibus* dictum expenditur [7.](#)
BELLARMINVS defenditur [213.](#)
S. BERNARDVS; quam *Sancto Abbati* injurius *Febronius*, qui suum illi systema tribuere veritus non sit [110.](#) Num *Episcopos immediate* a Deo suam habere auctoritatem censuerit? [111.](#) jus appell-

pellationum R. Pont. diferte tribuit [116.](#) uti & *jus*
dispensationum [117.](#) Magnum inter *S. Bernardum*
& *Febronium* discrimen [118.](#)

BOHMERS confutatus [257.](#)

BOSSVETIVS num inconsultus fuerit *Sarpis* cenfor.
[107.](#)

C

CLAVES *Petro* datae [216.](#) seqq. potestatis insignia. [219.](#)

CHRISTI Dei aeternitas ex *Paullo* comprobata [190.](#)
cur Christus tentatus a diabolo fuerit? [191.](#)

COEUMBAE adfectiones [279.](#)

CONCILIA generalia, eorum convocandorum jus
R.P. contra *Febronium* adferitur [86.](#) item jus illis
praesidendi [90.](#) de actis in Synodo cur Imperatores
ad R.P. litteras darent? [148.](#) Formulae quaedam
conciliares undenam originem duxerint? [149. seqq.](#)

CONSTITUTIONVM Pontificiarum quodnam examen
Gallicani Praefules etiam post celebrem declarationem a. [1682.](#) sibi vindicent [96.](#) num *diffentiendi* facultas ad hoc examen necessaria? [98.](#)
V. *Episcopi.*

S. CYPRIANI locus expensus [126.](#) Liber *de unitate*
quando compositus [187.](#) quo titulo praenotatus
ibi. Locus ex eo libro emendatus [194. alii](#) S. Martyri
adferri [232. 237. 246. 248. 258.](#) alii explicati
[240. 243. 265.](#) *Cyprianus* cum *Augustina* de schismaticorum patientia collatus [287.](#)

D

DECLARATIO Cleri *Gallicani* a. 1682., in
illis quae ad eam pertinent, narrandis mala
Febronii fides [29.](#) seqq.

DIO.

DIOSCORVS cur a *Chalcedonenſi* Concilio damnatus? [252.](#)

DISCIPLINAE veteris inſtaurandae *Febronianum* ſtudio quo tandem duceret [40.](#) ſeqq.

DISPENSATIONVM jus in R. P. a S. *Bernardo* agnitum. [117.](#)

DODWELLVS confutatus. [267.](#) [272.](#)

E

ECCESIAE fundamentum [197.](#) ſeq. [202.](#) ſeqq. [209.](#) ſeq. facta a Chriſto promiſſio [214.](#) Eccleſiae primaevae ſtatus a *Böhmero* deformatus [257.](#) & a *Mofhemio* [268.](#) Eccleſiae Catholicae ſeu univerſalis unitas a *Cypriano* commendata [267.](#) [272.](#) Ea a fide deficere nequit [293.](#) ſeq.

EPISCOPATVS exordium in *Petro* [25.](#) [241.](#) quomodo ſit unus [263.](#) quid ſit, *ejus partem teneri a ſingulis* Episcopis in ſolidum [265.](#)

EPISCOPI quei *judices fidei* ſint, licet ſine diſſentiendi facultatē Conſtitutiones Pontificias examinent [99.](#) ſeqq. Qui Pontificem falli neſcium habent, merine ſint Pontificiarum Conſtitutionum exequutores? [101.](#) ſeqq. ſuperiores Presbyteris jure divino [254.](#) eorum in Eccleſias ſuas auctoritas [261.](#) ſeq.

EVGENIVS IV., *Febronii* de eo mendacia [33.](#) ſeqq.

EXCOMMVNICATIO, abſurda *Febronii* de excommunicatione ſententia [156.](#)

F

FELLVS S. *Cypriani* editor confutatus [234.](#) [267.](#)

FEBRONIVS, cur diverſas ſuſtineat perſonas [3.](#) jam con-

confutata fidenter iterat [5.](#) In sanctissimos R. E. Pontifices irreverens [11.](#) & in S. *Franciscum Sale-*
sum [51.](#)

FEBRONII levitas [2.](#) seqq. inconstantia [7.](#) seqq. mala fides [27.](#) seqq. impudentia [48.](#) singularis temeritas, qua S. *Bernardo* suum systema adfingit [110.](#) seqq. absurdum illius de excommunicatione decretum [156.](#) Inducitur *Febronius* libellum supplicem super veteris disciplinae restitutione Regibus offerens, ut quo antiquae instaurandae disciplinae studium ab eo ostentatum ducat, omnes intelligant [42.](#) seqq. nonnisi contritas calumnias iterat, ut novum ejus opus refellere necesse non sit [120.](#) Tertius illius tomus cum *Antifebronio* collatus [122.](#) seqq.

G

GALLICANI Cleri declaratio. V. *Declaratio.* *Gallicani* Praefules quomodo *Richerii* systema explicuerint [68.](#) seqq. quamnam celebri S. *Irenaei* loco interpretationem adhibuerint [77.](#) seqq.

GERMANIAE concordata num ad Generalis Concilii in *Romanos* Pontifices auctoritatem tuendam *Germanos* obligent? [39.](#)

GOVLARDVS (*Simon*) confutatus [237.](#) seqq.

H

HILARII fragmenta, quid de illis docti viri sentiant [138.](#) *anathemata* in *Liberium* quem auctorem, & sensum habeant [138.](#) seqq.

HISTRIAE, & *Aquilejae* Episcopi ob tria capitula vere schismatici [140.](#) seqq.

IM.

I

IMPERATORES qua de caussa ad R.P. de actis in generali Synodo perscriberent? [148.](#)

INNOCENTII I. locus de Episcopatus in *Petro* iniitiis perperam a *Febronio* explicatus [25.](#) alius mala fide corruptus [32.](#)

INNOCENTII III. loca in contrarium omnino sensum a *Febronio* distorta [144.](#)

INNOCENTII XII. adloquutio [30.](#)

IOHANNIS locus XX. explicatus [236.](#) alius XXI. inconstanter a *Febronio* ad *Petri* Primatum confirmandum adhibitus [21.](#) *Schuberti* ad eum locum animadversio contrita, ibid. [223.](#) *Febronianus* in eum commentarius explosus [123.](#) alius de tribus in coelo testantibus [276.](#)

S. IRENAEI celeberrimus de Ecclesiae *Romanae* dignitate locus falsa interpretatione a *Febronio* corruptus [75.](#) seqq.

L

S. LEONIS M. sententia de Episcopatus in *Petro* iniitiis perperam a *Febronio* explicata [25.](#)

LIBERII sententia perperam a *Febronio* recitata [11.](#)

LIBERIVS, quid de Hilarii in eum anathematibus sentiendum sit [137.](#) seqq.

LOMBERTI explosa animadversio [270.](#)

M

MARTYRES falsi [284.](#) seqq.

MATTHAEI XVI. locus perperam *Walchio* a *Febronio*

bronio objectus [17.](#) pessime a *Schuberto* explicatus [197.](#) seqq.

MORS , cui peccator obnoxius est , duplex [192.](#)
 MOSHEMII inepta *Cyprianicae* sententiae explicatio
[255.](#) seq. de Ecclesiis Apostolici aevi nulla externa
 auctoritate colligatis sententia refellitur [268.](#)

N

NICAENI Canones frustra a *Febronio* adversus
 Pontificium appellationum jus adlegati [82.](#) seqq.

O

OCcidentALES qui sint *S. Basilio* M. [7.](#)
 S. OPTATI locus expensus [128.](#)

OSWI Regis egregia sententia [57.](#)

P

S. P ACIANI locus expensus [127.](#)
 PASTORIS officium num jurisdictionis munus ? [226.](#)
 PATIENTIA Schismaticorum , quid de ea sentien-
 dum ? [286.](#)

PAVLLI locus a *Febronio* perperam objectus [124.](#)
 alius [156.](#) S. PAVLLVS *Petri* primatum agnovit
[129.](#) *Paulli* locus adversus *Arrianos* [190.](#)

PECCATOR duplici mortis generi obnoxius [192.](#)

PETRA apud *Matthaeum* XVI. quid ? [199.](#)

PETRI Primatus ex Matth. XVI. a *Febronio* incon-
 stanter collectus [17.](#) item [ex Joh. XXI. 21.](#) *Petra*
Petrus est , & fundamentum Ecclesiae [205.](#) seq.
 ejus confessio quo sensu a quibusdam Patribus di-
 cta

Etia *Petra*, supra quam aedificanda erat Ecclesia [207](#). hujus confessionis praemium *ibi* universae Ecclesiae praepositus [229](#). Ejus primatus a *Paulo* agnitus [129](#). OSWI Regis in *S. Petrum* reverentia [57](#).

PONTIFEX *Romanus*. V. *Romanus Pontifex*.

PRIMATVS V. *Petrus*, *Romanus Pontifex*, *Unitas*.

PROTESTANTIVM laudes a *Febronio* jactatae [48](#).
de *Febronii* libro quid revera sentiant [49](#).

PRVDENTIA carnis, & spiritus. [189](#).

R

RICHELIVS Cardinalis, *Febronii* in eum calumnia [74](#).

RICHERII systema, *Febronii* in eo explicando multiplex inconstantia [13](#). seqq. fraudulenta hallucinatio [65](#). Verum *Richerii* systema *ibi* seqq.

ROMANVS Pontifex, ut in eum Principum invidiam excitet, *Febronii* calliditas [27](#). Fines ejus Primatui a *Febronio* constituti expenduntur [62](#). seqq. V. *Appellationum jus*, *Concilia*, *Constitutiones*. Habet ex *Bernardo plenitudinem potestatis* [114](#). licet non cum dominatu conjunctam [113](#). caput est Ecclesiae, neque id nominis a Catholico Scriptore reprehendi potest [137](#). numquam ut Schismaticus habitus est [136](#). seqq. a canonicis nonnisi quae ex Primatu necessario consequuntur, illi tributa [143](#). seqq. Omniumne schismaticum, ut *Febronius* calumniatur, *Romani Pontifices* auctores fuerint? [141](#). suprema eorumdem potestas a *Tridentinis* Patribus agnita [153](#).
caput

caput Ecclesiae recte dicitur 196. & ejus *sponsus* 275. excommunicari non potest 251.

S

SALESIVS (*S. Franciscus*) a *Febronii* censura vindicatus 51. ejus epistola 53.

SARPIVS (*Paullus*), mira *Febronii* in eo defendendo inconstantia 12. inconsulta defensio 106.

SCHISMA quid sit 250.

SCHISMATICI , miserrima eorum conditio 271. 282. seqq. quid de eorum patientia statuendum sit ? 286.

SCHVBERTVS heterodoxus cum *Febronio* collatus 19. seqq. refellitur 199. seqq. 223. seqq.

SIMPLICITAS quid sit 133.

SORBONICAE Facultatis in Apostolicam Sedem reverentia 59.

T

TRIDENTINVM Concilium , impudens *Febronii* in illud licentia 91. quid de hoc Concilio *Gallicana* Ecclesia senserit 94. formularum quarundam a *Tridentinis* Patribus usurpatarum vera sententia 152.

V

VBIQVISTAE reprehensi 283.

VIGILIVS , num habitus ut schismaticus fuerit ? 139.

VNIGENITVS Constitutio , num ab Episcopis Pon-

Pontificem erroris expertem adserentibus sine
examine recepta? 103.

VNITAS Ecclesiae non solum *significanda*, sed
etiam *constituenda*, & *servanda* finis fuit, ob
quem Christus *Petro* Primatum contulit 126. seqq.
231. 237. 270.



DEBEMVS.

Dignitatem propriae venerationis Apostolo PE-
TRO intemeratam ET IN NOSTRIS TEMPORI-
BVS conservare, quatenus Beatissimus Romanae Civi-
tatis Episcopus, CUI PRINCIPATVM SACERDO-
TIISUPER OMNES ANTIQVITAS CONTVLIT,
locum habeat, ac facultatem de Fide, & Sacerdotibus
judicare.

VALENTINIANVS IMP.

in Epist. ad Theodos.

EXPLICIT.

005678103



